

ԿԱՐԵՆ ԽԱՉԱՏՐՅԱՆ

ՀԱՅ-ՌՈՒՍԱԿԱՆ ՀԱՐԱԲԵՐՈՒԹՅՈՒՆՆԵՐԸ  
1920-1922 ԹՎԱԿԱՆՆԵՐԻՆ

ԵՐԵՎԱՆ 2007





Նվիրվում է Հայաստանի  
Արդյունաբերողների և գործարարների  
(գործատուների) միության՝ ՀԱԳ(Գ)Մ  
տասնամյակին



Հովանավոր՝ «ԱՊԱՎԵՆ» ՍՊԸ

ՀՏԴ 941 (479.25)

ԳՄԴ 63.3 (2Հ)

Խ 282

Աշխատությունը հրատարակվում է ՀՀ ԳԱԱ Պատմության  
ինստիտուտի գիտական խորհրդի որոշմամբ

*Խմբագիր՝ ՀՀ ԳԱԱ ակադեմիկոս Հ.Ա. Ավետիսյան*

*Գրախոս՝ պատմագիտության դոկտոր Ա.Ս. Վիրաբյան*

Խաչատրյան Կ.Հ.

*Խ 282*

Հայ-ռուսական հարաբերությունները 1920-1922 թթ., - Եր.: ՀՀ ԳԱԱ  
Պատմ. ինստ., 2007. - 260 էջ:

Մենագրության մեջ արխիվային քաղմաբնույթ փաստաթղթերի և վավերագրերի, մամուլի հրապարակումների, թեմային առնչվող պատմագիտական գրականության լայն հենքի վրա ուսումնասիրվել և նորովի լուսաբանված են Հայաստանի խորհրդայնացման, Խորհրդային Հայաստանի և Ռուսաստանի ռազմաքաղաքական, միջպետական և սոցիալ-տնտեսական հարաբերությունների պատմության հիմնախնդիրները: Դրանք ներկայացվում են տարածաշրջանի, Հայաստանի և Ռուսաստանի 1920-1922 թթ. պատմության ընդհանուր հենքի վրա:

Գիրքը նախատեսված է պատմաբանների, միջազգայնագետների, քաղաքագետների և ընթերցող լայն հասարակայնության համար:

ISBN 978-99941-73-06-8

ԳՄԴ 63.3 (2Հ)

ՀՀ ԳԱԱ Պատմ. ինստ., 2007

## ԱՌԱՋԱԲԱՆ

Հայաստանի Հանրապետության անկախության հռչակումով 1991 թ., Խորհրդային Միության փլուզումից հետո սկսվեց հայոց պետականության նոր փուլը, միջազգային նոր պայմաններում հայ ժողովուրդը ձեռնամուխ դարձավ Հայաստանի Երրորդ Հանրապետության պատմության կերտմանը: Ազգային անկախության պայմաններում նոր հնարավորություններ բացվեցին նաև հայ պատմագիտության առջև, ժողովրդավարության և բազմակարծության պայմաններում պատմաբանները հնարավորություն ստացան կատարելու օրյեկտիվ և անաչառ ուսումնասիրություններ, միակ չափանիշը համարելով պատմականությունը և պատմական ճշմարտությունը: Խիստ արդիական և հրատապ խնդիր դարձավ հատկապես Հայաստանի Առաջին և Երկրորդ՝ խորհրդային, հանրապետությունների պատմության վերաիմաստավորումը և ուսումնասիրումը: Եթե Հայաստանի Առաջին Հանրապետության պատմության ուսումնասիրությունն անկախության առաջին տարիներին անմիջապես հայտնվեց պատմաբանների համակ ուշադրության կենտրոնում, ինչը միանգամայն հասկանալի է, ապա Հայաստանի խորհրդային հանրապետության պատմության ուսումնասիրումը կարծես հետին պլան մղվեց: Սակայն դա ժամանակավոր երևույթ էր, և շուտով պարզվեց, որ Խորհրդային Հայաստանի պատմության բազմաթիվ հիմնահարցեր նույնպես կարող են անկողմնակալ և քննախույզ ուսումնասիրության, նորովի մեկնաբանությունների: Ազգային պետականության զարգացման արդի շրջանում հայ ժողովրդի շահերը պահանջում են, որպեսզի Հայոց պատմությունն ուսումնասիրվի ոչ քնայս կամ այն գաղափարախոսության՝ այլ միայն հայ ժողովրդի և հայկական պետության ազգային ու ռազմավարական շահերի տեսանկյունից: Ուստի սույն աշխատությունում փորձել ենք Հայաստանի 1920-1922 թվականների բարդ և հակասական ժամանակաշրջանի պատմությունը, մասնավորապես, Խորհրդային Ռուսաստանի հետ նրա հարաբերությունները ներկայացնել ճշմարիտ և անկողմնակալ:

Խորհրդային Հայաստանը (ինչպես նաև խորհրդային մյուս հանրապետությունները) քեև Խորհրդային Ռուսաստանի «ձմունդ էր» և, ինչպես իրավացիորեն նշում է բոլշևիկյան հայտնի գործիչ Գրիգորի (Սեբո) Օրջոնիկիձեն. «Եթե չլիներ Խորհրդային Ռուսաստանը՝ չէր լինի Խորհրդային Ադրբեջանը, Խորհրդային Վրաստանը, Խորհրդա-

յին Հայաստանը»<sup>1</sup>, այնուհանդերձ՝ Հայաստանի խորհրդային հանրապետության տեղն ու դերը Հայոց պետականության պատմության մեջ քերականահատել չի կարելի, այն հանդիսացավ Առաջին հանրապետության իրավահաջորդը, կոմունիստական կուսակցության ամենատիրության պայմաններում Հայաստանին ընձեռնված հնարավորությունների չափով 70 տարիների ընթացքում պահպանեց և զարգացրեց հայոց պետականությունը, այդ ժամանակաշրջանում ստեղծվեցին արտադրողական վիթխարի ուժեր, աննախադեպ զարգացում ապրեց երկրի տնտեսությունը, մյուս բնագավառները: ԽՍՀՄ կազմում հայ ժողովուրդը պաշտպանված էր արտաքին վտանգներից, ունեցավ ստեղծագործելու և զարգանալու ապահով պայմաններ: Սխալված չենք լինի, եթե նշենք, որ չլինել Խորհրդային Հայաստանը՝ չէր լինի Հայաստանի Երրորդ Հանրապետությունը:

Հետագոտության ժամանակագրական շրջանակը պատահական չէ ընտրված. Խորհրդային Հայաստանը 1920-1922 թթ. թե ներքին և թե արտաքին քաղաքականության հիմնահարցերում թեև հիմնականում առաջնորդվում էր ՌԿ(բ)Կ Կենտկոմի որոշումներով և հրահանգներով, այնուհանդերձ՝ Հայաստանի խորհրդայնացումից հետո մինչև Անդրֆեդերացիայի և ԽՍՀՄ-ի կազմավորումը Խորհրդային Հայաստանն ուներ ինքնիշխան կարգավիճակ, պետականությունն արտահայտող բոլոր խորհրդանիշները, միջպետական պայմանագրային հարաբերություններ էր հաստատել ինչպես խորհրդային հանրապետությունների, այնպես էլ արտասահմանյան մի քանի պետությունների հետ, միջազգային իրավական ճանաչում ստացել նրանց կողմից, Խորհրդային Հայաստանի դիվանագիտական ներկայացուցչությունները գործում էին մի շարք երկրներում: Վերջապես, Խորհրդային Հայաստանն էր, որ Հայոց պետականության պատմության մեջ առաջինն ունեցավ իր Սահմանադրությունը (Հիմնական օրենքը):

Աշխատության համար աղբյուրագիտական հիմք են ծառայել ինչպես նորահայտ, այնպես էլ նոր մեկնաբանություններ պահանջող արխիվային բազմաթիվ վավերագրերը ու փաստաթղթերը, սկզբնաղբյուրների և վիճակագրական բազմաբնույթ նյութերի տպագիր ժողովածուները, ժամանակի կուսակցական և պետական գործիչների հուշագրությունները և աշխատությունները, քեմային առնչվող պատմագիտական հարուստ գրականությունը: Աշխատությունում առաջադրված հիմնախնդիրներն ուսումնասիրվել են նշված պատմագիտական նյու-

<sup>1</sup> Օրջոնիկիձե Գ. Կ., Ընաիր հոլովածներ և ճատեր, էջ 111:

քերի համադրման և ընդհանրացումների, պատմաբնական վերլուծությունների միջոցով:

Օգտագործված նյութերը պայմանականորեն կարելի է բաժանել մի քանի խմբերի:

Առաջին խմբում են արխիվային սկզբնաղբյուրները. փաստաթղթերը, վավերագրերը, այլ նյութերը, որոնց զգալի մասը գիտական շրջանառության մեջ մտցվում են առաջին անգամ, ուսումնասիրվող ժամանակաշրջանի պարբերական մամուլի հրատարակումները:

Երկրորդ խումբը կազմում են հրատարակված տպագիր սկզբնաղբյուրները. դեկրետների և հրամանների, փաստագրական և վիճակագրական նյութերի ժողովածուները,<sup>2</sup> ՀՍՍՀ և ՌՍՖՍՀ կառավարությունների, առանձին ժողովատնների տարեկան հաշվետվությունները,<sup>3</sup> կուսակցական և խորհուրդների համագումարների տղաբությունները:<sup>4</sup>

---

<sup>2</sup> ՀՍՍՀ դեկրետների և հրամանների ժողովածու. պրակ 1-ին և 2-րդ, Էջմիածին, 1921: Հեղափոխական կռիվները Հայաստանում (1920 թ. նոյեմբեր – 1922 թ. ամսվար), Երևան, 1974: Հակաեմբերյան սոցիալիստական մեծ հեղափոխությունը և սովետական իշխանության հաղթանակը Հայաստանում, Երևան, 1960: Խորհրդային Հայաստան, հինգ տարի (1920-1925), Երևան, 1926: Հայաստանի միջազգային դիվանագիտության և սովետական արտաքին քաղաքականության փաստաթղթերում (1828-1923), կազմողներ՝ Ջ.Ս. Կիրակոսյան, Ռ.Գ. Սահակյան, Երևան, 1972: Բ. Լեզրանի միսիան (փաստաթղթեր), «Բուներբ Հայաստանի արխիվները» (այսուհետ՝ «ԲՀԱ»), Երևան, 1967, թիվ 3: 11-րդ Կարմիր բանակի ազատագրական միսիան (փաստաթղթեր), «ԲՀԱ», Երևան, 1980, թիվ 2: Документы внешней политики СССР, тт. II-VI, Москва, 1958-1962. Восстановление народного хозяйства Арм. ССР (1921-1929), Ереван, 1958. Советское содружество народов, объединительное движение и образование СССР (1917-1922), Москва, 1977. Из истории образования СССР, "Известия ЦК КПСС", Москва, 1989, № 9. Нагорный Карабах в 1918-1923 гг., Ереван, 1992. Из новых документов 1922 г. по истории образования СССР. Отечественная история, Москва, 1992, № 4. Геноцид армян: ответственность Турции и обязательства мирового сообщества (Документы и комментарий), отв. ред. Ю.Г. Барсегов, тт. 1-2, Москва, 2002, 2005. Հայաստանի Հանրապետությանը 1918-1920 թթ.: Քաղաքական պատմություն (Փաստաթղթերի ժողովածու), կազմողներ՝ Գ. Գալստյան, Վ. Ղազարյան, Վ. Մելիքյան, Ս. Միրզոյան, Ա. Վիրաբյան, Երևան, 2000:

<sup>3</sup> ՀՍՍՀ կառավարության հաշվետվության նյութեր (1920-1922), Երևան, 1923: ՀՍՍՀ արագործողականա, բյուլետեն Ա, Երևան, 1921-1922: Шесть лет национальной политики Советской власти и Наркомнац (1917-1923), Москва, 1963.

<sup>4</sup> ՀՍՍՀ խորհուրդների Ա համագումար, Երևան, 1922: Восьмой, Девятый, Десятый Всероссийские съезды Советов..., Москва, 1921-1923. Десятый съезд РКП(б), Москва, 1963.

Նյութերի երրորդ խումբը կազմում են Հայաստանի Առաջին Հանրապետության և Խորհրդային Հայաստանի ու Ռուսաստանի պետական և կուսակցական հայտնի գործիչների հուշագրություններն ու աշխատությունները, նամակների և զեկուցումների ժողովածուները,<sup>5</sup> որոնք պարունակում են փաստացի հարուստ նյութ, տալիս են մի շարք հիմնահարցերի պատասխանները:

Չորրորդ խումբը կազմում են հրատարակված պատմագիտական ուսումնասիրությունները: Աշխատության քենայով պատմագրության մեջ թեև չկա առանձին ամփոփ ուսումնասիրություն, սակայն հրապարակի վրա են բազմաթիվ արժեքավոր մենագրություններ և աշխատություններ, որոնցում ուսումնասիրված և ներկայացված են աշխատությունում լուսարանված հիմնախնդիրների մի մասը:

Աշխատությունում քննարկվող հիմնախնդիրները խորհրդային ժամանակաշրջանում առավել հանգամանալից ուսումնասիրել են Բ. Բորյանը, Ա. Խեյֆեցը, Ծ. Աղայանը, Ս. Ալիխանյանը, Մ. Արզումանյանը, Ա. Եսայանը, Մ. Խարմանդարյանը, Ա. Վարդապետյանը, Գ. Գալոյանը, Հ. Ավետիսյանը, Է. Չոխրաբյանը, Գ. Գեղամյանը և այլք:<sup>6</sup>

<sup>5</sup> Լենին Վ.Ի., ԵԼԺ, հհ. 41-45, 51, 52: Սաալին Ի.Վ., Երկեր, հհ. 4-6: Օրջոնիկիձե Գ.Կ., Ընտիր հոդվածներ և ճառեր, Երևան, 1950: Մյասնիկյան Ալ., Ընտիր երկեր, Երևան, 1957: Կասյան Ս., Ընտիր երկեր, Երևան, 1974: Սոսովյան Ա., Հոդվածներ և ճառեր, Երևան, 1961: Բեկզաղյան Ալ., Նամակներ, հավվածներ, փաստաթղթեր, Երևան, 1981: Լուկաշին (Մրապիտյան) Ս., Հոդվածներ, զեկուցումներ, ճառեր, Երևան, 1986: Տեր-Գաբրիելյան Ս., Հոդվածներ, ճառեր, փաստաթղթեր, Երևան, 1979: Чичерин Г.В., Статьи и речи по вопросам международной политики, Москва, 1961. Киров С.М., Статьи, речи, документы, Москва, 1936.

<sup>6</sup> Борьян Б., Армения, международная дипломатия и СССР, часть II, Москва-Ленинград, 1929. Хейфец А.Н., Советская дипломатия и народы Востока (1921-1927), Москва, 1968. Աղայան Ծ., Հոկտեմբերը և հայ ժողովրդի ազատագրական պայքարը, Երևան, 1982: Ալիխանյան Ս., Սովետական Ռուսաստանի դերը հայ ժողովրդի ազատագրման գործում (1917-1921), Երևան, 1958: Նույնի Գ.Կ. Օրջոնիկիձե և խորհրդային կարգերի հաստատումը Հայաստանում, Երևան, 1974: Արզումանյան Մ., Արևալիքից վերածնանդ, Երևան, 1973: Եսայան Ա., Հայաստանի միջազգային իրավական դրությունը 1920-1922 թթ., Երևան, 1974: Խարմандարյան Ս., Армянская ССР в I-ый год НЭП-а (1921-1922), Ереван, 1955. Նույնի Ленин и становление Закавказской федерации (1921-1923), Ереван, 1974. Վարդապետյան Ա., Սովետական Ռուսաստանի օգնությունը Հայաստանին (1920-1925), Երևան, 1959: Գալոյան Գ., Պատմության քառույցներում, Երևան, 1982: Ավետիսյան Գ., Под знаменем пролетарского интернационализма, Ереван, 1982. Չոխրաբյան Է., Սովետական Ռուսաստանը և հայ-բուրժուական հարաբերությունները (1920-1922), Երևան 1979: Գեղամյան Գ., Սոցիալ-անտեսական փոփոխությունները Հայաստանում ԵՄԴ-ի աստիճաններին (1921-1936), Երևան, 1978:

Հետխորհրդային շրջանում քննայի հետ առնչվող խնդիրները նորովի լուսաբանել են Հ. Ավետիսյանը, Գ. Գալոյանը, Հր. Սիմոնյանը, Ե. Սարգսյանը, Է. Չոհրաբյանը, Լ. Խուրշուսյանը, Վ. Ղազախեցյանը, Ռ. Ղազանչյանը և այլք:<sup>7</sup>

Աշխատության մեջ քննարկվող հիմնախնդիրների պատմագրությանն այնքան բազմաբնույթ և արժեքավոր է, որ դրա ամբողջական ուսումնասիրումը և քննախույզ վերլուծությունը, անշուշտ, մի քանի ուսումնասիրությունների նյութ կարող է դառնալ:

---

<sup>7</sup> Սիմոնյան Հր., Թուրք-հայկական հարաբերությունների պատմությունից, Երևան, 1991: Սարգսյան Ե., Դավադիր գործարք. Հայաստան-Ռուսաստան-Թուրքիա, Երևան, 1995: Խուրշուսյան Լ., Հայկական հարցը, Երևան, 1995: Նույնի՝ Հայաստանի բաժանումը 1920 թվականին, Երևան, 2002: Չոհրաբյան Է., 1920 թ. քուրդ-հայկական պատերազմը և տեղությունները, Երևան, 1997: Ղազախեցյան Վ.Ն., Հայաստանը 1920-1940 թթ., Երևան, 2006: Казанджян Р., К вопросу об оценке московского русско-турецкого договора 1921 г., "Страны и народы Ближнего и Среднего Востока", Ереван, 2001, Вып. 20. Նույնի՝ Советско-кемалистские отношения в 1920 г. и вопрос Армении в свете секретных документов московских архивов, "Страны и народы Ближнего и Среднего Востока", Ереван, 2002, Вып. 21.

## ԳԼՈՒԽ ԱՌԱՋԻՆ

### *ՀԱՅԱՍՏԱՆԸ ԽՈՐՀՐԴԱՅԻՆ ՌՈՒՍԱՍՏԱՆԻ ԱՐԵՎԵԼՅԱՆ, ՔԱՂԱՔԱԿԱՆՈՒԹՅԱՆ ՈԼՈՐՏՈՒՄ 1920 ԹՎԱԿԱՆԻՆ: ՀԱՅԱՍՏԱՆԻ ԽՈՐՀՐԴԱՅԻՆ ԱՅՈՒՄԸ*

Ռուսաստանում 1917 թվականին միապետության անկումից հետո կայսրության փլուզման գործընթացը չավարտվեց, այն շարունակվեց նաև բուլշևիկների կողմից երկրում խորհրդային կարգեր հաստատելուց հետո: 1918 թ. ապրիլի 9(22)-ին Անդրկովկասյան Սեյմը երկրամասը հայտարարեց խորհրդային Ռուսաստանից անկախ դաշնային հանրապետություն, մեկ ամիս անց՝ մայիսի վերջերին, այն հաջորդաբար տրոհվեց երեք՝ Ադրբեջանի, Վրաստանի և Հայաստանի, անկախ հանրապետությունների: Անջատվելով Ռուսաստանից վերջիններս աստիճանաբար ներքաշվեցին Թուրքիայի և Արևմուտքի ազդեցության վիճաբանության ոլորտը:

Բայց Ռուսաստանը, ցարական թե խորհրդային, չէր կարող հաշտվել իր համար ռազմավարական կարևոր նշանակություն ունեցող անդրկովկասյան տարածաշրջանի կորստի հետ, մի տարածաշրջանի, որին տիրապետելու համար դեռևս 18-րդ դարից սկսած Ռուսաստանը վճռական քայլեր էր գործադրել: 1917-1920 թվականներին խորհրդային Ռուսաստանի համար միջազգային անբարենպաստ իրադրության պայմաններում Անդրկովկասը կորցնելու դեպքում, Ռուսաստանը վտանգում էր իր իսկ գոյությունը: Պանբուրքիզմի գաղափարախոսները աչալուրջ էին, նրանք գտնում էին, որ Անդրկովկասը Ռուսաստանից վերջնականապես անջատելու դեպքում, նոր հեռանկարներ կբացվեն «Մեծ Թուրանի» գաղափարը գործնականում իրականացնելու համար: Վերջինիս մեջ նախատեսվում էր ընդգրկել մահմեդական բնակչությանը բնակեցված Ռուսաստանի մի շարք տարածքները: Կասկածից վեր է, որ ծրագրի իրականացումը կործանաբար հետևանքներ կունենար ռուսական պետության համար, իսկ հայկական պետությունը, որ ճակատագրի բերումով սեպով մխրճված է «արյունակից բռչվոր ցեղերի» երազելիք թուրանական պետության ճանապարհին, վերանալու էր՝ այդպես էին ծրագրել պանբուրքիզմի տեսարանները: Իրադարձությունների բերումով, պատմական տվյալ ժամանակահատվածում միայն Ռուսաստանի «վերադարձը» Անդր-

կովկաս և նրա դիրքերի ամրապնդումը տարածաշրջանում կարող էր խափանել պանթուրքական ծրագրերի իրականացումը:

«Հայաստանի ճակատագիրը պետք է կապված լինի Ռուսաստանի հետ...» - Իրատեսությունն նշում է ակադեմիկոս Լ. Խորշուրյանը, - Պանթուրքիզմի դեմ մղվող զոյատևման պայքարում հայ ժողովրդի բնական դաշնակիցը կարող է լինել միայն Ռուսաստանը, որովհետև պանթուրքիզմի հաղթանակը, Մեծ Թուրանի ստեղծումը անխուսափելիորեն հանգեցնելու է մի կողմից Հայաստանի կործանմանը, մյուս կողմից՝ Ռուսաստանի մասնատմանը»:<sup>8</sup>

Ռուսաստանի կենտրոնական մասերում խորհրդային իշխանությունը ամրապնդելուց հետո բոլշևիկյան վարչակարգը ձեռնամուխ եղավ նախկին կայսրության տարածքները, այդ թվում Անդրկովկասը, սեփական ազդեցության ոլորտը վերադարձնելու գործին: Հյուսիսային Կովկասը սայիտակցվարդիական գործերից մաքրելուց հետո Խորհրդային Կարմիր բանակը 1920 թ. զարմանն ընդհուպ մոտեցավ Անդրկովկասի սահմաններին և նախապատրաստվում էր խորհրդային ազդեցության տարածմանը տարածաշրջանի վրա: Համաձայն բոլշևիկյան գաղափարախոսների, եթե նախկինում այստեղ պայքար է բնթացել ցարական Ռուսաստանի և Անգլիայի միջև՝ «Արևելքի ժողովուրդներին տիրելու և շահագործելու իրավունքի համար», ապա խորհրդային իշխանության օրոք՝ պայքար է գնալու «արևելյան ժողովուրդների վրա ազդեցություն գործելու համար, պայքար՝ հեղափոխության և հակահեղափոխության միջև»:<sup>9</sup> Այդ «պայքարում չեն կարող չեզոք դիրք գրավող պետություններ լինել... նաև Ռուսական կայսրության նախկին տարածքում», - հայտարարում էր Գ. Օրջոնիկիձեն:<sup>10</sup>

Անդրկովկասի ազգային անկախ հանրապետություններից առաջինը 1920 թ. ապրիլի 28-ին խորհրդային հռչակցվեց Ադրբեջանը: Դրանում Խորհրդային Ռուսաստանին մեծ աջակցություն էր ցուցաբերել Մուստաֆա Քեմալ փաշայի գլխավորած Թուրքիայի նորաստեղծ Ազգային մեծ ժողովի կառավարությունը: Վերջինիս անունից Քեմալը 1920 թ. ապրիլի 26-ին նամակով դիմեց ՌՍՖՍՀ Ժողկոմխորհի նախագահ Վլադիմիր Լենինին: Ծայրահեղ ազգայնամուլական այդ փաս-

<sup>8</sup> Խորշուրյան Լ.Ա., Հայոց ցեղասպանության պատճառները և պատճառական դասերը, «Հայոց ցեղասպանությունը (ուսումնասիրություններ)», Եր., 2001, էջ 29, 34:

<sup>9</sup> Օրջոնիկիձեն Գ.Կ., Ընտիր հաղվածներ և ճառեր, Եր., 1950, էջ 71:

<sup>10</sup> Տե՛ս նույն տեղում, էջ 68:

տաթղթում շարադրված էին քեմալականների արտաքին քաղաքականության որոշ դրույթները, առաջարկվում էր դիվանագիտական սերտ հարաբերություններ հաստատել երկու երկրների միջև և ռազմական դաշինք կնքել ընդդեմ իմպերիալիզմի՝ կապիտալիստական Արևմուտքի: Նամակում խորամանկորեն նշվում է նաև, որ անհրաժեշտության դեպքում, Թուրքիան պատրաստ է ռազմական գործողություններ ծավալել «իմպերիալիստական Հայաստանի դեմ»:<sup>11</sup>

Ինչպես հայտնի է՝ քեմալականների գաղափարախոսությունը և ծրագրային նպատակները պաշտոնական ձևակերպումներ ստացան 1919 թ. հուլիս-սեպտեմբեր ամիսներին Էրզրումում և Սվազում հաջորդաբար տեղի ունեցած «Արևելյան նահանգների իրավունքների պաշտպանության կազմակերպության», «Անատոլիայի և Ռումելիայի իրավունքների պաշտպանության կազմակերպությունների» համաժողովներին: Այստեղ հնչած ելույթները և ընդունած որոշումները կասկած չէին հարուցում, որ քեմալականները ոչ միայն չեն հրաժարվելու սուլթանական և երիտթուրքերի կառավարությունների հայաջինջ քաղաքականությունից, այլև հանդիսանալու են դրա ամնիջական շարունակողը: Քեմալը և նրա համախոհները քարոզում էին, որ Առաջին աշխարհամարտի տարիներին «ժալածանքների ենթարկելով մոտուլմաններին, հայերը կոպիտ վիրավորել են թուրք ժողովրդի արժանապատվությունը»: Այսպիսի գրպարտանքներով թուրք հասարակության մեջ հայատյաց տրամադրությունները բորբոքելով, քեմալականները կոչ արեցին ամեն գնով Թուրքիայի կազմում պահել Արևմտյան Հայաստանը: Քեմալը հայտարարեց, որ ոչ միայն զեթ մի քիզ հող անգամ չեն զիջելու հայերին, այլև կգործադրեն հնարավոր բոլոր միջոցները՝ հայկական անկախ պետականության կայացումը կանխելու համար:

Հետագոտող պատմաբանների կարծիքով, եթե «թուրքական Անատոլիայի» արևմուտքում քեմալական շարժման սկիզբը պայամանավորված էր հակահունական պայքար ծավալելու անհրաժեշտությանը (հատկապես 1919 թ. մայիսին հույների կողմից Իզմիրը գրավելուց հետո), ապա արևելքում (Արևմտյան Հայաստանում)՝ հայերին բնաջնջելու միջոցով «Մեծ Հայաստանի» ծրագիրը կանխելու, փոխարենը՝ «Մեծ Թուրանը» իրականացնելու համար:

Դեռևս 1919 թվականին իր «Մեծ ոճիրը» գրքում Արսև Անտոնյանը հեռատեսորեն նկատեց. Քեմալ փաշայի «Ազգային շար-

<sup>11</sup> Документы внешней политики СССР (այսուհետ՝ ДВП СССР), т. II, Москва, 1958, с. 725-729.

ծում»-ը սայատամբական շարժում չէ, այս «երևույթին տակ, նպատակի ու միջոցներու նույնություն մը գոյություն ունի» Թուրքիայի նախկին և ներկա վարիչների միջև, «Ազգային շարժում»-ը «ներքնապես ուրիշ բան չէ՝ այլ միայն «Հայասպան շարժում» մը... Այդ շարժումը, ձեռք ձեռքի տված Կովկասի բոլոր ոճրագործ իսլամ տարրերուն հետ, կը միտի խեղդել Կովկասի հայությունը»:<sup>12</sup> Հայ մեծանուն հեղինակի կանխագուշակումները մարգարեական էին:

Էրզրումի և Ավազի համաժողովներին քեմալականների կողմից հնչեցված ծրագրային նպատակները բանաձևվեցին 1920 թ. հունվարի 28-ին Կ. Պոլսում հրավիրված բուրբական խորհրդարանի աշխատանքների ընթացքում: Այստեղ մշակվեց և ընդունվեց «Թուրքական ազգային ուխտ» կոչվող ծայրահեղ ազգայնամոլական մի օրենքփաստաթուղթ, որով մասնավորապես հռչակվում է, որ հայկական կազմակերպված համայնքի ստեղծումը (Արևմտյան Հայաստանում – Կ.Խ.) կանխելը պետք է լինի յուրաքանչյուր բուրքի սրբազան գործը, իսկ Հայաստանի ոչնչացումը՝ առաջնահերթ խնդիր:

1920 թ. ապրիլի 23-ին Անկարայում բացվեց բուրբական նոր խորհրդարանը՝ Թուրքիայի Ազգային մեծ ժողովը: Ստանձնելով վերջինիս նախագահի, և Ազգային մեծ ժողովի կողմից մայիսի 3-ին կազմավորված կառավարության ղեկավարի պաշտոնը, առաջնորդվելով իր իսկ կողմից հնչեցված՝ «Մենք կապրենք կամ կկործանվենք Ազգային ուխտի հետ միասին» կարգախոսով, Քեմալը կանգնեց կայսրության ոչ բուրք ժողովուրդների բռնաձուլման կամ բնաջնջման ուղու վրա: Այսպիսով անցնում էին տարիներ, փոխվում էին կառավարություններ, փոխվում էր միջազգային իրադրությունը, բայց անփոփոխ էր մնում բուրքերի և նրանց առաջնորդների հայատյացությունը, բնդահակառակը՝ ավելի էր սաստկանում:

Ձևավորման իսկ պահից բուրք-ազգայնական շարժումը չէր էլ փորձում քաքցնել իր հայատյաց վարքագիծը, այն նկատելի էր ամենուրեք և բոլորին: Ահա քե ինչպես է դա ներկայացնում Խորհրդային Ռուսաստանի արտաքին գործերի գերատեսչության ղեկավարի տեղակալ հայազգի Լ.Լոն Կարախանին ուղղված իր զադունի գեկուցագրերից մեկում Անգորայում Ռուսաստանի դեսպանության առաջին քարտուղար Ն. Ումպալը. «Հպատակների նկատմամբ կիրառվում են մշտական հալածանքներ, որոնցից առավել շատ տուժում են հայերը:

<sup>12</sup> Անանյան Ա., Մեծ ոճիրը: Հայկական վերջին կառուածները և Թուրքաք փաշա, Եր., 1990, էջ 259-261:

Հայերի նկատմամբ նախկինի պես կիրառվում են հետապնդումներ: Թշնամությունը ավելի ուժեղ է զգացվում սահմանամերձ գոտում, նախկին պատերազմների և կոտորածների շրջանում: Անցյալը մոռացված չէ, քանի որ ոչ անհայտ խմբերի կողմից բշնամությունը մշտապես բորբոքվում է:... Արևմտյան ռազմաճակատում ռազմական գործողությունների պատճառով հույների նկատմամբ նույնպես բշնամական և անվստահելի վերաբերմունք գոյություն ունի, սակայն ոչ այնքան սուր որքան հայերի խնդրում»:<sup>13</sup> Բնութագրելով շարժման դեկավարին, Ռեմպալը շեշտում է, որ քաղաքականության մեջ Քեմալն իրեն դրսևորում է որպես անսկզբունքային անձնավորություն:

Իրենց նախորդների՝ օսմանյան և երիտթուրքերի կառավարությունների՝ հայերի ցեղասպանության քաղաքականությունը շարունակելու և ավարտին հասցնելու մոլուցքով տարված, քեմալականները ոչ միայն շարունակեցին հայերի մնացորդների բնաջնջումը Արևմտյան Հայաստանում և Կիլիկիայում, կայսրության այլ տարածքներում, այլև նպատակադրվեցին արևելահայության ոչնչացմանը և Արևելյան Հայաստանի տարածքների բռնազավթմանը: Եվ բնավ պատահական չէր, որ 1920 թ. զարմանը քեմալականների անմիջական աջակցությամբ ադրբեջանցիների հրոսակախմբերը իրակալնացրեցին Շուշիի և մերձակա հայկական բնակավայրերի տասնյակ հազար հայերի սպանողը: Լինելով պանթուրքիզմի գաղափարախոսության եռանդուն ջատագովր, ձգտելով իրականացնել «Մեծ Թուրանի» գաղափարը և դառնալ նրա միանձնյա դեկավարը, Քեմալն անկասկած մտադրվել էր, եթե միջազգային իրադրությունը թույլ տար, վերջնականապես վերացնել դրա ճանապարհին մխրճված հայկական սեպը:

Քեմալի ստորագրությամբ 1920 թ. ապրիլի 26-ի վերը նշված փաստաթուղթը, որը հանդիսացավ աշխարհի և ոչ մի պետության կողմից չճանաչված քեմալական կառավարության արտաքին քաղաքական առաջին ակտը, հենց դրա ապացույցն է: Իսկ նրանում նշված «անկեղծ» մտադրությունները գործնականում ապացուցելու համար քեմալականները նպաստեցին Ադրբեջանում խորհրդային կարգերի հաստատմանը:

Ադրբեջանի խաղաղ խորհրդայնացումից մի քանի օր անց, 1920 թ. մայիսի 4-ին Մոսկվա՝ Վ. Լենինին ուղղված զեկուցագրում Կովկասյան ռազմաճակատի ռազմահեղափոխական խորհրդի ան-

<sup>13</sup> Տե՛ս АВП РФ, ф. 04, Секретариат Чичерина, оп. 39, папка 232, д. 52993, 1921, л. 16.

ղամներ Ս.Մ. Կիրովը և Գ.Կ. Օրջոնիկիձեն տեղեկացնում էին. «Բարվում հեղափոխության օգտին բավականին ակտիվ դեր խաղացին բուրք ասկյարները և սպաները...»:<sup>14</sup> Այդ մասին է նշվում նաև ՌՍՖՍՀ արտաքին գործերի ժողկոմիսարիատի 1919-1920 թթ. տարեկան հաշվետվության մեջ. «Քեմալականները մեզ հետ կապի մեջ մտան Ադրբեջանի միջոցով, որտեղ նրանց համախոհների խումբն օժանդակել էր հեղաշրջմանը և այն բանին, որպեսզի ադրբեջանական հեղափոխական կառավարությունը հրավիրեր կարմիր զորքերին»:<sup>15</sup>

Այսպիսով, քեմալարոշխիյան համագործակցության առաջին լուրջ արդյունքը հանդիսացավ Ադրբեջանի խորհրդայնացումը: Խորհրդային Ադրբեջանը Մոսկվայի կողմից հայտարարվեց Արևելքում «հեղափոխության առաջամարտիկ», որտեղից բոլշևիկները պետք է «գրոհեին մենշևիկների և դաշնակցականների ազգային բուրժուական հակահեղափոխական կառավարությունների վրա»:<sup>16</sup> Եվ իրոք, դժվար չէ կոսիտել, որ «Ադրբեջանում հաստատվելուց հետո, բոլշևիկների հետևյալ քայլը պիտի լիներ՝ մտնել նաև Վրաստան ու Հայաստան: - Նշում է հայ ազգային և պետական գործիչ Հովհաննես Քաջազնունին, - Ժամանակի խնդիր էր սա»:<sup>17</sup>

Հայաստանը խորհրդայնացնելու հրատապ խնդիրը Մոսկվան առաջին հերթին կարևորում էր քեմալական Թուրքիայի հետ անմիջական հաղորդակցության ցամաքային կապ հաստատելու անհրաժեշտությամբ: Ըստ բոլշևիկների՝ իմպերիալիստական Արևմուտքի դեմ պայքարում մեծ էր լինելու մուսուլմանական Արևելքի դերը, իսկ այստեղ արդեն, «առաջամարտիկը» պետք է դառնար տարածաշրջանի «ամենազարգացած պետականությունը կրող» քեմալական Թուրքիան:

Այսպիսով համագործակցության առաջին փուլում բոլշևիկաքեմալական հարաբերությունները պայմանավորվելու էին «հակաիմպերիալիստական պայքարի նշանաբանով»: Սակայն, եթե քեմալական Թուրքիայի հետ դաշինքը բոլշևիկներին անհրաժեշտ էր տարածաշրջանում սեփական ազդեցությունը տարածելու, համաշխարհային

<sup>14</sup> Хейфец А. Н., Влияние СССР на угнетенные народы Востока (Сб. Великий Октябрь и народы Востока), Москва, 1957, с. 56.

<sup>15</sup> Հայաստանի միջազգային դիվանագիտության և սովետական արարքին բաղարականության փաստաթղթերում (1828-1923), (այսուհետ՝ Հայաստանը... փաստաթղթերում), Եր., 1972, էջ 478:

<sup>16</sup> Орджоникидзе Г. К., Избранные статьи, Москва, 1957, с. 56.

<sup>17</sup> Քաջազնունի Հ., Հ.Յ. Գաշնակցությունը անկիր շունի ալիև, Եր., 1994, էջ 35:

հեղափոխությունը դեպի Արևելք զարգացնելու, մուսուլմանական աշխարհը Արևմուտքի դեմ հանելու համար, ապա քեմալականներին այլ բան էր հարկավոր՝ բոլշևիկներից քաղաքական աջակցություն և նյութական օժանդակություն ստանալով, ամրապնդել սեփական իշխանությունը Թուրքիայում, փրկել կայսրությունը անխուսափելի քվացող կործանումից, իսկ այնուհետև՝ անցնել «պանթուրքական» գալիքողական ծրագրերի իրականացմանը: Անդրկովկասով միանալ «արյունակից եղբայրներին» Կովկասում և Միջին Ասիայում, անցնել Ուրալյան լեռնաշղթան: Պատահական չէ, որ Ադրբեջանի խորհրդայնացման գործում քեմալականները թեև աջակցեցին Ռուսաստանին, սակայն դա դիտում էին որպես «ժամանակավոր զիջում բոլշևիկներին»: Իրադարձությունների նման զարգացումը, իհարկե, կործանարար կլիներ Ռուսաստանի համար, ուստի ռուս-թուրքական ռազմավարական շահերը չէին կարող համընկնել: Սակայն մյուս կողմից՝ միջազգային ոչ նպաստավոր իրադրությունը և՛ Խորհրդային Ռուսաստանին, և՛ քեմալական Թուրքիային ստիպում էր գնալ «միասնական» հակաիմպերիալիստական ճակատի ստեղծմանը: Ուստի քեմալաբոլշևիկյան հարաբերությունները «դատապարտված էին» կրելու երկակի բնույթ:

Խորհրդային Ռուսաստանի և քեմալական Թուրքիայի միջև ցամաքային կապը պետք է հաստատվեր Հայաստանի տարածքով՝ հարկավոր էր համաշխարհային հեղափոխության գաղափարները Կարմիր բանակի սվինների վրա տարածել դեպի «նիրհից սրթնացող Արևելք»: Ադրբեջանի խորհրդայնացումից անմիջապես հետո 11-րդ Կարմիր բանակի ղեկավարությունը, հաշվի նստելով Ադրբեջանի «արդար պահանջների» հետ, շտապում է վերջնագրեր ներկայացնել Հայաստանի կառավարությանը՝ Ղարաբաղից և Չանգեզուրից հայկական զորամիավորումները դուրսբերելու պահանջով: Հակառակ դեպքում՝ բոլշևիկները սպառնում էին դրանք գրավել Կարմիր զորքերի ուժերով: Նման բովանդակություն ունեթ նաև Կովկասյան ռազմաճակատի և 11-րդ Կարմիր բանակի ռազմահեղափոխական խորհուրդների (Օրջոնիկիձե, Կիրով, Մեխոնոշին, Լևանդովսկի) կողմից 1920 թ. մայիսի 1-ին Հայաստանի կառավարությանը ներկայացված վերջնագիրը:<sup>18</sup>

Տարածաշրջանում գործող բոլշևիկ գործիչները՝ Օրջոնիկիձեն, Նարիմանովը, Մոլոտովին և այլք, Մոսկվայից պահանջում էին անհապաղ թույլատրել ռազմական միջոցներով խորհրդայնացնել Վրաս-

<sup>18</sup> Տե՛ս ՀԱԱ. ֆ. 200, ց. 1, գ. 427, ք. 274:

տանը և Հայաստանը: Սակայն հարցի վերաբերյալ ՌԿ(Բ)Կ Կենտրոնի քաղբյուրոյի մայիսի 25-ի որոշման մեջ նշվեց տրամազօրեն հակառակի մասին. «Շարունակել բանակցությունները Հայաստանի կառավարության հետ, մեզ վրա չվերցնելով ռուսական զորքերի օգնությամբ (Հայաստանը - Կ.Խ.) անմիջապես խորհրդայնացնելու նախաձեռնությունը»:<sup>19</sup>

Սակայն դա բնավ չէր վերաբերվում բոլշևիկների համար ռազմավարական կարևոր նշանակություն ունեցող Ղարաբաղ - Չանգեզուր - Նախիջևան գծին: 1920 թ. ամռանը խորհրդային զորքերը զինագրավեցին հայկական այդ տարածքները, հակառակ իր կամքին Հայաստանը ներքաշվում է Խորհրդային Ռուսաստանի և Ադրբեջանի հետ չհայտարարված պատերազմի մեջ: Եթե նկատի ունենանք, որ նման իրավիճակ էր հասունանում նաև Թուրքիայի հետ, որն իր ռազմական ներխուժման սպառնալիքի տակ էր պահում Հայաստանի արևմտյան սահմանները, ապա պարզ է դառնում, որ 1920 թ. ամռանը Հայաստանի Հանրապետությունը հայտնվել էր օրհասական դրության մեջ, վտանգված էին նրա անկախությունն ու անվտանգությունը:

Խորհրդային Ռուսաստանի նախաձեռնությամբ Մոսկվայում 1920 թ. մայիսից սկսված հայ-ռուսական բանակցություններում խորհրդային պատվիրակությունը, հանձին ՌՍՖՍՀ արտաքին գործերի ժողկոմ Գեորգի Չիչերինի և նրա տեղակալ Լևոն Կարախանի, պատրաստակամություն է հայտնում կնքել պայմանագիր և բարեկամական ամուր հարաբերություններ հաստատել երկու պետությունների միջև: Լևոն Շանթի գլխավորած հայկական պատվիրակությունն իր հերթին ընդգծում է Ռուսաստանի կողմից Հայաստանի անկախությունը ճանաչելու անհրաժեշտությունը, առաջ քաշում նրա ներքին գործերին չմիջամտելու և այլ պահանջներ:

Ռուս-հայկական բանակցությունների հաջող ընթացքի և ավարտի վրա բացասական ազդեցություն էին գործում Բաքվից և Թուրքիայից, և դա բնական էր. չէ՞ որ որոշվում էր Ղարաբաղի, Չանգեզուրի և Նախիջևանի հարցը: Ինչպես Լ. Շանթն է հաղորդում Հայաստանի կառավարությանը 1920 թ. հուլիսի 1-ին, բանակցությունների դժվարությունը կապված է հենց հայ-ադրբեջանական սահմանի որոշման հարցի հետ:<sup>20</sup>

<sup>19</sup> ՀԱՄ, հավաքածու 1, գ. 2, ք. 43:

<sup>20</sup> St'u Nagorniy Karabakh v 1918-1923 гг., Сборник документов и материалов, отв. ред. В.А. Микаелян, Ер., 1992, т.2 519:

Բանակցությունների ընթացքում Բաքվի վարած բացահայտ հակահայկական քաղաքականության մասին տեղեկանում ենք Ադրբեջանում Հայաստանի դիվանագիտական ներկայացուցիչ Մ. Հարությունյանի 1920 թ. հունիսի 31-ի՝ Հայաստանի արտգործնախարարին ուղղված զեկուցագրից. «Ադրբեջանի ներկայիս քաղաքականության գլխավոր ուղղությունն ուղղված է այն թույլ և հեռավոր հնարավորության վրա, որ հայ-ռուսական բանակցությունների արդյունքում Չանգեզուրը և Ղարաբաղը կարող են անցնել Հայաստանին: Այդ պատճառով են ոտքի հանվում ամբողջ հեղկոմը, քաթար ակտիվիստները, հայ կոմունիստների մեծ մասը, որոնք գնդակոծում են Մոսկվան հատուկ պատվիրակություններով, հայտագրերով և այլն: Այս դիվանագիտությունն էլ ստիպեց արագացնել Չանգեզուրի գրավումը (խորհրդային զորքերի կողմից - Կ.Խ.)»:<sup>21</sup>

1920 թ. հունիսի վերջերին ՌԿ(Բ)Կ Կենտկոմի քաղրյուրո ուղղված զեկուցագրում Բաքվի հակահայկական քաղաքականության մասին վրդովմունքով արտահայտվում է նաև Գ. Չիչերինը. «Բաքվի ընկերներն իրենց գործողություններով խափանում են փոխզիջումները, մերժում են Հայաստանի հետ համաձայնություն կնքելու Կենտկոմի պահանջը»: Չիչերինը միաժամանակ հուշում է նաև, որ «Մենք պետք է, վերջապես, արագացնենք մեր ծրագրերի իրականացումը թուրքիայում: Այսպես հապաղել և ձգձգել գործը, ինչպես մենք ենք ձգձգում, չի կարելի»:<sup>22</sup>

Բաքուն Խորհրդային Ռուսաստանի իշխանություններից պահանջում էր գրավել Ղարաբաղը, Չանգեզուրը, Նախիջևանը, Շարուր - Դարալագյազը, Օրդուրադը և Ջուլֆան՝ Ադրբեջանին «նվիրաբերելու համար»: 1920 թ. հունիսի 29-ի նամակում տեղեկացնելով Վ. Լենինին Բաքվի նման ակնկալիքների մասին, Գ. Չիչերինը տալիս է իր արդարացի գնահատականները. «ճշված գործողությունների իրականացումը ռուսական զորամիավորումների միջոցով հնարավոր չէ», «Արևելքում մեր ամբողջ քաղաքականության համար ճակատագրական սխալ կլինեք, եթե մենք սկսենք հենվել մեկ ազգային տարրի վրա՝ ընդդեմ մյուս ազգային տարրի»:<sup>23</sup>

Ռուս-հայկական բանակցությունները Մոսկվայում որևէ արդյունք չտալով ընդհատվեցին: Հայաստանի իշխանությունների հետ

<sup>21</sup> Նույն տեղում, էջ 557:

<sup>22</sup> Նույն տեղում, էջ 509:

<sup>23</sup> Նույն տեղում, էջ 515-518:

կապեր հաստատելու նպատակով տարածաշրջան էր ժամանելու Հայաստանում Խորհրդային Ռուսաստանի կառավարության լիազոր ներկայացուցիչ նշանակված Բորիս Լեզրանը: 1920 թ. հուլիսի 19-ին տեղեկացնելով այդ մասին Հայաստանի արտգործնախարարին, Չիչերինը միաժամանակ նրան հուշում է, որ «Բացառապես խորհրդային կառավարության խաղաղասիրական ձգտումների ազդեցության տակ բուրք ազգայնականները դադարեցրին իրենց սկսած գորակոչը, որը նպատակ ուներ նոր հարված հասցնել հայ ժողովրդին»:<sup>24</sup> Եվ դա իրոք այդպես էր, Թուրքիայի Ազգային մեծ ժողովում 1920 թ. օգոստոսի 14-ին ունեցած կույրում անդրդառնալով քենալականների արտաքին դրության հիմնահարցերին, Մ. Քեմալը բուրք սլատզամավորներին հուշում է, որ Հայաստանի դեմ հունիսին նախատեսված բուրքական հարձակումը կասեցվեց խորհրդային կառավարության դիվանագիտական միջամտության միջոցով:<sup>25</sup>

ՌԿ(Բ)Կ Կենտկոմի Կովկասյան բյուրոյի անդամ Օրջոնիկիձեի կողմից 1920 թ. հուլիսի 16-ին Լենինին, Չիչերինին և Ստալինին ուղղված հեռագրից տեղեկանում ենք նաև, որ քենալականները ծրագրել էին ամռանը ներխուժել և հայկական ջարդեր իրականացնել Նախիջևանում, սակայն ստանալ Խորհրդային Ռուսաստանի իշխանությունների համաձայնությունը նրանց չհաջողվեց:

Բորիս Լեզրանին Հայաստան գործուղելու հետ կապված հետաքրքիր մանրամասների ենք ծանոթանում ՌԿ(Բ)Կ Կենտկոմի քարտուղար և քաղբյուրոյի անդամ Ն. Կրեստինսկու կողմից 1920 թ. հուլիսի 11-ին Վ. Լենինին ուղղված երկտողից: Նրանում Կրեստինսկին հուշում է, որ խնդրել է Չիչերինին չուղարկել Լեզրանին Հայաստան, այլ Շ. Էլիավայի փոխարեն նրան գործուղել Թուրքիա, քենալականների մոտ: Սակայն Չիչերինը Կրեստինսկուն տեղեկացրել է, որ արդեն մի քանի օր է, ինչ Լեզրանը ուղևորվել է դեպի Երևան, և միաժամանակ հուշում, որ «անկախ դրանից, դեմ է Լեզրանին ավելի «փոքր տրամաչափի» մարդով փոխարինելուն: ՌՍՖՍՀ արտգործժողովումը դա բացատրում է նրանով, որ չափազանց կարևոր նշանակություն է տալիս «Հայաստանի, որպես դեպի Թուրքիա ռազմական և ոչ ռազմական

<sup>24</sup> Հայաստանը... փաստաթղթերում, էջ 453-454:

<sup>25</sup> Տե՛ս Հայաստանի Հանրապետությունը 1918-1920 թթ.: Քաղաքական պատմություն (Փաստաթղթերի ժողովածու), Եր., 2000, էջ 250-251:

փոխադրումներ իրականացնելու համար միակ ճանապարհը ունեցողի, հետ բարեկամական հարաբերություններին»:<sup>26</sup>

Այսպիսով պատմական տվյալ ժամանակաշրջանում Հայաստանը Ռուսաստանի կողմից հիմնականում կարևորվում էր որպես մի տարածք, որով հնարավոր էր կապվել քեմալականների հետ՝ նրանց սպառազինություն մատակարարելու նպատակով: Ուստի որքան ձգձգվում և ոչ արդյունավետ էին դառնում ռուս-հայկական բանակցությունները, այնքան ակտիվանում էին խորհրդաքեմալական շփումները:

Մ. Քեմալի ապրիլի 26-ի նամակին ի պատասխան, հետևում է ՌՍՖՍՀ արտգործո՞ղկոմ Գ. Չիչերինի 1920 թ. հունիսի 3-ի նամակը: Ողջունելով քեմալականների՝ Ռուսաստանի հետ բարիդրացիական հարաբերություններ հաստատելու և ինպերիալիզմի դեմ ընդհանուր պայքար ծավալելու առաջարկությունը, Չիչերինը նամակում արժարժում է նաև քուրք-հայկական հարաբերությունների հարցը, նա հուշում է, որ Թուրքիայի և Հայաստանի միջև պետք է «հաստատել այնպիսի ճշտորոշ սահմանագծեր, որպիսիք պահանջում են արդարությունը և ժողովուրդների ինքնորոշման իրավունքը»:<sup>27</sup>

Թուրքական կողմի պատասխանը չի հապաղում. Քեմալի և Ազգային մեծ ժողովի արտաքին գործերի գործաղյր կոմիտեի անդամ Բեքիր Սամի բեյի կողմից Չիչերինին ուղղված նամակներում վերջիններս տեղեկացնում են, որ քեմալական կառավարությունը «ընդունում է Ռուսական Խորհրդային Հանրապետության միջնորդությունը և հետաձգում նախատեսված ռազմական գործողությունների սկիզբը Կարսի, Արդահանի և Բաքումի շրջաններում»:<sup>28</sup> Թուրքական կողմը տեղեկացնում է նաև, որ ռուս-թուրքական բանակցությունները շարունակելու նպատակով Մոսկվա է գործուղում թուրքական պատվիրակություն:<sup>29</sup>

Խորհրդաքեմալական բանակցությունները Մոսկվայում սկզբնական շրջանում անարդյունք էին. քեմալականների՝ Հայաստանի վրայով Ռուսաստանի հետ հաղորդակցության ուղիղ կապ հաստատե-

<sup>26</sup> Ленин В.И., Известные документы. 1891-1922 гг., Москва, 1999, док. 235, с. 352.

<sup>27</sup> Հայաստանը... փաստաթղթերում, էջ 447-448:

<sup>28</sup> St'u Гарибджанян Г., Саркисян Е., К вопросу о характере национально-освободительной войны в Турции в 1919-1922 гг., «Բաներ Հայաստանի արխիվների» (ԲՀԱ), Երևան, 1982, քիվ 3, էջ 163:

<sup>29</sup> Հայաստանը... փաստաթղթերում, էջ 449:

լու անհրաժեշտության պահանջին, խորհրդային պատվիրակությունը, հանձին Գ. Չիչերինի և Լ. Կարախանի, դնում է Վանը, Բիթլիսը, Մուշը Հայաստանին վերադարձնելու հարցը:

Այսպիսով 1920 թ. սմռան սկզբին ոչ հայ-ռուսական, և ոչ էլ բուրք-ռուսական բանակցություններում կողմերի անգիջում դիրքորոշումների պատճառով առաջընթաց չէր արձանագրվում: Սակայն դա չէր կարող անվերջ շարունակվել, բանակցությունների ձգձգումը և փոխհամաձայնության չհասնելը ծանր էր անդրադառնում բուլշևիկների արտաքին քաղաքական նպատակների վրա, ուստի խորհրդային կողմը պետք է կողմնորոշվեր, վերջապես ընտրություն կատարեր «իմպերիալիստական» Հայաստանի, Խորհրդային Ադրբեջանի և «հեղափոխական» Թուրքիայի միջև: Իրադարձությունների հետագա զարգացումը ցույց տվեց, որ այդ ընտրությունը կատարվեց հոգուտ վերջինների:

Հայաստանի հետ տարածքային վեճերում Ադրբեջանին և Թուրքիային պաշտպանելու պահանջով հանդես եկան ՌԿ(բ)Կ Կենտկոմի Կովկասյան բյուրոն և 11-րդ Կարմիր բանակի ռազմահեղափոխական խորհրդի առանձին անդամներ: Ադրբեջանի կոմկուսի Կենտկոմի հետ համատեղ 1920 թ. հուլիսի 10-ին ՌԿ(բ)Կ Կենտկոմ ուղարկած նրանց նամակում պահանջվում է Ղարաբաղը և Չանգեզուրը հանձնել Ադրբեջանին: Դա հիմնավորվում է նրանով, որ հակառակ դեպքում, «կիսափանփի հեղափոխության զարգացումը Թուրքիայում»:<sup>30</sup> Ավելի վաղ, հուլիսի 8-ին, ՌՍՖՍՀ ազգությունների գործերի ժողովրդական կոմիսար Ի. Ստալինը Օրջոնիկիձեձին հուշում է. «Իմ կարծիքն այն է, որ չի կարելի անվերջ լարախաղացություն անել կողմերի միջև, պետք է պաշտպանել կողմերից մեկին, որոշակիորեն, ներկա դեպքում (խոսքը Ղարաբաղի մասին է - Կ.Խ.), իհարկե՝ Ադրբեջանին, Թուրքիայի հետ միասին: Ես խոսել եմ Լենինի հետ, նա չի առարկում»:<sup>31</sup>

Նման պայմաններում Հայաստանի նկատմամբ իր մեղմ դիրքորոշումը կտրուկ փոխում է նաև Խորհրդային Ռուսաստանի կառավարության արտգործնախարար Գ. Չիչերինը՝ խորհրդային ազդեցիկ դեկավար գործիչներից թերևս միակը, որ փորձում էր զսպել Հայաստանի նկատմամբ Թուրքիայի, Ադրբեջանի և խորհրդային ազդեցիկ մի շարք գործիչների «հարձակվողական քաղաքականությունը»: 1920 թ. հուլի-

<sup>30</sup> Нагорный Карабах в 1918-1923 гг., с. 529-531.

<sup>31</sup> Նալյն տեղում, էջ 524:

սի 30-ին Ռ-Կ(բ)Կ Կենտկոմի քաղքյուրո ուղղված «Հատկապես գաղտնի» գեկուցագրում Չիչերինը նշում է. «Անհրաժեշտ է օգտվել ընկ. Սերգոյի (Գ. Օրջոնիկիձեի - Կ.Խ.) ներկայությունից, որպեսզի լուծվի Հայաստանի հարցը՝ կապված քեմալականների դրոյթյան հետ: Վերջիններս սպառազինության պակասի պատճառով մոտ են վախճանի... Նրանց սպառազինություն հնարավոր է ուղարկել միայն տարանցիկ ճանապարհով Հայաստանի վրայով: Հիմա հայերը խփում են թուրքերին և խիստ լկախացել են... Ընկ. Սերգոյի խոսքերով՝ փորձել դաշնակներից ստանալ Հայաստանի վրայով տարանցիկ ճանապարհի իրավունք առանց որևէ վերահսկողության, ներկայումս անհնար է: Ընկ. Սերգոն պնդում է, որ Հայաստանի խորհրդայնացման համար պահանջվում են ոչ այնքան շատ զորքեր:... Այդ դեպքում՝ Հայաստանի խորհրդայնացումը հույժ անհրաժեշտ է: Առանց դրա մենք չունենք իսկական շփում Թուրքիայի հետ: Քեմալականների վախճանը մեզ ուժգին հարված կհասցնեք Արևելքում (ընդգծումը մերն է - Կ.Խ.)»: Հաջորդ օրը, 1920 թ. հուլիսի 31-ին, Ռ-Կ(բ)Կ Կենտկոմի քաղքյուրոն քննարկում է Հայաստանի վերաբերյալ Չիչերինի այս առաջարկությունը և որոշում ընդունել այն:<sup>32</sup>

Այսպիսով Ռ-Կ(բ)Կ Կենտկոմի քաղքյուրոն վերջապես հաստատում է Հայաստանը խորհրդայնացնելու որոշումը, կարևորելով այն Խորհրդային Ռուսաստանի և քեմալական Թուրքիայի միջև «իրական շփում» հաստատելու անհրաժեշտությամբ: Սակայն Ռուսաստանի արտաքին դրոյթյունը 1920 թ. ամռանն այնքան արագ էր փոփոխվում, որ Հայաստանը խորհրդայնացնելու որոշումը շուտով չեղյալ է համարվում: Օգոստոսի առաջին օրերին պատասխանելով Լենինին, վերջինիս կողմից իրեն հասցեագրված հետևյալ երկտողին. «Ձե՞ր կարծիքը: Հետաձգել (ընգծված է Լենինի կողմից - Կ.Խ.) Հայաստանի խորհրդայնացումը», Ն. Կրեստինսկին հուշում է, որ «Հայաստանի խորհրդայնացումը մենք արդեն հետաձգել ենք, հարկավոր է հետաձգել մակ Վրաստանի խորհրդայնացումը»:<sup>33</sup>

1920 թ. օգոստոսի սկզբին Թիֆլիսում վերսկսված խորհրդահայկական բանակցություններն ավարտվում են ՌՍՖՍՀ կառավարության և Հայաստանի հանրապետության միջև օգոստոսի 10-ին ստորագրված համաձայնագրով: Նրանով Ռուսաստանը «ճանաչում է Հայաստանի հանրապետության անկախությունն ու լիակատար

<sup>32</sup> ՀԱՍ, հավաքածու 1, գ. 2, ք. 74-75:

<sup>33</sup> Ленин В.И., Неизвестные документы. 1891-1922 гг., док. 241, с. 359.

ինքնուրույնությունը» և վերջինիս իրավասությանը վերապահում Շախաբախ-Ջուլիա երկաթգիծը շահագործելու իրավունքը:

Խորհրդային իշխանությունների համար համաձայնագիրն առավել կարևորվում էր նրանով, որ իրավական ձևակերպում էր ստանում խորհրդային գորքերի կողմից Գարաբաղի, Չանգեզուրի և Նախիջևանի «ժամանակավոր» զինագրավումը:<sup>34</sup>

Համաձայնագրի ստորագրման կապակցությամբ 1920 թ. օգոստոսի 22-ին Գ. Չիչերինը հեռագրում է Անդրկովկասում Խորհրդային Ռուսաստանի ներկայացուցիչներին. «Օգոստոսի 10-ի սլայմանագիրը պետք է պարտադիր կերպով ճշտորեն կատարվի: Հայաստանի հետ հարաբերությունների խզում և ռազմական որևէ բարդություններ անբույլատրելի են: Դա կառավարության տեսակետն է, վճռականապես հաստատված կուսակցության Կենտկոմի կողմից»:<sup>35</sup>

Հաջորդ օրը հետևում է Չիչերինի հեռագիրը Գ. Օրջոնիկիձեին. «Հաղորդում են Ձեզ ճշտորեն և անվերապահ ղեկավարվելու համար Հայաստանի վերաբերյալ Կենտկոմի հրահանգները. խորհրդայնացման որոշումը (նկատի ունի ՌԿ(բ)Կ Կենտկոմի քաղբյուրոյի 1920 թ. հուլիսի 31-ի որոշումը - Կ.Խ.) չեղյալ է հայտարարվել, անհրաժեշտ է խստորեն խուսափել Հայաստանի հետ ամեն տեսակի ռազմական ընդհարումներից»:<sup>36</sup>

Այսպիսով Խորհրդային Ռուսաստանի իշխանությունները քեև «չեղյալ էին հայտարարում» Հայաստանը խորհրդայնացնելու քաղբյուրոյի հուլիսի 31-ի որոշումը, սակայն իրադարձությունների հետագա զարգացումը ցույց տվեց, որ գործնականում նրանք ամենևին էլ չէին հրաժարվել Հայաստանը խորհրդայնացնելու մտքից, այլ միայն հետաձգում էին այդ «գործողության» իրականացումը:

Եթե Խորհրդային Ռուսաստանը Հայաստանի հետ կնքած Թիֆլիսի օգոստոսի 10-ի համաձայնագիրը դիտում էր որպես հակաբայլ նույն օրը Սևրում Անտանտի ու նրա դաշնակիցների (այդ թվում Հայաստանի) և սուլթանական Թուրքիայի միջև կնքված հաշտության սլայմանագրին, ապա Հայաստանի իշխանությունները համաձայնագրին մեծ նշանակություն չէին տալիս, այն «ժամանակավոր» համաձայնություն էին համարում:

<sup>34</sup> Нагорный Карабах в 1918-1923 гг., с. 574-575.

<sup>35</sup> Si' u Казанджян Р., К предыстории самоопределения Нагорного Карабаха (с приложением новых документов), Москва, 1997, с. 39, примечание № 3:

<sup>36</sup> Si' u նույն տեղում, էջ 38, ծանոթագրություն № 8:

Նշված ժամանակաշրջանում Հայաստանի իշխանությունները իրենց արտաքին քաղաքական բոլոր նպատակները կապում էին Սևրի պայմանագրի հետ, համոզված էին, որ եվրոպական հզոր պետությունների ջանքերով այն անպայման իրականանալու է: Եվ դա բնական ու հասկանալի է. չէ՛ որ Սևրի պայմանագիրն ավելի «ժանրակշիռ» էր, քան հայ-ռուսական համաձայնագիրը, չէ՛ որ նրանով «Անտանտը հայերին դնում էր այնպիսի մի բարձրության վրա, ուր նրանք երբեք չէին եղել»:<sup>37</sup>

Դրանով է պայմանավորված, որ Անտանտի երկրներում, պրո-բուրբակյան և հակահայկական ճամբարներում իրարանցում առաջացրած Թիֆլիսի ռուս-հայկական համաձայնագիրը Հայաստանի իշխանությունները որակում էին «ծևական», և, կարծես արդարանալով՝ վատահեցնում էին Արևմուտքին, որ իրենք «շարունակում են մնալ հակարոշկիկ»:<sup>38</sup> Իրավացի է Հովհաննես Քաջազունին, երբ խոստովանում է, որ «Սևրի դաշնագիրը շլացրել էր բոլորիս աչքերը, կաշկանդել միտքը, մթնեցրել իրականության գիտակցությունը»:<sup>39</sup>

Իսկ իրականում, անգամ Սևրի պայմանագրի «ճարտարապետներից» մեկը՝ Ֆրանսիայի նախագահ Պուանկարեն, խորհուրդ է տալիս «զգույշ լինել» և «չդիպչել» Սևրի պայմանագրին, քանզի այն «փխրուն առարկա է, զուցե ջարդված ծաղկաման»:<sup>40</sup>

«Սևրի պայմանագրի նկատմամբ ունեցած «խանդավառ ոգևորությունը», - իրավացիորեն նշում է ակադեմիկոս Գ. Գալոյանը, - Հայաստանի կառավարողներին մղել էր Ռուսաստանի դերի քերականահատմանը Հայ դատի լուծման խնդրում»:<sup>41</sup>

Իր հուշերում Հ. Տերտերյանը վկայում է, որ «Սևրի առաջացրած խանդավառ ոգևորության հետևանքով մեր պետական ու կուսակցական գործիչներից շատերը, քերականահատելով Խորհրդային Ռուսաստանի դերը Հայ դատի լուծման մեջ, անտեսել էին կարմիր գորամասերի ներկայությունը Հայաստանի սահմաններում և չափազանց մեծ հույսեր էին կապել դաշնակից պետությունների հետ՝ գերազանհատելով նրանց ուժերն ու հնարավորությունները: Հայաստանի պատվիրակությունն այն կարծիքին էր, որ դաշնակիցները, ինչքան էլ բար-

<sup>37</sup> Լևո. Անցյալից (Հուշեր. քոթեր. դասումներ), Թիֆլիս, 1925, էջ 472:

<sup>38</sup> Բ. Լեգրանի միսիան, փաստաթղթեր, ԲՀԱ, Երևան, 1967, թիվ 3, էջ 51-56:

<sup>39</sup> Քաջազունի Հ., նշվ. աշխ., էջ 33:

<sup>40</sup> Севр и Лозанна, Севрский мирный договор и акты, подписанные в Лозанне, Москва, 1927, с. 18.

<sup>41</sup> Գալոյան Գ. Ա., Հայաստանը և Մեծ տերությունները (1917-1923), Եր., 1999, էջ 286:

յացական լինեն Միացյալ և Անկախ Հայաստանի դատի նկատմամբ, իսկ խորհրդային իշխանությունն էլ՝ ոչ բարյացական, ամենից առաջ նկատի պետք է առնվեր մերկ ու դառն իրականությունը: Մեր բարեկամ «Ալյանսը» (նկատի ունի Անտանտը – Կ.Ս.) շատ հեռու էր մեր երկրի սահմաններից, իսկ Խորհրդային Ռուսաստանի գործառնախնայող սահմաններից, իսկ Խորհրդային Ռուսաստանի գործառնախնայող սահմաններից, իսկ Խորհրդային Ռուսաստանի գործառնախնայող սահմաններից, իսկ Խորհրդային Ռուսաստանի գործառնախնայող սահմաններից, իսկ Խորհրդային Ռուսաստանի գործառնախնայող սահմաններից: Ուստի մեր պատվիրակությունն առաջարկում էր մեր կառավարությանը ամեն գնով ու զիջումներով լեզու գտնել խորհրդային կառավարության հետ, անգամ Սևրից հրաժարվելու պայմանով, որպեսզի կարողանանք արագացնել կարմիր գործառնախնայող սահմանների հեռացումը մեր անվիճելի հողամասերից:

Բացի այդ, միանգամայն սխալ մտայնություն գոյություն ուներ քեմալական շարժման ու Քեմալի զինվորական ուժերի կարողության մասին: Անգլիացիների կողմից մեր հանրապետությանը տրամադրված ռազմամթերքի ու հագուստեղենի ստացումից հետո, մեր պետական ու կուսակցական որոշ շրջանակներում այն կարծիքն էր տիրում, որ քեմալական ուժերի հետ բախման պարագային հայկական գործառնախնայող սահմանները կարող են գրավել Էրզրումը և Էրզրումի բարձրավանդակը:<sup>42</sup>

Մոսկվայում հայ-ռուսական բանակցությունների ժամանակ Լ. Կարախանի հետ զրույցում Հ. Տերտերյանը, անդրադառնալով Սևրի պայմանագրին, նշել է. «Առանձնապես այն համոզումը չունեմ, որ դաշնակից պետությունները զինու գործությամբ Տաճկաստանը պիտի գրավեն և սկուտեղի վրա դրած մատուցեն մեզ: Ես այն համոզումն էլ չունեմ, որ ներկա Հայաստանը այսօր ի վիճակի պիտի լինի զինվորական իր միջոցներով տեր դառնալու տաճկահայկական նահանգներին: Բայց և այնպես, չեմ կարող հրաժարվել դարավոր մեր արդարացի իրավունքներից»:<sup>43</sup>

Եվ իրոք, ինչպես Սևրի պայմանագիրը, այնպես էլ նրանից բխող ԱՄՆ նախագահ Վուդրո Վիլսոնի 1920 թ. նոյեմբերի 22-ի իրավաբար որոշումը հայ-բուրքական սահմանի վերաբերյալ քեև չիրագործվեցին, այնուհանդերձ, դա Արևմտյան Հայաստանի նկատմամբ հայ ժողովրդի իրավունքների միջազգային ճանաչումն էր, փաստ, որն անհնար է ջնջել պատմության էջերից:

<sup>42</sup> Տե՛ս «Հայրենիք», Բոստոն, 1954, թիվ 5, էջ 6:

<sup>43</sup> Տե՛ս նույն տեղում, 1954, թիվ 2, էջ 21:

Սակայն մյուս կողմից՝ Սերի պայմանագիրը մարտահրավեր էր և՛ քեմալական Թուրքիային, որ զենքի տակ ուներ ավելի քան 150 հազարանոց մարտունակ քանակ, և՛ Խորհրդային Ռուսաստանին: 1920 թ. օգոստոսի կեսերին Քեմալը հայտարարեց, որ բուրքական գորքերը զրավելու են Բրեստ-Լիտովսկի և Բաթումի պայմանագրերով Թուրքիային անցած տարածքները: Արխիվային փաստաթղթերից տեղեկանում ենք, որ Թուրքիայում Խորհրդային Ռուսաստանի դեսպանության հավաստի տվյալներով՝ 1920 թ. օգոստոսին քեմալական կառավարությունը հայտարարել է 20-40 տարեկան բոլոր քրիստոնյաների զինակոչ, «նրանք ուղարկվում են հայկական ռազմածակատի ամենաձյունառատ շրջանները: Բանի որ կասկածից վեր է, որ այդ մարտիկ զանգվածարար վախճանվում են Կովկասի լեռներում, ապա, ակնհայտ է, որ Մուստաֆա Քեմալի այդ նոր միջոցառումներն Անատոլիայի քրիստոնյա արական սեռի բնակչության հանդեպ պատժամիջոցի բնույթ են կրում»:<sup>44</sup>

«Խորհրդային Ռուսաստանը վճռականապես հանդես եկավ Սերի պայմանագրի դեմ: Եվ դա ոչ թե այն պատճառով, որ պայմանագիրն ուղղված էր Թուրքիայի շահերի դեմ, այլ այն, որ արմատապես հակասում էր իր շահերին», և ոչ միայն Հայկական հարցում: Ռուսաստանը չէր կարող հանդուրժել, որ «հայերն իրենց անկախությունը ստանային Անտանտի տերությունների օգնությամբ և դրանով իսկ ընդմիջտ կախված լինեին նրանցից: Այդ Հայաստանը, - իրավացիորեն եզրակացնում է ակադեմիկոս Գալոյանը, - կլանգարեր «համաշխարհային հեղափոխության» ավիքների տարածմանը Արևելքում և Խորհրդային Ռուսաստանին ու «հեղափոխական» Թուրքիային կրածաներ միմյանցից»:<sup>45</sup>

Սակայն Հայաստանի իշխանություններն այդ իրականությունը չէին ցանկանում ըմբռնել, շարունակում էին հավատարիմ մնալ արևմտյան դաշնակիցներին, մինչդեռ նույն ժամանակ և՛ քեմալականները, և՛ աղբրեջանցի բոլշևիկներն ու ազգայնական գործիչները միանգամայն ճիշտ էին կողմնորոշվել: Նրանք համատեղ ջանքերով Ռուսաստանի մայրաքաղաքում ակտիվ բանակցություններ էին վարում խորհրդային ազդեցիկ դեկավար գործիչների հետ, և վաղօրոք մշակված հակահայկական ծրագրերի համաձայն՝ Հայաստանին մե-

<sup>44</sup> АВЛР ПФ, ф. 132, Референтура по Турции, оп. 3, папка 2, д. 18, л. 75.

<sup>45</sup> Տե՛ս Գալոյան Գ.Ա., Հայաստանը և Մեծ անրությունները (1917-1923), էջ 283, 287:

դադրում էին «միջազգային իմպերիալիզմին դաշնակից լինելու մեջ», խորհրդային կառավարությանը դրդում համատեղ պայքարի Հայաստանի դեմ: Թիֆլիսի և Սևրի օգոստոսի 10-ի պայմանագրերի ստորագրումից հետո այդ քաղաքականությունն ավելի հետևողական և ագրեսիվ դարձավ:

1920 թ. օգոստոսի 14-ին Բեքիր Սամի բեյի գլխավորած քուրբական պատվիրակությունը Մոսկվայում հանդիպում է Վ. Լենինի հետ, բողոքում Թիֆլիսի ռուս-հայկական համաձայնագրից, մասնավորապես, Նախիջևան-Շախսախք երկաթուղու շահագործումը Հայաստանին թողնելու դրույթից: Թուրքերը հուշում են, որ դա է «միակ հուսալի ճանապարհը», որով Ռուսաստանը կարող է գեներ և զինամթերք տեղափոխել քեմալականներին, հակառակ դեպքում՝ իրենք կոչ կզգնան Արևմուտքին: Խորհրդային կառավարությունից քուրքերը պահանջում են «զոնե բանավոր» համաձայնություն տալ Շախսախք - Սարիղամիշ գիծն իրենց կողմից գրավելու համար՝ ռուսական և քեմալական բանակների միջև անմիջական շփում հաստատելու նպատակով: Թուրքական դիվանագիտական ճնշումներն ի վերջո ցանկալի արդյունք են ապահովում. Գ. Օրջոնիկիձեի հետ հարցի վերաբերյալ խորհրդակցելուց հետո, արտգործժողկոմ Գ. Չիչերինը խորհրդային կառավարության անունից դրական է արձագանքում քուրքերի պահանջին՝ պայմանով, որ քուրքերը չանցնեն նշված գիծը:<sup>46</sup> Որոշմանը կողմ է արտահայտվում նաև Վրաստանում Ռ.Ս.ՖևսՅ լիազոր ներկայացուցիչ Ա.Կիրովը՝ օգոստոսի 23-ին Չիչերինին ուղղված նամակում:<sup>47</sup>

Թուրքական կողմի նկրտումներն իրենց ձևակերպումներն են ստանում օգոստոսի 24-ին Մոսկվայում նախաստորագրած ռուս-քուրբական «Արտագին և անկեղծ բարեկամության» պայմանագրի նախագծում: Դրա տարբերակներից մեկի համաձայն՝ կողմերը պարտավորվում են «վիժադարձ համաձայնությանը և կարճ ժամանակում ձեռնարկել անհրաժեշտ բոլոր միջոցները՝ Ռուսաստանի և Թուրքիայի միջև հաղորդակցության ճանապարհները բացելու համար»:<sup>48</sup>

Բեմախարոյշկիյան մերձեցումը, որ Լեհաստանի մայրաքաղաք Վարշավայի մոտ Կարմիր բանակի խայտառակ պարտությունից և օգոստոսի 24-ի ռուս-քուրբական համաձայնություններից հետո նոր

<sup>46</sup> Армянский вопрос. Энциклопедия, Ереван, 1991, с. 231-232.

<sup>47</sup> St'u Хейфец А.Н., Советская Россия и сопредельные страны Востока в годы гражданской войны (1918-1920), Москва, 1964, с. 131.

<sup>48</sup> Армянский вопрос. Энциклопедия, с. 232.

փուլ էր քնակոխել, առավել ամրապնդվեց Կոմիսներնի Գործկոմի կողմից 1920 թ. սեպտեմբերի 1-8-ը Բարձրում հրավիրված Արևելքի ժողովուրդների Առաջին համագումարին: Ավելին, թուրք-ադրբեջանական քարոզչական մեքենան այնտեղ «գաղափարական ռազմարշավ» ծավալեց «իմպերիալիստական Հայաստանի» դեմ: Համագումարի կողմից ընդունված փաստաթղթերում Հայաստանը ներկայացվում է որպես «միջազգային իմպերիալիզմին դաշնակից պետություն» և կոչ է արվում «արբազան պատերազմով» ելնել նրա դեմ:<sup>49</sup> Իսկ համագումարին մասնակցող կոմունիստ հայ պատվիրակները հանդես եկան խորհրդային հանրապետությունների օգնությամբ Հայաստանը խորհրդայնացնելու կոչով: Նրանք համոզված էին, որ դա է «փրկուրյան միակ ուղին», այլապես՝ դաշնակցական Հայաստանը վերջնականապես կզոռվի Արևմուտքի գիրկը և կդառնա «հեղափոխական Արևելքի վրա իմպերիալիստական Արևմուտքի հարձակման հենարաշտ», ինչը «կխայտառակի մեզ ամբողջ աշխարհի հեղափոխության առջև»:<sup>50</sup>

Համագումարի կողմից ընտրված Զարոզության և գործողության խորհրդի նախագահությունը սեպտեմբերի 18-ին հավանություն է տալիս խորհրդի կողմից սեպտեմբերի 17-ին ներկայացված «Մերձավոր Արևելքի քաղաքական ներկա պահի մասին» զեկուցագրին, որը մշակվել էր հակահայկական գործունեությամբ հայտնի ՌՍՖՍՀ արտգործժողկոմատի պատասխանատու աշխատակից Ա. Սկաչկոյի կողմից: Փաստաթղթում առաջին հերթին խիստ քննադատվում է 1920 թ. օգոստոսի 10-ի հայ-ռուսական համաձայնագիրը, այն դիտվում է որպես Ռուսաստանի «թուլության» նշան, ինչը կարող է ուժգին հարված հասցնել թուրք-ազգայնական (քեմալական - Կ.Խ.) շարժմանը և խափանել Արևելքում համաշխարհային հեղափոխության զարգացումը: Դրանից խուսափելու համար փաստաթղթում առաջարկվում է գործողությունների հետևյալ ծրագիրը. հնարավոր բոլոր միջոցներով օգնել քեմալականներին, որպեսզի Հայաստանի վրա նրանց ռազմարշավի միջոցով լուծվի Հայաստանի խորհրդայնացման հարցը: Համաձայն ծրագրի՝ հաջորդ փուլում Ռուսաստանը պետք է քարոզչական «ահավոր աղմուկ բարձրացնել Եվրոպայում», և «թուրք-հայկական

<sup>49</sup> Первый съезд народов Востока. Стенографический отчет, Баку, 1920.

<sup>50</sup> Հոկտեմբերյան սոցիալիստական մեծ հեղափոխությունը և սովետական իշխանության հաղթանակը Հայաստանում (փաստաթղթերի և նյութերի ժողովածու), Եր., 1960, էջ 374, 377:

նոր կոտորածները» կանխելու անհրաժեշտությունից ելնելով, որպես փրկարար ու հաշտարար մտներ Հայաստան և այնտեղ հաստատեր խորհրդային վարչակարգ, դրանով իսկ «փրկեր հայ ժողովրդին»: Դավադիր այս փաստաբույրը, որպես Էարոզչության և գործողության խորհրդի նախագահության «Եզրակացություն», սեպտեմբերի 19-ին ուղարկվում է Կոմինտերնի Գործկոմի նախագահություն և Ռ.Կ(բ)Կ Կենտկոմ, պատճենը՝ Խորհրդային Ռուսաստանի արտգործնորկոմաւ:<sup>51</sup>

Պետք է ենթադրել, որ «Եզրակացությունն» արժանացել է խորհրդային ամենաբարձր ղեկավարության հավանությանը, այլապես ինչով բացատրել, որ նրա երևան գալուց ընդամենը մի քանի օր անց քեմալական Թուրքիան դավադրաբար, առանց պատերազմ հայտարարելու, լայնածավալ ռազմական գործողություններ սկսեց Հայաստանի դեմ: Չարմանալի գողադիպությունը՝ 1920 թ. սեպտեմբերի 29-ին Ռ.Կ(բ)Կ Կենտկոմի պլենումը որոշում է «Փողով և զենքով փաստացի օգնություն ցույց տալ քեմալականներին»:<sup>52</sup>

Այսպես, միայն 1920 թ. սեպտեմբերի ընթացքում Էրզրումում քեմալական կառավարության և ռազմական հրամանատարության ներկայացուցիչներին Խորհրդային Ռուսաստանի իշխանությունները փոխանցեցին 200,6 կգ. ոսկի:<sup>53</sup>

Պետք է նշել, որ խորհրդային կողմը քեմալականների առջև քեև պայման էր դնում, որ տրամադրվող օգնությունը պետք է օգտագործվի բացառապես Անտանտի դեմ պայքարում, արևմտյան ճակատում, սակայն պարզ է, որ վերահսկել դա գրեթե անհնար էր: Մյուս կողմից՝ խորհրդային օգնության շնորհիվ էր նաև, որ հասնելով հաջողությունների արևմտյան ճակատում, քեմալականներն իրենց առավել փառահ էին զգում Հայաստանի դեմ արևելյան ճակատում: Այսպիսով, եթե չլիներ Խորհրդային Ռուսաստանի քաղաքական աջակցությունը և նյութական օգնությունը քեմալականներին, վերջիններս չլին համարձակվի պատերազմել Հայաստանի հետ, ինչպես չհամարձակվեցին 1920 թ. ամռանը՝ հարցը կապելով «Գոյշեխկյան կառավարության և Թուրքիայի ընդհանուր փոխհարաբերությունների հետ»:<sup>54</sup>

<sup>51</sup> ՀԱԱ, ֆ. 113, ց. 3, գ. 7, քր. 1-3:

<sup>52</sup> ՀԱԱ, հավաքածու 1, գ. 2, ք. 106:

<sup>53</sup> ДВП СССР, т. 3, Москва, 1959, с. 675.

<sup>54</sup> Տե՛ս Աղայան Ծ.Պ., Հոկաներբուր և հայ ժողովրդի սոցալատադրական պայքարը, Եր., 1982, էջ 321:

Նման եզրակացությանը հանգելու հիմք են տալիս նաև հետևյալ փաստերը: 1920 թ. հոկտեմբերի սկզբին Լենինին ուղղված նամակում Ստալինը նշում է. «Գտնում եմ, որ բուրքերի առաջխաղացումը (Հայաստանի տարածքում – Կ.Խ.) ջոր է լցնում մեր ջրաղացին»:<sup>55</sup> Իսկ նույն թվականի նոյեմբերի վերջերին Մոսկվա՝ Գ. Չիչերինին (պատճենը՝ Վ. Լենինին) ուղղված հեռագրում մտորելով Վրաստանի հնարավոր խորհրդայնացման հարցի շուրջ, Ստալինը միանշանակ նշում է. «Տարբերակներից լավագույնը՝ Թուրքիայի հաջող պատերազմն է Վրաստանի հետ, ինչը Ռուսաստանին հնարավորություն կտա միջամտելու միջնորդի և փրկարարի կեցվածքով»:<sup>56</sup> Այս «տարբերակի» մասին Ստալինը հուշում է նաև Օրջոնիկիձեին՝ վերջինիս նոյեմբերի 28-ին ուղղված նամակում նա նշում է. «Պետք է նրանց (քեմալականներին – Կ.Խ.) հրահրել Վրաստանի դեմ, և փորձել, կզնան նրանք, արդյո՞ք, Վրաստանի դեմ»:<sup>57</sup> Ամենևին չի բացառվում, իսկ իրադարձությունների հետագա զարգացումն էլ հուշում է, որ նշված «տարբերակը» խորհրդային ղեկավարության կողմից լավագույնը ճանաչվեց Հայաստանի նկատմամբ քաղաքականության համար:

Ինչպես խոստովանում է Մուստաֆա Քեմալը, բուրք-հայկական պատերազմում Թուրքիայի նպատակն էր՝ «ոչնչացնել հայկական քանակն ու հայկական պետությունը»:<sup>58</sup> Բացի այդ, բուրքական բանակի Արևմտյան ռազմաճակատի հրամանատար Ալի Ֆուադ Ջերեսոյին 1920 թ. սեպտեմբերի 14-ին ուղղված հեռագրում Քեմալը հուշում է, որ առաջիկա պատերազմում «պետք չէ հրաժարվել նաև Ալյքբեջանը Թուրքիային միացնելու մտքից»:<sup>59</sup> Սա արդեն վկայում է քեմալականների հեռու գնացող ծրագրերի մասին: Ինչպես իրավացիորեն նկատում է ակադեմիկոս Հր. Միմոնյանը, «քեմալականների բուրքիզմը չէր սահմանափակվում «Նոր Թուրքիայի» շրջանակներով, այն պետք է վերածեր և, իրոք, վերածնց պանթուրքիզմի»:<sup>60</sup>

<sup>55</sup> Տե՛ս Казанджян Р., Советско-кемалистские отношения в 1920 г. и вопрос Армении в свете секретных документов московских архивов, "Страны и народы Ближнего и Среднего Востока", Ереван, 2002, Вып. 21, էջ 105:

<sup>56</sup> ՀԱԱ. հավաքածու 1, գ. 2, ք. 142.

<sup>57</sup> Տե՛ս Հարութանի Հանրապետությունը 1918-1920 թթ.: Ընդարակուն պատմություն (Փաստաթղթերի ժողովածու), էջ 363:

<sup>58</sup> Кемаль М., Путь новой Турции, т. III, Москва, 1932, с. 102.

<sup>59</sup> Տե՛ս Միմոնյան Հր.. Թուրք-հայկական հարաբերությունների պատմությունից, Եր., 1991, էջ 380:

<sup>60</sup> Միմոնյան Հր., Թուրք սոցալիզմի բուրժուազիայի գաղտնիարարանությունը և քաղաքականությունը, Եր., 1986, էջ 511:

Խորհրդային Ռուսաստանի իշխանությունները քեւ աջակցում էին քեմալականներին, սակայն այլ կերպ էին վերաբերվում քեմալական հարձակմանը Հայաստանի վրա: 1920 թ. հոկտեմբերի 5-ին Բ. Լեգրանին Թիֆլիս ուղարկած հեռագրում արտգործո՞ղկում Չիչերինը հուշում է, որ քանի դեռ բուրքերը չեն անցել Շախսախս-Մարխումիչ գիծը, անհանգստանալու կարիք չկա, միևնույն ժամանակ նա զգուշացնում է, որ «Մենք չենք կարող բույլ տալ նրան (Հայաստանը - Կ.Ս.) ճգմելու»:<sup>61</sup>

Խորհրդային կառավարության մոտ առկա էր այն մտավախությունը, որ բուրքերի հարձակումը կատարվում է Անտանտի հետ համաձայնեցված, որը «պատրաստվում է Բարումում դեսանտ իջեցնել»<sup>62</sup> և Թուրքիայի, Հայաստանի ու Վրաստանի հետ միասին Բաքվում և Կովկասում պատերազմել Ռուսաստանի դեմ: Հոկտեմբերի 9-ին Լեգրանին ուղարկած հեռքական հեռագրում Չիչերինը նշում է, որ «Իաշնակների կառավարությունը վերածվել է Անտանտի հարձակման քաջահայտ գործիքի: Անտանտը դաշնակներին մատակարարում է զինամթերք և ինչ-որ քան է պատրաստում» և «Թուրքական հարձակումը կարող է սաղրիչ դեր խաղալ Անտանտի համար»:<sup>63</sup>

1920 թ. նոյեմբերի 21-ին Վ. Լենինը զգուշացնում էր իր համախոհներին, որ Կովկասում «մեր վզին կարող է պատերազմ փարաբվել նույնիսկ օրավուր»:<sup>64</sup>

Սպառնացող այդ վտանգը չեզոքացնելու և Անտանտին պատերազմ սկսելու առիթ չտալու համար խորհրդային իշխանությունները փորձում էին խուսափել տարածաշրջանում կտրուկ քայլերից: Խորհրդային ղեկավարությունը զգուշանում էր նաև քեմալականներից և չէր ցանկանում Հայաստանի պատճառով սրել հարաբերությունները նրանց հետ, ստավել ևս այն դեպքում՝ երբ, ինչպես նշում է Գ. Չիչերինը, «Մենք բուրքերի առաջխաղացումը կանխելու հնարավորություն չունենք»:<sup>65</sup> Նշենք, որ 1920 թ. աշնանը Խորհրդային Ռուսաստանի արտաքին դրությունը շարունակում էր խիստ լարված մնալ: 1920 թ. սեպտեմբերի 22-ին ՌԿ(բ)Կ Համառուսաստանյան 9-րդ կոնֆերանսին Կենկոմի քաղաքական հաշվետվությունը ներկայացնող Վ. Լենինը,

<sup>61</sup> Տե՛ս Արգունյանյան Մ.Վ., Արևավորրից վերածնունդ, Եր., 1973, էջ 333:

<sup>62</sup> Տե՛ս նույն տեղում, էջ 349:

<sup>63</sup> РГАСПИ, ф. 64, оп. 1, д. 21, лл. 173-174.

<sup>64</sup> Լենին, ԵԼԺ, ն. 42, էջ 29:

<sup>65</sup> Տե՛ս Գալսյան Գ., Պատմության քառադիներում, Եր., 1982, էջ 340:

անդրադառնալով ռուս-լեհական պատերազմի խնդիրներին, նշում է. «Կրաստանի և Լատվիայի կոմունիստները բողոքում են, քե ինչու մենք չենք օգնում վերջիններիս խորհրդայնացմանը, «Եվ հիմա էլ մենք չենք կարող դա անել, մենք դրա հնարավորությունը չունենք: Հանրապետության (Ռուսաստանի - Կ.Ս.) փրկությունը և ամրապնդումը՝ դա է մեր գերագույն խնդիրը»:<sup>66</sup>

Թուրք-հայկական պատերազմի քեժ շրջանում, 1920 թ. հոկտեմբերի 14-ին Ռ.Կ(ր)Կ Կենտկոմի քաղբյուրոն որոշում է հաստատել ՌՍՖՍՀ արտգործոժողկոմ Չիչերինի առաջարկությունները Հայաստանի նկատմամբ խորհրդային քաղաքականության վերաբերյալ: Դրանք են. «1. Համաձայնել Հայաստանում խորհրդային իշխանություն հաստատելու համար վճռական գործողությունների դիմելու անհրաժեշտության մասին Հայաստանի Կոմկուսի Կենտկոմի և Ռ.Կ(ր)Կ Կենտկոմի Կովկասյան բյուրոյի կարծիքի հետ, 2. Նրան *քաղաքական* (ընդգծումը մերն է - Կ.Խ.) օգնություն ցույց տալ թուրքերի առաջխաղացումը կասեցնելու համար և 3. պաշտպանել նոր, խորհրդային կառավարությունը»:<sup>67</sup>

Քաղբյուրոյի այս որոշումը Հայաստանի Առաջին Հանրապետության դատավճիռն էր, Հայաստանը պետք է խորհրդայնացվեր: Եվ անհիմաստ էին դառնում Երևանում ընթացող հայ-ռուսական բանակցությունները և դրանց արդյունքում հոկտեմբերի 28-ին Ռուսաստանի և Հայաստանի հաշտության պատվիրակությունների կողմից նախաստորագրված «Եզրափակիչ որոշման արձանագրությունը» ու նրան կից «Հաշտության պայմանագրի» նախագիծը:<sup>68</sup> Դրանք դատապարտված էին մնալու քրքի վրա, և մնացին, որովհետև արմատապես հակասում էին քաղբյուրոյի հոկտեմբերի 14-ի վերը նշված որոշմանը:

Այնուեանդերձ, հայ-ռուսական «Արձանագրությունում», որը ստորագրել էին Ռուսաստանի կառավարության կողմից լիազորված Բ. Լեզրանը և Հայաստանի՝ Լ. Շանթը, Հ. Տերտերյանը և Լ. Չարաֆյանը, կողմերը պարտավորվում էին հնարավորինս սեղմ ժամկետներում ստորագրել նրան կից «Հաշտության պայմանագիրը»՝ հետևյալ պայմանները կատարելու դեպքում. Ռուսաստանի և Ադրբեջանի կառավարությունները պետք է ճանաչեին Հայաստանի իրավունքները Նախիջևանի և Չանգեզուրի նկատմամբ, իր հերթին՝ Հայաստանի

<sup>66</sup> Ств Ленин В.И., Известные документы. 1891-1922 гг., с. 374.

<sup>67</sup> Հայաստանը... փաստաթղթերում, էջ 456:

<sup>68</sup> Ств ՀԱԱ, ֆ. 114, ց. 2, գ. 132, քք. 2-8:

կառավարությունը պարտավորվում է հրաժարվել Ղարաբաղի նկատմամբ պահանջներից և քնդուներ ԱՄՖԽՀ կառավարության բարեկամական օժանդակությունը՝ Թուրքիայի հետ տարածքային հարցերը լուծելու խնդրում (այն դեպքում, եթե քուրբական զորքերը հետ քաշվեին մինչև 1914 թ. ռուս-քուրբական մախկին սահմանը): Նախատեսվում է, որ Թուրքիան պետք է հրաժարվեր Բրեստ-Լիտովսկի և Բաքույի պայմանագրերից և ճանաչեր Հայաստանի հանրապետության անկախությունը՝ այն սահմաններում, որ կորոշվեր հայ-ռուսական հաշտության պայմանագրով: Ռուսաստանը պարտավորվում է Հայաստանին տրամադրել 2,5 մլն. ռուբլի (ոսկով) վարկ:<sup>69</sup>

Հայ-ռուսական դիվանագիտական փաստաթղթերը՝ «Արձանագրությունը» և պայմանագրի նախագիծը, 1920 թ. նոյեմբերի 4-ին քննարկվեցին Ադրբեջանի կոմկուսի Կենտկոմի քաղբյուրոյի և ՌԿ(բ)Կ Կենտկոմի Կովկասյան բյուրոյի Բաքվում հրավիրված համատեղ նիստին, որին մասնակցում էր նաև Ի. Ստալինը: Վերջինս ՌԿ(բ)Կ Կենտկոմի հատուկ հանձնարարականով և մեծ լիազորություններով հոկտեմբերի վերջերին ժամանել էր տարածաշրջան՝ «կովկասյան հարցերին» մոտիկից ծանոթանալու և հրատապ լուծումներ գտնելու համար:

Քննարկելով հայ-ռուսական պայմանագրի մասին Բ. Լեզրանի զեկուցումը, նիստի մասնակիցները կտրականապես դեմ են արտահայտվում Նախիջևանը և Ջանգեզուրը Հայաստանին քողնելու նախապայմանին, քննադատության են արժանանում նաև պայմանագրի մյուս դրույթները: Լուրջ մեղադրանքներ են հնչում Լեզրանի հասցեին, անհրաժեշտ է համարվում նրան զործուղել Մոսկվա՝ «Հայաստանի հետ կապված հարցը պարզելու համար»:<sup>70</sup> Խնդրի կապակցությամբ նոյեմբերի 16-ին Մոսկվա՝ Չիչերինին (սյատճենը՝ Լենինին) հղած հեռագրում Ստալինը բացահայտում է իր դիրքորոշումը. հոկտեմբերի 28-ի պայմանագրի նախագծի մասին «խոսելն ավելորդ է, այն ետ է մնացել իրադարձություններից. այնպես, ինչպես ետ է մնացել (Հայաստանի վրայով - Կ.Խ.) տարանցման պահանջը»:<sup>71</sup>

Այո, Ստալինը իրավացի էր՝ մինչ Լեզրանը Բաքվում փորձում էր ստանալ Հայաստանի հետ պայմանագիր ստորագրելու հանձնարարականը, քուրբական բանակը հոկտեմբերի 31-ին արդեն գրավել էր Կարսը, իսկ նոյեմբերի 7-ին՝ Ալեքսանդրապոլը (Գյումրին):

<sup>69</sup> Տե՛ս նույն տեղում:

<sup>70</sup> ՀԱԱ, ֆ. 1022, ց. 3, գ. 276, քք. 1-6:

<sup>71</sup> Նույն տեղում, իսկաբաժնու 1, գ. 2, ք. 139:

1920 թ. նոյեմբերի 6-ին և 7-ին Մոսկվա՝ Գ. Չիչերինին և Վ. Լև-  
 Գինին Բարսիլից ուղարկած հեռագրերում Ստալինը և Օրջոնիկիձեն տե-  
 ղեկացնում էին, որ «Թուրքական հարձակումը Հայաստանի վրա շա-  
 րունակվում է», և որ ստացված տեղեկությունների համաձայն (դրանք  
 հաղորդել էր Թիֆլիսում խորհրդային ներկայացուցիչ Ստարկը - Կ.Խ.)  
 Կարսը գրավված է, իսկ Ալեքսանդրապոլը կարծես քն շուտով կգրավ-  
 վի: Նշելով, որ ըստ Ստարկի՝ «քուրքերը Մոսկվային հայտնի գծից  
 առաջ չեն շարժվելու», Ստալինը հուշում է, որ «քուրքերն արդեն իսկ  
 անցել են այդ գիծը» և «Հայաստանում դրությունն այնպիսին է, որ եթե  
 Ալեքսանդրապոլն իրոք ընկնի, բացառված չէ դաշնակների կողմից,  
 Ադրբեջանի օրինակով, իշխանությունը մեզ փոխանցելու հնարավու-  
 րությունը»: Անհանգստություն հայտնելով, որ քենալականների հետ  
 կապի բացակայության պատճառով իրենք լիովին անտեղյակ են քուր-  
 քերի հետագա ծրագրերից, որոնք «սպառնում են փոխվել մեզ համար  
 ոչ ձեռնտու ուղղությամբ, ինչն անթույլատրելի է», Ստալինը և Օրջոնի-  
 կիձեն առաջարկում են իրենց ենթադրությունները ճշտելու, քուրքերի  
 մտադրությունները պարզելու, և ըստ այդմ որոշումներ կայացնելու  
 համար, քենալականների մոտ գործուղել կուսակցական հայտնի  
 գործիչ Պ. (Բուդու) Մոլիվանուն: Լենինին և Չիչերինին հուշելով, որ ի-  
 րենք նպատակահարմար չեն գտնում դիվանագիտական կարևոր այդ  
 առաքելությունը վստահել Լեգրանին. Ստալինը և Օրջոնիկիձեն հեզ-  
 անքրով առաջարկում են. «Ավելի լավ է նրան կանչել Մոսկվա՝ պայ-  
 մանագրի նախագծի (հոկտեմբերի 28-ի հայ-ռուսական - Կ.Խ.) վերա-  
 բերյալ բացատրություններ տալու համար»: <sup>72</sup> Պարզ է, որ Ստալինը  
 դժգոհ էր Հայաստանի հարցում Լեգրանի վարած քաղաքականություն-  
 նից և ձգտում էր չեզոքացնել նրան «հայկական գործերից»: «Հայկա-  
 կան գործերում» Լեգրանի միակ «դաշնակիցը»՝ ՌՄՖԽՀ արտգործ-  
 ժողկոմ Չիչերինը, Կովկասում Ստալինի դերի ուժեղացման պայման-  
 ներում, այլևս չէր փորձում ընդդիմանալ վերջինիս: «Չիչերինը և Լեգ-  
 րանը իրադարձությունների զարգացման այս փուլում Հայաստանին  
 որևէ գործնական օգնություն ցույց տալ չէին կարող: Հիմնախնդրի բո-  
 յոր լծակները կենտրոնացված էին Ստալինի ձեռքում»: <sup>73</sup>

Եվ այդ «լծակները» չկորցնելու համար քենալականների մոտ  
 Կարս գործուղվեց Ստալինի հսկահայկական ծրագրերը գործ-  
 նականում իրականացնողներից մեկը՝ Բուդու Մոլիվանին: Վերջինս՝

<sup>72</sup> Տե՛ս նույն աեղում, քք. 132-135:

<sup>73</sup> Խորշոռյան Լ.Ա., Հայաստանի բաժանումը 1920 թ., Եր., 2002, էջ 242:

նախ Կարսում, այնուհետև Ալեքսանդրապոլում ընդգծված հակահայկական քարոզչություն էր վարում քեմալականների հետ դիվանագիտական շփումներում:

«Միլիվանին քուրքամետ էր, հակահայ: Նա ոչ միայն Ստալինի կամակատարն էր, այլև համախոհը: Միլիվանին Ալեքսանդրապոլում նռանդուն գործունեություն ծավալեց, լեզու գտավ Կարաբեքիրի հետ և ամեն ինչ արեց Թուրքիայի սյահանջները բավարարելու, Հայաստանը ծնկի բերելու համար»:<sup>74</sup>

Թուրք-հայկական սպառնազմում քեմալականների ռազմական հաջողությունները անհանգստացնում էին Խորհրդային Ռուսաստանի իշխանություններին, այդ կապակցությամբ Չիչերինը 1920 թ. նոյեմբերի 6-ին հեռագրում է Ստալինին. «Անհրաժեշտ է փրկել Հայաստանը նրա խորհրդայնացման գնով», Չիչերինը հույս է հայտնում, որ եթե այնտեղ զոռն մեկ ռուս զինվոր լինի, քուրքերը չեն համարձակվի շարժվել Հայաստանի խորքերը:<sup>75</sup> Իսկ նման փոանգը չէր բացառվում. նոյեմբերի 8-ին, երբ քուրքական զորքերն արդեն գտնվում էին Ալեքսանդրապոլում, Թուրքիայի արտգործնախարարի տեղակալ Ահմեդ Մուխթարը հետևյալ դիմումն է հղում քեմալական բանակի Արևելյան ռազմաճակատի հրամանատար գեներալ Բյազիմ Կարաբեքիրին. «Հայաստանը գտնվում է խիստ լայնատարած մոսուլմանական մի հողատարածքի վրա, հետևապես՝ անհրաժեշտ է նրան ինչպես քաղաքականապես, այնպես էլ փաստականորեն ոչնչացնել: Հարկ է հաշվի առնել, որ քաղաքական ընդհանուր իրադրությունն ու մեր հզորությունը բարենպաստ են այդ մտադրությունն իրականացնելու համար»:<sup>76</sup> Ինչպես ասում են՝ բացատրություններն ավելորդ են, կարծում ենք մահ, որ միայն այս փաստը բավարար է, որպեսզի սին դառնան բոլոր նրանց պնդումները, ովքեր ջանքեր չեն խնայում համոզելու, որ քուրքերը, միևնույն է՝ լինել քե չլինել Խորհրդային Ռուսաստանի գործունը, խնայելու էին Հայաստանը, այն սահմաններում, որ գծվել էին Բարսումում և Ալեքսանդրապոլում:

Նշվածի ապացույցն է մահ քեմալականների վայրագությունները Արևելյան Հայաստանի զինագրաված տարածքներում, մասնավորապես Կարսում: Ներխուժելով Կարս, Կարաբեքիր փաշայի գոր-

<sup>74</sup> Նույն տեղում, էջ 268-269:

<sup>75</sup> Տե՛ս Գալսյան Գ., նշվ. աշխ., էջ 346-347:

<sup>76</sup> Տե՛ս Սարգսյան Ե., Դավալիր գործարք. Հայաստան-Ռուսաստան-Թուրքիա. Եր., 1994, էջ 170-171:

քերը ձեռնամուխ եղան խաղաղ հայ բնակչության կոտորածին: Միաժամանակ իրականացվեցին զանգվածային ձերբակալություններ, պետական և մասնավոր ունեցվածքի կողոպուտ, այլ բռնություններ: Ռեզիստանտները և ձերբակալվածները, որոնց քիվը հասնում էր մոտ երեք ու կես հազարի, արտրվեցին Էրզրում՝ տաժանակիր աշխատանքների. նրանց մեծ մասը ոչնչացվեց ինչպես ճանապարհին, այնպես էլ արտրավայրերում: Հաժան ճակատագրի արժանացան նաև Կարսում Մերձավոր Արևելքի օգնության ամերիկյան նպաստամատույց կոմիտեի խնամքի տակ գտնվող 6 հազար որբ հայ երեխաները: Նրանց միայն չնչին մասը մնաց Հայաստանում: Փոխարենը՝ Էրզրումից Կարս տեղափոխվեցին 2 հազար թուրք որբեր: Ընդհանուր առմամբ Կարսում և նրա շրջանում կոտորվեցին շուրջ 15 հազար հայեր: Նշենք, որ բռնությունների ենթարկվեցին նաև Կարսի շրջանի մալականների տասնյակ գյուղեր, մի շարք օտարերկրյա քաղաքացիներ: Հետաքրքիր է դրանցից մեկի՝ ռումինացի Վասիլի Իոնեսկոյի, որը մեկ ամիս գտնվելով թուրքական գերությունում անձամբ էր կրել վերջինիս դաժանությունները, վկայությունները: Վրաստանում ՀՍԽՀ ներկայացուցչությանն ուղղված գրությունում տուժողի աչքերով ներկայացնելով քեմալականների վայրագությունները, Իոնեսկոն վկայում է. «Քաղաքում ահավոր սպանդ էր տիրում, իմ աչքի առջև մի խումբ կանայք, խուսափելով ձերբակալությունից, նետվեցին Կարսաչայ գետը: Ձերբակալվածներիս օրերով ոչ միայն հաց, անգամ ջուր չէին տալիս, ամբողջովին մերկացրել էին, եղան տղամարդկանց բռնաբարության դեպքեր: Աքսորի ճանապարհին ձերբակալվածները ենթարկվում էին զանազան խոշտանգումների: Ազատվելուց հետո Կարսում դոկտոր Նուրի-բեյից տեղեկացա, որ քաղաքում կոտորվել է 8 հազար հայ, բայց իմ դիտարկումներով՝ նրանց քիվը պետք է կազմի 10-12 հազարից ոչ պակաս: Գրեթե բոլոր կանայք բռնաբարված և վարակված էին, շատերը սովամահ էին լինում, քաղանված էր ամեն ինչ, հայերից բռնագրավված խանութներում առևտուր էին անում թուրքերը»:<sup>77</sup>

Սքաի գնահատելով պատերազմում Հայաստանի անհուսալի դրությունը և ձգտելով կանգնեցնել թուրքերի հաջող հարձակումը Չաջուրի ուղղությամբ, Հայաստանի կառավարությունը ստիպված է լինում նոյեմբերի 18-ին ընդունել թուրքական հրամանատարության ներկայացրած զինադադարի պահանջները: Թուրք-հայկական պատերազմում Հայաստանի հանրապետության պարտությունը կատարյալ

<sup>77</sup> Տե՛ս Ներսիսյան Մ.Գ., Պատմության կեղծարարները, Եր., 1998, էջ 308-310:

էր: Խնդիր չհետապնդելով վերլուծելու մեր ժողովրդի համար ծանր և ճակատագրական հետևանքների ունեցող պարտության բոլոր պատճառները, նշենք միայն, որ պարտության համար պատասխանատվության մեծ բաժինն ընկնում է Հայաստանի ղեկավարության ու քաղաքական ուժերի, Հայկական բանակի հրամանատարության ու զինվորականության վրա:

1920 թ. նոյեմբերի 11-ին Խորհրդային Ռուսաստանի կառավարությունը հանդես էր եկել հայտարարությամբ, ուր պատրաստակամություն էր հայտնել միջնորդի դեր ստանձնել պատերազմող կողմերի միջև և այդ նպատակով «ռազմական գործողությունների շրջան ուղարկել իր լիազոր ներկայացուցիչ Միլիվանուն»: Այդ մասին է նշվում նաև Թուրքիայի և Հայաստանի կառավարություններին ուղղված Գ. Չիչերինի հեռագրերում:<sup>78</sup> Նույն օրը Լ.ոնդոն, Ռուսաստանի առևտրական ներկայացուցիչ Լ. Կրասինին հաղորդած ռադիոհեռագրում Չիչերինը նշում է, որ «Թուրք ազգայնականների վերջին հաջողություններից հետո Հայաստանի դրությունը շատ տազնապալից է և Ռուսաստանի միջնորդությունը հենց ժամանակին է»:<sup>79</sup>

Ժամանեով տարածաշրջան, Ռուսաստանի կառավարության լիազոր ներկայացուցիչ Միլիվանին նախ այցելում է Կարս և հանդիպումներ ունենում Կարաբեքիրի հետ, իսկ այնուհետև՝ Երևան: Այստեղ Լ.եզրանի հետ միասին Միլիվանին նոյեմբերի 19-ին հանդիպում է Հայաստանի նախարարապետ Համո Օհանջանյանի և զինվորական նախարար Ռուբեն Տեր-Մինասյանի հետ: Բանակցությունների ընթացքում Ռուսաստանի ներկայացուցիչները հուշում են, որ խորհրդային ղեկավարության միջնորդությունը կարող է իրական արդյունքներ տալ միայն Հայաստանում ռուսական բանակի առկայության պայմաններում, և որ քննալականները «Հայաստանի համար Ռուսաստանի հետ չեն պատերազմի»: Միլիվանին ավելացնում է նաև, որ «Հարկավոր է դա վերջապես գիտակցել և անմիջապես ընդունել խորհրդայնացումը», այդ դեպքում՝ հայ ժողովուրդը կփրկվի «վերջնական ոչնչացումից»: Խորհրդայնացումն ընդունելու դիմաց՝ Ռուսաստանի ներկայացուցիչները խոստանում են վերականգնել Հայաստանի 1914 թ. սահմանները:<sup>80</sup>

<sup>78</sup> Հայաստանը... փաստաթղթերում, էջ 458-459:

<sup>79</sup> ՀԱԱ, ֆ. 200, ց. 1, գ. 597, ք. 142: Տես նաև Нагорный Карабах в 1918-1923 гг., с. 598-599.

<sup>80</sup> Տես Բ. Լ.եզրանի մխիտն. փաստաթղթեր. ԲՀԱ, Երևան. 1967, քիվ 3, էջ 85-92:

Սա, փաստորեն, Հայաստանը խաղաղ ճանապարհով խորհրդայնացնելու առաջարկ էր՝ անթաքույց պահանջի տեսքով:

Այսպիսով, ընկնելով քեմալաբոլշևիկյան ռազմադիվանագիտական ուժգին ճնշումների տակ, Հայաստանի իշխանությունները ձգտում էին հայ-ռուսական և հայ-թուրքական բանակցությունների միջոցով ելքեր գտնել դժվարին կացությունից: Սակայն նրանք, կարծես չէին գիտակցում իրավիճակի ողջ լրջությունը, դրսույթ 1920 թ. սմառը չէր, երբ Հայաստանի թե՛ քաղաքական և թե՛ ռազմական դրությունը համեմատաբար կայուն էր և հնարավոր էր բանակցությունների միջոցով հասնել վիճելի խնդիրների լուծմանը: Ժամանակն անվերադարձ կորսված էր. թուրքական զորքերն իրենց մահաբեր ներխուժման սպառնալիքի տակ էին պահում Հայաստանի սիրտը՝ Արարատյան դաշտավայրը, վերջնականապես երես էր թեքել և իր անգործության մասին հայտնել «քաղաքակիրթ Եվրոպան»՝ միշտ պատրաստ սեծովյան նեղուցների և Բաքվի նավթի համար գռռաբերել հայ ժողովրդի շահերը: Իսկ Ռուսաստանը, հատելով իր համբերությունը, և մի կողմ թողնելով Հայաստանի՝ հետ անաբոյունք և անվերջ թվացող բանակցությունների քաղաքականությունը, անցել էր գործնական «վճռական գործողությունների»:

Քեմալականների հաղթական երթը Հայաստանի տարածքով չէր կարող չանհանգստացնել խորհրդային իշխանություններին, նրանց մոտ դեռևս մեծ էր այն մտավախությունը, որ «թուրքերը խորամանկում են, հետապնդում սեփական նպատակները», - 1920 թ. նոյեմբերին այդ մասին հաղորդում էր Մոսկվա՝ Չիչերինին և Լենինին, Ստալինը: Լենինին ուղղված մեկ այլ հեռագրում Ստալինը հուշում է նաև, որ թուրքերը «ձգտում են ընդհանուր սահման ունենալ Ադրբեջանի հետ»:<sup>81</sup>

Իրադարձությունների նման զարգացումը կանխելու նպատակով Օրջոնիկիձեն նոյեմբերի երկրորդ կեսին Ստալինին հայտնում է իր, ՀԿ(բ)Կ Կենտկոմի և Ադրբեջանի հեղկոմի նախագահ Ն. Նարիմանովի ընդհանուր կարծիքը. «Այլև չսպասել և անմիջապես սեպով խրվել (թուրքերի և Ադրբեջանի միջև - Կ.Խ.)»: Օրջոնիկիձեն հուշում է նաև, որ դա «միաժամանակ կարագացնի հաջորդ գործողության (լուսքը Հայաստանի խորհրդայնացման մասին Լ - Կ.Խ.) նախապատրաստումը»: Օրջոնիկիձեի կողմից առաջ քաշված ծրագրին ծանոթանալուց հետո Ստալինը խորհուրդ է տալիս նրան «ղեռ մի փոքր հե-

<sup>81</sup> ՀԱԱ, հավաքածու 1, գ. 2, քք. 135, 150:

տածգել», և սկսել «այն պահին, երբ մենք հնարավորություն կունենանք իրականացնել առաջին ու նրանից անմիջապես հետո և երկրորդ (Հայաստանը խորհրդայնացնելու - Կ.Խ.) գործողությունը»: Հրահանգավորելով Օրջոնիկիձեին՝ «Առայժմ պատրաստել հեղկոմը (Հայաստանի - Կ.Խ.), որպեսզի այն գտնվի զորքերում», Ստալինը հուշում է, որ պետք է խորհրդակցի «ծերուկի (Լենինի - Կ.Խ.) հետ»:<sup>82</sup>

Օրջոնիկիձեի հետ իր գրույցի բովանդակության մասին անմիջապես հաղորդելով Մոսկվա՝ Լենինին, Ստալինը հայտնում է նաև, որ անձամբ շատ հարցերում «միանգամայն համաձայն է Օրջոնիկիձեի հետ»: Լենինին հուշելով, որ ներկայումս առավել վտանգավոր է համարում այն փաստը, որ քննադականները «ձգտում են ընդհանուր սահման ունենալ Ադրբեջանի հետ», Ստալինը դարձյալ առաջարկում է հետաձգել Հայաստանը խորհրդայնացնելու գործողությունը և սկսել այն պահին, երբ հնարավորություն կստեղծվի ռազմական ուժեր կուտակել նաև Վրաստանի սահմաններին: Այնուհանդերձ, Ստալինը կարծիք է հայտնում նաև, որ միգուցե «արժե հանդգնել և գործողությունը իրականացնել անհապաղ»: Խուսափելով որոշում ընդունելու ռոջ պատասխանատվությունից, Լենինը առաջարկում է հարցը քննարկել քաղբյուրոյի նիստին, միաժամանակ առաջարկում է Ստալինին. կամ գործել իրեն՝ Ստալինին տրված լիազորությունների հիման վրա, կամ էլ՝ անձամբ վերադառնալ Մոսկվա՝ «Կովկասյան հարցն ամբողջությամբ լուծելու համար»: Ստալինը նախընտրում է վերջին տարբերակը և Օրջոնիկիձեին տալով նախապատրաստական աշխատանք վարելու և Մոսկվայից կարգադրություններ սպասելու հանձնարարական, շտապում է Մոսկվա, քաղբյուրոյի նիստին մասնակցելու նպատակով:<sup>83</sup>

1920 թ. նոյեմբերի 27-ին ՌԿ(բ)Կ Կենտկոմի քաղբյուրոյում Ստալինը հանդես է գալիս Կովկասի դրության մասին ընդարձակ գեկուցումով: Նույն օրը քաղբյուրոյի կողմից ընդունված որոշման մեջ, որի նախագիծն անձամբ գրել էր նիստը նախագահող Լենինը, նշվեց. «Ո՛չ Վրաստանի, ո՛չ Հայաստանի, ո՛չ Պարսկաստանի վրա արշավելու խնդիր չդնել»:<sup>84</sup>

Պետք է նշել, որ քաղբյուրոյի որոշումն ուներ ավելի շուտ տակտիկական նշանակություն: Իսկ գործնականում, խորհրդային բարձր-

<sup>82</sup> ՀԼԸ, հավաքածու 1, գ. 2, ք. 144-147:

<sup>83</sup> Նույն տեղում, ք. 148-151:

<sup>84</sup> Նույն տեղում, ք. 4050, գ. 1, գ. 6, ք. 1:

աստիճան դեկավարությանը պետք է որ հայտնի լիներ, որ արդեն նոյեմբերի 25-ին 11-րդ Կարմիր բանակի ռազմահեղափոխական խորհրդի և Հայաստանի հեղկոմի միջև ձևոք բերված համաձայնությամբ, Կարմիր բանակի 20-րդ դիվիզիայի հրամանատարությանն առաջարկվել էր առանց հասպտելու դիվիզիայի 60-րդ բրիգադան շարժել դեպի Դիլիջան, իսկ այնտեղից՝ Երևան:<sup>85</sup>

Հայաստանի Հանրապետության արտաքին և ներքին ծանր դրությունը 1920 թ. նոյեմբերի կեսերին Հայաստանի ներքաղաքական կյանքում առաջ բերեց քաղաքական որոշ վերածնունդների անհրաժեշտություն: Դրանք թեև իրականացվեցին, սակայն մեծ հաշվով արմատական որևէ փոփոխություն չմտցրեցին հանրապետության որդեգրած արտաքին քաղաքական կուրսում: ՀՀ Խորհրդարանի նոյեմբերի 23-ի արտակարգ նիստին քննարկվեց և ընդունվեց Հ. Օհանջանյանի կառավարության հրաժարականը, նոր նախարարապետ ընտրվեց Սիմոն Վրացյանը, նոյեմբերի 24-ին հաստատվեց նաև վերջինիս կողմից ներկայացված կառավարության նոր կազմը: Նրանում թեև ընդգրկվեցին քաղաքական տարբեր կողմնորոշումներ ունեցող գործիչներ, որոնց մի մասը ներկայացվում է որպես «ռուսական կողմնորոշման ջատագովներ» (Դրո, Հ. Տերտերյան), սակայն, ինչպես նշվեց, ՀՀ արտաքին քաղաքականության մեջ դա որևէ փոփոխություն չմտցրեց: Վրացյանի հայտարարությունները և ձեռնարկած քայլերը հուշում էին, որ ՀՀ արտաքին քաղաքական գլխորդներն ոչնչով չէր տարբերվելու Օհանջանյանի կառավարության գծից: Նորանշանակ կառավարության արտաքին քաղաքական առաջին քայլը հանդիսացավ՝ Թուրքիայի Ազգային մեծ ժողովին ուղղված նամակը՝ հաշտության երկկողմանի բանակցություններ սկսելու առաջարկությամբ:

Թուրքերը հենց դրան էլ սպասում էին, նրանց կողմից առաջարկությունն ընդունվեց անմիջապես և նոյեմբերի 24-ին Ալեքսանդրապոլում սկսվեցին հայ-թուրքական հաշտության բանակցությունները: Այսպիսով, հետևելով իրենց արևմտյան «խորհրդատուների» հորդորներին, որ «ժայերը այլընտրանք չունեն, քանի որ սովետների հետ պայմանագրի տարբերակը անկասկած վատագույնն է»<sup>86</sup> (այդ մասին դաշնակցական կառավարությանը հայտնել էր Հայաստանում բրիտանական գործակալ Ստոքսը), Հայաստանի իշխանությունները անտեսեցին Խորհրդային Ռուսաստանի կողմից առաջարկված միջ-

<sup>85</sup> Տե՛ս նույն տեղում, ֆ. 1022, ց. 8, գ. 330, ք. 1:

<sup>86</sup> Տե՛ս Գաբրյան Գ., Հայաստանը և մեծ անբությունները (1917-1923), էջ 362:

նորոգությունը և համաձայնվեցին բուրբերի հետ երկկողմ բանակցություններին:

Ինչպես նշվեց, խորհրդային իշխանությունները խուսափում էին Կովկասում լայնամասշտաբ պատերազմի մեջ ներքաշվելուց, ուստի՝ ձգտելով տպավորություն ստեղծել, որ Հայաստանը խորհրդայնացվում է միմիայն հայ ժողովրդի ցանկությանը և Հայիեղկոմի ուժերով, վերջինիս տրամադրության տակ դրվեց Կարմիր բանակի շարքերից առանձնացված «Հատուկ խնդիր հետապնդող գունդ (Հայկական)» ... քաղաքական վերջին հրահանգների համաձայն օգտագործելու համար»:<sup>87</sup>

1920 թ. նոյեմբերի 29-ին «Հատուկ գնդի» ուղեկցությամբ ՌԿ(Բ)Կ Կովկասյան բյուրոյի կողմից կազմավորված Հայաստանի Ռազմահեղափոխական կոմիտեն, բոլխիկյան հայտնի գործիչ Մարգիս Կասյանի նախագահությամբ, Ադրբեջանից մտնում է Իջևան և «Հայաստանի ապստամբ աշխատավոր ժողովրդի կամքով ու ցանկությամբ» երկիրը հռչակում խորհրդային հանրապետություն:<sup>88</sup>

Տարիներ շարունակ այսպես էր փաստագրում Հայաստանի խորհրդայնացումը խորհրդային պատմագրությունը: Իբրևանում՝ Հայաստանը հռչակվում էր խորհրդային ոչ քե «ժողովրդի կամքով ու ցանկությամբ», և իբր քե նրա կողմից բարձրացված ապստամբության, այլ՝ միայն Հայաստանի կոմունիստական կուսակցության և Հայիեղկոմի անունից: Վերջինիս ապացույցն է Հայիեղկոմի անդամ Ավիս Նուրիչյանյանի նոյեմբերի 30-ի հեռագիրը Գ. Օրջոնիկիձեին. «Մեր ժամանելը (հեղկոմի և Կարմիր բանակի մուտքը Հայաստան - Կ.Ս.) ճիշտ ժամանակին էր, որովհետև *կազմակերպված գյուղացիները* (ընդգծումը մերն է. - Կ.Ս.) հաջորդ օրը (այսինքն նոյեմբերի 30-ին - Կ.Ս.) մի խումբ ընկերների գլխավորությամբ, որոնց մենք նախօրոք ուղարկել էինք այդ շրջանում ծալտյալ աշխատանքի, պետք է ապստամբեին»: Ավիսը նշում է նաև, որ «Ամեն ինչ վերցվում է հաշվառման: Ամեն ինչի համար վճարվում է», խորհուրդ է տալիս «փողը և միջոցները չխնայել»:<sup>89</sup>

Սա է ճշմարտությունը Հայաստանում 1920 թ. նոյեմբերի 29-ին Հայիեղկոմի կողմից խորհրդային իշխանության հռչակման մասին:

<sup>87</sup> Հոկտեմբերյան սոցիալիստական մեծ հեղափոխությունը... Հայաստանում, էջ 400:

<sup>88</sup> Հեղափոխական կոմիտեները Հայաստանում (փաստաթղթերի և փայտիկների ժողովածու, 1920 թ. նոյեմբեր - 1922 թ. նոյնվար), Նր., 1974, էջ 27:

<sup>89</sup> ՀԱԱ, ֆ. 1022, ց. 5, գ. 367, ք. 1:

«Հայաստանի խորհրդայնացման» կապակցությամբ նույնմրերի 30-ին Հայիեղկոմը շտապում է ողջույնի հեռագիր հղել Վ. Լենինին, և դարձյալ «Հայաստանի բոլոր բանվորների և գյուղացիների անունից» խնդրում Կարմիր բանակի օգնությունը:<sup>90</sup>

Մինչ Մոսկվան երկնտում էր՝ Կարմիր բանակի մուտքը Հայաստան արտոնելու հարցում, Օրջոնիկիձեի կարգադրությամբ նրա գորամասերը արդեն շարժվում էին Հայաստանով: Նույնմրերի 30-ին Օրջոնիկիձեն հրահանգավորում է 11-րդ բանակի 20-րդ դիվիզիայի հրամանատար Վեիկանովին. «Չնոռանար առաջ շարժվել դեպի Կարաքիլիսա (Վանաձոր) և գրավել այն, եթե, իհարկե, քաղաքը չի գրավվում թուրքերի կողմից: Մեր գորքերի հնարավոր հանդիպումը թուրքերի հետ կազմակերպեք հանդիսավորությամբ»: Վեիկանովից և Հայաստանի Ռազմիեղկոմի անդամներից Օրջոնիկիձեն պահանջում է «թույլ չտալ բանակային գորամասերին դրսևորել որևէ կամայականություն», «չդիմել որևէ բռնությունների», «բնակչության նկատմամբ լինել անսահման կոռեկտ, թույլ չտալ Հատուկ բաժնին և Արտակարգ հանձնաժողովին փչացնել գործը», «լինել զգույշ և միլիոն անգամ զգույշ»:<sup>91</sup>

Սակայն, ինչպես հայտնում էին նրան Հայիեղկոմի անդամները, Կարմիր բանակի երթը Հայաստանով հարթ չէր ընթանում. «Առանձին գորամասերի կողմից թույլ են տրվում անթույլատրելի արարքներ: Պարենի բացակայության պատճառով բանակը բռնագրավում է բնակչության բոլոր պաշարները»:<sup>92</sup> Նման դեպքերը հետագայում բացառելու համար Օրջոնիկիձեն հրամայում է Վեիկանովին, որպեսզի նա «տեղն ու տեղը զնդակահարի» սպորիմությունների մեջ կասկածվող գորամասերի հրամանատարներին: Սպառնալով Վեիկանովին, որ նրանց «խուլիզանության համար պատասխանատու եք միայն Դուք», Օրջոնիկիձեն պահանջում է մտածել նաև բանակի մատակարարման այլ ուղիների մասին:<sup>93</sup>

Պարզ չէ, թե ինչպիսի ընթացք և հետևանքներ կունենար Հայիեղկոմի և Կարմիր բանակի ոչ արտոնյալ մուտքը Հայաստանի հյուսիսային շրջանները, եթե այդ նույն ժամանակ Երևանում չընթանային բանակցություններ հայկական իշխանությունների և Հայաստանում Խորհրդային Ռուսաստանի լիագոր ներկայացուցիչ Բորիս Լեգրանի

<sup>90</sup> Հեղափոխական կոմիտեները Հայաստանում, էջ 31-32:

<sup>91</sup> ՀԱԱ, ֆ. 1022, ց. 5, գ. 367, քք. 3-4:

<sup>92</sup> Նույն տեղում, ք. 8:

<sup>93</sup> Նույն տեղում, ք. 11:

միջև: Դրանք Հայաստանը խորհրդային հռչակելու և իշխանությունն օրինական ճանապարհով Ռազմհեղկոմին փոխանցելու վերաբերյալ էին: Ձեռքին ունենալով Հայիեղկոմի և ռուսական զորքերի՝ Հայաստանում գտնվելու հզոր խաղաքողքը, Լեզրանը շտապեց օգտագործել այն՝ հայկական իշխանությունների կողմից Հայաստանը խորհրդայնացնելու վերջնագիրն ընդունելու համար:

Նոյեմբերի 30-ին տեղեկանալով Լեզրանից, որ «Հայաստանի հեղկոմը ոտք է դրել Հայաստան և ձեռնարկել նրա խորհրդայնացումը», իսկ Կարմիր բանակն էլ շարժվում է դեպի Երևան, Հանրապետության կառավարությունը և Հ.Յ.Դ. բյուրոն ղեկտեմբերի 1-ին ընդունում են վերջնագիրը և դնում «որոշ պայմաններ»:<sup>94</sup> Նախարարներ Դ. Կանայանը (Դրո) և Հ. Տերտերյանը լիազորվում են համապատասխան համաձայնագիր ստորագրել Ռուսաստանի կառավարության ներկայացուցչի հետ:

Ի կատարումն Հայաստանի կառավարության հանձնարարականի՝ 1920 թ. ղեկտեմբերի 2-ին Երևանում ստորագրվում է «Համաձայնագիր ՌՍՖՍՀ լիազոր ներկայացուցչի և Հայաստանի կառավարության միջև»: Կողմերի փոխադարձ համաձայնությամբ Հայաստանը հայտարարվում է «Սոցիալիստական հորհրդային անկախ Հանրապետություն», նախկին կառավարությունը հեռանում է իշխանությունից, մինչև Ռազմհեղկոմի ժամանումը Երևան այն անցնում է զինվորական կրամանատարությանը՝ Դրոյի և ՌՍՖՍՀ կոմիսար Օ. Սիլի-նի համատեղ գլխավորությամբ:<sup>95</sup> Վերջիններս էլ, հիմք ընդունելով հայ-ռուսական համաձայնագիրը, նույն օրը, ղեկտեմբերի 2-ին, ստորագրում են «Հրաման Հայաստանը խորհրդային հանրապետություն հայտարարելու մասին» փաստաթուղթը:

Հրամանը հրապարակվում է ՀՍԽՀ ղեկրեւոների և հրամանների պաշտոնական ժողովածուի մեջ (պրակ 1, Էջմիածին, 1921, Էջ 5), սակայն հետագայում հանվում է այնտեղից: Ինչպե՞ս և ինչո՞ւ է դա կատարվել: Հայաստանի խորհրդայնացման տարեդարձի նախօրեին, 1921 թ. նոյեմբերի 19-ին, ՀՍԽՀ ժողովխորհի նախագահությունը որոշում է «Դեկտեմբերի 2-ը»՝ որպես Հայաստանը խորհրդային հայտարարելու օր, «Կողիֆիկացիոն կարգով փոխել (օրինակարգավորել -

<sup>94</sup> Նույն անդամ, ֆ. 1022, ց. 3, գ. 272, քք. 42, 44:

<sup>95</sup> Сборник действующих договоров, Москва, 1922, № 79, с. 14-15. См'у смл Ключников Ю., Сабанин А., Международная политика новейшего времени в договорах, нотах и декларациях, ч. 3, Москва, 1928, с. 75-76:

Կ.Խ.)» և «իբրև խորհրդային իշխանության ազդարարման օր հայտարարել նոյեմբերի 29-ը»: Ըստ այդմ՝ որոշվում է ՀՄԽՀ ղեկընտնելի և հրամանների ժողովածուից հանել Հայաստանը խորհրդային հայտարարելու մասին ղեկտեմբերի 2-ի «Հրամանը»:<sup>96</sup> Փաստը գալիս է ապացուցելու, որ Հայաստանի խորհրդային իշխանությունները Հայաստանի խորհրդայնացման օրը իրավացիորեն համարել են «ղեկտեմբերի 2-ը», այլ ոչ «նոյեմբերի 29-ը», և միայն «անցյալի հետ բոլոր կապերը պատռելու» գաղափարական խնդիրն էր, որ ստիպեց նրանց «ղեկտեմբերի 2-ը» դարձնել պատմության «սպիտակ էջը»:

Այսպիսով 1920 թ. ղեկտեմբերի 2-ի Երևանի համաձայնագրով և դրան հետևած «Հրամանով» Հայաստանում տեղի ունեցավ իշխանափոխություն: Այն բնակ պարտադրված էր դրսից ուժի դիրքերից, սակայն իրականացվեց իրավական տարբին համապատասխան: Հայոց պետականության պատմության մեջ Հայաստանի Առաջին Հանրապետությունն իր տեղը գիջեց Հայաստանի Երկրորդ՝ Սոցիալիստական Խորհրդային Հանրապետությանը: Ինչ վերաբերում է Հայաստանի Ռազմահեղափոխական կոմիտեի նոյեմբերի 29-ի՝ Հայաստանը խորհրդային հայտարարելու մասին «Հռչակագրին», ապա այն պետք է դիտել որպես կուսակցական մի փաստաթուղթ, որով կոմունիստ հայերը հայտարարում էին իրենց քաղաքական ծրագրերի, այն է՝ Հայաստանը խորհրդային հռչակելու և իշխանության ղեկը ստանձնելու մասին:

Հայաստանի կառավարության լիազորությունները վայր դնելու և Հայաստանը խորհրդայնացնելու մասին Լ.Եզրանը շտապում է անմիջապես հեռագրել Բարո՝ Օրջոնիկիձեին: Դրան հաջորդում է վերջինին «կայծակնային» հեռագիրը Մոսկվա՝ Վ. Լենինին: Հայտնելով Հայաստանում խորհրդային իշխանության հաղթանակի մասին, Օրջոնիկիձեն առաջարկում է Ռուսաստանի կառավարությանը. «1. Հեղկոմի հրավերի համաձայն, պաշտոնապես քույրատրել Կարմիր բանակի գործառնների մուտքը Հայաստան: 2. Անհապաղ ուղարկել Լենինի պատասխան հեռագիրը՝ Հեղկոմի անունով»:<sup>97</sup> Այսպիսով Օրջոնիկիձեն փորձում էր կոծկել «սեփական մախածոնությունը» կարմիր զորքերի մուտքը Հայաստան արտոնելու մասին որոշումը և «օրինականացնել» Խորհրդային Ռուսաստանի գործողությունները:

<sup>96</sup> ՀԱԱ, ֆ. 113, ց. 43, գ. 30, ք. 39:

<sup>97</sup> Տես Աղայուն Շ.Պ., նշվ.սւշխ., էջ 343:

1920 թ. դեկտեմբերի 2-ին նույնպիսի «կայծակնային» արագությամբ «ծնվում է» Լենինի «պատմական» հեռագիրը Հայաստանի Ռազմհեղուկների նախագահ Ս. Կուսյանին, որում նա ողջունում է Հայաստանի խորհրդայնացումը:<sup>98</sup> Եվ միայն հաջորդ օրը, դեկտեմբերի 3-ին, ՌԱ(Բ)Մ Կենտկոմի քաղաքային հանձնարարությամբ Ստալինը հայտնում է Բարու՝ Օրջոնիկիձեին, որ քույրատրվում է Կարմիր բանակի գործառնասերը մտցնել Հայաստան: Մինչդեռ, ինչպես նշել ենք, Օրջոնիկիձեի քույրավորությամբ նրանք վաղուց արդեն Հայաստանում էին: Ստալինը զգուշացնում է, որ գործառնասերի մուտքը Հայաստան պետք է կատարել ռազմաճակատի կամ բանակի հրամանատարության անունից և հիշեցնում, որ «Պատերազմի մեջ ներքաշվելը մեզ համար անքույրատրելի է»:<sup>99</sup> Այսպիսով ևս մեկ փաստարկ, որ Ռուսաստանի իշխանությունները չափազանց զգուշանում էին Կովկասում Անտանտի հետ պատերազմի մեջ ներքաշվելու վտանգից: Մյուս կողմից՝ Ռուսաստանը փորձում էր կանխել Հայաստանը «ինչպես քաղաքականապես, այնպես էլ փաստականորեն ոչնչացնելու» քուրքական ծրագիրը: Այդ մասին է հուշում նաև հետևյալ փաստը: Հայաստան ներխուժած Կարմիր բանակի Ղարաբլիխայի ուղղության զորքերի խմբավորման հրամանատար Կուռիշկոյից տեղեկանալով, որ Ղարաբլիխայում է գտնվում 21 հոգուց բաղկացած քուրքական առաքելություն, Օրջոնիկիձեն պահանջում է ողջունել նրանց, բայց նաև «Առանց հայտնելու առաջ քաշել գործառնասերը դեպի Ղարաբլիխա և զբաղել այն»:<sup>100</sup>

Երևանի հայ-ռուսական համաձայնագրի ստորագրումից և Հայաստանի խորհրդայնացումից մի քանի ժամ անց՝ դեկտեմբերի 2-ի լույս 3-ի գիշերը, երբ Հայաստանում արդեն իշխանափոխություն էր կատարվել, այլևս զոյություն չունեցող Հայաստանի Հանրապետության կառավարության կողմից լիազորված հայկական պատվիրակությունը Ա. Խատիսյանի գլխավորությամբ Ալեքսանդրապոլում ստորագրում է հայ-քուրքական հաշտության պայմանագիրը:

Դրանով Հայաստանի Հանրապետությունը հրաժարվում է ոչ միայն Արևելյան Հայաստանի մի զգալի հատվածի նկատմամբ իր իրավունքներից, այլև Սևրի պայմանագրից, Արևմտյան Հայաստանից: Ավելին, հայկական կողմը ընդունում է այդ տարածքների «պատմական, էքոնիկական և իրավական անվիճելի կապը Թուրքիայի հետ»:

<sup>98</sup> Լենին ՎԻ., ԵԼԺ, ն. 42, էջ 65:

<sup>99</sup> Տես Աղայան Ծ.Պ., նշվ. աշխ., էջ 343:

<sup>100</sup> ՀԱՄ, ֆ. 1022, ց. 5, գ. 367, ք. 12:

Պայմանագիրը նվաստացուցիչ էր հայկական պետության և հայ ժողովրդի համար ոչ միայն տարածքային զիջումների առումով: Նրա 5-րդ և 12-րդ հոդվածների համաձայն քուրքական կառավարությունը պարտավորվում է Հայաստանին սպառնացող արտաքին կամ ներքին վտանգի դեպքում՝ վերջինիս կառավարության խնդրանքով, զինված օգնություն տրամադրել նրան և իրավունք ստանում «ռազմական միջոցներ ձեռք առնել Հայաստանում»:<sup>101</sup> Ճակատագրի ինչպիսի հեզմանք՝ Հայաստանի և հայ ժողովրդի անվտանգության պաշտպանությունը պատրաստվում էր ստանձնել մի պետություն, որը տարիներ շարունակ անխնայ կոտորել և ոչնչացրել էր հայկական տարրը, ամայացրել Հայոց աշխարհը:

Այսպիսով, եթե Ալեքսանդրապոլի պայմանագիրը կյանքի կոչվեր, տարածքային կորուստներից բացի, Հայաստանը կրելու էր նաև ներքին ինքնուրույնության զգալի սահմանափակումներ, փաստորեն դառնալու էր Թուրքիայից կախյալ և նրա կողմից «հովանավորվող» պետական մի կազմավորում:

Ալեքսանդրապոլի պայմանագիրն ուղղված էր ինչպես Հայաստանի, այնպես էլ Խորհրդային Ռուսաստանի ռազմավարական շահերի դեմ: Խորհրդային պատմաբան Ն. Ռուբինշտեյնը իրավացիորեն նշում է, որ Ալեքսանդրապոլի «պայմանագիրն ակնառու կերպով բնութագրում էր Անդրկովկասում քեմալականների քալանջիական, զավթողական նկրտումները»:<sup>102</sup>

Բարերախտաբար Ալեքսանդրապոլի պայմանագիրը ստորագրման իսկ պահից օրինական չէր և մնաց լոկ որպես դիվանագիտական մի փաստաթուղթ՝ պատմաբանների և մասնագետների կողմից տարբեր մեկնաբանությունների և խիստ բացասական որակավորումների արժանանալու համար:

Այսպիսով, քեմալարյուզևիկյան ռազմաքաղաքական ուժգին ճնշումների տակ դադարեց գոյություն ունենալ Հայաստանի Առաջին Հանրապետությունը, նրան փոխարինեց Հայաստանի Երկրորդ՝ Խորհրդային Հանրապետությունը: Ժամանակի միջազգային հարաբերություններում և տարածաշրջանում ստեղծված քաղաքական բարդ իրավիճակում, Հայաստանի արևմտյան դաշնակիցների դատապարտելի անգործության, Խորհրդային Ռուսաստանի որդեգրած արևելյան

<sup>101</sup> Հայաստանը... փաստաթղթերում, էջ 683-687:

<sup>102</sup> Рубинштейн Н.Л., Внешняя политика Советского государства в 1921-1925 гг., Москва, 1953, с. 62.

քաղաքականության, որը հիմնված էր քեմալական Թուրքիայի հետ սերտ համագործակցության վրա, Խորհրդային Այրբեջանի՝ քշնամական, Վրաստանի հանրապետության՝ ոչ բարեկամական տրամադրվածության պայմաններում, Հայաստանի խորհրդայնացումն իրոք որ «ժամանակի խնդիր էր»: Եթե այն իրականություն չդարձավ դեռևս 1920 թ. գարնանը, իրականացվեց նոյեմբերի վերջին - դեկտեմբերի սկզբին: Չիրականացվեք այդ ժամանակ՝ անկասկած, հայ ժողովրդի համար ավելի մեծ կորուստներով իրականություն կդառնար որոշ ժամանակ անց: Նշված կարծիքի օգտին է վկայում նաև տարածաշրջանում ռազմաքաղաքական իրադարձությունների հետագա ընթացքը՝ Վրաստանի, և դրանով իսկ ամբողջ Անդրկովկասի խորհրդայնացումը:

*ՔԱՂԱՔԱԿԱՆ ԻՐԱԴՐՈՒԹՅՈՒՆԸ ՀԱՅԱՍՏԱՆՈՒՄԵՆՈՐՀՐԴԱՅԻՆ  
ԻՇԽԱՆՈՒԹՅԱՆ ԱՌԱՋԻՆ ԱՄԻՄՆԵՐԻՆ ԵՎ ՌՈՒՍԱՍՏԱՆԸ*

*1. 1920 թ. դեկտեմբերի 2-ի Երևանի հայ-ռուսական համաձայնագիրը:  
Համաձայնագրի դրույթների խախտումը նոր իշխանությունների  
կողմից և բռնությունների ծավալումը*

Հայաստանի կառավարության ներկայացուցիչների և Հայաստանում ՌՍՖՍՀ լիազոր ներկայացուցչի միջև դեկտեմբերի 2-ին Երևանում ստորագրված համաձայնագրով Խորհրդային Ռուսաստանը ստանձնում է նորաստեղծ Խորհրդային Հայաստանի պաշտպանությունը և այն ապահովելու համար պարտավորվում տրամադրել անհրաժեշտ ռազմական ուժեր: Համաձայնագրի երրորդ հոդվածով Ռուսաստանի կառավարությունն ընդունում է, որ ՀՍՍՀ տարածքն անվիճելիորեն կազմում են. Երևանի նահանգն իր բոլոր գավառներով, Կարսի մարզի այն մասը, որի սահմանները որոշված էին 1920 թ. օգոստոսի 10-ի Թիֆլիսի համաձայնագրով և Թիֆլիսի նահանգի այն մասերը, որոնք մինչև 1920 թ. սեպտեմբերի 28-ը պատկանում էին Հայաստանին: Հանգուցային այս կետերից բացի, դեկտեմբերի 2-ի համաձայնագիրը պարունակում է հոդվածներ, որոնցով արձանագրվում է, որ Խորհրդային իշխանությունը պարտավորվում է չղիմել հետապնդումների և բռնությունների հայկական նախկին բանակի հրամանատարական կազմի և հայ քաղաքական կուսակցությունների ու նրանց անդամների նկատմամբ՝ մինչև Հայաստանի Խորհրդայնացումը նրանց ծավալած կուսակցական և պետական գործունեության համար (չորրորդ և հինգերորդ հոդվածներ): Վեցերորդ հոդվածով կողմերը միջև համաձայնության են գալիս, որ Հայաստանում իշխանությունը ստանձնող Ռազմահեղափոխական կոմիտեն պետք է ձևավորվի կոալիցիոն հիմունքներով. հինգ անդամ Հայկոմկուսից և երկու՝ ձախ դաշնակցություն խմբակցությունից: Վերջիններիս թեկնածությունը նախօրոք պետք է համաձայնեցվեր Հայկոմկուսի դեկավարության հետ:<sup>103</sup> Պարզ է, որ համաձայնագրի այս հոդվածները Հայաստանի

<sup>103</sup> Сборник действующих договоров, с. 14-15.

նախկին կառավարության այն «որոշ պայմաններն» էին, որոնց առկայությունը հայ-ռուսական համաձայնագրում նախապայման էր, կառավարության՝ իշխանությունից խաղաղ ճանապարհով հեռանալու համար:

Երևանի դեկտեմբերի 2-ի համաձայնագիրը որքան էլ որ զարմանալի է, Հայիեղկոմի հավանությանը չարժանացավ. վերջինս ոչ միայն չէր պատրաստվում իշխանությունը Հայաստանում կիսել որևէ քաղաքական ուժի հետ, նամանավանդ՝ Հ.Յ. Դաշնակցության, այլ ձգտում էր Հայաստանի խորհրդայնացման դափնիներն ամբողջությամբ վերագրել իրեն: Դեկտեմբեր 3-ին Լեզրանի հետ հեռագրագրույցում Հայիեղկոմի նախագահ Ս. Կասյանը, ջրաքցնելով գայրույքը, հուշում է, որ «ոչ քն Դրոն, այլ Հայաստանի հեղկոմն է Հայաստանը հռչակել անկախ սոցիալիստական խորհրդային հանրապետություն», և դրանից ելնելով՝ պետք է «անվավեր ճանաչել և Չեր համաձայնությունը Դրոյի հետ»: Լեզրանը նույնպիսի վճռականությամբ պատասխանում է նրան, որ «դա ամենևին չի փոխում իրավիճակը և ոչ ոք իրավունք չունի չեղյալ հայտարարել իր կողմից ստորագրված համաձայնագիրը: Բացի այդ՝ խնդրում եմ նկատի ունենալ, որ ՌԿ(Բ)Կ Կենտկոմի Կովկասյան բյուրոյի որոշումով Դրոն և Տերտերյանը Խորհրդային Հայաստանի հեղկոմի կազմում են»:<sup>104</sup>

Սակայն ընդամենը մեկ օր անց դեկտեմբերի 4-ին, հաղորդելով Մոսկվա՝ Ստալինին, Լենինին և Չիչերինին, այն մասին, որ «Լեզրանը պնդում է Դրոյին և Տերտերյանին հեղկոմ մտցնելու հարցում», Օրջոնիկիձենն նշում է, որ հարցը «կլուծվի Կասյանի Երևան ժամանելուց հետո»: Նա նաև ավելացնում է, որ «հնարավոր է ստիպված լինենք հրաժարվել հայտնի որոշումից»:<sup>105</sup>

«Լեզրանի դրությունը հասկանալի է, - մեկ այլ առիթով Օրջոնիկիձենն հաղորդում է Մոսկվա, - նա չափից ավելին է խոստացել հայկական նախկին կառավարությանը»:<sup>106</sup> Պետք է նշել, որ Բորիս Լեզրանը Հայաստանում երբեմն գործում էր սեփական նախածեռնությամբ և, փորձելով անցկացնել «սեփական քաղաքականությունը» Հայաստանի հարցում, դուրս էր գալիս իրեն տրված լիազորությունների շրջանակներից: Սա էր, կարծում ենք, պատճառներից մեկը, որ խորհրդային իշխանությունները հետագայում գործնականում հետա-

<sup>104</sup> ՀԱԱ, ֆ. 4033, ց. 2, գ. 1154, ք. 1:

<sup>105</sup> Նույն առիթում, ֆ. 1022, ց. 4, գ. 368, ք. 1:

<sup>106</sup> Նույն առիթում, հավաքածու 1, գ. 2, ք. 183:

մուտ չեղան դեկտեմբերի 2-ի համաձայնագրով ստանձնած պարտավորությունների կատարմանը:

Երևանի հայ-ռուսական համաձայնագրի մի շարք դրույթներ քեև մնացին թրքի վրա և անտեսվեցին խորհրդային իշխանությունների կողմից, համաձայնագրի որոշակի նշանակությունը, այնուամենայնիվ, թերագնահատել չի կարելի: Ներքաղաքական տեսակետից դա արտահայտվեց նրանով, որ Հայաստանի կառավարությունն առանց որևէ դիմադրության խաղաղ ճանապարհով հեռացավ իշխանությունից: Դրանով իսկ կանխվեցին դեպի Երևան շարժվող Հայիեդկոմի և Կարմիր բանակի զորամասերի հնարավոր բախումները Հայաստանի բանակային և զինված այլ կազմավորումների հետ: Վերջապես, Ժողովուրդը հոգեբանորեն նախապատրաստվեց խորհրդային զորքերի և նոր իշխանությունների գալու: Պատահական չէ, որ երկրում հաշտ մթնոլորտը պահպանելու, Հայաստանում իշխանափոխության գործընթացին հանդիսավորություն հաղորդելու նպատակով Հայիեդկոմին դիմավորելու համար նրան «ընդառաջ ուղարկվեցին ավտոմեքենաներ»:<sup>107</sup>

Մեծ էր դեկտեմբերի 2-ի համաձայնագրի նշանակությունը նաև միջազգային արտաքին քաղաքական տեսակետից: Համաձայնագրով Խորհրդային Ռուսաստանը և Հայաստանը դառնում էին դաշնակից պետություններ, իրավական հիմք էր նախապատրաստվում Հայաստանի տարածքում Խորհրդային Ռուսաստանի Կարմիր բանակի զորամասերի տեղակայման համար: Վերջինս լուրջ կոժման էր Հայաստանում գտնվող թուրքական բանակի հնարավոր առաջխաղացման դեռևս չվերացած վտանգը կանխելու, «Մեծ Թուրանի» ճանապարհին հզոր պատնեշ ստեղծելու համար: Ուստի ամենևին էլ պատահական չէ, որ Երևանի հայ-ռուսական համաձայնագիրը «Թուրքիայի «հավանությանը» չարժանացավ»:<sup>108</sup>

Ի վերջո, ինչպես արդեն նշել ենք, համաձայնագրի շտապ ստորագրման դիվանագիտական հմուտ քայլն իրավական հիմք և հնարավորություն տվեց Հայաստանի և Ռուսաստանի խորհրդային իշխանություններին չեղյալ հայտարարել Ալեքսանդրապոլի թուրք-հայկական պայմանագիրը և անընդունելի համարել նրա դրույթները կատարելու մասին թուրքական կողմի պահանջները:

<sup>107</sup> Նույն տեղում, ֆ. 4033, ց. 2, գ. 1154, ք. 1:

<sup>108</sup> Ավետիսյան Հ.Ա., Հայկական հուլիս 1918 քվականին, Եր., 1997, էջ 353:

Դրոյի և Սիլիհի իշխանութիւնը Հայաստանում տեղեց ընդամենը 4 օր, 1920 թ. դեկտեմբերի 6-ից այն ամբողջութեամբ իր ձեռքը վերցրեց Հայաստանի Ռազմհեղկոմը՝ Սարգիս Կասյանի նախագահութեամբ: Հայ-ռուսական համաձայնագիրը Հայաստանի նոր իշխանութիւնների հավանութեանը թեև չէր արժանացել, սակայն, կարծես գիտակցելով նրա ներքին և արտաքին քաղաքական նշանակութիւնը, Ս. Կասյանը, որը Հայհեղկոմի անդամների հետ միասին առանց որևէ խոչընդոտի ժամանել էր Երևան, այստեղից հեռագրեց Գ. Օրջոնիկիձեին. «Երևանում համոզվեցի Լեզրանի տակտիկայի ճշտութեան մեջ»:<sup>109</sup> Սակայն դա միայն ճշմարտութեան խոստովանում էր, և չէր նշանակում, որ Հայհեղկոմն ընդունելու էր համաձայնագիրն ի կատարում, ընդհակառակը՝ իր իշխանութեան առաջին իսկ օրերին նա «անվավեր ճանաչեց» և «առ ոչինչ համարեց դեկտեմբերի 2-ի ակտը», - նշում է Աշոտ Հովհաննիսյանը:<sup>110</sup>

Եվ իրոք, Հայհեղկոմը նախ խախտեց հեղկոմի կազմի վերաբերյալ դեկտեմբերի 2-ի համաձայնագրի վեցերորդ հոդվածով ձեռք բերված համաձայնությունը (նրա բոլոր 6 անդամները կոմունիստներ էին, իսկ Դրոն և Տերտերյանը, իհարկէ, հեղկոմի կազմ չմտան), իսկ շուտով՝ նաև մյուս հոդվածները: Բնորոշիչ է, որ համաձայնագիրը խաղտողներից առաջինը Ռուսաստանի կողմից այն ստորագրած Բ. Լեզրանն էր: Դեկտեմբերի 2-ին նա հաղորդում է Բարո՝ Օրջոնիկիձեին, որ կարգադրել է ձերբակալել Հայաստանի նախկին նախարարակառ Հ. Օհանջանյանին, նրա կառավարութեան որոշ անդամներին (Ա. Արարատյան, Ա. Չիլինգարյան, Ա. Ջամալյան, Ռ. Տեր-Մինասյան) և մի շարք պետական ու քաղաքական «հակահեղափոխական» այլ գործիչներին: Լեզրանը միաժամանակ «մեծահոգաբար» հուշում է, որ սահմանափակվելու են միայն նշված անձանց ձերբակալություններով:<sup>111</sup>

Խորհրդային իշխանութեան առաջին իսկ օրերից ամբողջ երկրով մեկ հետապնդումներ ծավալվեցին, բռնություններ գործադրվեցին ինչպես նախկին կառավարութեան անդամների, ազգային կուսակցությունների (հատկապէս՝ Հ.Յ. Դաշնակցութեան) և, ընդհանրապէս՝

<sup>109</sup> Տե՛ս Հայաստանում սովետական իշխանութեան ամբապնդման պատմութեան մի քանի էություններ (1920-1922), Եր., 1987, էջ 188-189:

<sup>110</sup> Հովհաննիսյան Ա., Համազգային կրիզիսը, Եր., 1926, էջ 26:

<sup>111</sup> Տե՛ս Գալոյան Գ., Հայաստանը և մեծ ակաբայությունները, էջ 373-374:

այլախոհների, հայկական նախկին բանակի սպայական կազմի, այնպես էլ բնակչության նկատմամբ: Ինչպես խորհրդային մյուս հանրապետություններում, Հայաստանում նույնպես հաստատվում է կոմունիստական (բոլշևիկյան) կուսակցության մենիշխանությունը:

Խորհրդային Հայաստանում հայ բոլշևիկները մեխանիկորեն կրկնեցին Խորհրդային Ռուսաստանում 1918-1920 թթ. բոլշևիկների կիրառած կառավարման ձևերը և փորձում էին իրականացնել նույն քաղաքականությունը: Հայիեղկոմի անդամ Ալեքսանդր Բեկզադյանը հայտարարում էր, որ «Հայաստանի բանվորներն ու գյուղացիները, երկրի իշխանությունն իրենց ձեռքը վերցնելով, քաղաքականության մեջ պետք է հետևեն Խորհրդային Ռուսաստանին»:<sup>112</sup> Եվ դա միանգամայն բնական էր. չէ որ խորհրդային իշխանությունը տարածաշրջան ներմուծվեց հենց Ռուսաստանից, և Հայաստանում իշխանության ղեկը ստանձնած կոմունիստական կուսակցությունը Ռուսաստանի կոմկուսի քաղկացուցիչ մասերից մեկն էր և ղեկավարվում էր մեկ քաղաքական կենտրոնից՝ ՌԿ(բ)Կ Կենտկոմից, նրա Կովկասյան բյուրոյի միջոցով: 1920 թ. դեկտեմբերի 5-ին ՌԿ(բ)Կ Կենտկոմ ուղղված ողջույնի հեռագրում ՀԿ(բ)Կ Կենտկոմը Հայաստանի խորհրդայնացումը ներկայացնում է որպես «ՌԿԿ ազդեցության և գործողության սլոբատր նոր, բայց կարևոր շրջանի կցում»:<sup>113</sup>

Ընդօրինակելով Խորհրդային Ռուսաստանի պետական իշխանության կառուցման փորձը, Հայիեղկոմը վերացնում է կառավարման հին համակարգը և ձեռնամուխ լինում խորհրդային պետական նոր համակարգի կազմակերպման գործին: Հանրապետության գործադիր իշխանության նոր մարմինները՝ ժողովրդական կոմիսարիատներն էին, ըստ գործունեության բնագավառի: Կառավարման համակարգում բոլշևիկները չափազանց կարևոր դեր էին հատկացնում Ռեզոլուցիոնի նախագահ Ս. Կասյանի ղեկտեմբերի 6-ի առաջին իսկ ղեկընտով հիմնված Արտակարգ հանձնաժողովին (Չեկա՝ Չրեզվիչայնայա կոմիսիա): Արտակարգ հանձնաժողովը պայքարելու էր «հակահեղափոխության, շահադիտության (սպեկուլյացիայի) և ի պաշտոնե հանցագործությունների դեմ», նրան կից ստեղծվում է Հատուկ բաժին, որը գործելու էր Հայաստանի Կարմիր բանակում:<sup>114</sup>

<sup>112</sup> Բեկզադյան Ալ., Նամակներ, հոդվածներ, վստաստորոքեր, Եր., 1981, էջ 83-84:

<sup>113</sup> Տե՛ս ԲՀԱ, Երևան, 1965, քիվ 3, էջ 3-4:

<sup>114</sup> ՀՄԽՅ ղեկընտնների և հրամանների ժողովածու, սբուկ 1. էջ 7-8:

ՀՄԽՀ արդարադատության ժողկոմի 1920 թ. դեկտեմբերի 22-ի հրամանով՝ հին դատական համակարգը փոխարինվում է «Ժողովրդական դատարաններով»,<sup>115</sup> իսկ Հայիեղկոմի 1921 թ. հունվարի 15-ի դեկրետով՝ «Հայիեղկոմին կից հաստատվում է ՀՄԽՀ Գերագույն հեղափոխական տրիբունալ»: Վերջինիս վճիռները համարվում են վերջնական և գործադրման ենթակա 48 ժամվա ընթացքում, բացառությամբ էր արվում միայն մահապատժի համար, նման վճիռները պետք է հաստատեր Հայիեղկոմը:<sup>116</sup>

Խորհրդային Հայաստանի կառավարման գործը Հայիեղկոմն իրականացնում էր ՀՄԽՀ բարձրագույն վարչական մարմնի՝ Ներքին գործերի ժողկոմատի միջոցով:<sup>117</sup> Հայիեղկոմի «Հեղափոխական կարգ և հասարակական սպառնալուծություն հաստատելու մասին» 1921 թ. հունվարի 21-ի հրամանով՝ ներգործությունն իրավունք է վերապահվում Հայաստանի սահմաններից հեռացնել ինչպես հանցագործ տարրերին, այնպես էլ «ակնհայտնի հակահեղափոխականներին», ի դեպ՝ «Գանգատ ներկայացնելու հանգամանքը չէր խանգարելու որոշման իրագործմանը»:<sup>118</sup>

Ամբողջ այս համակարգը միտված էր ծառայելու կոմունիստների գաղափարական շահերին և այն գործիքն էր, որն օգտագործվեց բոլշևիկների կողմից այլախոհների դեմ պայքարը հաջողությամբ իրականացնելու, հայկական նախկին բանակը խորհրդային հիմունքներով վերակազմավորելու և, ընդհանրապես՝ Հայաստանում խորհրդային իշխանությունն ամրապնդելու, ժողովրդին «գաղափարապես կոփելու» և «հեղափոխական» այլ միջոցառումներն իրականացնելու համար:

Այսպիսով, ինչպես Խորհրդային Ռուսաստանում, այնպես էլ Հայաստանում հաստատվեց պետական այն իշխանությունը, որը բոլշևիկները համարում էին «Բանվորազյուղացիական», «Դրոլետարիատի դիկտատուրա»: Բոլշևիկների առաջնորդ Վ. Լենինը հետևյալ կերպ է բնութագրում «դիկտատուրա» տերմինը. «Դիկտատուրայի գիտական հասկացությունը ոչ այլ ինչ է, քան ոչնչով չսահմանափակված, ոչ մի օրենքով, բացարձակապես ոչ մի կանոնով չկաշկանդված, անմիջականորեն բռնության վրա հենվող իշխանություն»:<sup>119</sup>

<sup>115</sup> ՀՄԽՀ դեկրետների և հրամանների ժողովածու, սրբակ 1, էջ 27:

<sup>116</sup> Նույն տեղում, էջ 70-71:

<sup>117</sup> Նույն տեղում, էջ 8-9:

<sup>118</sup> Նույն տեղում, էջ 85:

<sup>119</sup> Լենին Վ.Ի., ԵԼԺ, հ. 41, էջ 487:

Հայաստանում խորհրդային իշխանությունների առաջնահերթ խնդիրներից էր հայկական ազգային բանակի վերակազմավորման գործը: ՀՍԽՀ բանակի հրամանատար Դրոյի և ՌՍՖՍՀ կոմիսար Սիլինի 1920 թ. դեկտեմբերի 2-ի հրամանով այն կոչվելու էր «Խորհրդային Հայաստանի Կարմիր բանակ», վերակազմավորվելու էր «հեղափոխական հիմունքներով» և կրելու էր դասակարգային բնույթի մի շարք փոփոխություններ:<sup>120</sup> Բանակը վերակազմավորելու գործում Հայկեղկոմը ղեկավարվելու էր ՌՍՖՍՀ Բանվորագյուղացիական Կարմիր բանակի շինարարության հիմնական սկզբունքներով:

Ինչպես Խորհրդային Ռուսաստանի քաղաքական իշխանությունները և Կարմիր բանակի հրամանատարությունը, այնպես էլ Հայաստանի իշխանությունները չէին հանդուրժելու, որպեսզի ՀՍԽՀ Կարմիր բանակում հրամանատարական պաշտոններում մնար հայկական նախկին բանակի սպայակազմը: Հետաքրքիր է, որ Հայաստանի խորհրդայնացման առաջին իսկ օրը՝ դեկտեմբերի 2-ին, 11-րդ Կարմիր բանակի 20-րդ դիվիզիայի հրամանատար Մ. Վելիկանովը Բաքվում գտնվող Օրջոնիկիձեին հայտնում է, որ «մտադիր է ձերբակալել (հայկական բանակի - Կ.Խ.) սպաներին»:<sup>121</sup>

Անգամ այն փաստը, որ Ռ-Կ(բ)Կ Կոմկասյան բյուրոյի և անձամբ Օրջոնիկիձեի պնդմամբ՝ ՀՍԽՀ բանակի հրամանատարի պաշտոնում էր Դրոն, ինչը Օրջոնիկիձեն համարում էր «Մեծ կոման Եվրոպայի առջև, որովհետև նրան այնտեղ գիտեն»,<sup>122</sup> չէր կարող կանխել հայկական բանակի սպաների նկատմամբ բոլշևիկների կողմից ծրագրված բռնությունները: Լեզրանը Հայկեղկոմին խորհուրդ է տալիս չանհանգստանալ Դրոյի՝ բարձր պաշտոնում լինելու կապակցությամբ, քանզի «նա գործում է մեր ցուցումներին միանգամայն համաձայն և մեր կոմունիստների հետ համատեղ»:<sup>123</sup>

Բաքվում տեղակայվող 11-րդ Կարմիր բանակի Հատուկ բաժնի անմիջական ցուցումով 1920 թ. դեկտեմբերին - 1921 թ. հունվարի սկզբին Խորհրդային Հայաստանի համապատասխան մարմինները «բանակից հեռացնում և Բաքու՝ 11-րդ բանակի շտաբի տրամադրության տակ են ուղարկում մինչև 400 սպա, որոնցից 100 - 120-ը նախկին

<sup>120</sup> ՀԱԱ, ֆ. 1022, ց. 8, գ. 164, ք. 1: Տե՛ս նաև ՀՍԽՀ ղեկընտների և հրամանների ժողովածու, պրակ 1, էջ 5-7:

<sup>121</sup> ՀԱԱ, ֆ. 1022, ց. 5, գ. 367, ք. 10:

<sup>122</sup> Նույն անդամ, ք. 6:

<sup>123</sup> ՀԱԱ, ֆ. 4033, ց. 2, գ. 1154, ք. 1:

նում ծառայել են սպիտակ գորքերում»,<sup>124</sup> - հայտնում է ՌԿ(Բ)Կ Կենտկոմի անդամներին Ալ. Բեկզադյանը:

Սպաների արտոքի չափերի ծավալմանն ընդդիմանում են Հայհեղկոմի և ՀԿ(Բ)Կ Կենտկոմի մի շարք անդամներ («Ճեղմ» քաղաքականության կողմնակիցներ Ս. Կասյանը, Ա. Մռավյանը և Ալ. Բեկզադյանը), նրանք գտնում են, որ բանակը «մաքրելու» քաղաքականությունը պետք է անցկացնել զգույշ և չափավոր՝ առանց խուճապ առաջացնելու:

Գեկտեմբերի վերջին օրերին տեղեկություններ ստանալով այն մասին, որ 11-րդ բանակի Հատուկ բաժինը մտադրվել է արտոքել նաև Բարվում բնակվող հայ սպաներին, Կասյանը ահազանգում է Բարո՝ Աղբրեջանոմ Հայաստանի ներկայացուցիչ Մ. Աբարբեկյանին, հրահանգալորում նրան միջոցներ ձեռնարկել ծրագրված արտոքը կանխելու համար: Խորհրդային Հայաստանի ղեկավարների մի մասի և 11-րդ բանակի Հատուկ բաժնի միջև դիմակայության մանրամասներին տեղեկանում ենք Հայհեղկոմի անդամ և Մոսկվայում ՀՍԽՀ լիազոր ներկայացուցիչ Սահակ Տեր-Գաբրիելյանի 1921 թ. հունվարի 15-ի նամակից՝ ուղղված ՀԿ(Բ)Կ Կենտկոմ: Տեր-Գաբրիելյանը հայտնում է, որ ՌՍՖՍՀ Չեկայի Հատուկ բաժինը հեռագիր է ստացել Բարվից, որում նշվում է, որ Հայաստանի Չեկայի նախագահ Նիկոլայ Այվազովից (պաշտոնավարել է 1920 թ. դեկտեմբերի 6-ից – 1921 թ. հունվարի վերջը) ստացած տեղեկությունների համաձայն՝ Հայհեղկոմը «փուլություն է» դրսևորում և չի բույլատրում ընդլայնել արտոքի չափերը: Հեռագրի մասին հայտնի է դառնում Ստալինին, իր մոտ հրավիրելով Տեր-Գաբրիելյանին, նա պարզաբանումներ է պահանջում. «Թե ինչո՞ւ հեղկոմը չի բույլատրում երկրամասը մաքրել հակահեղափոխականներից, և ի՞նչ է նշանակում հեղկոմի և, մասնավորապես, Կասյանի նման վարքագիծը»: Հավանաբար՝ նամակը շարադրելու ընթացքում դեռևս գտնվելով Ստալինի խիստ հարցապնդումների ազդեցության տակ, Տեր-Գաբրիելյանը Հայաստանի իշխանություններից «փախանձագին» խնդրում է «Չարել հարաբերությունները Աղբրեջանի և մանավանդ կենտրոնից գործուղված ռուս աշխատակիցների հետ»:<sup>125</sup>

Սակայն, չսպասելով Հայհեղկոմի «վճռական քայլերին» և ձգտելով էլ ավելի արագացնել «երկրամասի մաքրումը հակահեղափոխականներից», 1921 թ. հունվարի սկզբներից Մոսկվան դիմում է.

<sup>124</sup> ՀԱԱ, ֆ. 113, ց. 3, գ. 7, ք. 125:

<sup>125</sup> Նույն տեղում, ֆ. 4049, ց. 1, գ. 7, ք. 4-5:

վճռական գործողությունների: Կենտրոնի պահանջով ՀՍԽՀ բանակի հրամանատարի պաշտոնից ազատվում է Դրոն, հունվարի 11-ին նա մի խումբ հայ սպաների հետ լքում է Հայաստանի սահմանները և Բաքվով տեղափոխվում Մոսկվա: Փաստորեն, Դրոն կատարել էր իր «գերը Եվրոպայի առջև» և նրա ներկայությունը Խորհրդային Հայաստանում բոլշևիկների կողմից այլևս նպատակահարմար չէր համարվում: Այնուհանդերձ, հաշվի առնելով Դրոյի «մատուցած ծառայությունները», խորհրդային իշխանությունները բույլատրեցին նրան անարգել տեղափոխվել Մոսկվա, իսկ այնուհետև՝ արտասահման: 1920 թ. հունվարի 20-ին Օրջոնիկիձեն հեռագրում է Մոսկվա՝ ՀՍԽՀ ներկայացուցիչ Սահակ Տեր-Գաբրիելյանին. «Դրոն զայիս է ձեզ մոտ: Տեղափոխիր նրան ինչպես հարկն է: Տեղափոխիր նաև նրա տղաներին դասընթացների»:<sup>126</sup>

Դրոյի և մյուս հայ սպաների փոխարեն Հայաստանի Կարմիր բանակում ղեկավար պաշտոնների նշանակվեցին բոլշևիկ ռուս սպաներ. բանակի հրամանատար նշանակվեց Վ.Մ. Մոլկաչանովը, կոմիսսար՝ Ի. Սվիրիդովը: Կադրային այս և մյուս փոփոխությունները, ինչպես նաև Համառուսաստանյան Արտակարգ հանձնաժողովի ու 11-րդ բանակի Հատուկ բաժնի կողմից հրահանգներով օժտված լիազոր ներկայացուցիչ Գևորգ Աբարբեկյանի ժամանումը Հայաստան 1921 թ. հունվարի 14-ին նոր լիցք հաղորդեցին բոլշևիկների բռնություններին: Հայաստանում գտնվելու առաջին իսկ օրերից Աբարբեկյանը գործի է դնում Ռուսաստանում ձեռք բերած «մեծ փորձը». նա պահանջում է Համառուսաստանյան Չեկայի հրահանգների համաձայն առանց որևէ քննության և արագ կերպով ձերբակալել բոլոր սպաներին անխտիր: «Աբարբեկյանը նախապատվությունը տալիս էր բռնությանն ու զենքի ուժին:... Նա պատրաստ էր ձերբակալել բոլորին», որովհետև «կասկածում էր բոլորի վրա, միշտ», - այսպես է բնութագրում նրան խորհրդահայ պատմաբանը.<sup>127</sup>

Գ. Աբարբեկյանի քաղաքական «կոշտ» գիծը պաշտպանում էին ՀԿ(բ)Կ Կենտկոմի քարտուղար Գ. Ալիխանյանը, ռազմգործող կոմ Ա. Նուրիջանյանը (Ավիս), ներգործող կոմ Ի. Դովլաթյանը, Չեկայի նախագահ Ն. Այվազովը և այլք: «Չախերի» այս խմբին քեև փորձում էին զսպել «մեղմ» քաղաքականություն վարելու կողմնակիցներ Ս. Կասյանը, Ա. Մռավյանը և Ալ. Բեկզաղյանը, սակայն «ճախև-

<sup>126</sup> Նույն տեղում, գ. 4, թ. 1:

<sup>127</sup> Կուրապետյան Հ., Մեծ պայքարի մարդիկ, գիրք 1, Եր., 1963, էջ 427, 432:

րի» քաղաքական հաղթանակը կանխորոշված էր՝ նրանք, փաստորեն, կյանքի էին կոչում Մոսկվայի կենտրոնական իշխանությունների հրահանգները:

Հայկական բանակի սպաների հունվարյան արսորի կազմակերպման և ընթացքի վերաբերյալ մանրամասն տեղեկություններ է պարունակում ՀՄԽՀ արտգործոժողկոմ Ալ. Բեկզաղյանի 1921 թ. մարտի 26-ի զեկուցագիրը՝ ուղղված Մոսկվա՝ ՌԿ(Բ)Կ Կենտկոմ, պատճենները՝ Վ. Լենինին, Ի. Ստալինին և ՌՄՖՍՀ ռազմգործոժողկոմ Լ. Տրոցկուն: Չեկուցագրում Բեկզաղյանը նշում է, որ արհամարհելով հեղկոմի նախագոչացումներն այն մասին, որ սպաների զանգվածային արսորը «քաղաքականապես անբարեխիտ և անիմաստ է, ոչնչով պայմանավորված չէ, բայց կարող է հանգեցնել ոչ ցանկալի հետևանքների», 1921 թ. հունվարի կեսերից «ծախսերը» անցնում են «Համառուսաստանյան Արտակարգ հանձնաժողովի ցուցումների» կատարմանը: Այդ ժամանակ էլ կարգադրություն է արձակվում հայկական նախկին բանակի բոլոր սպաների նոր ցուցակագրման մասին: Հայաստանի ամբողջ տարածքում, որտեղ տարածվում է խորհրդային իշխանությունը, կազմակերպվում են հավաքակալայաններ, ուր պարտաճանաչ կերպով ներկայանում են ծառայության մեջ գտնվող կամ չգտնվող զրեքե բոլոր սպաները, նրանք ոչինչ չէին կասկածում զայիք արհավիրքների մասին: Հաջորդ օրը զինված պահակախմբի հսկողության տակ սպաներին ոտքով քշում են դեպի Ադստաֆա. ճանապարհին չեն կերակրում, ենթարկում ծաղրուծանակի, քալանում վերջին ունեցվածքը: Արսորվածներին Ադստաֆայից գնացքով ուղարկում են Բարու՝ 11-րդ բանակի Հատուկ բաժնի տրամադրության տակ: Բարվում հայկական բանակի սպաներին նետում են բանտերը, իսկ մոտ 500-ին՝ արսորում Խորհրդային Ռուսաստանի Ռ-յազան քաղաքի համակենտրոնացման ճամբարները: Ինչպես զեկուցագրում նշում է Ալ. Բեկզաղյանը, արսորվածներից շատերը ոչ միայն դաշնակցականներ և կադրային սպաներ չէին, այլ՝ «կոմունիստներ էին (կուսակցական տոմսերով), ինժեներներ, տնտեսագետներ, տեխնիկական աշխատակիցներ, որոնց կարիքն այդքան զգացվում էր Հայաստանում»: Նշելով, որ իր կողմից հավաքված պաշտոնական տեղեկությունների համաձայն՝ Աքարեկովը Համառուսաստանյան Արտակարգ հանձնաժողովի կողմից ոչ միայն լիազորված չի եղել կազմակերպելու սպաների զանգվածային արսորը, այլև նրան չեն տրվել ոչ մի տեսակի հրահանգներ Հայաստանի նկատ-

մամբ», Բեկզաղյանը ՌԿ(ք)Կ Կենտկոմից խնդրում է ազատ արձակել արքայություն գտնվող սպաներին:<sup>128</sup>

Հետաքրքիր է, որ արքայություն սպաներից շատերի մոտ նույնպես առկա էր այն կարծիքը, որ իրենց նկատմամբ բռնությունները քյուրիմացության արդյունք են և «չար կամքի դրսևորում»: Այդ մասին է նշվում Բաքվում 11-րդ բանակի Հատուկ բաժնի կալանքի տակ գտնվող 170 սպաների 1921 թ. փետրվարի 18-ի դիմումում Մոսկվա՝ Լ. Ե. Գինին և Տրոցկուն: Դրանում հայ սպաները ոչ միայն բողոք են ներկայացնում, այլ նաև հավաստում են Խորհրդային Ռուսաստանի իշխանությունների նկատմամբ իրենց լույս և բարյացակամ վերաբերմունքի մասին, պատրաստակամություն հայտնում՝ «ծառայել» խորհրդային իշխանությանը:<sup>129</sup>

Հայկական բանակի «Հեղափոխական վերակազմավորման» նշանաբանի ներքո կիրառված բռնությունների արդյունքում խորհրդային իշխանության առաջին ամիսների ընթացքում Հայաստանից, ինչպես նաև Ադրբեջանից, արտրվեցին հայկական մասիկին բանակի շուրջ 1400 սպաներ և զինծառայողներ: Արտրից գերծ չննացին հայ ժողովրդի հերոսներ, զեներալներ Թ. Նազարբեկյանը, Մ. Սիլիկյանը, Ա. Հովսեփյանցը, Ա. Բեյ-Մամիկոնյանը, Հ. Հախվերդյուրը, Կ. Գամազովը և այլք: Ավելացնենք միայն, որ արքայություն սպաների մեջ զգալի քիվ էին կազմում այլազգի (եիմնականում ռուս) սպաները. զեներալ-մայորներ Դիմիտրի Անդրեևսկի, Վլադիմիր Իվանով, Յակով Իովովսկի, գնդապետներ Վլադիմիր Իլյենկո, Նիկոլայ Շիշով, Միխայիլ Օռլովսկի, Պավել Շիխտեր, Նիկոլայ Տիմչենկո և շատ ու շատ ուրիշներ:<sup>130</sup>

Հայկական բանակի սպաների արքայություն կազմակերպողներից մեկը՝ ՀՄԽՀ ռազմագործողկոմ Ավիսը, իրենց կողմից ձեռնարկված խիստ միջոցառումների անհրաժեշտությունը հիմնավորում էր Ռուսաստանի փորձով: Երևանում լույս տեսնող ռուսալեզու «Կոմունիստ» քերթի քրթակցին տված հարցազրույցում նա նշում է. «Ռուսաստանի փորձը խիստ օրինակելի է, չէր կարելի չնախատեսել սպայության կուտակման վտանգը մի երկրում, որտեղ դեռ չէր եղել հեղափոխական լուրջ կռիվ», «Թող նրանք անցնեն պրոլետարական կարգապահության հնոցով, թող իրենց հետևից պայթեցնեն բողոք կամությունները, այրեն բողոք նավերը, իսկ դրանից հետո միայն նրանցից յուրաքանչ-

<sup>128</sup> ՀԱԱ, ֆ. 113, ց. 3, գ. 7, քք. 125-127: Տես նաև ֆ. 114, ց. 1, գ. 85, քք. 1-2:

<sup>129</sup> Տես նույն ակտում, ֆ. 114, ց. 2, գ. 15, ք. 5:

<sup>130</sup> Տես նույն ակտում, ֆ. 113, ց. 113, գ. 3, քք. 44-47:

յորն ուզած պահին կարող է վերադառնալ Խորհրդային Հայաստանի Կարմիր բանակի շարքերը»:<sup>131</sup>

Հայկական բանակի սպաների նկատմամբ բոլշևիկների կողմից գործադրված բռնությունների հետևանքով հայկական բանակը ոչ միայն էլ ավելի բարոյաբովեց, գրկվեց ազգային նկարագրից, այլև կորցրեց իր հմուտ և փորձառու հրամանատարական կազմը՝ կոփված Կովկասյան ռազմաճակատում բուրքական բանակի հետ մարտերում, 1918 թ. մայիսյան հերոսամարտերում: Այս ամենն, ինչ խոսք, չէր կարող չազդել հայկական բանակի մարտունակության վրա: Մեկ առիթով անդրադառնալով խնդրին, Ալ. Մյասնիկյանը քեև բարեխիղճ արձանագրեց, որ «Հրամանատարության արտորումը, անփորձ մարդկանց մուտքը բանակ (շատ սլաշտոններ վարում էին հասարակ զինվորներ), իհարկե, խիստ ազդեցություն քողեց նրա ռազմընդունակության վրա», սակայն միաժամանակ, կարծես քե ձգտելով արդարացնել արտորը, նշում է. «Այդ միջոցները ապակողեցին բանակի քաղաքական բարեհուսությունը»:<sup>132</sup>

\* \* \*

Հայաստանի խորհրդայնացումից հետո բոլշևիկյան իշխանությունները որդեգրեցին Հայաստանի նախկին իշխանությունները վարկարկելու, ազգային կուսակցությունները հեղինակագրկելու և պառակտելու քաղաքականությունը: Հայաստանը խորհրդային հայտարարելու մասին 1920 թ. նոյեմբերի 29-ի Հռչակագրում հայ կոմունիստները շեշտում էին, որ անողոք պայքար են ծավալելու «ապիկար և վայրենի» Դաշնակցություն կուսակցության դեմ, որն իր «տճրագործ» քաղաքականությամբ ամայեցրել, ավերել և կործանել է երկիրը: Հայհեղկոմի անդամ Ավիս Նորիջանյանը խոստովանում է. «Սեր հեղաշրջման գլխավոր նպատակն է՝ ամենաանողոք պայքարը դաշնակների դեմ»:<sup>133</sup>

Հ.Յ. Դաշնակցության դեմ բռնությունների գործադրումը հետապնդում էր ևս մեկ նպատակ՝ ապացուցել քեմալականներին, որոնք Հայաստանի խորհրդայնացումից հետո էլ շարունակում էին քշնամական քաղաքականություն վարել Հայաստանի նկատմամբ և անվատահուրյուն էին հայտնում Հայաստանի նոր իշխանությունների հանդեպ,

<sup>131</sup> Коммунист, Ереван, 29 января, 1921.

<sup>132</sup> Մյասնիկյան Ալ., Ընաիր երկեր, Եր., 1957, էջ 371:

<sup>133</sup> ՀԱԱ, ֆ. 114, ց. 1, գ. 16, ք. 64:

մատնանշելով Դրոյի ներկայությունը կառավարությունում, որ բուրքերի համակրանքը և բարեկամությունը հայցելու համար խորհրդային իշխանությունը պատրաստ է անհաշտ պայքար ծավալել Դաշնակցության դեմ: Բոլշևիկ հայերը կարծում էին, որ հալածանքների ենթարկելով Դաշնակցություն կուսակցությանը ոչ միայն կամրապնդեն իրենց իշխանությունը, այլև անշահախնդիր բարեկամության գործնական երաշխիքներ կտան քեմալական Թուրքիային, և որ նախատեսվող խորհրդարութրական բանակցություններում վերջինս ավելի բարյացակամ կլինի Խորհրդային Հայաստանի նկատմամբ:

1921 թ. հունվարի 15-ին Մոսկվայից ՀԿ(Բ)Կ Կենտկոմ ուղղված նամակում Ս. Տեր-Պարբիեյանը Կենտկոմի անդամներին հուշում է, որ մինչև խորհրդարութրական կոնֆերանսը հարկավոր է «ազատվել դաշնակցական ախտից», «անգամ եթե Դրոն և մյուսները միանգամայն անկեղծորեն աշխատում են մեզ հետ»:<sup>134</sup>

Այսպիսով, Դրոյին Հայաստանից հեռացնելու ևս մեկ դրդապատճառ է բացահայտվում՝ հարկավոր էր «հանգստացնել» քեմալականներին: Սակայն դա ոչ մի նշանակություն չունեցավ, քուրքական կողմը մազաչափ անգամ չշեղվեց հակահայկական քաղաքականությունից: ՌՍՖՍՀ արտգործոժողկոմ Գ. Չիչերինի հետ 1920 թ. դեկտեմբերի 8-ին ունեցած հեռագրագրույցում Գ. Օրջոնիկիժեն իրավացիորեն հուշում է. «Դրոն մեզ օգտակար է, իսկ բուրքերը միևնույնն է պետք է խոսեն անվստահության մասին (Խորհրդային Հայաստանի իշխանությունների նկատմամբ - Կ.Խ.), եթե անգամ Դրոյին հեռացնենք»:<sup>135</sup>

Հայկական բանակի սպաների արսուրի կազմակերպումով բոլշևիկների բռնությունները ոչ միայն չավարտվեցին, այլ ավելի սանձարձակ դարձան՝ նրանց զաղափարախոսները կարծում էին, որ Հայաստանում այլևս չկա այն ուժը, որը կհամարձակվի զսպել իրենց:

Պետք է նշել, որ բացառությամբ Հ.Յ. Դաշնակցության, ազգային մյուս կուսակցությունները կամ ողջունեցին Հայաստանի խորհրդայնացումը և Ռուսաստանի հետ ռազմաքաղաքական դաշինքի հաստատումը, կամ էլ՝ մնացին միանգամայն լռյալ, թեև իրականում կտրականապես մերժում էին համայնավարական զաղափարախոսությունը: Այսպես՝ Սոցիալ - դեմոկրատական Հնչակյան և Հայ Ռամկավար կուսակցությունները Հայաստանի խորհրդայնացման առաջին իսկ օրե-

<sup>134</sup> ՀԱԱ, ֆ. 4049, ց. 1, գ. 7, ք. 4:  
<sup>135</sup> Նույն տեղում, հավաքածու 1, գ. 2, ք. 185:

րից կուսակցական մամուլում պաշտոնապես պաշտպանեցին խորհրդային իշխանությունը Հայաստանում: «Ջերմագին ողջունում ենք կատարած հեղաշրջումը, ստեղծված խորհրդային իշխանությունը Հայաստանում», - նշվում է Հայիեղկոմին ուղղված Ս.Դ. Հնչակյան կուսակցության Երևանի մասնաճյուղի վարչության 1920 թ. դեկտեմբերի 11-ի ուղղույնի նամակում:<sup>136</sup>

Հայ ազգային կուսակցությունների մեծ մասը Հայաստանի խորհրդայնացումը կարևորում էր Խորհրդային Ռուսաստանի հետ ռազմաքաղաքական դաշինքի ստեղծման տեսանկյունից, որովհետև, ինչպես իրավատեսորեն նշում է Ս.Դ.Հ.Կ. Կ.Պոլսի «Երկիր» քերթը. «Հայաստանին փրկարար և նպատակահարմար է այն քաղաքականությունը, որն իրեն կապահովի Ռուսաստանի բարեկամությունը: Նրանից բացի չկա մեկ ուրիշ իրական և մոտիկ ուժ, որի օգնությամբ կարելի է դիմել մեր ֆիզիկական և քաղաքական գոյությունը ապահովելու համար»:<sup>137</sup>

Կ. Պոլսում 1920 թ. դեկտեմբերի 13-ին գումարված Հայ Ռամկավար կուսակցության Կենտրոնական վարչության ժողովի կողմից ընդունված շրջաբերականում նշվեց. «Անդրկովկասի ներկայ պայմաններու մեջ հայերը քորքերու և քաթարներու սպառնալիքին հանդէպ իրենց ֆիզիքական գոյութիւնը, ինչպէս նաեւ, կարելի է ըսել, քաղաքական իրաւունքները ապահովելու համար ուրիշ ուժէ կողմէ գործնական օգնութիւն չեն կրնար ակնկալել, եթէ ոչ Ռուսաստանէն միայն»:<sup>138</sup>

1921 թ. հունվարի վերջերին «ձախերի» ճնշման տակ Հայկոմկուսի պլենումը որոշում է անհաշտ պայքար ծավալել Հ.Յ.Դ.-ի դեմ՝ ձերբակալել և մեկուսացնել կուսակցության բոլոր կոմիտեների և կազմակերպությունների ղեկավարներին, նախկին կառավարության անդամներին: Որոշվում է ձերբակալել նաև «Ժողովրդական ազատություն» կուսակցության ղեկավար անդամներին: Պլենումի որոշումների մասին «ձախերի» ներկայացուցիչներ Ալիխանյանը, Նուրիջանյանը և Դովլաթյանը 1921 թ. հունվարի 27-ին հայտնում են Բաքու՝ Օրջոնիկիձեին: Հունվարի 28-ին Օրջոնիկիձեին դիմում են նաև Կասյանը և Մռավյանը, որոնք դեմ էին արուսիայտվել Հայկոմկուսի պլենումի որո-

<sup>136</sup> ՀԱԱ, ֆ. 4045, ց. 1, գ. 245, ք. 1:

<sup>137</sup> Երկիր, Կ. Պոլս, դեկտեմբերի 28, 1920:

<sup>138</sup> Դարբինեան Ա., Հայ ազատագրական շարժման օրիւն (Յուլեր 1890էն 1940), Եր., 2003, էջ 275:

շումներին: Կասյանը և Մռավյանը հուշում են, որ բռնությունների քաղաքականությունը հղի է ծանր հետևանքներով, այն «ոչ միայն հեղինակագրկում է խորհրդային իշխանությունը բնակչության աչքում, այլև կարող է հանգեցնել անկազմակերպվածության և անիշխանության»:<sup>139</sup>

Օրջոնիկիձեի պատասխանը չի հապաղում, 1921 թ. փետրվարի 1-ին նա և Մ. Օրախելաշվիլին Կովկասյան բյուրոյի անունից, որը, փաստորեն, դատավորի դեր էր ստանձնել կողմերի միջև, Ավիսին և Կասյանին հայտնում են բյուրոյի որոշման մասին: Նրանում մասնավորապես նշվում է. «Քաղաքական իրադրությունը հրամայաբար պահանջում է անողոր պայքար մղել Դաշնակցություն կուսակցությունը լիակատար լիկվիդացնելու համար, հարկավոր է մեկուսանցնել կազմակերպությունների ղեկավարներին...»: Կովկասյան բյուրոն միաժամանակ զգուշացնում է, որ «Հակաժողովրդական կուսակցության լիկվիդացման համար մղվող պայքարը ոչ մի դեպքում չպետք է վերածվի թեկուզև դաշնակցական անցյալով մտավորականության դեմ հախտուն պայքարի»:<sup>140</sup>

ՌԿ(բ)Կ Կովկասյան բյուրոյի այս որոշում-հրահանգից հետո Հայաստանում զանգվածային ձերբակալություններ են սկսվում, դրանցից գերծ չի մնում նույնիսկ հայ մտավորականությունը: Ձերբակալելով և բանտերը լցնելով հարյուրավոր քաղբանտարկյալներով, հայ բուշլիկները զգուշացնում են, որ դաշնակների կողմից հակախորհրդային շարժում ծավալելու և իշխանությունը զավթելու աննշան փորձի դեպքում՝ կզնդակահարեն պատանդներին և կղիմեն ռազմահեղափոխական ժամանակի բոլոր խիստ միջոցների կիրառմանը՝ անգամ նրանց ընտանիքների անդամների նկատմամբ: Այդ մասին է նշվում ՀՍԽՀ Չեկայի նորանշանակ նախագահ Շ. Ամիրխանյանի փետրվարի 10-ի հայտարարության մեջ:<sup>141</sup>

Փետրվարի 13-ին Հայինդկոմի նախագահին ուղղված զեկուցագրում Ամիրխանյանը տեղեկացնում է, որ ձերբակալվել է 106 մարդ, միաժամանակ հուշում, որ նրանցից շատերը... անմեղ են:<sup>142</sup>

<sup>139</sup> Տե՛ս Հայաստանում սովետական իշխանության ամբաստնուման մի քանի հարցեր, էջ 20:

<sup>140</sup> Ալիխանյան Ս., Գ.Կ. Օրջոնիկիձեն և սովետական կարգերի հաստատումը Հայաստանում, Եր., 1974, էջ 113:

<sup>141</sup> Հեղափոխության սոցիալիստական ճեղ հեղափոխությունը... Հայաստանում, էջ 476:

<sup>142</sup> Նույն տեղում, էջ 480:

Մոսկվայում կուսակցական համագումարին մասնակցող հայ կոմունիստներին 1921 թ. մարտի 9-ին ուղղված նամակում Ա. Մոսկվանը նշում է, որ փետրվարի կեսերին խորհրդային իշխանության գործունեությունը Հայաստանում «նշանավորվեց դաշնակների զանգվածային ձեռքակալություններով. Երևանում ձեռքակալվել էին 200-ից ավելի, Հայաստանի այլ շրջաններում՝ նույնը, ձեռքակալում էին տասնյակներով, հարյուրներով, շատ դեպքերում՝ անմեղների»:<sup>143</sup>

Ձեռքակալվածների մեջ էին նախկին նախարարապետներ Հովհաննես Քաջազունին և Համազասպ Օհանջանյանը, ազգային գործիչներ Նիկոլ Աղբալյանը և Լևոն Շանթը, հայ գորահրամանատարներ Համազասպ Սրվանձտյանը և Նիկոլայ Կորզանովը, շատ ու շատ ուրիշներ: Վերջին երկուսը, մի քանի տասնյակ այլ քաղբանտարկյալների հետ միասին զնդակահարվեցին բուլշևիկյան բանտերում, մյուսներին փրկեց փետրվարյան ապստամբության հաղթանակը:

Հայաստանում խորհրդային իշխանության առաջին շրջանում բուլշևիկների գործադրած բռնությունների դրդապատճառներից էր ոչ միայն «նեքքին հակառակորդի ոչնչացման անհրաժեշտությունը», այլև արտաքին վտանգի «տրվականը»: 1920-1921 թթ. ծնունդը Մոսկվայում շարունակում էր տիրել այն կարծիքը, որ պատերազմը Կովկասում անխուսափելի է: Խորհրդային իշխանությունները քաջ գիտակցում էին, որ Հայաստանը և Վրաստանը դեռևս կարող են օգտագործվել Անտանտի և Թուրքիայի կողմից որպես հենադաշտ՝ տարածաշրջանը Ռուսաստանից անջատելու համար: Հայաստանը թեև խորհրդային էր, սակայն բուլշևիկների դիրքերն այնտեղ դեռևս ամուր չէին, իսկ տարածաշրջանում խորհրդային զորքերի անբավարար քանակությունը բույլ չէր տալիս Ռուսաստանի իշխանություններին հանգիստ լինել Խորհրդային Հայաստանի համար: Անհանգստանալու պատճառներ համայնավարներն իրոք որ ունեին. չէր Հայաստանում խորհրդային իշխանության առաջին ամիսներին նրանք չկարողացան հայ ժողովրդին տրամադրել առատ խոստացած թե՛ ռազմական և թե՛ տնտեսական այն օգնությունը, որի մասին նշում էին երկիրը խորհրդայնացնելու նախօրեին: Հայաստանի խորհրդայնացումից հետո չփոխվեց նաև բուրքերի թշնամական քաղաքականությունը Հայաստանի՝ որպես Ռուսաստանի դաշնակցի, նկատմամբ: Ավելին, Խորհրդային Հայաստանի զինագրավված շրջաններում շարունակվում էին

<sup>143</sup> ՀԱԱ, ֆ. 114, ց. 2, գ. 79, ք. 1:

թուրքական բանակի ոճրագործությունները: Նման պայմաններում հակախորհրդային ելույթները և խորհրդային իշխանության տապալումը Հայաստանում ոչ միայն չէր բացառվում, անգամ միանգամայն հավանական էր դառնում: Հանձին հայկական բանակի սպայության և Հ.Յ. Դաշնակցության Հայաստանում ստկա էր մնում այն ուժը, որը կարող էր իր վրա վերցնել ինչպես հակախորհրդային պայքարի կազմակերպումը, այնպես էլ՝ անմիջական ղեկավարումը: Պատահական չէ, որ 1921 թ. հունվարի 12-ին ՌՍՖՍՀ արտգործժողկոմ Չիչերինը, հրավիրելով Ստալինի ուշադրությունը Հայաստանի և այնտեղ գտնվող ռուսական զորամասերի աղետալի դրության վրա, հուշում է. «Հնարավոր է անհրաժեշտ լինի ետ կանչել մեր զորամիավորումները (Հայաստանից - Կ.Խ.) և դաշնակները, որոնց հետ թուրքերն իրր քե բանակցություններ են վստում, կարող են վերստին հայտնվել իշխանության գլխին: Դա շատ լուրջ հարված կլինի Արևելքում խորհրդային իշխանության հեղինակությանը»:<sup>144</sup> Երկու օր անց Չիչերինը կրկին տեղեկացնում է Ստալինին. «Շեյնմանը (ՌՍՖՍՀ ներկայացուցիչը Կրաստանում - Կ.Խ.) ինչպես Անտանտի, այնպես էլ Քեմալի քաղաքականությունը բնութագրում է որպես անթաքույց ձգտում՝ ստեղծել մեր նկատմամբ թշնամարար տրամադրված Կովկասյան դաշնություն»:<sup>145</sup>

Իր հերթին Ա. Շեյնմանը 1921 թ. փետրվարի 2-ին հայտնում է Գ. Օրջոնիկիձեին, որ իրեն հասած հավաստի տեղեկությունների համաձայն՝ առաջիկա զարմանը Կովկասում ապստամբություն է սպասվում: Այս հաղորդագրության հիման վրա Օրջոնիկիձեն փետրվարի 6-ին շտապում է հայտնել Մոսկվա՝ Լենինին. «Կրկին ու կրկին տեղեկացնում եմ Ձեզ, որ զարման մոտենալու հետ դրությունը Կովկասում ավելի ու ավելի սպառնալից է դառնալու»:<sup>146</sup>

Կասկածից վեր է, որ Խորհրդային Ռուսաստանի և Հայաստանի իշխանությունները նշված սպառնալիքները չեզոքացնելու լավագույն տարբերակ էին ընտրել. մախ՝ սպաների արտորի միջոցով հայկական բանակը զրկել ազգային նկարագրից, ապա՝ «լիկվիդացնել» ազգային ուժերը, առաջին հերթին «գաղափարական թշնամի»՝ Հ.Յ. Դաշնակցությունը:

<sup>144</sup> ՀԱԱ, համարածու 1, գ. 7, ք. 26:

<sup>145</sup> Նույն աղբյուր, ք. 27:

<sup>146</sup> Տես Նաույան Ա., Հայաստանի միջազգային իրավական դրությունը 1920-1922 թթ., Եր., 1967, էջ 179:

Սակայն բռնությունների միջոցով չեզոքացնել բոլոր «սպառնալիքները» խորհրդային իշխանություններին, այնուհանդերձ, չհաջողվեց, ընդհակառակը՝ Հայաստանում բոլշևիկների կողմից իրականացված բռնությունները հանգեցրեցին ներքաղաքական իրադրության կտրուկ սրմանը:

## *2. 1921 թվականի փետրվարյան ապստամբությունը Հայաստանում և Խորհրդային Ռուսաստանը*

Հայաստանի խորհրդայնացումից ընդամենը երկուս ու կես ամիս անց, 1921 թ. փետրվարի կեսերին երկրում հակախորհրդային ապստամբություն բռնկվեց: Նոր իշխանությունների քաղաքականությունից յժգոհ ժողովրդական զանգվածները ոտքի կանգնեցին և մի քանի օրում Հայաստանի կենտրոնական մասերում տասպալեցին խորհրդային կարգերը: Եթե Հայաստանի խորհրդայնացումը փրկել էր երկիրը և ժողովրդին քուրքական գորքերի հմարավոր մահաբեր առաջխաղացումից դեպի Արարատյան դաշտավայրը և երկրի խորքերը, ի վերջո՝ վերջնական կործանման վտանգից, ապա խորհրդային իշխանության առաջին ամիսներին Հայաստանի ո՛չ քաղաքական և ո՛չ էլ սոցիալ-տնտեսական դրությունը չբարելավվեց, ընդհակառակը՝ էլ ավելի վատթարացավ: Քենավական գորքերը չէին շտապում հեռանալ Հայաստանի սահմաններից, նրանց կողմից զինագրավված շրջաններում շարունակվում էր հայ ժողովրդի անխնա կողոպուտը, հալածումը և կոտորումը: Խորհրդային իշխանությունների կողմից առատ խոստացված օգնության փոխարեն Հայաստան էր մտել ընչաքաղձ Կարմիր բանակը, իսկ կոմունիստ հայերը երկրում հաստատեցին բռնությունների և բռնագրավումների վրա հիմնված բոլշևիկյան ամենատիրությունը: Հայ ժողովուրդը խաղաղ աշխատանքի, օգնության ծառայով էր լցված դեպի նոր իշխանությունները, իսկ նրանից պահանջեցին և բռնագրավեցին վերջին ունեցվածքը՝ «Ընկեր Լենինին», «Պիտերի և Մոսկվայի սրուլետարիատին» որպես «Եղբայրական օգնություն» ուղարկելու համար:

Բռնությունները, ինչպես նշվեց, առավել սաստկացան 1921 թ. հունվարի սկզբներից, երբ խորհրդային իշխանությունների մոտ ամրապնդվեցին կասկածներն այն մասին, որ Հայաստանում հակախորհրդային ելույթներ են նախապատրաստվում: Հայ կոմունիստներ-

րից ոմանք հանդես էին գալիս Հայաստանում քաղաքացիական պատերազմի անհրաժեշտության մասին կոչերով, գտնում էին, որ եթե Խորհրդային Ռուսաստանն անցել է դրա բովով, ապա այն անխուսափելի է նաև Հայաստանի համար, դա դիտում էին որպես սոցիալիստական հեղափոխության զարգացման անհրաժեշտ պայման: Կուսակցական տպագիր օրգան «Կոմունիստ»-ում երիտասարդ հայ կոմունիստները («Չախ» քեի ներկայացուցիչներ Ա. Նուրիջանյանը, Գ. Աբարբեկյանը, Գ. Ալիխանյանը, Շ. Ամիրխանյանը և այլք - Կ.Խ.) «աղմկալի, ճղճղան տոնով քաղաքացիական պատերազմի կոչ էին անում»:<sup>147</sup> 1921 թ. մարտի 9-ի նամակում նշում է Ա. Մռավյանը: Եվ դա իրոք այդպես էր, բերենք մեկ օրինակ՝ 1921 թ. փետրվարի 11-ի «Պետր է հաղթենք» խմբագրականում «Կոմունիստ»-ը գրում է. «Մենք սակաված հակահեղափոխությանը կանչում ենք վճռական մարտի»:<sup>148</sup> Նման սաղորիչ բովանդակությամբ հոդվածներ թերթի էջերին պարբերաբար տպագրվում էին այն դեպքում, երբ, ինչպես խոստովանում է Ա. Մռավյանը, «Դաշնակներին մենք ձեռնոց նետեցինք այն պահին, երբ Հայաստանում չունեինք իրական ռազմական հենարան», քանզի հայկական բանակի վերակազմավորման գործում ճակատագրական սխալ գործեցինք, և բանակը «մեր իշխանության երկուս ու կես ամսում ոչ միայն չդարձավ մերը, այլև՝ վճռորոշ պահին դավաճանեց մեզ»:<sup>149</sup> Հայաստանում տեղակայվող 11-րդ Կարմիր բանակի 20-րդ դիվիզիայի հրամանատար Մ. Վելիկանովը նույնպես հաստատում է, որ «Հայկական բանակի մեծ մասն անցել էր խռովարարների կողմը»:<sup>150</sup>

Ինչ վերաբերում է ռուսական զորամասերին, ապա դրանք դուրս էին բերվել երկրից: Ինչպես արդեն նշել ենք, դեռևս 1921 թ. հունվարի 12-ին Ռ.Ս.Ֆ.Ն.Հ արտգործօրդկոմ Չիչերինը հուշում էր Ստալինին, որ «Հնարավոր է անհրաժեշտ լինի ետ կանչել մեր զորամիավորումները (Հայաստանից - Կ.Խ.)»:<sup>151</sup>

Հայաստանից ռուսական զորամասերը հեռացնելու որոշումը պայմանավորված էր մի շարք պատճառներով. նախ՝ երկրում օրեցօր խորացող սոցիալ-տնտեսական ճգնաժամը ծանր էր անդրադառնում ոչ միայն բնակչության, այլև բանակային զորամասերի վրա, երկրորդ՝ Վրաստանի խորհրդայնացման խնդիրը հրատապ էր դարձնում Կար-

<sup>147</sup> ՀԱԱ, ֆ. 114, ց. 2, գ. 79, ք. 1:

<sup>148</sup> Կոմունիստ, Երևան, փետրվարի 11, 1921:

<sup>149</sup> ՀԱԱ, ֆ. 161, ց. 2, գ. 79, ք. 2-ի շրջերես:

<sup>150</sup> Նույն տեղում, ֆ. 1022, ց. 8, գ. 330, ք. 3:

<sup>151</sup> Նույն տեղում, հավաքածու. 1, գ. 7, ք. 26:

մի քանակի ուժերի կենտրոնացումը նրա սահմաններին: Խորհրդային իշխանությունները համոզված էին նաև, որ հայկական բանակի սպաների արքայումը Հայաստանից, սուզային հայտնի գործիչների ձերբակալությունները, քուրքական վտանգը, ինչպես նաև Վրաստանի հասունացող խորհրդայնացումը կկանխեն հնարավոր հակախորհրդային ելույթները Հայաստանում: Այսպես, 1921 թ. փետրվարի 16-ին տեղեկանալով Ավիս Նորիջանյանից Հայաստանում տիրող պայթուցավտանգ իրադրության մասին, Գ. Օրջոնիկիձեն նրան հանգստացնում է. «լուսարացին կհարված ենք Վրաստանին և այն ժամ մեր առջև կբացվեն բոլորովին այլ հեռանկարներ»:<sup>152</sup>

Սակայն բոլշևիկյան ղեկավարները սխալվեցին իրենց կանխատեսումներում, Հայաստանում խորհրդային իշխանությունների բռնություններն ի վերջո հանգեցրեցին փետրվարյան ժողովրդական ապստամբությանը: Այն ժողովրդի հուժկու ընդվզումն էր ընդդեմ խորք և քիթք ուժի, արժանապատվությունը պահպանելու ձգտում էր:

Փետրվարի 16-18-ը ապստամբությունն արագ ընդգրկեց Հայաստանի կենտրոնական մի շարք շրջանները. Կոտայքը, Թալինը, Բաշ-Գյումին, Գարալագյազը, Բաշ-Այսրսնը և այլն: Նշված շրջաններում խորհրդային իշխանությունը տապալելուց հետո ապստամբներն ընդհուպ մոտենում են Երևանին:

Խորհրդային իշխանությունները խուճապի մեջ էին, արդեն փետրվարի 17-ին ՀՍԽՀ Կարմիր բանակի հրամանատար Մոլկաչանովը հաղորդում է Բաբո՝ 11-րդ բանակի ռազմհեղխորդին. «Ապստամբությունը սպառնալի բնույթ է կրում», «Հարկավոր է ռուսական զորամասերի խոշոր միավորումներ մտցնել (Հայաստան-Կ.Խ.)»:<sup>153</sup> Սակայն արդեն հաջորդ օրը, փետրվարի 18-ին, ՀՍԽՀ պետական և կուսակցական մարմինները իրենց հավատարիմ բանակային զորամասերի ուղեկցությամբ բողեցին Երևանը և «Ազատամարտ» ու «Վարդան Չորավար» զբաղազնացրների պաշտպանության ներքո հեռացան դեպի Ղամաբլու (Արտաշատ) - Վեդի-Բասար (Արարատ)՝ նրանց քիկումբում Խորհրդային Նախիջևանն էր: Այսպիսով, ինչպես իրավացիորեն նկատում է խորհրդային պատմաբան Բ. Բորյանը, ապստամբությունը ծագելուց անմիջապես հետո, հասկանալով իրենց բոլորությունը, ՀՍԽՀ իշխանություններն օգնության խնդրանքով դիմեցին Խորհր-

<sup>152</sup> Տե՛ս Ալիխանյան Ս., Գ.Կ. Օրջոնիկիձեն և տպետական կարգերի հաստատումը Հայաստանում, Եր., 1974, էջ 118-119:

<sup>153</sup> ՀԱԱ, ֆ. 1022, ց. 8, գ. 218, ք. 1:

դային Ռուսաստանին և, «փոքրաքիվ գորքերի պաշտպանության ներքո դիմելով փախուստի, Հայաստանի փրկության գործը հանձնեցին Կարմիր բանակի ձեռքը»:<sup>154</sup>

Չհանդիպելով որևէ լուրջ դիմադրության, ապստամբները փետրվարի 18-ին մտնում են Հայաստանի մայրաքաղաք: Երևանում ստեղծվում է իշխանության նոր մարմին՝ Հայրենիքի փրկության կոմիտե, Առաջին Հանրապետության վերջին նախարարապետ Սիմոն Վրացյանի նախագահությամբ: Մինչև փետրվարի վերջը կոմիտեի իշխանությունը տարածվեց Հայաստանի կենտրոնական և հարավային շրջանների վրա. Էջմիածին, Աշտարակ, Ախթա, Նոր-Բայազետ, մայրաքաղաք Երևան: Խորհրդային իշխանությունը կանգուն մնաց Հայաստանի հյուսիսային և հյուսիս-արևելյան շրջաններում. Համամյու (Սպիտակ), Ղարափիլիսա (Վանաձոր), Դիլիջան, Շամշադին (Տավուշ): Ինչպես գիտենք՝ շարունակում էր ինքնավար մնալ Սյունիքը:

Ստանձնելով իշխանությունը Հայաստանում և գիտակցելով, որ անհնար է միայնակ դիմակայել Խորհրդային Ռուսաստանին, որն, անշուշտ, ձգտելու է վերականգնել խորհրդային իշխանությունը Հայաստանում, Հայրենիքի փրկության կոմիտեն փորձում է համագործակցություն հաստատել արտաքին որևէ ուժի հետ: Եվ քանի որ Արևմուտքի օգնությունն այլևս չէր ակնկալվում, կոմիտեն անմիջապես կապի մեջ է մտնում Վրաստանի մենշևիկյան իշխանությունների հետ: Վերջիններս առաջարկում են առանց հապաղելու ընդհանուր պայքար ծավալել Խորհրդային Ռուսաստանի դեմ և խոստանում՝ «հարվածել բոլշևիկներին թիկունքից»:<sup>155</sup> Սակայն Վրաստանի խորհրդայնացումը կանխում է հայ-վրացական հակաբոլշևիկյան համագործակցությունը:

Հակախորհրդային պայքարում միայնակ չմնալու համար Հայրենիքի փրկության կոմիտեն փորձում է համագործակցություն հաստատել Աովկասի ժողովուրդների հետ և Ռուսաստանի դեմ պայքարը դարձնել համակովկասյան: Սակայն դա նույնպես ապարդյուն է անցնում, որովհետև, ինչպես հայտարարում է Գ. Օրջոնիկիձեն, «Վրաստանում խորհրդային իշխանության հաստատումը միանգամից վերացրեց ապստամբությունը Դաղստանում և կանխորոշեց դաշնակցական ապստամբության ճակատագիրը Երևանում»:<sup>156</sup>

<sup>154</sup> Борьян Б., Армения, международная дипломатия и СССР, часть 2, М.-Л., 1929, с. 159.

<sup>155</sup> ՀԱՄ, ֆ. 37, ց. 1, գ. 28, քք. 14, 17:

<sup>156</sup> Օրջոնիկիձե Գ.Ա., Ընտիր խղվածներ և ճառեր, Եր., 1950, էջ 59:

Հայրենիքի փրկության կոմիտեն օգնության խնդրանքով դիմեց նաև Թուրքիայի քեմալական իշխանություններին: Ս. Վրացյանը վերջիններիս հիշեցնում է, որ Ալեքսանդրապոլի պայմանագրի համաձայն. Հայաստանին սպառնացող արտաքին կամ ներքին վտանգի և հայկական կառավարության խնդրանքի դեպքում՝ բուրքերը պարտավորվել են զինված օգնություն տրամադրել վերջինիս:

Այսպիսով Վրացյանը փորձում էր վերականգնացնել մի փաստարուր, որով հարցականի տակ էր դրված Հայաստանի՝ որպես ինքնուրույն պետություն, գոյությունը: Եվ պատահական չէ, որ վրացյանական Կոմիտեի պաշտոնաթերթ «Ազատ Հայաստանը» իր էջերից քարոզում է հայ-թուրքական բարեկամություն և համերաշխություն, իսկ Կոմիտեի մարտի 8-ի որոշումով թերթը պետք է հրատարակվեր նաև թուրքերեն լեզվով:<sup>157</sup>

1921 թ. մարտի 18-ին օգնության հերթական խնդրանքով դիմելով Հայաստանում քեմալականների ներկայացուցիչ Բեհաետտին Բեյին, Վրացյանը հույս է հայտնում, որ Հայաստանը կստանա «տաճիկ ժողովրդի գործուն աջակցությունը, որովհետև տաճիկ ժողովրդի կենսական շահն էլ պահանջում է Հայաստանի հաղթական դուրս գալն այս կողմից և անկախ մնալը»:<sup>158</sup>

Չարմանալ կարելի է Վրացյանի քաղաքական կարճատեսության վրա, ինչպես կարելի էր ակնկալել, որ թուրք-քեմալականներն օգնության կհասնեն Հայաստանին և նրա համար կառճակատվեն Խորհրդային Ռուսաստանի հետ, որից ոչ միայն շոշափելի չափերի ռազմամթերք և ֆինանսական օգնություն էին ստանում, այլև քաղաքական մեծ աջակցություն միջազգային ասպարեզում: Չմոռանանք նաև, որ նույն օրերին Մոսկվայում ընթացող ռուս-թուրքական կոնֆերանսին թուրքական կողմը քեմ «առևտուր» էր ծավալել այդ օգնության չափերը բազմապատկելու համար:

Քեմալականները Վրացյանին քեև խրախուսեցին հակախորհրդային պայքարի, խորամանկորեն խոստացան աջակցել, բայց, իհարկե, դրանից այն կողմ չանցան:

Խորհրդային Ռուսաստանի իշխանություններին մտահոգում էր Հայաստանում տիրող անկայուն իրադրությունը, Գ. Չիչերինը նշում է, որ Հայաստանում դաշնակների հայտնվելը իշխանության

<sup>157</sup> ՀԱՄ, ֆ. 37, ց. 1, գ. 5, ք. 30:

<sup>158</sup> Նույն տեղում, գ. 9, ք. 66-ա:

զլխին՝ «դա շատ լուրջ հարված է խորհրդային իշխանության հեղինակությանն Արևելքում»:<sup>159</sup>

Խորհրդային իշխանությունների մոտ տիրապետող էր այն կարծիքը, որ հակախորհրդային ապստամբությունը Հայաստանում, «Փրկության կոմիտեները» Աղբրեջանում, Լեռնականների հանրապետությունում՝ «Դա ամենուրեք Կովկասում խորհրդային իշխանության դեմ ապստամբություն բարձրացնելու մեկ միասնական ծրագիր է»:<sup>160</sup>

Եվ ահա այդ «ծրագրի» առաջամարտիկի դերին, կարծես, հավակնում էր... Հայրենիքի փրկության կոմիտեն և Սիմոն Վրացյանը, մեկ առիթով նա խոստովանում է. «Մենք, այո, աշխատում ենք մեր պայքարը հանել հայկական շրջանակներից և դարձնել համակովկասյան: Մենք ձգտում ենք համերաշխություն առաջ բերել Կովկասյան ժողովուրդների միջև և հաշտվել տաճիկների հետ: Սա մեր քաղաքականության անկյունաքարն է»:<sup>161</sup> Վրացյանի «ծրագրերը», եթե իրագործվեին, ապա, ինչպես ճիշտ նկատում է ակադեմիկոս Գ. Գալոյանը, «Հանգեցնելու էին ամբողջ Անդրկովկասի անջատմանը Խորհրդային Ռուսաստանից»:<sup>162</sup>

Այսպիսով, Վրացյանը հավակնում էր քեմալական Թուրքիայի հովանավորությամբ ստանձնել տարածաշրջանում հակախորհրդային պայքարի ղեկավարումը, և դա այն դեպքում, երբ անգամ Խորհրդային Ռուսաստանի կատաղի թշնամի Անգլիան փորձում էր բարիոդրացիական հարաբերություններ պահպանել վերջինիս հետ:

1922 թ. մայիսի 30-ին Վենետիկից Վրացյանին ուղարկած նամակում նախ մեծանուն բանաստեղծ Ավ. Իսահակյանը, չքաղցնելով գայրույթը, գրում է. «Հայաստանը՝ հացից, ջրից գուրկ այդ ողբայի երկիրը, զենք է խաղացնում խենթացած Ռուսիայի դեմ... Երևանի կառավարությունը չպետք է ժամավաճառ լիներ և կորցնի սովերի համար Ղարս, Իզդիլ, Կողբ և տասնյակ հազարավոր կյանքեր... Հիմա. – Հիմա ամենալավ լուծումն է, որ եղավ. միայն բոլշևիկ Հայաստանը կարող է իր բացասական կողմերով հանդերձ, պահել հայի գոյությունը»:<sup>163</sup>

<sup>159</sup> ՀԱԱ, հավաքածու 1, գ. 7, ք. 26:

<sup>160</sup> Օրջոնիկիձե Գ.Ա., Ընտիր հողվածներ և ճամեր, էջ 49:

<sup>161</sup> Ասպարեզ, սեպտեմբերի 27, 1921:

<sup>162</sup> Գալոյան Գ., Պատմության քառադիներում, էջ 379-380:

<sup>163</sup> Տե՛ս Վրացյան Ս., Հին թղթեր, նոր պատմության համար (Հավելված՝ Ավ. Իսահակյանի նամակներ), Բեյրութ, 1962:

Ինչևէ, Հայաստանում փետրվարյան ապստամբությունը ճնշելու գործի կազմակերպումը ստանձնում է ՌԿ(Բ)Կ Կենտկոմի Կովկասյան բյուրոն: Վերջինիս ցուցումով Հայաստանի հյուսիսային և հյուսիս-արևելյան շրջաններում, ուր պահպանվում էր խորհրդային իշխանությունը, փետրվարի 26-ին ստեղծվում է կառավարման նոր մարմին՝ Ղարաքիլիսա - Դիլիջան գավառների ռազմահեղափոխական կոմիտե, Գևորգ Արարբեկյանի նախագահությամբ: Ռազմհեղկոմի տրամադրության տակ է դրվում 11-րդ Կարմիր բանակի զորամիավորում՝ Ղազախ-Դիլիջան շրջանի զինվորական պետ Ա. Շիրմախերի հրամանատարությամբ: Այսպիսով Հայաստանում փետրվարյան ապստամբության ճնշումը իրականացվելու էր 11-րդ Կարմիր բանակի ուժերով, բանգի ՀՄՍՀ պետական և կուսակցական մարմինները՝ իրենց հավատարիմ մնացած փոքրաքիվ բանակային ուժերով, պաշարված էին ապստամբների կողմից Ղամարլու - Վեդի-Բասար շրջանում և ստիպված էին հոգալ սեփական պաշտպանության մասին: Նրանց փրկությունը նույնպես կախված էր 11-րդ բանակի հարձակման հաջողությունից:

1921 թ. մարտի սկզբին 11-րդ բանակի հրամանատարությունը բացում է «Հյուսիսային ճակատը» և պատրաստվում Վրաստանի ու Ադրբեջանի կողմից անցնել հարձակման, սակայն ճանապարհների անանցանելիության պատճառով հարձակումն անընդհատ հետաձգվում է: Միաժամանակ, օրի օրի ծանրանում էր Ղամարլու - Վեդի-Բասարում պաշարված խորհրդային ուժերի դրությունը: Հայտնվելով դժվարին կացության մեջ վերջիններիս ղեկավարները բազմաքիվ սրտաճնյիկ հեռագրեր են հղում Բաքու և Թիֆլիս՝ Օրջոնիկիձեին, 11-րդ Կարմիր բանակի հրամանատար Ա. Գեկկերին, որոնցում ոչ միայն խնդրում են օգնել իրենց սննդամթերքով և ռազմամթերքով, այլև «պահանջում են», որպեսզի 11-րդ բանակի զորամասերը անհապաղ հարձակվեն Երևանի ուղղությամբ: Սակայն, ինչպես հուշում է մարտի 16-ի հեռագրում Ավիս Նուրիջանյանը, «11-րդ բանակի շտաբը հանցագործ կերպով լուրս է և չի արձագանքում մեր աղաչանքներին»:<sup>164</sup>

11-րդ բանակի ռազմհեղխորհրդին օգնության խնդրանքով դիմում են նաև Կասյանը և Մոլկաչանովը, 1921 թ. մարտի 20-ի հեռագրում նրանք շեշտում են, որ այսուհետ միայն Ռուսաստանի օգնությունից է կախված իրենց լինել կամ չլինելու հարցը:<sup>165</sup>

<sup>164</sup> ՀԱԱ. ֆ. 1022, ց. 5, գ. 375, քք. 3, 5:

<sup>165</sup> Նույն տեղում, ց. 2, գ. 268, ք. 1:

Վերջապես, ՌՍՖՍՀ ժողովուրդի նախագահ Վ. Լենինի անմիջական ցուցումով՝ Խորհրդային Ռուսաստանի կառավարությունը Ղամարու - Վեդի-Բասարում պաշարված հայկական խորհրդային ուժերի համար հատկացնում է 150 հազար ռուբլի (ոսկով) օգնություն: 1921 թ. մարտի 29-ին ռուս օդաչուներ Վ. Մելնիկովը և Բ. Կուդրինը հերոսական ջանքերի շնորհիվ օգնությունը՝ 47 կգ. ոսկի, հասցնում են պաշարվածներին: Նույն օրը Հայաստանի Կարմիր բանակի հրամանատար Մուկաչանովը օգնության համար շնորհակալական հեռագիր է հղում Ա. Գեկեկերին:<sup>166</sup> Ռուսական ոսկին օգտագործվեց Պարսկաստանում պարենամթերք զնելու համար, որն էլ պաշարվածներին փրկեց սովի ճիրաններից:

Եթե ապստամբական ուժերի և խորհրդային զորքերի միջև ռազմական գործողությունների առաջին շրջանն ընթանում էր կողմերի փոփոխակի հաջողություններով, ապա Վրաստանից և Ադրբեջանից կարմիրբանակային հիմնական զորամասերի Հայաստան վերադարձալուց հետո ապստամբների պարտությունը կանխորոշված էր:

Մինչ Հայրենիքի փրկության կոմիտեի զինված ուժերի վրա վճռորոշ հարձակման անցնելու հրամանի արձակումը, Կարմիր բանակի ռազմհեղխորհրդի անդամ Գ. Օրջոնիկիժեն՝ ձգտելով կասեցնել ռազմական գործողությունների ծավալումը, մարտի 20-ին վերջնագիր է ներկայացնում Ս. Վրացյանին, պահանջում «Անմիջապես դադարեցնել անհույս դիմադրությունը և վերջնականորեն վայր դնել զենքերը»:<sup>167</sup> Օրջոնիկիժեի միջնորդությամբ մարտի 21-ին դիվանագիտական առաքելությամբ Թիֆլիսից Երևան է ժամանում հայ մեծանուն բանաստեղծ Հովհաննես Թումանյանը: Բանի որ Օրջոնիկիժեի վերջնագիրը մնում է անպատասխան, իսկ Թումանյանի առաքելությունը՝ անարդյունք, 1921 թ. մարտի 25-ից Խորհրդային Ռուսաստանի 11-րդ Կարմիր բանակի զորամասերը վճռական հարձակում են ձեռնարկում Երևանի ուղղությամբ: Երևանյան ուղղության Կարմիր զորքերի հրամանատար Մ. Վելիկանովի (վերջինիս վրա էր դրված Երևանը գրավելու և ապստամբությունը ճնշելու խնդիրը) մարտի 30-ի հրամանում նշվում է. «ապրիլի 1-ի առավոտյան գրավել Էջմիածինը, մոտենալ Երևանի մատույցներին, փորձել գրավել նաև Բաշ-Գյառնին՝ «հակառակորդի նահանջը դեպի Չանգեզուր կանխելու նպատակով»:<sup>168</sup>

<sup>166</sup> ԲՀԱ, Երևան, 1980, թիվ 2, էջ 51:

<sup>167</sup> Красная звезда, Тифлис, 23 мая, 1921, № 19.

<sup>168</sup> ԲՀԱ, Երևան, 1980, թիվ 2, էջ 52-53:

Չստանալով ակնկալվող աջակցությունն ու օգնությունը քեմալական Թուրքիայից, չունենալով բավարար քանակությամբ զինված ուժեր խորհրդային բանակին դիմակայելու համար, Հայրենիքի փրկության կոմիտեի նախագահ Վրացյանը մի վերջին հուսահատ դիվանագիտական քայլն է ձեռնարկում Կարմիր բանակի հարձակումը կանգնեցնելու նպատակով: ՌՍՖՍՀ արտգործոժողկոմ Չիչերինին ուղղված մի շարք դիմումներում Վրացյանը տեղեկացնում է, որ ռուսական բանակի հարձակումը ուղեկցվում է խաղաղ բնակչության քալանով և կոտորածով: Համոզվածություն հայտնելով, որ այս ամենի մասին Մոսկվայում անտեղյակ են, Վրացյանը «պահանջում է հանուն մարդկայնության վերջ տալ բարբարոսական արշավանքին դեպի Հայաստան»:<sup>169</sup> Մեկ սյլ հեռագրում Վրացյանը հույս է հայտնում, որ «Խորհրդային Ռուսաստանը հայ ժողովրդին ցույց կտա վիճելի խնդիրները լուծելու ավելի կուլտուրական և ավելի արժանավայել միջոցները»:<sup>170</sup> Հայտնի չէ՞ հեռագրերը հասցևատիրոջը հասել են, թե՞ ոչ, սակայն, եթե անգամ հասել են՝ ապա որևէ նշանակություն ունենալ չէին կարող, որովհետև, ինչպես շեշտում է մարտի 20-ի վերջնագրում Օրջոնիկիձեն. «Ամեն մեկի համար ամենափոքր իսկ կասկածի ենթակա լինել չի կարող, որ հասել է բանվորազյուղացիական իշխանության լիակատար հաղթանակի պահը ամբողջ Անդրկովկասում»:<sup>171</sup>

Սա էր ողջ ճշմարտությունը, որ ժամանակին չընկալեց «Հայրենիքի փրկության» վրացյանական կոմիտեն և ժողովրդական արդար ու խիզախ պոռթկումը վերածեց Խորհրդային Ռուսաստանի հետ անիմաստ և կործանարար կռիվների:

Մինչ Վրացյանը մեկը մյուսի ետևից հուսահատ հեռագրեր էր ուղարկում Թուրքիա և Մոսկվա, ԱՄՆ և Լոնդոն, խորհրդային գորքերը մոտենում էին Հայաստանի մայրաքաղաքին: Կարմիր բանակի Երևանյան ուղղության խմբավորման շտաբի ռազմական գործողությունների ապրիլի 1-ի ամփոփագրում նշվում է, որ Երևանի մատույցներում կատաղի մարտեր են ընթանում:<sup>172</sup> Ապրիլի 2-ին Վելիկանովը հերքական հրամանն է արձակում Երևանը գրավելու մասին, հրամայվում է «Գործել վճռականորեն և լինել համառ՝ հակառակորդի գորքերը Երևանից բաց չթողնելու նպատակով», զինվորներին ոգևորելու

<sup>169</sup> ՀԱԱ, ֆ. 37, ց. 1, գ. 9, ք. 112:

<sup>170</sup> Նույն տեղում, ք. 41:

<sup>171</sup> Правда Грузии, Тифлис, 26 марта, 1921, № 21.

<sup>172</sup> ԲՀԱ, Երևան, 1980, քիվ 2, էջ 53:

համար հրամանում նշվում է նաև, որ քաղաքը դարձել է «հակահեղափոխության կենտրոնը Կովկասում».<sup>173</sup>

Շրջափակման մեջ հայտնվելու վտանգից խուսափելու, ավելորդ զոհեր չտալու համար ապստամբները մայրաքաղաքում դիմադրություն առանձնապես ցույց չտվեցին և Հայրենիքի փրկության կոմիտեի գլխավորությամբ Բաշ-Ղյառնիով և Դարալագյազով (Վայոց Ձոր) նահանջեցին դեպի Չանգեզուր: Նահանջի միջանցքի անվտանգությունն ապահովված էր Գարեգին Նժդեհի զինված ուժերի կողմից, դա թերևս միակ իրական օգնությունն էր, որ կարողացավ ցույց տալ Հայրենիքի փրկության կոմիտեին և ապստամբներին ինքնավար Սյունիքը: Ինքը՝ Նժդեհը նշում է, որ ազատ Սյունիքը «հոգեբանական երանքիչներ Հայաստանի փետրվարյան համաժողովրդական ընդվզումի» և ընդգծում, որ պետք էր «փրկության կամուրջ հանդիսանալ բոլշևիզմի զագանից մազապուրծ եղած հայ մտավորականության համար».<sup>174</sup>

Մեկ այլ առիթով Նժդեհը հուշում է. «Երևանի ապստամբությունը նպատակ չունեի երկար ժամանակով վերականգնելու հանրապետական Հայաստանը: Ավելի պարզ էր նրա առարկան՝ փշրել Խորհրդային բանտերի դռները, ուր հոգևաբան էր հայ մտավորականությունը», իսկ այնուհետև ուղի բացել «մղվելու դեպի Սյունիք».<sup>175</sup>

Հագարավոր փախստականների մեջ էին բազմաթիվ հայ ազգային գործիչներ, զինվորականներ, հայտնի մտավորականներ, ինչպես նաև քաղաքացիներ և գյուղացիներ: Փրկության կոմիտեն իր հետ տանում էր Հանրապետության զանձներով լի 15 արկղ (հայկական և ռուսական, արտասահմանյան դրամական միջոցներ, քանկարժեք իրեր, ոսկի և այլն): Միանգամայն իրավացի է Արամ Հ. Միմոնյանը, երբ նշում է, որ «Փրկության կոմիտեն գոնե բարոյական իրավունք չունեի քայքայված ու սոված երկրից դուրս տանելու վերջին միջոցները» և «կատարվածը ոչ մի կերպ չի կարելի արդարացնել».<sup>176</sup>

1921 թ. ապրիլի 2-ին 11-րդ Կարմիր բանակի զորամասերը մտնում են Երևան, բանտերից ազատ են արձակվում 1000-ից ավելի

<sup>173</sup> Տե՛ս նույն տեղում, էջ 54-55:

<sup>174</sup> Գարեգին Նժդեհ, Հուլիսի օրը, Եր., 2001, էջ 236, 238:

<sup>175</sup> Գարեգին Նժդեհ, Ազատ Սյունիք, «Հայրենիք», 1925, թիվ 9, էջ 84:

<sup>176</sup> Միմոնյան Ա. Հ., Չանգեզուրի զոյաճարար (1920-1921 թթ.), Եր., 2000, էջ 445-446: Այդ մասին մանրամասն տե՛ս նաև, Չաղեթյան Գ. Ա., Մոտիկ անցյալից, Եր., 1967, էջ 16-20:

ձերբակալվածներ: Նշենք, որ մի խումբ բանտարկյալ կոմունիստների, որպես պատանդների, Փրկության կոմիտեն իր հետ տարավ Չանգեզուր: Բացառությամբ մի քանիսի, նրանք բոլորը, ինչպես նաև Սյունիքի զինված ուժերի կողմից գերեվարված 100-ից ավելի կարմիրբանակայինները, ծանր հալածանքներից հետո զնդակահարվեցին:<sup>177</sup> Ինչևէ՝ բռնությունը բռնություն էր ծնում, իսկ զոհերի մեծ մասը հայեր էին:

Այսպիսով շուրջ 45-օրյա ընդմիջումից և խորհրդայնացումից 4 ամիս անց Հայաստանում (բացի Չանգեզուրից) վերահաստատվեց խորհրդային իշխանությունը: Դա անխուսափելի էր, քանի որ նրա քիկունքին կանգնած էր Խորհրդային Ռուսաստանը և Կարմիր բանակը:

Փետրվարյան ապստամբությունը սթափեցնող ներգործություն ունեցավ խորհրդային իշխանությունների վրա, ստիպեց առավել զգուշորեն իրականացնել խորհրդային իշխանությունը Հայաստանում: 1921 թ. ապրիլի 3-ին Ս. Կասյանը Գ. Օրջոնիկիձեևին հուշում է, որ «Հարկավոր է միանգամից սահմանել խելացի գործելակերպ, վերջ դնել քյալլագոթությանը: Հարկավոր է վերակազմավորել Կենտկոմը և Հեղկոմը»:<sup>178</sup> Ապրիլի 4-ին Կասյանին ուղղված պատասխանում Օրջոնիկիձեևն հուշում է, որ հարկավոր է հայտարարել ավելի լայն համաներում և հաստատել լիբերալ վարչակարգ: Իսկ մի քանի օր անց տեղեկանալով Կասյանից, որ որոշվել է ապստամբության ակտիվ դեկավարներին ձերբակալել, Օրջոնիկիձեևն նշում է, որ անծամբ ինքր՝ լիակատար համաներման կողմնակից է և հուշում, որ «Այդպիսին է նաև Մոսկվայի տեսակետը»:<sup>179</sup>

Սակայն ՀՍԽՀ հեղկոմի 1921 թ. ապրիլի 10-ի դեկրետով համաներում է շնորհվում ապստամբության ոչ բոլոր մասնակիցներին, այն չի տարածվում ապստամբության ղեկավարների վրա:<sup>180</sup> Այնուհանդերձ, Մոսկվայի և անծամբ Օրջոնիկիձեևի համառ ջանքերի շնորհիվ Հայհեղկոմը ապրիլի 24-ի դեկրետով համաներում է շնորհում ապստամբության բոլոր մասնակիցներին՝ ներառյալ ղեկավարներին:

Հայաստանում փետրվարյան ապստամբությունը ճնշելուց և խորհրդային կարգերը վերահաստատելուց հետո Հայաստանի

<sup>177</sup> Տե՛ս Միմնյան Ա. Հ., Չանգեզուրի գոյամարտը (1920-1921թթ.), էջ 442-446, 462-465:

<sup>178</sup> Տե՛ս Таирян И., 11-ая Красная Армия в борьбе за установление и упрочение советской власти в Армении, Ереван, 1971, էջ 274-275:

<sup>179</sup> Տե՛ս նույն տեղում, էջ 276-277:

<sup>180</sup> ՀՍԽՀ ղեկրևանների և հրամանների ժողովածու, Էջմիածին, 1921, պրակ 2, էջ 10-12:

խորհրդային իշխանությունները ձեռնամուխ են լինում հայկական քանակի արտրված սպաներին ազատ արձակելու և Հայաստան վերադարձնելու գործին: Այսպես, արդեն 1921 թ. մարտի 26-ին ՌԿ(Բ)Կ Կենտկոմ ուղղված նամակում Ալ. Բեկզադյանը հուշում է, որ անհրաժեշտ է հետաքննել սպաների գործը, ազատել նրանց և վերադարձնել Հայաստան:<sup>181</sup>

Նշենք, որ Մոսկվայում Հայաստանի լիազոր ներկայացուցիչ Ս. Տեր-Պարբիեյանը Համառուսաստանյան արտակարգ հանձնաժողովի թույլտվությամբ 1921 թ. ապրիլին այցելում է Ռեյզանի համակենտրոնացման ճամբարը, տեսակցում արտրված հայ սպաների հետ: Մոսկվա վերադառնալուն պես, Տեր-Պարբիեյանը նամակով դիմում է Խորհրդային Ռուսաստանի արտգործօրդկոմ Գ. Չիչերինին: Վերջինս խնդրին կարևոր նշանակություն է տալիս և համապատասխան կարգադրություններ անում: Ս. Տեր-Պարբիեյանին 1921 թ. ապրիլի 16-ին ուղղված նամակում հուշելով այդ մասին, Չիչերինը միաժամանակ խնդրում է հայտնել իրեն. «Թե ներկայում ի՞նչ վիճակում է նախկին հայ զեներալների և սպաների հարցը: Հարկավոր է, արյո՞ք, մեր հետագա աջակցությունը նրանց ազատելու և օգտագործելու համար»:<sup>182</sup>

Հայաստանի իշխանությունների հետևողական քայլերը շուտով ավեցին իրենց առաջին արդյունքները, արդեն 1921 թ. մայիսի կեսերից արտրված սպաներից շատերը ազատ են արձակվում և խմբերով վերադառնում Խորհրդային Հայաստան: Հայրենիքում նրանց ընդունումը և հաշվառումը կարգավորելու նպատակով հրապարակվում է Հայիեղկոմի մայիսի 11-ի համապատասխան որոշումը:<sup>183</sup>

Հայաստանում խորհրդային իշխանությունը վերահաստատելուց հետո քայլեր ձեռնարկվեցին այնտեղ տեղակայվող ռուսական գործառնասերի վերաբերմունքը հայ ժողովրդի նկատմամբ մեղմելու ուղղությամբ: Խմբավորման հրամանատար Վելիկանովի և զինկոմ Կուրնեցովի 1921 թ. ապրիլի 21-ի հատուկ հրամանում նշվում է, որ գործառնասերն իրենց այնպես պետք է պահեն, որպեսզի Հայաստանի ողջ բնակչությունը «ժարգանքով և սիրով տոգորվի Կարմիր բանակի հանդեպ»: Դրան հասնելու համար հրամայվում է. «Վերջ դնել անպատկառությանը», օգնել գյուղացիությանը դաշտային աշխատանքներում,

<sup>181</sup> Տես ՀԱԱ, ֆ. 113, ց. 3, գ. 7, ք. 127:

<sup>182</sup> Տես նույն տեղում, ֆ. 114, ց. 2, գ. 15, ք. 22:

<sup>183</sup> Տես նույն տեղում, ց. 1, գ. 126, ք. 9:

նրան վերադարձնել բռնագրավված սայրակառքերը, «չվիրավորել բնակչության կրոնական և ազգային զգացմունքները», հիշել, որ Խորհրդային Հայաստանը միանգամայն անկախ է:<sup>184</sup> Ապրիլի 23-ին նման բովանդակությամբ հրաման է արձակվում նաև ՀՍԽՀ բանակային գորամասերի համար՝ այն ստորագրել է ռազմգործժողկոմ Ավիսը:<sup>185</sup>

Փետրվարյան ապստամբությունը ստիպեց Մոսկվայի կենտրոնական իշխանություններին առավել մտահոգվել Հայաստանին օգնություն հատկացնելու և խորհրդային իշխանությունն այնտեղ ամրապնդելու խնդիրներով: 1921 թ. գարնանը Հայաստան են գործուղվում մի շարք փորձառու և հեղինակավոր հայ կոմունիստներ՝ ականավոր կուսակցական և պետական գործիչ Ալեքսանդր Մյասնիկյանի գլխավորությամբ: Անդրկովկաս ուղևորվելուց առաջ Ալ. Մյասնիկյանը Մոսկվայում հանդիպում է Վ. Լենինին՝ նրանից ցուցումներ և մաղթանքներ ստանում: Մյասնիկյանի խնդրանքով Լենինն իր մոտեցումները շարադրում է Կովկասի կոմունիստներին ուղղված ապրիլի 14-ի նամակում:<sup>186</sup> Մի շարք կարևոր ցուցումների հետ մեկտեղ, Լենինը խորհուրդ է տալիս ժողովրդի նկատմամբ դրսևորել «ավելի մեղմություն, զգուշություն, զիջողականություն»:<sup>187</sup>

1921 թ. մայիսին ժամանելով Հայաստան, իր առաջին իսկ հրապարակային ծրագրային ելույթում Ալ. Մյասնիկյանը հայտարարեց. «Ճանր է Հայաստանի դրությունը: Այս դրությունից դուրս կգանք, եթե չհակառակվենք աշխատավորության կամքին: Դաշնակների ավանտյուրան պետք է դաս լինի բոլոր նրանց, որոնք դեռ մտածում են հակառակություն ցույց տալ աշխատավորության կամքին»:<sup>188</sup>

Տարիներ շարունակ խորհրդային պատմագրությունը «դաշնակցական արկածախնդրություն» կամ «ավանտյուրա» օտար բառով է որակել 1921 թ. փետրվարյան ապստամբությունը Հայաստանում՝ դրանով իսկ փորձելով հեռանքների ողջ պատասխանատվությունը բարդել Հ.Յ. Դաշնակցություն կուսակցության վրա: Իրականում՝ «արկածախնդրություն» էր բոլշևիկների վարած քաղաքականությունը Հայաստանում խորհրդային իշխանության առաջին ամիսներին: Սա խոստովանում էին հենց իրենք՝ հայ կոմունիստները. 1921 թ. մարտի 29-ին

<sup>184</sup> ՀԱԱ, ֆ. 1022, ց. 8, գ. 307, ք. 1-3:

<sup>185</sup> ԲՀԱ, Երևան, 1980, քիվ 2, էջ 62-63:

<sup>186</sup> Մյասնիկյան Ալ., Ընախր երկեր, Եր., 1957, էջ 469-470:

<sup>187</sup> Լենին Վ.Ի., ԵԼԺ, հ. 43, էջ 238:

<sup>188</sup> Մյասնիկյան Ալ., Ընախր երկեր, էջ 337:

Գ. Օրջոնիկիձեին ուղղված նամակում Ս. Կասյանը հուշում է, որ Հաստանի բնակչությունը, որը «աննկարագրելի խանդավառությամբ ընդունեց մեզ դեկտեմբերին, ընդամենը մեկ ամսվա անգործիմաց քաղաքականության և անիշխանության պայմաններում կտրուկ շրջվեց մեզանից և նորից նետվեց դաշնակների գիրկը»: «Այն փաստը, որ դաշնակները դիմանում են մեկ ամսից ավելի, ցույց է տալիս, թե որքան մեծ է ժողովրդի մեծ մասի համակրանքը նրանց նկատմամբ: Մենք պետք է դա խոստովանենք, թեպետ արտաքին աշխարհի համար գոչում ենք միանգամայն այլ բան»:<sup>189</sup> Այս միտքը հաստատում է նաև Ա. Մոսվյանը. «Իմ խորին համոզմունքով՝ Կենտկոմի (ՀԿ(բ)Կ - Կ.Խ.) վերջին ամսվա քաղաքականությունը, ժողովրդին թեկուզ մեկ բան տալու մեր անընդունակությունը, բնակչության մեջ հոգեբանական ակնառու հակակրանք առաջացրեց մեր նկատմամբ»:<sup>190</sup>

Հայաստանի կոմունիստների 1-ին համագումարին (հունվարի 26-29, 1922թ.) ունեցած ելույթում ՀՄԽՀ լուսավորության գործերի ժողկոմ Աշոտ Հովհաննիսյանը հայտարարեց. «Հակահեղափոխությունը ստեղծվեց ոչ թե դաշնակների առանձնասենյակներում, այլ հանդիսացավ մեր քաղաքականության հետևանքը»:<sup>191</sup>

«Ապստամբների հիմնական խնդիրը յուրալիսների բանտերից ազատելն էր, որպիսին իրագործելուց հետո ապստամբությունը կարելի էր և պետք էր շարունակել: - Իրավացիորեն նշում է պրոֆեսոր Վ. Ղազախեցյանը, - Չէ որ հենց ապստամբության ղեկավարներն ևն խոստովանել իրենց անհուսալիությունը»:<sup>192</sup>

Միաժամանակ՝ ինչ վերաբերվում է Հայրենիքի փրկության կոմիտեի և նրա նախագահ Սիմոն Վրացյանի վարած արտաքին քաղաքականությանը ապստամբության հաղթանակից մինչև նրա պարտությունը, ապա այն, մեղմ ասած, չէր բխում ոչ հայոց պետության և ոչ էլ հայ ժողովրդի շահերից: Սակայն դա այլ խնդիր է, նշենք միայն, որ փետրվարյան ապստամբությունն իր դրական, բայց նաև անժխտելի բացասական հետևանքներով, մեր պատմության էջերից մեկն է՝ հերոսական թե ողբերգական, բայց մեր:

<sup>189</sup> ՀԱԱ, ֆ. 4050, ց. 1. գ. 8, ք. 2-3:

<sup>190</sup> Տես նույն տեղում, ֆ. 114, ց. 2, գ. 79, ք. 3-ի շրջերես - 4:

<sup>191</sup> Նույն տեղում, ֆ. 1, ց. 2, գ. 2, ք. 10:

<sup>192</sup> Ղազախեցյան Վ.Ն., Հայաստանը 1920-1940 թթ., Եր., 2006, էջ 83:

**ԽՈՐՀՐԴԱՅԻՆ ՌՈՒՍԱՍՏԱՆԻ ՔԱՂԱՔԱԿԱՆՈՒԹՅՈՒՆԸ ՀՍԵՀ  
ՍԱՀՄԱՆՆԵՐԻ ՉԵՎԱՎՈՐՄԱՆ ՀԱՐՑՈՒՄ 1921 Թ.**

**1. Հանրապետությունների ռազմաքաղաքական համագործակցու-  
թյունը Լոռու Չեզոք գոտին ազատագրելու գործում:  
Վրաստանի խորհրդայնացումը**

Հայաստանի խորհրդայնացումով ռազմաքաղաքական նպաստավոր իրավիճակ ստեղծվեց հայ-վրացական տարածքային վիճելի խնդիրներից մեկը՝ Լոռու չեզոք գոտու խնդիրը, Հայաստանի օգտին լուծելու համար: Նպաստավոր էր նրանով, որ Խորհրդային Հայաստանի քիկուներին այսուհետ կանգնած էր Խորհրդային Ռուսաստանը և Կարմիր բանակը, միաժամանակ՝ բավականին սրված էին ռուս-վրացական հարաբերությունները: Հայաստանում խորհրդային կարգեր հաստատելուց հետո Խորհրդային Ռուսաստանի համար հրատապ խնդիր էր Անդրկովկասի երեք հանրապետություններից վերջինի՝ Վրաստանի խորհրդայնացումը: Դա ոչ միայն եզրափակելու էր ամբողջ Անդրկովկասը խորհրդայնացնելու բոլշևիկյան քաղաքականության ջանքերը, այլև, ինչն առավել կարևոր էր, երաշխավորելու էր Ռուսաստանի ռազմավարական շահերի անվտանգությունը տարածաշրջանում: Եթե Ադրբեջանի խորհրդայնացման գործում Ռուսաստանի իշխանություններն օգտագործեցին քննալական Թուրքիայի գործոնը, իսկ Հայաստանի՝ քննալու-ադրբեջանականը միասին, ապա Վրաստանի դեպքում՝ նրանք օգտագործելու էին նաև հայկականը: Հայ-վրացական տարածքային վեճերը պարարտ հող էին Խորհրդային Ռուսաստանի միջամտության համար՝ դրանք սևիական շահերին ծառայեցնելու նպատակով: Խոչընդոտ չէր կարող հանդիսանալ անգամ այն, որ 1920 թ. մայիսի 7-ի ռուս-վրացական պայմանագրով Ռուսաստանը ճանաչել էր Վրաստանի անկախությունը, նրա իրավունքները Լոռու և Ախալքալաքի նկատմամբ:<sup>193</sup>

<sup>193</sup> Ст'я Борьба за победу Советской власти в Грузии. (Документы и материалы. 1917-1921 гг.), Тбилиси, 1958, с. 563-568:

Լոռու չեզոք գոտին առաջացել էր 1918 թ. դետեմբերին տեղի ունեցած հայ-վրացական կարճատև պատերազմի հետևանքով: Գեկտեմբերի 31-ին կողմերի միջև հաստատված զինադադարից հետո, 1919 թ. հունվարի 9-17-ը Թիֆլիսում Անտանտի ներկայացուցիչների մասնակցությամբ հրավիրված հայ-վրացական կոնֆերանսին, որը նախագահում էր տարածաշրջանում անգլիական օկուպացիոն գորբերի հրամանատար, Բրիտանական ծառայության գնդապետ Ստյուարտը, որոշվում է Լոռին հարտադարել «Չեզոք գոտի»: Գոտու մեջ մտնում էին Բորչալուի գավառի Ալավերդու (Թումանյան), Ուզունլարի (Օձուն) և Վորոնցովկայի (Կալինինո, այժմ՝ Տաշիր) շրջանները, իրենց 41 գյուղերով: Կնքված համաձայնագրով կարգավորվում են մի շարք հարցեր, ճշգրտվում են գոտու սահմանները, որոշվում են այնտեղ տեղակայվող հայկական և վրացական զորքերի թվաքանակը, սահմանվում է հատուկ կառավարում: Այն իրականացվելու էր Հայաստանի և Վրաստանի լիազոր ներկայացուցիչների համատեղ ղեկավարությամբ և անգլիացի զեներալ-նահանգապետի ընդհանուր վերահսկողությամբ:<sup>194</sup>

1920 թ. աշնանը թուրք-հայկական պատերազմի ժամանակ, երբ առկա էր քեմալական բանակի՝ Լոռի ներխուժելու վտանգը, Վրաստանի կառավարության առաջարկությամբ նոյեմբերի 13-ին Թիֆլիսում ստորագրվում է հայ-վրացական համաձայնագիր՝ Բորչալուի նահանգի «Չեզոք գոտի» ժամանակավորապես վրացական զորքեր մտցնելու մասին: Համաձայնագրի 2-րդ կետով արձանագրվում է, որ «Չեզոք գոտում վրացական զորքերի գտնվելը չի առաջացնելու այդ տարածքի նկատմամբ (վրացական կողմի - Կ.Խ.) որևէ նոր իրավունք»: Համաձայնագիրը կնքվում էր 3 ամիս ժամկետով, այն լրանալուց հետո՝ կողմերի համաձայնությամբ, կարող էր երկարաձգվել, հակառակ դեպքում՝ կորցնելու էր իր ուժը. զորքերը դուրս էին բերվելու, գոտում վերականգնվելու էր նախկին դրությամբ:<sup>195</sup>

1920 թ. աշնան վերջին Հայաստանում տիրող ծանր իրավիճակը, թուրք-հայկական պատերազմում նրա պարտությունը, վրացական կողմին հնարավորություն ընձեռեց պարբերաբար խախտելու համա-

<sup>194</sup> Հայաստանի Հանրապետությունը 1918-1920 թթ.: Քաղաքական պատմություն: (Փաստաթղթերի և նյութերի ժողովածու). Եր., 2000, էջ 82-83: Հայ-վրացական կոնֆերանսի և Լոռու Չեզոք գոտու առաջացման մասին տե՛ս նաև Մելքոնյան Ա., Ջավախքը 19-րդ դարում և 20-րդ դարի առաջին քառորդին, Եր., 2003, էջ 304-310:

<sup>195</sup> Տե՛ս Հայաստանի Հանրապետությունը 1918-1920 թթ., էջ 340-341: Տե՛ս նաև Մելքոնյան Ա., Ջավախքը 19-րդ դարում և 20-րդ դարի առաջին քառորդին, էջ 325-327:

ձայնագրի դրույթները: Ավելացվեց չեզոք գոտում տեղակայվող վրացական զորամասերի թվաքանակը, որանք մտցվեցին նաև գոտու սահմաններից դուրս գտնվող հայկական ութ այլ բնակավայրեր՝ Չալալօղլի (Ստեփանավան), Շահուլի կայսրան (Վահագնի), Փամբակ, Լոբոտ, Քոլագիրան և այլն: Խախտելով հայ-վրացական համաձայնագրի 7-րդ կետը՝ վրացական կողմը չեզոք գոտու կառավարումից հեռացնում է Հայաստանի կառավարության լիազոր-ներկայացուցչին և Լոբոտում հաստատում վրացական զեներալ-նահանգապետություն: Այս փոփոխությունները վրացական իշխանություններին հնարավորություն են տալիս սաստկացնել բռնությունները և վրացական զորամասերը պարենով մատակարարելու համար, բռնագրավել բնակչության վերջին ունեցվածքը: Լոռու Ռազմհեղկոմի հաղորդագրություններից մեկում նշվում է, որ Վրաստանի կողմից զինագրավված շրջաններում «քազավորում է սանձարձակ, քմահաճ վերաբերմունքը և ամենախայտառակ կողոպուտը»:<sup>196</sup>

Հայաստանի խորհրդայնացումից հետո, երբ բուրքական զորքերի Լոռի ներխուժելու վտանգը վերացել էր, Վրաստանի կառավարությունը ոչ միայն պատրաստակամություն չհայտնեց հեռացնել իր զորքերը չեզոք գոտուց, այլև ձգտում էր այն միացնել Վրաստանին: «Հայաստանի Հեղկոմի տեղեկություններով, - նշում է Բարվի «Կոմունիստ» թերթը, - Վրաստանի կառավարության անդամ Չխեիձեն, Վրաստանի Սահմանադիր ժողովի հինգ անդամների հետ միասին, չեզոք գոտում ֆիզիկական ուժի գործադրման միջոցով կազմակերպվող հանդիպումներում բնակչությանը պարտադրում են բանաձևեր ընդունել Վրաստանի հետ միավորվելու օգտին: Գոտու խորհրդային վարչությունն ապօրինաբար ձերբակալում և ուղարկում է Քուրայիսիի բանտ»:<sup>197</sup> Նման «քարոզչություն» անցկացվում է նաև այլ միջոցներով, սակայն ապարդյուն. վրացական կողմի այս գործելաճը որևէ արդյունք չի տալիս, ընդհակառակը՝ ստիպում է Լոռու բնակչությանը էլ ավելի համախմբվելու և ուղիներ որոնելու վրացական լծից ազատվելու համար:

1920 թ. դեկտեմբերին Լոռու մի շարք գյուղերում (Պրիվոլնոյե, Գյառգյառ, Կորոնցովկա, Արմանիս, Նովո-Պոկրովկա, Նովո-Միխայլովկա և այլն) տեղի ունեցող հանրահավաքներում մերկացվում են վրացական իշխանությունների և զորամասերի կողմից կատարված

<sup>196</sup> Կոմունիստ, Երևան, փետրվարի 11, 1921. թիվ 53:

<sup>197</sup> Коммунист, Баку, 11 января, 1921, №8. Ст'я նաև ՀՍՍ, ֆ.1022, ց.4, գ.82, ք. 5:

սպօրինությունները, կամայականություններն ու թախան: Խորհրդային Հայաստանի և Ռուսաստանի իշխանություններին ուղղված բանաձևերում բնակչությունը պահանջում է Կարմիր բանակի օգնությամբ դուրս բշել մենշևիկյան գորբերը Լոռուց և այն միացնել Խորհրդային Հայաստանին:<sup>198</sup>

Հայաստանում խորհրդային իշխանության առաջին իսկ օրերից Լոռու չեզոք գոտու խնդիրը գտնվում է Հայկեղկոսի ուշադրության կենտրոնում: Վերջինս 1920 թ. դեկտեմբերի 7-ին և 10-ին շտապում է հուշագրեր հղել Վրաստանի կառավարությանը՝ չեզոք գոտուց վրացական զորքերը դուրսբերելու, ինչպես նաև Հայաստանի շրջափակումը վերացնելու պահանջներով: Սակայն վրացական կողմը հրաժարվում է բավարարել դրանք:<sup>199</sup> Դեկտեմբերի 24-ին Հայկեղկոսը որոշում է կրկնել պահանջները և Լոռուց վրացական զորքերի դուրսբերումը համարել նախապայման՝ Հայաստանի և Վրաստանի միջև բանակցություններ սկսելու համար:<sup>200</sup>

ՀՍԽՀ արտգործոժողկոմ Ալ. Բեկզադյանը դեկտեմբերի 29-ին հերթական հուշագիրն է հղում Վրաստանի արտգործնախարարին, պատճենը՝ Վրաստանում Ռուսաստանի դիվանագիտական ներկայացուցիչ Ա. Շեյնմանին, Մոսկվա՝ արտգործոժողկոմ Գ. Չիչերինին, Բարու՝ արտգործոժողկոմ Հուսեյնովին, որտեղ նշում է, որ նոյեմբերի 13-ի համաձայնագրի վրա վրացական կողմի պնդումները «ձեռկան են», քանզի այն խախտվել է հենց վրացական կառավարության գործողություններով: Հայտարարելով, որ Հայաստանի խորհրդայնացումով հայ-վրացական համաձայնագիրը կորցրել է իր նշանակությունը, Բեկզադյանը նշում է, որ Հայաստանի իշխանությունները պատրաստ են խաղաղ բանակցությունների միջոցով հասնել վիճելի հարցերի կարգավորմանը, ինչպես նաև նպատակահարմար են գտնում բանակցություններին ՌՍԲԽՀ ներկայացուցչի մասնակցությունը:<sup>201</sup> Այսպիսով ՀՍԽՀ իշխանությունները հնարավորություն էին ընձեռում Ռուսաստանին պաշտոնապես միջամտելու հայ-վրացական հարաբերություններին, վիճելի հարցերի լուծմանը: Իր հերթին, վրացական կառավարությունը սթափ էր գնահատում ստեղծված իրավիճակը և սկզբունքորեն դեմ չէր Ռուսաստանի մասնակցությանը նախատեսվող հայ-վրա-

<sup>198</sup> Տե՛ս Հոկտեմբերյան սոցիալիստական մեծ եղափոխությունը... Հայաստանում, էջ 427-428, 433-434, 443, 445:

<sup>199</sup> ՀԱԱ, ֆ. 1022, ց. 3, գ. 290, ք. 2-4:

<sup>200</sup> Տե՛ս նույն տեղում, ֆ. 114, ց. 2, գ. 17, ք. 18:

<sup>201</sup> ՀԱԱ, ֆ. 1022, ց. 3, գ. 290, ք. 2-4: Տե՛ս նաև Հեղկոմները Հայաստանում, էջ 80-83:

ցական բանակցություններին. վրացիներին չէր կարող չմտաւորել Ռուսաստանի դիրքորոշումը Վրաստանի հանրապետության և, մասնավորապէս, Լոռու չեզոք գոտու խնդրի վերաբերյալ:

Վրացիների մտավախություններն անհիմն չէին, նրանք որոշ տեղեկություններ ունէին, որ «Ադրբեջանում և Հայաստանում տեղաբաշխված խորհրդային զորքերը Վրաստանի և Հայաստանի միջև Բորչալուի գավառում տարածքային վեճը կարգավորելու պատրվակով մտադրվում են առանց Մոսկվայի գիտության հարձակվել Վրաստանի վրա», այս մասին Վրաստանի արտգործնախարար Սարախտարաշվիլին 1920 թ. դեկտեմբերի 10-ին հայտնում է Մոսկվա՝ Ռուսաստանում Վրաստանի լիազոր ներկայացուցիչ Մախարաձէին:<sup>202</sup>

Հայաստանում խորհրդային կարգեր հաստատելուց հետո Ռուսաստանի իշխանությունները Վրաստանից պահանջում են ապահովել վրացական տարածքով դեպի Հայաստան փոխադրվող բեռների անվտանգությունը և անարգել տարանցումը: Հայաստանի շրջափակումը վերացնելու նպատակով Խորհրդային Ռուսաստանի կառավարությունը վրացական իշխանություններին մատնանշում է 1920 թ. մայիսի 7-ի ռուս-վրացական պայմանագրի դրույթները կատարելու անհրաժեշտությունը: Բաղաբական ճնշումների հետ մեկտեղ, խորհրդային կառավարությունը դիմում է տնտեսական պատժամիջոցների կիրառմանը, նրա ցուցումով դադարեցվում է ադրբեջանական նավթի առաքումը դեպի Վրաստան: 1920 թ. դեկտեմբերի 15-ին Ա. Շեյնմանը հեռագրում է Մոսկվա՝ Չիչերինին, Բաբու և Երևան. «Սիայն նավթի առաքումը (Վրաստանին - Կ.Խ.) դադարեցնելուց հետո վրացական կառավարությունը պաշտոնապէս տեղեկացրեց ինձ, որ սույն ամսվա 14-ից հանրապետության երկաթուղային գծերով դեպի Հայաստան ազատ տարանցման իրավունք է տրամադրում ՌՍՖՍՀ-ին և Ադր. ՍՍՀ-ին»:<sup>203</sup>

Այսպիսով, Հայաստանի խորհրդայնացումից հետո Ռուսաստանի իշխանությունները աստիճանաբար ուժեղացնում էին քաղաքական ճնշումը Վրաստանի վրա, դա վկայում է, որ վերջինիս խորհրդայնացման խնդիրը դարձել է խիստ հրատապ: Հետաքրքիր է, որ դեռևս 1920 թ. նոյեմբերի վերջերին ՌՍՖՍՀ ազգությունների գործերի ժողկոմ Ի. Ստալինը Վ. Լենինի և Գ. Չիչերինի ուշադրությունը հրավիրում էր այն փաստի վրա, որ Վրաստանը խորհրդայնացնելու

<sup>202</sup> ՀԱԱ, ֆ. 4033, ց. 2, գ. 1158, ք. 3:

<sup>203</sup> Նույն տեղում, ք. 20:

«տարբերակներից լավագույնը, իմ կարծիքով, Թուրքիայի հաջող պատերազմն է Վրաստանի հետ, ինչը Ռուսաստանին հնարավորություն կտա ստանձնել միջոցառումներ և հանդես գալ որպես (Վրաստանի – Կ.Խ.) վրկիչը»:<sup>204</sup> Նոյեմբերի 28-ին Գ. Օրջոնիկիձեին հղած հեռագրում Ստալինը դարձյալ ակնարկում է վրացական հարցը նշված տարբերակով լուծելու մասին և հուշում, որ «հարկավոր է թուրքերին դրել, որպեսզի նրանք հարձակվեն Վրաստանի վրա»:<sup>205</sup> Եվ իրոք, երե Հայաստանի դեպքում այդ «տարբերակը» լիովին իրեն արդարացրել էր, ապա ինչո՞ւ չփորձել այն նաև Վրաստանի դեպքում, հավանաբար խորհում էր Ստալինը, բոլշևիկյան այն գործիչը, որին վստահված էր իրականացնելու Ռ.Կ(բ)Կ Կենտկոմի քաղաքականությունը Կովկասյան տարածաշրջանում:

Խնդրի վերաբերյալ իրարամերժ և ոչ հետևողական էր Ռ.Ս.Ֆևհ արտգործո՞ղկոմ Գ. Չիչերինի դիրքորոշումը՝ 1920 թ. դեկտեմբերի 3-ին Կենտկոմ ուղղված գեկուցագրում նա նշում է, որ հարկավոր է հետ պահել թուրքերին Վրաստանի վրա հարձակվելուց՝ «մանավանդ Հայաստանի խորհրդայնացումից հետո: Վերջինս ստիպում է շատ ավելի զգույշ լինել Անտանտի նկատմամբ»:<sup>206</sup> Բայց ընդամենը երկու օր անց, դեկտեմբերի 5-ին, Անդրկովկասում Ռ.Ս.Ֆևհ լիազոր ներկայացուցիչներ Լեգրանին և Մդիվանուն ուղղված ռադիոհեռագրում Չիչերինը հուշում է, որ «Եթե թուրքերը փորձեն զբավել Վրաստանի վիճելի մարզերը, հատկապես Ախալցխան և Ախալքալաքը, չենք առարկի: Միայն կպնդենք, որպեսզի նրանք այլևս առաջ չշարժվեն: Բայց նախօրոք այդ մասին թուրքերին չենք ասի, քանի որ նախաձեռնությունը պետք է նրանք հանդես բերեն և ոչ թե մենք»:<sup>207</sup>

Իսկ արդեն հաջորդ օրը, դեկտեմբերի 6-ին, տեղեկանալով այն մասին, որ Կենտկոմը որոշել է Բուդու Մդիվանու միջոցով թուրքերին հայտնել, որ Ռուսաստանը դեմ չի լինի «Ախալցխայի և Ախալքալաքի գավառներում թուրքերի իշխանության հաստատմանը», Չիչերինը դարձյալ շտապում է հայտնել իր մտավախությունները: Կենտկոմ ուղղված նամակում նա համառորեն պնդում է հետաձգել Ախալցխայի և Ախալքալաքի հարցի վերաբերյալ Կենտկոմի ընդունած որոշումը, քանզի իրադարձությունների նման զարգացումը անխուսափելի

<sup>204</sup> ՀԸԱ, հավաքածու 1, գ. 2, ք. 142:

<sup>205</sup> Հայաստանի Հանրապետությունը 1918-1920 թթ.: Զուղարակուն պատմություն: (Փաստաթղթերի և նյութերի ժողովածու), էջ 363:

<sup>206</sup> ՀԸԱ, հավաքածու 1, գ. 7, ք. 21:

<sup>207</sup> Տե՛ս Գալբյան Գ.Ա., Հայաստանը և Մեծ տերությունները (1917-1923), էջ 393:

կոարձնի քուրք-վրացական պատերազմը՝ «ինչն էլ, իր հերքին, կհան-  
գեցնի Բաքումի անխուսափելի գրավմանը քուրքերի կողմից»: Չիչերի-  
նը եզրակացնում է, որ անքույլատրելի է Բաքումը գրավելու առիթ տալ  
քուրքերին:<sup>208</sup>

Վրաստանը Կարմիր բանակի ուժերով խորհրդայնացնելու  
ծրագրեր էր մշակում Բաքվում տեղակայվող Ռ-Կ(բ)Կ Կենտկոմի Կով-  
կասյան բյուրոն: Վերջինիս փաստացի ղեկավար Գ. Օրջոնիկիձեի  
կողմից 1920 թ. դեկտեմբերի 15-ին Կրեմլ՝ Վ. Լենինին ուղարկված  
ծածկագրում նշվում է, որ Կավբյուրոյի խորհրդակցությունը, որին  
բյուրոյի անդամներ Ե. Ստասովայից, Ն. Նարինանովից, Բ. Մոլիվա-  
նուց և Գ. Օրջոնիկիջեից բացի մասնակցել են նաև Շ. Էլիավան, Բ.  
Լեգրանը, Գ. Ստարկը, Ա. Գեկկերը և այլք. «Գաղտնի և միաձայն որո-  
շել է յուսարացին անցնել Վրաստանի սահմանը: Ամեն ինչ նախա-  
պատրաստված է»: Կավբյուրոն ակնկալում էր Մոսկվայի քույրավոր-  
յունը:<sup>209</sup> Սակայն Լենինը և Ռ-ՍՖԽՀ ռազմգործողկոմ Լ. Տրոցկին  
շտապում են զսպել նրանց, և պատասխանում են, որ Կավբյուրոյի ո-  
րոշումը «արմատապես հակասում է Կենտկոմի որոշումներին և կարող  
է ունենալ ողբերգական հետևանքներ: Կտրականապես պահանջում  
ենք դադարեցնել որոշման իրականացումը և չեղյալ հայտարարել  
այն»: Լենինի և Տրոցկու պահանջ-հրահանգը Օրջոնիկիջեի կողմից  
ընդունվում է ի կատարում:<sup>210</sup>

Հատկանշական է, որ ինչպես Հայաստանի, այնպես էլ Վրաս-  
տանի դեպքում, Կրեմլը չէր շտապում ձեռնարկել նրա խորհրդայնա-  
ցումը, ինչը «հոլի էր անկանխատեսելի հետևանքներով»: Սակայն տա-  
րածաշրջանի կոմունիստ ղեկավարները և հատկապես Կավբյուրոն,  
Մոսկվայի կենտրոնական իշխանություններին փաստորեն ստիպում  
էին հավանություն տալ իրենց ծրագրերին:

Մոսկվայի մերժումը ստանալուց շատ չանցած, արդեն 1921 թ.  
հունվարի 2-ին Կավբյուրոյի անդամներ Գ. Օրջոնիկիձեն և Ս. Կիրովը  
«Խիստ գաղտնի» գեկուցագիր են ուղարկում Ռ-Կ(բ)Կ Կենտկոմի բոլոր  
անդամներին, որում դարձյալ ներկայացնում են Վրաստանը խորհր-  
դայնացնելու դրդապատճառները և անհրաժեշտությունը: Ըստ Օրջո-  
նիկիձեի և Կիրովի դրանք են՝ Վրաստանը հանդիսանում է Կովկասում  
հակահեղափոխության հենակետը, Հյուսիսային Կովկասում և Ադրբե-

<sup>208</sup> Տե՛ս ՀԱՄԷ, եավարածու 1, գ. 7, ք. 23:

<sup>209</sup> Տե՛ս նույն տեղում, գ. 2, ք. 189:

<sup>210</sup> Տե՛ս նույն տեղում:

ջանում աջակցելով հակախորհրդային ապստամբությունների կազմակերպմանը վարկաբեկում է մեզ մուսուլման բնակչության սչքերում, «Խորհրդային Հայաստանն առանց Խորհրդային Վրաստանի փաստորեն մնում է ավելի շուտ Թուրքիայի, քան թե մեր ազդեցության ոլորտում», «Անդրկովկասում ստեղծված իրադրությունը ստիպում է մեզ Ադրբեջանում պահել շոշափելի քանակությամբ ռազմական ուժեր, ինչը ցանկալի չէ բնակչության և վնասակար է գործառնափորումների համար», և այլն: Օրջոնիկիձեն և Կիրովը նշում են նաև, որ Վրաստանի խորհրդայնացման դեպքում ամուր կպահենք Հյուսիսային Կովկասը և ամբողջ Անդրկովկասը, եթե գրավենք Բաթումը՝ Անտանտը, որը ներկայումս չունի բավարար ուժեր մեզ դիմակայելու համար, կզրկվի հարավում մեր դեմ ուղղված իր վերջին հենակետից: Ձեկուցագրի վերջում Օրջոնիկիձեն և Կիրովը Կենտկոմի անդամներին հուշում են, որ Վրաստանը ներսից խորհրդայնացնելու հույսեր չկան և հարկավոր է «մեր օգնությունը»: Ձեկուցագիրների ներկայացնում են նաև այդ «օգնության» իրենց տարբերակը, այն է. «Հարկավոր չէ քացեիքաց հարձակվել Վրաստանի վրա, վրացական գործերին մեր միջամտության համար առկա են պատրվակներ, հնարավոր է շարժումներ առաջացնել Աբխազիայում, Աջարիայում, *Բորչալուի գավառում, որտեղ դրա համար պարարտ հող կա: Այդ տեսակետից, մեզ կարող են օգնել Թուրքիան ու Հայաստանը* (ընդգծումը մերն է - Կ.Խ.) և հնարավոր է ստեղծվի այնպիսի մի իրավիճակ, որը թույլ կտա մեզ հանդես գալ որպես քայքայվող և դեպի անիշխանությունը գլորվող Վրաստանի փրկիչը»: Ձեկուցագիրն ավարտվում է Վրաստանն անհապաղ խորհրդայնացնելու կոչով:<sup>211</sup> Այսպիսով, ի տարբերություն Ստալինի, Օրջոնիկիձեն և Կիրովը առաջարկում էին Վրաստանը խորհրդայնացնելու գործում օգտագործել նաև հայկական գործոնը, մասնավորապես՝ հայ-վրացական առճակատումը Լոռու չեզոք գոտու խնդրում:

Օրջոնիկիձենի և Կիրովի զեկուցագիրը քննարկվում է ՌԿ(Բ)Կ Կենտկոմի 1921 թ. հունվարի 12-ի պլենումին, Վ. Լենինի մասնակցությամբ: Պլենումը մերժում է զեկուցագրում ներկայացված առաջարկությունները և դարձյալ խորհուրդ տալիս խստորեն հետևել հարցի վերաբերյալ Կենտկոմի նախկին որոշումներին:<sup>212</sup>

Ինչպես նշել ենք, 1920-1921 թթ. ձմռանը Կրեմլում շարունակում էր տիրել այն մտավախությունը, որ Ռուսաստանին Կովկասում

<sup>211</sup> Տե՛ս ՀԱԱ, համարածու 1, գ. 3, քք. 1-2:

<sup>212</sup> Տե՛ս նույն տեղում, ք. 3:

անխուսափելիորեն պատերազմ է սպառնում, որին նա դեռևս պատրաստ չէ: Մոսկվան գլխակցում էր նաև, որ Հայաստանը և, հատկապես Վրաստանը, կարող են օգտագործվել Անտանտի և, ինչու չէ, նաև Թուրքիայի կողմից որպես հեննդաշտ՝ տարածաշրջանը Ռուսաստանից անջատելու նրանց ձգտումներում: 1921 թ. հունվարի 14-ին Գ. Չիչերինը տեղեկացնում է Մտալինին, որ Վրաստանում Ռուսաստանի ներկայացուցիչ «Շենյանը ինչպես Անտանտի, այնպես էլ Քեմալի քաղաքականությունը բնութագրում է որպես անբաքույց ձգտում՝ ստեղծել մեր նկատմամբ քշնամաբար տրամադրված Կովկասյան դաշնություն»:<sup>213</sup>

Անդրկովկասում ծավալվող իրադարձությունները ստիպում էին վրացական իշխանություններին ուղիներ որոնելու Խորհրդային Ռուսաստանի հետ հարաբերությունները բարելավելու համար: 1921 թ. հունվարին Վրաստանի կառավարությունը Մոսկվայում իր ներկայացուցիչ Մախարաձեի միջոցով տեղեկացնում է Խորհրդային իշխանություններին, որ ցանկանում է, որպեսզի շտապ լուծվեն «Վրաստանի և Ռուսաստանի միջև ձգձվող տարածայնությունները»: Վրացիները հավաստում են նաև իրենց անկեղծ մտադրությունները՝ բարեկամական հարաբերություններ հաստատել երկու հանրապետությունների միջև:<sup>214</sup> Վրաստանի իշխանությունները հուսով էին, որ դա իրենց կհաջողվի, նրանք ելնում էին այն նկատառումներից, որ մայիսի 7-ի ռուս-վրացական պայմանագրով Ռուսաստանի կառավարությունը Լոռու չեզոք գոտին ճանաչել էր Վրաստանի մասը: «Դրանով էլ մեծ չափով բացատրվում է, իհարկե, ինչպես (Վրաստանի - Կ.Խ.) համաձայնությունը ՌՍՖՍՀ-ի մասնակցությամբ (նախատեսվող հայ-վրացական - Կ.Խ.) կոնֆերանսին, այնպես էլ այն, որ Մաքախտարաշվիլին խնդրում է կոնֆերանսը հնարավորին չափ շուտ հրավիրել», - 1921 թ. հունվարի 17-ին հայտնում է Հայաստանի արտգործժողկոմին Վրաստանում ՀՍԽՀ լիազոր ներկայացուցիչ Դանուշ Շահվերդյանը: Նա հուշում է նաև, որ վրացական կառավարությունը երբևէ հեշտությամբ դուրս չի բերի իր գորբերը չեզոք գոտուց:<sup>215</sup>

Ռուս-վրացական բանակցությունները սկսելու մասին Վրաստանի կառավարության առաջարկությանը հետևում է Ռուսաստանի արտգործժողկոմ Չիչերինի հունվարի 17-ի պատասխանը, որում նա

<sup>213</sup> Տե՛ս ՀԱԱ, հավաքածու 1, գ. 7, ք. 27:

<sup>214</sup> Տե՛ս ՀԱԱ, ֆ. 1022, ց. 3, գ. 320, ք. 1:

<sup>215</sup> Նույն տեղում, ֆ. 114, ց. 2, գ. 12, ք. 21:

վրացական իշխանություններին հայտնում է, որ մինչ քարեկամական հարաբերություններ հաստատելը Վրաստանը պետք է ընդունի Ռուսաստանի կողմից ներկայացվող մի շարք պահանջները:

ՌՍՖՆՀ կառավարության պահանջների թվում էին՝ Ռուսաստանին Վրաստանի տարածքով դեպի Հայաստան ազատ տարանցման իրավունքի տրամադրումը և հայ-վրացական սահմանի որոշման բանակցություններին Ռուսաստանի ներկայացուցիչների մասնակցությունը:<sup>216</sup> Այս ամենի մասին է նշվում նաև Ռուսաստանի լիազոր ներկայացուցիչ Ա. Շեյնմանի՝ Վրաստանի կառավարությանը 1921 թ. հունվարի 21-ին ուղղված հայտագրում:<sup>217</sup>

Չսպասելով ներկայացրած պահանջների վերաբերյալ վրացական կողմի պատասխանին, Չիչերինը շտապում է վրացական հարցի վերաբերյալ իր նկատառումները կիսել Վ. Լենինի հետ: Հունվարի 20-ին վերջինիս ուղղված նամակում նշելով, որ «Վրաստանն այնպես է չափն անցել, որ մենք կարող է կանգնած լինենք այն խորհրդայնացնելու անհրաժեշտության առջև», Չիչերինը հուշում է. «Եթե նրանք մերժեն մեր ներկայացրած պայմանագրային պահանջները, մեզ կմնա միայն հետ կանչել մեր ներկայացուցչությունը: Այդ դեպքում, Խորհրդային Հայաստանը կտրվի բախտի քմահաճույքին: Անտանտն առանց որևէ վերահսկողության կհաստատվի Վրաստանում: Սենք չենք կարող թույլ տալ, որ մեզ հետ այդպես խաղան և խախտեն պայմանագիրը (խոսքը 1920 թ. մայիսի 7-ի ռուս-վրացական պայմանագրի մասին է - Կ.Խ.): Ամեն դեպքում, հարկավոր է հենց այժմ ընդունել նախապատրաստական միջոցներ և նկատի ունենալ, որ մեր անվտանգությունը և հեղինակությունը կպահանջեն այդ քարախապալարի (նկատի ունի Վրաստանի դեմոկրատական հանրապետությունը - Կ.Խ.) ոչնչացումը»:<sup>218</sup>

Չիչերինի մտավախությունները կիսում էր նաև Ստալինը, հունվարի 24-ին նա հետևյալ գրությունն է ուղղում Կենտկոմի անդամներին. «Առաջարկում եմ հավանություն տալ ընկեր Չիչերինի քաղաքական գծին Վրաստանի հարցում (տե՛ս նրա վերջին նամակը) և իրահանգավորել Հանրապետության Ռազմհեղխորհրդին՝ Կովկասում անհապաղ նախապատրաստական աշխատանքներ սկսելու անհրաժեշ-

<sup>216</sup> ՀԱԱ, ֆ. 1022, ց. 3, գ. 320, ք. 1:

<sup>217</sup> Տե՛ս РСФСР и ГДР (Грузинская демократическая республика), их взаимоотношения, НКВД, 1922, с. 87:

<sup>218</sup> ՀԱԱ, հավաքածու 1, գ. 7, ք. 29:

աության մասին, հարցը ռազմական միջամտության կարգով լուծելու համար: Միաժամանակ իրահանգավորել ընկեր Օրջոնիկիձեին՝ *Վրաստանի հայտնի շրջաններում սպասամբական կոյրքները կազմակերպելու անհրաժեշտության մասին* (ընդգծումը մերն է - Կ.Խ.):»<sup>219</sup> Ընթերցողին անշուշտ պարզ է, որ խոսքը Լոռու չեզոք գոտու շրջանի մասին էր, նշենք միայն, որ այն Վրաստանից չէր՝ այլ միայն զինագրավված էր նրա գորքերի կողմից:

Չիչերինի և Ստալինի «առաջարկություններին» ծանոթանալուց հետո ՌԿ(բ)Կ Կենտկոմի անդամներ Տրոցկին, Կամենևը և Կրեստինսկին առաջարկում են մի քանի օրով հետաձգել հարցի քննարկումը, սակայն անձամբ Վ. Լենինի պնդմամբ ՌԿ(բ)Կ Կենտկոմի պլենումը 1921 թ. հունվարի 26-ին քննարկում է հարցը և ընդունում համապատասխան բանաձև: Բանաձևը, որի մասնագիծը սլատրաստել էր Վ. Լենինը, իրահանգում է «Համրապետության Ռ-ազմհեղխորհրդին և Կովկասյան ռազմաճակատի ղեկավարությանը, անհրաժեշտության դեպքում, մասնապատրաստվել Վրաստանի հետ սլատերագմի»:<sup>220</sup>

1921 թ. փետրվարի 2-ին Ա. Շեյնմանը հայտնում է Գ. Օրջոնիկիձեին, որ իրեն հասած հավաստի տեղեկությունների համաձայն, առաջիկա գարնանը Կովկասում հակախորհրդային սպասամբություն է սպլավում: Իր հերքին, Օրջոնիկիձեին փետրվարի 6-ին շտապում է հայտնել Մոսկվա՝ Լենինին. «Կրկին ու կրկին տեղեկացնում եմ Ձեզ, որ գարնան մոտենալու հետ դրությունը Կովկասում ավելի ու սվելի սպառնալից է դառնում»: Նա համոզում է Լենինին հավանություն տալ, թույլատրել և աջակցել Վրաստանում զինված սպասամբության կազմակերպմանը»:<sup>221</sup>

Վրաստանի խորհրդայնացման գործընթացը սկսելու ազդանշան էր հանդիսանալու Լոռու չեզոք գոտու գյուղացիության սպասամբությունը վրացական զինագրավման դեմ: Այն կազմակերպելու մասնապատրաստական աշխատանքները ՌԿ(բ)Կ Կովկասյան բյուրոն, 11-րդ բանակի Ռ-ազմհեղխորհուրդը և ՀՄԽՀ իշխանությունները սկսել էին Հայաստանի խորհրդայնացումից անմիջապես հետո: «Այդ ժամանակից ամբողջ գոտին ծածկվում է մեր կուսակցության ընդհատակյա կազմակերպությունների և հեղկումների խիտ ցանցով», որովհետև

<sup>219</sup> ՀԱԱ, հավաքածու 1, գ. 3, թ. 16:

<sup>220</sup> Նույն տեղում, թթ. 17-18:

<sup>221</sup> Տե՛ս Նատրև Ա., Հայաստանի միջագային իրավական դարությունը 1920-1922 թթ., Եր., 1967, էջ 179:

«ընկ. ընկ. Օրջոնիկիժժեի և Լեգրանի նախածեռնությամբ որոշվել էր գոտում ապատամբության գործը կատարել ՀԿԿ Կենտկոմի անունից».<sup>222</sup> - ՌԿ(Բ)Կ Կառվարչության անդամներին 1921 թ. դեկտեմբերի 3-ին ուղղված զեկուցագրում նշում է Ռուսաստանում քաղաքացիական կռիվների ակտիվ մասնակից, Հայաստանի խորհրդայնացումից հետո՝ ՀՍԽՀ ռազմագործողկոմի տեղակալ և Կարմիր բանակի քաղվարչության պետ Հովսեփ Լազյանը: ՀԿ(Բ)Կ Կենտկոմի 1920 թ. դեկտեմբերի 23-ի որոշումով վերջինս նշանակվել էր Լոռու չեզոք գոտում կուսակցական-քաղաքական աշխատանքների համար պատասխանատու, ըստ Լազյանի, իր քեկնածության վրա պնդել է Բորիս Լեգրանը.<sup>223</sup> ՌԿ(Բ)Կ Կենտկոմի Կառվարչության և ՀԿ(Բ)Կ Կենտկոմի փոխհամաձայնությամբ՝ 1920 թ. դեկտեմբերի վերջին Լազյանը նշանակվում է «Լոռու աշխատավորների զինված ապստամբության շտաբի պետը»:<sup>224</sup> Շտաբին կից ստեղծվում է Ղարաքիլիսայի հատուկ նշանակության ջոկատը և Լոռու պարտիզանական գունդը:

Շտաբի գործունեությունը չէր սահմանափակվելու միայն չեզոք գոտու ազատագրման հարցերով, ինչպես նշում է Հ. Լազյանը, «Երևանից ստացված հաղորդման համաձայն գոտու ազատագրման հարցն արդեն կապվում էր Վրաստանի խորհրդայնացման հետ և մենք ընդհանուր հետախուզություն սկսեցինք ամբողջ Վրաստանում»:<sup>225</sup> Նշենք, որ ապստամբների շտաբը սերտ կապերի մեջ էր Վրաստանի ընդհատակյա կուսկազմակերպությունների հետ, վերջիններս փոխանակվում էին գաղտնի տեղեկություններով:

1921 թ. հունվարի 25-ին Լազյանին Բարսիլից տեղեկացնում են, որ «շտաբը ենթարկվելու է 11-րդ բանակին» և «ապստամբությունը լիներու է Վրաստանի խորհրդայնացման սկիզբը»:

Ապստամբության նախապատրաստական աշխատանքներին ծանոթանալու նպատակով փետրվարի սկզբներին Ղարաքիլիսա են ժամանում 11-րդ բանակի հրամանատար Գեկկերը և Ռազմհեղորհրդի անդամ Վեսնիկը: Ծանոթանալով իրավիճակին, նրանք, իբրև օգնություն ապստամբներին, տրամադրում են 300 հոգուց բաղկացած ռուսական զոմարտակ:

<sup>222</sup> Հեղափոխական կամիտեները Հայաստանում, էջ 90-91: Զեկուցագիրն ամբողջությամբ աե՛ն մտև ՀԱԱ, ֆ. 4033, ց. 2, գ. 1309, քք. 1-15:

<sup>223</sup> Հեղափոխական կամիտեները Հայաստանում, էջ 80, 91:

<sup>224</sup> Նույն տեղում, էջ 372:

<sup>225</sup> Նույն տեղում, էջ 94:

Լազյանի գլխավորած շտաբը փետրվարի 8-ին 11-րդ բանակի հրամանատարությունից հրաման է ստանում. «Չեզոք գոտում ապստամբությունը սկսել փետրվարի 11-ի լույս 12-ի գիշերը»:<sup>226</sup> Այդ օրը պատահական չէր ընտրված՝ լրանում էր 1920 թ. նոյեմբերի 13-ի հայ-վրացական համաձայնագրի եռամսյա ժամկետը:

Ապստամբության հաջողությունը կախված էր ռազմավարական մեծ նշանակություն ունեցող Շահալիի (Չամալուի) երկաթուղային կամրջի ականագերծումից և անվնաս գրավումից: Վրացիները ոչ միայն օրո գիշեր աչալրջոբեն հսկում էին կամրջը, այլև ականապատել էին այն. սպառնացող վտանգի դեպքում՝ պայթեցնելու նպատակով: Իրադարձությունների մասն զարգացումը ոչ միայն կվտանգեր ապստամբության հաջողությունը, այլև կխոչընդոտեր Վրաստանի խորհրդայնացման գործընթացին, իսկ Հայաստանին երկար ժամանակով կգրկեր Երևան-Թիֆլիս երկաթգծից օգտվելու հնարավորությունից:

Շահալիի կամրջի ականագերծումը հերոսաբար իրականացրեցին մի խումբ հայ պարտիզաններ՝ Արտաշես Ստեփանյանի գլխավորությամբ: 1921 թ. փետրվարի 12-ի գիշերվա ժամը 2-ին իրականացրած այդ գործողությունն ազդանշան հանդիսացավ Հայկական Կարմիր բանակի հատուկ նշանակության ջոկատի, Լոռու պարտիզանական զննի և չեզոք գոտու ապստամբ գյուղացիների խմբերի համար՝ տարբեր ուղղություններով հարձակման անցնելու վրացական կայագրների և գործասերի վրա: Փետրվարի 12-ին ապստամբների շտաբը օգնության խնդրանքով դիմում է Խորհրդային Ռուսաստանի 11-րդ Կարմիր բանակի Ռազմհեղխարհրդին:<sup>227</sup>

Ապստամբներին շուտով օգնության են հասնում Հայկական Կարմիր բանակի հեծելազորային բրիգադան, ինչպես նաև 11-րդ Կարմիր բանակի 20-րդ հրաձգային դիվիզիայի հեծելազորային գումարտակը:

Եռօրյա համառ մարտերի և հերոսական պայքարի արդյունքում կարմիր զորքերին և ապստամբներին հաջողվում է ամբողջ չեզոք գոտին մաքրել յոթ հազարանոց վրացական բանակից: Ապստամբները գերի են վերցնում 3000 զինվոր և սպա, առգրավվում է մեծ քանակությամբ զենք և զինամթերք: 1921 թ. փետրվարի 15-ին Հ. Լազյանը ապստամբության հաղթական ավարտի մասին շտապում է հայտնել

<sup>226</sup> Հեղկամները Հայաստանում, էջ 96-98:

<sup>227</sup> Տե՛ս նույն աեղում, էջ 100:

Բարո՝ 11-րդ բանակի Ռազմհեղխորհրդին և Երևան՝ ՀՍԽՀ իշխանություններին:<sup>228</sup>

Ապստամբության հաղթանակից հետո Լոռիում հաստատվում է խորհրդային իշխանություն, այն ենթարկվելու էր Խորհրդային Հայաստանի կառավարությանը: «Այսպիսով՝ այն, ինչ չէր հաջողվել անել Հայաստանի Հանրապետությանը 1918-1920 թթ. ընթացքում, - իրավացիորեն նշում է Կ. Հարությունյանը, - 1921 թ. փետրվարին իրականացրեց Խորհրդային Հայաստանը՝ Խորհրդային Ռուսաստանի գործերի օգնությամբ»:<sup>229</sup>

Լոռու ազատագրումը վրացական զինագրավումից և Հայաստանին միացնելը հանդիսացավ խորհրդային երկու հանրապետությունների՝ Ռուսաստանի և Հայաստանի ռազմաքաղաքական համագործակցության առաջին արդյունքը, հաջորդը՝ հանդիսանալու էր Վրաստանի խորհրդայնացումը:

\* \* \*

Լոռու չեզոք գոտում ծավալվող իրադարձությունները և հատկապես դրանց հնարավոր կործանարար հետևանքները Վրաստանի հանրապետության համար խիստ լարվածություն և անհանգստություն էին առաջացրել Վրաստանի կառավարող շրջանակներում: Խորհրդային Ռուսաստանում Վրաստանի կառավարության լիազոր ներկայացուցիչ Մախարաձեն շտապում է փետրվարի 12-ին մի շարք հարցապնդումներով դիմել Ռուսաստանի իշխանություններին: Նա մասնավորապես ցանկություն է հայտնում պարզել, թե վերջիններս ի՞նչ տեսակետ ունեն չեզոք գոտում տեղի ունեցող իրադարձությունների կապակցությամբ, համերաշխ են, արդյո՞ք, «Վրաստանի վրա հարձակվող կողմի նման գործելակերպի հետ», և դիմելու են արդյո՞ք որևէ միջոցների դրանք կանխելու համար:<sup>230</sup>

Վրացական կողմի հարցապնդումներին հետևում է ՌԱՖԽՀ արտգործժողկոմ Գ. Չիչերինի փետրվարի 14-ի պատասխանը, ուր նա նշում է, որ հարձակողական գործողությունները ռուսական բանակին վերագրելը չի համապատասխանում իրականությանը, Չիչերինը հուշում է նաև, որ չեզոք գոտում ծավալվող իրադարձությունների բոլոր

<sup>228</sup> Հեղկոմները Հայաստանում, էջ 88:

<sup>229</sup> Հարությունյան Կ.Ա., Հայկական ազգային գործառնափոխումները 1918-1945 թթ., Եր., 2002, էջ 98:

<sup>230</sup> ՀԱԱ, ֆ. 1022, ց. 3, գ. 335, ք. 1-2:

հնարավոր հետևանքներն ընկնում են բացառապես վրացական կառավարության վրա: Քանի որ Չիչերինի սլառասլասնը չի բավարարում վրացական իշխանություններին,<sup>231</sup> փետրվարի 18-ին նա ստիպված է լինում վերջիններիս հայտնել, որ խորհրդային կառավարությունը, այնուամենայնիվ, դեռ չի կորցրել հույսերը, որ հայ-վրացական «միջադեպը» կարելի է կարգավորել «խաղաղ ճանապարհով», և պատրաստ է միջնորդել կողմերի միջև:<sup>232</sup>

Բայց ի՞նչ միջնորդության մասին էր խոսքը, եթե Լոռու չեզոք գոտում բարձրացրած ապստամբության հաղթական ավարտը միայն հնարավորություն ընձեռեց Խորհրդային Ռուսաստանին անցնելու վճռական գործողությունների՝ Վրաստանի հանրապետությունը խորհրդայնացնելու նպատակով:

1921 թ. փետրվարի 14-ին և 15-ին Ռ.Կ(բ)Կ Կենտկոմի քաղբյուրոն հաջորդաբար հաստատում է 11-րդ բանակի Ռ-ազմհեղխորհրդին ուղղված առաջին և երկրորդ հեռագրերի տեքստերը, համաձայն դրանց. նախ՝ թույլատրվում է օգնություն ցույց տալ ապստամբներին, ապա՝ նշվում է 11-րդ բանակի զորամասերի գործողությունների քաղաքական բնույթի մասին:<sup>233</sup>

Չերքերը ծալած չէին նստած նաև վրացի կոմունիստները, 1921 թ. փետրվարի 16-ին Բորչալուի գավառի Շուլավեր (Շահումյան) գյուղաքաղաքում կազմակերպված Վրաստանի հեղափոխական կոմիտեն դիմում է Խորհրդային Ռուսաստանի Ժողկոմխորհի նախագահ Վ. Լենինին՝ Վրաստանի բանվորներին օգնություն ցույց տալու կոչով, իսկ արդեն երկու օր անց, փետրվարի 18-ին՝ Վրացհեղկոմը Վրաստանը հռչակում է Խորհրդային հանրապետություն:<sup>234</sup>

Փետրվարի 17-ին 11-րդ Կարմիր բանակի հրամանատարությունը հրաման է արձակում Վրաստանի հանրապետության դեմ ընդհանուր հարձակում սկսելու մասին: Խորհրդային ուժերի հարձակմանը քեև մասնակցեցին նաև Լոռու չեզոք գոտին ազատագրած հայկական կարմիրբանակային և ապստամբական ուժերը, սակայն գլխավոր հարվածը վերապահվեց Խորհրդային Ռուսաստանի 11-րդ Կարմիր բանակի զորամիավորումներին: Խորհրդային Ադրբեջանից

<sup>231</sup> ՀԱԱ, ֆ. 1022, ց. 3, գ. 335, ք. 3-4:

<sup>232</sup> Նույն տեղում, գ. 339, ք. 1-2:

<sup>233</sup> Տե՛ս Թաիրյան Ի., 11-ая Красная Армия в борьбе за установление и упрочение Советской власти в Армении, Ереван, 1971, с. 186-187:

<sup>234</sup> Տե՛ս Բорьба за победу Советской власти в Грузии. Документы и материалы (1917-1921), с. 659, 661-662:

Վրաստան մտան 11-րդ բանակի 20-րդ լեռնահրաձգային դիվիզիայի հեծելազորային և հետևակային գնդերը, իսկ Օսեթիայից հարձակվելու էր 11-րդ բանակի 98-րդ հրաձգային բրիգադան:

Կոտրելով վրացական զորքերի դիմադրությունը, 1921 թ. փետրվարի 25-ին Կարմիր բանակի զորամասերը և ապստամբները մտնում են Վրաստանի մայրաքաղաք Թիֆլիս, մինչև մարտի կեսերը խորհրդային կարգերը հաստատվեցին ամբողջ Վրաստանում: Նշենք, որ Առանձին հայկական հավաքական հեծյալ գումդը մասնակցեց Բաթումի, Գորիի, վրացական այլ տարածքների՝ մենշևիկյան զորքերից ազատագրելու ռազմական գործողություններին:<sup>235</sup>

Այսպիսով, ինչպես ժամանակին ճիշտ նկատել է ՀՍԽՀ Ժողկոմխորիի նախագահ Ալ. Մյասնիկյանը, «Վրաստանը խորհրդայնացնելու պատմությունը որոշ չափով կատարված է հայ կարմիր զորքերի միջոցով»:<sup>236</sup>

Կարմիր բանակի մուտքը Վրաստան 1921 թ. փետրվար-մարտին և վերջինիս խորհրդայնացումը կարևոր նշանակություն ուներ ջավախքահայության համար, գաղտնիք չէ, որ իր անկման նախօրյակին Վրաստանի մենշևիկյան կառավարությունը փաստորեն արտոնել էր քեմալական զորքերի ներխուժումը Բաթում, Ախալցխա և Ախալքալաք: Մենշևիկների մտահոլացումն էր՝ միմյանց դեմ հանել քեմալական և Կարմիր բանակները, և հույսեր փայփայել, որ նրանց հնարավոր զինված առճակատումը կարող է կտրուկ փոխել քաղաքական իրադրությունն ամբողջ տարածաշրջանում:

Պարզ ասած՝ Վրաստանի մենշևիկյան կառավարությունը ձգտում էր «պղտորել ջուրը» և փորձել նրանում «ծուկ որսալ»: Իսկ թե ինչպիսի ծանր հետևանքներ էր ունենալու քեմալականների կողմից Ախալցխայի և Ախալքալաքի նրկարատև զինագրավվումը տեղի հայ բնակչության համար, վրաց մենշևիկներին չէր անհանգստացնում: Նրանց տմարդի քաղականության արդյունքում քեմալականները 1921 թ. փետրվարի վերջին - մարտի սկզբին դավադրաբար ներխուժեցին Ախալքալաք և նոր արհավիրքներ բերեցին 1918 թ. քուրթական ներխուժման ողբերգական հետևանքները դեռևս չդարմանած հայ բնակչության գլխին:

<sup>235</sup> Տե՛ս Հարությունյան Կ.Ա., Հայկական ազգային զբրամիավորումները 1918-1945 թթ., էջ 100:

<sup>236</sup> Մյասնիկյան Ալ., Ռևոլյուցիոն, Եր., 1957, էջ 372:

Իսկ Բաքումի համար քեմալա-բոլշևիկյան բախումն ամենևին էլ չէր բացառվում, մանավանդ այն բանից հետո, երբ քեմալական զորքերի հրամանատար Կարաբեկիր փաշան 11-րդ Կարմիր բանակի հրամանատարին մարտի 11-ին ուղղված սլաշտոնական հեռագրում հայտնում էր, որ «Թուրքիայի Ազգային Մեծ Ժողովի որոշմամբ. Բաքումը, Ախալցխայի և Ախալքալաքի գավառները, որպես Թուրքիայի օրինական մասեր, պետք է միացվեն վերջինիս, և որ դրա հիման վրա էլ ինքը հրաման է արձակել նշված շրջանները զբաղեցնելու համար»:<sup>237</sup> Եվ սա այն դեպքում, երբ նույն օրերին Մոսկվայում ընթացող ռուս-թուրքական կոնֆերանսում համառ դիվանագիտական պայքար էր ծավալվել հենց նշված տարածքների, հատկապես՝ Բաքումի, պատկանելության հարցի շուրջը: Կոնֆերանսի աշխատանքների ընթացքում Խորհրդային Ռուսաստանի պատվիրակությանը թեև ի վերջո հաջողվեց տարածքային մեծ զիջումների գնով, հիմնականում Հայաստանի տարածքների հաշվին, կորզել թուրքերի համաձայնությունը՝ Բաքումը, Ախալցխան և Ախալքալաքը Խորհրդային տարածք ճանաչելու մասին, սակայն թուրքական զորքերը չէին շտապում հեռանալ տարածաշրջանից: Եվ միայն Խորհրդային ղեկավարության և Կարմիր բանակի հրամանատարության վճռական հայտարարություններն ու գործույթյունները, Կարմիր բանակի մուտքը այդ տարածքներ, ստիպեցին թուրքերին հեռացնել իրենց զորքերը: Կարմիր բանակը Ախալցխա մտավ 1921 թ. մարտի 8-ին, իսկ Ախալքալաք՝ մի քանի օր անց և փաստորեն կանխեց տեղի հայ բնակչությանը սպառնացող հերթական սպանող, բայց բնակչության թալանը Ախալքալաքի գավառում շարունակվեց մինչև ապրիլի կեսերը, երբ քեմալական զորամասերը վերջնականապես հեռացան գավառից: Միաժամանակ, նրանք լրեցին նաև Ալեքսանդրապոլի գավառը, իսկ Բաքումը թողել էին դեռևս մարտի 24-ին:

Խորհրդային Ռուսաստանի և Հայաստանի ռազմաքաղաքական համագործակցության արդյունքում Լոռու չեզոք գոտում հարթանակած ապստամբությունը ոչ միայն հնարավոր դարձրեց հայկական այդ տարածքի միացումը Խորհրդային Հայաստանին, այլև՝ կանխեց չեզոք գոտուն հարակից հայկական մի քանի բնակավայրերի հնարավոր անջատումը Հայաստանից: Ինչ վերաբերում է Վրաստանի Խորհրդայնացմանը, ապա դա նույնպես կարևոր նշանակություն ունե-

<sup>237</sup> Տե՛ս Революционные комитеты в Грузии. Сб. документов, Тбилиси, 1963, с. 55-56:

ցավ Խորհրդային Հայաստանի համար, նախ՝ դեպի Հայաստան հաղորդակցության ուղիների ապաշրջափակման տեսակետից և, ամենագլխավորը՝ եթե Վրաստանում իշխանության գլուխ մնային մենշևիկները, ապա հայ-վրացական հարաբերությունները բավականին կսրվեին, քանզի Հայաստանի խորհրդայնացումից հետո դրանք արդեն իսկ լարված էին: Նկարագրելով Լոռու ապստամբության օրերին Թիֆլիսում տիրող իրավիճակը, Լեոն նախ անկեղծորեն խոստովանում է, «որ անհնարին չէր այս տեսակ մթնոլորտի մեջ նաև հայկական կոտորածը», ապա հիացնունքով նշում, որ այդ ամենին վերջ տվեց Վրաստանի խորհրդայնացումը:<sup>238</sup>

Եթե Խորհրդային Ռուսաստանի համար Լոռու չեզոք գոտում վրացական զինագրավման դեմ բարձրացրած ապստամբությունը նախևառաջ կարևորվում էր Վրաստանի խորհրդայնացման հեռանկարներով, ապա վրացական զինագրավումից Լոռին ազատագրելը և Խորհրդային Հայաստանին միացնելը նրա բնակչության միահամուռ ցանկությունն էր և, ինչպես նկատում է Հ. Լազյանը, «Ապստամբության ամբողջ ժամանակամիջոցում նրանք թույլ չեն տվել ոչ մի դավաճանություն, ոչ մի անախորժ դեպք»:<sup>239</sup>

## *2. Խորհրդային Ռուսաստանը և Չանգեզուրի խորհրդայնացումը: Լեոնային Ղարաբաղի բռնակցումը Ադրբեջանին*

Հայաստանի խորհրդայնացումը նոր հունի մեջ դրեց նաև Չանգեզուրի հարցը: Խորհրդայնացման նախօրեին Չանգեզուրը ազատագրվել էր ռուս-թուրք-քաթարական զորքերի զինագրավումից, իսկ Հայաստանի խորհրդայնացումից հետո պահպանում էր իր անկախությունը: Թերահավատորեն վերաբերվելով ՌԿ(բ)Կ Կենտկոմի Կովկասյան բյուրոյի և 11-րդ Կարմիր բանակի Ռազմհեղխորհրդի անդամ Օրջոնիկիձեի նախաձեռնությամբ Խորհրդային Ադրբեջանի հեղկոմի 1920 թ. նոյեմբերի 30-ի՝ «Լեոնային Ղարաբաղը, Չանգեզուրը և Նախիջևանը Խորհրդային Հայաստանի հանրապետության մաս համարելու» մասին որոշմանը,<sup>240</sup> ինչպես նաև այն փաստին, որ 1920 թ. դեկտեմբերի 2-ի Երևանի հայ-ռուսական համաձայնագրով Խորհրդային

<sup>238</sup> Լեո, Անցյալից, Թիֆլիս, 1925, էջ 461:

<sup>239</sup> Հեղափոխական կոմիտեները Հայաստանում, էջ 103:

<sup>240</sup> Իռնուճիսա, Երևան, դեկտեմբերի 7, 1920, թիվ 2:

Ռուսաստանը նույնպես ճանաչել էր Չանգեզուրը Հայաստանի կազմում, 1920 թ. դեկտեմբերի 25-ին Սյունիքի Տաթևի վանքում հրավիրված համազանգեզուրյան համագումարին զանգեզուրցիները երկրամասը հռչակում են ինքնավար՝ քանի դեռ քաղաքական իրադրությունը հնարավորություն չի ընձեռի Հայաստանին միանալու համար: Սյունիքի սպարապետ նշանակվեց Գարեգին Նժդեհը:

Սակայն նման իրավիճակը երկար տևել չէր կարող, Չանգեզուրի անկախությունը լրջորեն անհանգստացնում էր խորհրդային իշխանություններին, 1921 թ. հունվարի 23-ին Գ. Օրջոնիկիձեն Բաքվից հեռագրում է Մոսկվա՝ ՌԿ(բ)Կ Կենտկոմ, պատճենը՝ Լենինին, Տրոցկուն, Ստալինին, որ զանգեզուրցիներին Թավրիզից աջակցում են անգլիացիները, «որոնք պատրաստվում են հարվածել մեզ դաշնակների օգնությամբ՝ Չանգեզուրի միջոցով»: Օրջոնիկիձեն հուշում է, որ Դրոյի հետ հանգամանալից գրույցից հետո ինքը համոզվել է, որ «եթե անգամ հաջողվի Հայաստանի համար թուրքերից կորզել 1914 թ. սահմանները (ինչը հազիվ քե հաջողվի), ապա այդ դեպքում էլ Չանգեզուրը մնալու է հակահեղափոխության հենալաշտը»: Օրջոնիկիձեն Չանգեզուրը ռազմական ուժի միջոցով խորհրդայնացնելու կողմնակից էր, սակայն Մոսկվային հուշում է, որ «ճանապարհների անանցանելիության պատճառով Ադրբեջանի կողմից ռազմական գործողություններ ձեռնարկել Չանգեզուրի դեմ ներկայումս անհնար է»:<sup>241</sup>

1921 թ. ձմռանը 11-րդ Կարմիր բանակի հրամանատարությունը փորձում է բանակցությունների միջոցով լուծել Չանգեզուրի խորհրդայնացման խնդիրը: Այդ նպատակով փետրվարի 2-ին Գարեգին Նժդեհի մոտ Գորիս դիվանագիտական առաքելությամբ ժամանում է 11-րդ Կարմիր բանակի և Խորհրդային Հայաստանի ներկայացուցիչների միացյալ պատվիրակությունը՝ Գրիգոր Վարդանյանի գլխավորությամբ: Վերջինս բանակցությունները սկսելուց առաջ Նժդեհին է փոխանցում Դրոյի նամակը: 1921 թ. հունվարի 21-ին Բաքվում գրած այդ նամակում պատճառաբանելով, որ առաջիկայում Մոսկվայում գումարվելիք խորհրդաքորքական կոնֆերանսին Հայաստանի սահմանների հարցի լուծումը հօգուտ Հայաստանի պայմանավորված է նաև Չանգեզուրի խորհրդայնացումով և Խորհրդային Հայաստանին միացումով, Դրոն հուշում է, որ հարկավոր է ընդունել խորհրդայնացման առաջարկը: Նա համոզում էր է հայտնում, որ Մոսկվայի կոնֆերանսը «Կզա սպացուցելու, որ Խորհրդային Ռուսաստանը պաշտպա-

<sup>241</sup> ՀԱԱ, հավաքածու 1, գ. 3, ք. 12:

նելու է հայ աշխատավորության շահերը»:<sup>242</sup> Ավադ, Դրոն չէր կարող կռահել, թե ինչպիսի կորուստներ է կրելու Հայաստանը Մոսկվայի ռուս-թուրքական պայմանագրով:

Չկիսելով Դրոյի լավատեսական հույսերը, Գարեգին Նժդեհը մերժում է ինչպես նրա, այնպես էլ խորհրդային պատվիրակության առաջարկությունը՝ խորհրդայնացումը ընդունելու մասին: Բանակցությունների ընթացքում Նժդեհը շեշտում է, որ դեմ չի լինի Չանգեզուրի խորհրդայնացմանը, եթե խորհրդային իշխանությունը ոչ թե խոսքով, այլ գործնականում ապացուցի իր արդար և բարի վերաբերմունքը հայ ժողովրդի նկատմամբ: Հերքելով Անտանտի հետ իր համագործակցության մասին խորհրդային կողմի մեղադրանքները, Նժդեհը Չանգեզուրի խորհրդայնացման հետևյալ նախապայմաններն է դնում. քեմալական զորքերի հեռացումը Հայաստանի գլխագրաված շրջաններից, Նախիջևանի և Լեռնային Ղարաբաղի փաստացի միացումը Հայաստանին, հայ մտավորականների ազատումը խորհրդային բանտերից:<sup>243</sup> Այս ամենի մասին է նշվում նաև 11-րդ բանակի հրամանատար Գեկկերին ուղղված Նժդեհի նամակում: Նամակը, ինչպես նաև Սյունիքի կառավարության կողմից փետրվարի 4-ին կազմված բողոք-հուշագիրը՝ ուղղված ՌՍՖՍՀ արտգործօրդկոմ Գ. Չիչերինին, խորհրդային պատվիրակությանն է հանձնում կառավարության նախագահ Գեղեճե Տեր-Սիմասյանը: Հուշագրում Խորհրդային Ռուսաստանի իշխանություններից և Կարմիր բանակի հրամանատարությունից պահանջվում է հանգիստ բողնել Չանգեզուրը և նրա ժողովուրդին, որովհետև՝ «Արևելքի Չեր քաղաքականությամբ Հայաստան կոչված երկիրը կատարյալ դժոխքի եք վերածել»:<sup>244</sup>

Նժդեհին ուղղված պատասխանում Գեկկերը մերժում է քեմալարյուշկիկյան հակահայկական դաշինքը, շեշտում, որ Մոսկվայի կոնֆերանսը նպաստավոր ընթացք կտա հայկական հարցի լուծմանը: 1921 թ. փետրվարի 24-ին Գեկկերին ուղղված հերքական մամակում Նժդեհը հեռատեսորեն պատասխանում է. «Միամիտ չլինենք ենթադրելով, որ Մոսկվայի Չեր կոնֆերանսը մոկ չի ծնելու: Չեր ցանկությանը տաճիկները մտան Հայաստան, սակայն Չեր հրամանով նրանք չպիտի հեռանան»:<sup>245</sup> Եվ իրոք, դա էր իրականությունը:

<sup>242</sup> ՀԱԱ, ֆ. 114, ց. 2, գ. 70, ք. 29:

<sup>243</sup> Գ. Լորգյան Վ., Լեռնահայաստանի հերոսամարտը (1919-1921), Եր., 1991, էջ 131-134:

<sup>244</sup> ՀԱԱ, ֆ. 114, ց. 2, գ. 70, քք. 32-34:

<sup>245</sup> Գ. Լորգյան Վ., նշվ. աշխ., էջ 135-139:

Գիտակցելով, որ հաջողությունների չհասնելով բանակցությունների միջոցով Կարմիր բանակի հրամանատարությունը ձգտելու է ռազմական գործողությունների միջոցով խորհրդայնացնել Չանգեզուրը, վերջինիս անվտանգությունն ապահովելու համար, 1921 թ. փետրվարի 16-ին Նժդեհի զինակից Յապոնի (Հ. Պարոնյան) ջոկատը գրավում է Դարալագյազը: Կարմիր բանակի զորամասերը լուրջ դիմադրություն ցույց չտվեցին, իսկ մոտ 400 կարմիրբանակայիններ գերի հանձնվեցին: Դարալագյազը հռչակվեց Չանգեզուրի անբաժան մասը:

Մեծ ոգևորություն առաջացրեց Չանգեզուրում նաև Երևանում փետրվարյան ապստամբության հաղթանակի լուրը: 1921 թ. մարտի 5-ին Յապոնի ջոկատը ազատագրեց Նոր-Բայազետը, սակայն Հայրենիքի փրկության կոմիտեին օգնության հասնելու, և նրա զինված ուժերին միանալու բոլոր ջանքերն ապարդյուն անցան:

Ինչպես նշեցինք, 1921 թ. ապրիլի 2-ին Կարմիր բանակը մտնում է Երևան, իսկ ապստամբական ուժերը և հոծ բազմությունը Դարալագյազով նահանջում են դեպի Չանգեզուր: Կարմիր բանակը չէր սահմանափակվելու Երևանի գրավմամբ՝ 1921 թ. ապրիլի 16-ին Մ. Վելիկանովը խմբավորման զորամասերին հրամայում է շարունակել դաշնակների հետապնդումն ու ջախջախումը, և կարճ ժամանակում դուրս գալ Չանգեզուրի սահմաններին:

Շարունակելով ապստամբների հետապնդումը, Կարմիր բանակը ապրիլի 15-ին գրավում է Դարալագյազը, Յապոնի ջոկատը նահանջում է դեպի Գորիս: Ապրիլի կեսերին 11-րդ բանակի գորամասերին հաջողվում է ճնշել նաև Նժդեհի զինակից Թևանի (Ստեփանյան) ղեկավարած ապստամբությունը՝ Կարաբաղում, Թևանի ջոկատը նույնպես նահանջում է դեպի Չանգեզուր:

Այսպիսով, 1921 թ. գարնանը Չանգեզուրը մնացել էր անկախության միակ կղզյակը Կովկասում և իր վրա սևեռել բոլշևիկների ամբողջ ուշադրությունը և ռազմական ներուժը:

1921 թ. մայիսի սկզբին Կարմիր բանակի հրամանատարությունը դադարեցնում է ապրիլյան հարձակումը և որոշում վերստին դիմել բանակցությունների՝ Չանգեզուրի խորհրդայնացման խնդիրը խաղաղ ճանապարհով լուծելու համար: Մայիսի 12-ին Սիսիանի Կալաջուղ գյուղում խորհրդային (ՀՍԽՂ ներկայացուցիչ՝ Արտաշես Կարինյան և Կարմիր բանակի՝ Վ. Մելիկով) և Լեռնահայաստանի (Գ. Տեր-Մինասյան, Մ. Մինասյան և Լ. Մինասյան) պատվիրակությունների միջև սկսված բանակցությունները, ինչպես և նախորդները, ավարտ-

վում են անարդյունք.<sup>246</sup> 1921 թ. մայիսի 23-ին տեղեկացնելով այդ մասին Ա. Գեկկերին, ՀՍԽՀ Ժողկոմխորհի նորընտիր նախագահ և ռազմգործառնական Ալեքսանդր Մյասնիկյանը միաժամանակ խորհուրդ է տալիս համարել Չանգեգուրի սահմաններին տեղակայված խորհրդային զորամասերը:<sup>247</sup>

Հերթական բանակցությունների ձախողումը ստիպում է ՌԿ(Բ)Կ Կոմկասյան բյուրոյին վճռական քայլերի դիմել Չանգեգուրը խորհրդայնացնելու նպատակով: Բյուրոյի կողմից 1921 թ. հունիսի 3-ին ընդունված՝ «Չանգեգուրը հակահեղափոխականներից մաքրելու մասին» որոշման մեջ նշվում է. «1. Չանգեգուրը լիկվիդացնել հունիսի վերջին: 2. Անմիջապես անցնել ռազմական գործողությունների նախապատրաստմանը: 3. Դրա հետ մեկտեղ հանձնարարել Հայաստանի կառավարությանը Հոչակագիր ուղարկել Չանգեգուր: 4. Միջոցներ ձեռնարկել Մեղրին անմիջապես գրավելու համար»:<sup>248</sup>

Կատարելով որոշման 3-րդ կետը, ՀՍԽՀ կառավարությունը հունիսի 13-ին ևս մեկ անգամ դիմում է Չանգեգուրի կառավարությանը՝ պայքարը դադարեցնելու և խորհրդայնացումը ընդունելու կոչով: Հոչակագրում նշվում է նաև, որ Չանգեգուրը և Ղարաբաղը լինելու են Խորհրդային Հայաստանի կազմում:<sup>249</sup>

Չանգեգուրի խաղաղ խորհրդայնացման կողմնակից էր նաև Հ.Յ. Դաշնակցության Գերագույն մարմինը: Վերջինիս որոշմամբ, Վահան Փափազյանը 1921 թ. մայիսի 26-ին Բեռլինից Մոսկվա՝ ՌԿ(Բ)Կ Կենտկոմ ուղարկած նամակում առաջարկում է բանակցություններ սկսել երկու կուսակցությունների միջև՝ միմյանց փոխհարաբերությունները ճշտելու, Չանգեգուրի խորհրդայնացման հարցը խաղաղ ճանապարհով լուծելու, Դաշնակցությանը հուզող մի շարք այլ հարցերի վերաբերյալ ՌԿ(Բ)Կ դիրքորոշումը պարզելու համար: Նամակում հույս է հայտնվում, որ բոլշևիկյան կուսակցությունը սատար կկանգնի Հայկական հարցի արդարացի լուծմանը:<sup>250</sup>

1921 թ. հունիսի 7-ին ՌԿ(Բ)Կ Կենտկոմ ուղղված նամակում Հ.Յ. Դաշնակցության հետ բանակցություններ վարելու օգտին է արտահայտվում Ռուսաստանում ՀՍԽՀ ներկայացուցիչ Ս. Տեր-Ղար-

<sup>246</sup> Տե՛ս Բաղայան Ա., Լեոնահայաստանի հերոսամարտը, «Դրօշակ», մարտի 12-25, 1998, քիվ 5, էջ 28-29:

<sup>247</sup> Տե՛ս ՀԱԱ, ֆ. 4004, ց. 1, գ. 42, ք. 1:

<sup>248</sup> Տե՛ս նույն տեղում, ֆ. 4033, ց. 2, գ. 1187, ք. 13:

<sup>249</sup> Տե՛ս նույն տեղում, ֆ. 113, ց. 3, գ. 61, ք. 26:

<sup>250</sup> Տե՛ս նույն տեղում, ֆ. 4047, ց. 1, գ. 191, քք. 5-8:

րիեյանը, նա հուշում է նաև, որ հավանական է դրանք նպաստեն Չանգեզուրի հարցի խաղաղ լուծմանը:<sup>251</sup>

Հ.Յ.Դ-ի հետ բանակցությունների մեջ մտնելու անհրաժեշտության մասին է նշվում նաև Ռուսաստանի արտգործօրդկոմատի կոլեգիայի անունից ՌԿ(ք)Կ Կենտկոմ ուղղված արտգործօրդկոմ Գ. Չիչերինի 1921 թ. հունիսի 10-ի նամակում:<sup>252</sup>

1921 թ. հունիսի 10-ին ՌԿ(ք)Կ Կենտկոմի քաղբյուրոն ընդունում է Հ.Յ. Դաշնակցության Գերագույն մարմնի առաջարկությունը և բանակցությունների անցկացման վայր նշանակում Ռիգան, իսկ խորհրդային պատվիրակության անդամներ՝ Բեռլինում Ռուսաստանի ներկայացուցիչ Ա. Իոֆֆեյին (որպես ՌԿԿ Կենտկոմի ներկայացուցիչ) և Ռուսաստանում ՀՍԽՀ ներկայացուցիչ Ս. Տեր-Գաբրիելյանին:<sup>253</sup>

Միակ կողմը, որ դեմ էր Հ.Յ. Դաշնակցության հետ բանակցություններ վարելու մտադրությանը դա ՀՍԽՀ կառավարությունն էր և ՀԿ(ք)Կ Կենտկոմը: Վերջիններիս անունից 1921 թ. հունիսի 22-ին Տեր-Գաբրիելյանին և ՌԿ(ք)Կ Կենտկոմ ուղղված հեռագրում Ալ. Մյասնիկյանը նշում է, որ Հ.Յ. Դաշնակցության մայիսի 26-ի առաջարկությունը «պետք է անպատասխան քողմել... անբույսատրելի է նաև Հայաստանի ներկայացուցչի մասնակցությունը բանակցություններին»: Խորհրդային Հայաստանի իշխանությունների նման դիրքորոշումը Մյասնիկյանը բացատրում է նրանով, որ այն դեպքում, երբ իրենք ջանք չեն խնայում՝ Չանգեզուրի հարցը խաղաղ ճանապարհով լուծելու համար, ապստամբները դավադրաբար հարձակվել են Դարալազյազում գտնվող կարմիր զորքերի վրա: ՀՍԽՀ Ժողկոմխորհի նախագահը հանդես է գալիս վճռական հայտարարությամբ. «Չանգեզուրի հարցն այսուհետև պետք է լուծվի բացառապես պատերազմով»:<sup>254</sup>

Մյասնիկյանի դիմումի վերաբերյալ Կենտկոմի հանձնարարությամբ, կարծիք է հայտնում Վահան Տեր-Վահանյանը, որը նույնպես նշանակվել էր Ռիգայի բանակցություններին խորհրդային պատվիրակության անդամ: Հունիսի 25-ին ՌԿ(ք)Կ Կենտկոմի քաղբյուրո ուղղված նամակում Տեր-Վահանյանը Հայաստանի իշխանությունների դիրքորոշումը «քաղաքականապես սխալ է» որակում, և միանշանակ կողմ արտահատվում Հ.Յ. Դաշնակցության հետ բանակցություն-

<sup>251</sup> Տե՛ս ֆ. 4047, ց. 1, գ. 191, քք. 2-3:

<sup>252</sup> Տե՛ս նույն տեղում, ք. 10:

<sup>253</sup> Տե՛ս նույն տեղում, ք. 1:

<sup>254</sup> Տե՛ս նույն տեղում, ք. 17:

ներին.<sup>255</sup> Նույն օրը Կենտկոմի քաղբյուրոն վերահաստատում է բանակցություններ վարելու անհրաժեշտության մասին նախկինում ընդունած իր որոշումը:<sup>256</sup>

Դաշնակցության հետ բանակցություններ վարելու որոշմանը դեմ էր նաև Ռևի(ք)Կ Կենտկոմի Կովկասյան բյուրոն: Հունիսի 30-ին Կենտկոմ ուղարկած դիմումում բյուրոն իր աջակցությունն էր հայտնել Հայաստանի իշխանությունների դիրքորոշմանը:<sup>257</sup>

Մինչ Մոսկվայում մտորում էին Հ.Յ. Դաշնակցության հետ բանակցություններ սկսելու նպատակահարմարության հարցի շուրջը, Հայաստանում իրադարձությունները զարգանում էին կայծակնային արագությամբ: Երբ ՀՄԽՀ իշխանությունները դեռևս սպասում էին զանգեզուրցիներին հունիսի 13-ին ուղղված դիմումի պատասխանին, Նժդեհի զինված ուժերը ռազմական գործողություններ ծավալեցին կարմիր զորքերի դեմ և հունիսի 15-ին գրավեցին Էրաբլազյազը: Որակելով դա որպես դավադիր քայլ և բանակցությունների վիժեցում, խորհրդային իշխանությունը դիմում է վճռական գործողությունների: 1921 թ. հունիսի 18-ին ապստամբությունը ճնշելու հրաման է արձակում 11-րդ բանակի Երևանյան գորախմբի հրամանատար Մ. Վելիկանովը:<sup>258</sup> Դեռևս հունիսի 6-ին, ի կատարումն Կովկասյան բյուրոյի հունիսի 3-ի որոշումների, նման հրաման էր արձակել նաև Ադրբեջանում տեղակայված Առանձին կովկասյան բանակի հրամանատարությունը:

Այսպիսով, Կարմիր բանակը Չանգեզուրի վրա հարձակվելու էր ինչպես արևմուտքից, այնպես էլ արևելքից: Հունիսի 20-ին այդ հարձակումը սկսվում է: Ալ. Մյասնիկյանի և Մ. Վելիկանովի կողմից կարմիր զորքերին ուղղված «Պատգամներում» և «Հրամանում» կոչ է արվում անխնա լինել՝ ավազակ ապստամբների և հոգատար՝ խաղաղ բնակչության նկատմամբ: Որպեսզի ռուս կարմիրբանակայիններին ավելի պարզ լինեն իրենց առջև դրված խնդիրները՝ Նժդեհի ապստամբական ուժերը համեմատվում են «Մայխնոյական խմբերի» հետ: Ինչպես ժամանակին Հայաստանը, այնուհետև Վրաստանը, հետագայում Երևանը՝ Չանգեզուրը նույնպես հայտարարվում է «համակովկասյան հակահեղափոխության որջը», որի ջախջախումը կարևորվում է համակովկասյան շահերով:<sup>259</sup>

<sup>255</sup> Տե՛ս ֆ. 4047, ց. 1, գ. 191, ք. 12:

<sup>256</sup> Տե՛ս նույն անդում, ք. 11:

<sup>257</sup> Տե՛ս նույն անդում, ֆ. 4033, ց. 2, գ. 1187, ք. 14:

<sup>258</sup> ԲՀԱ, Երևան, 1980, քիվ 2, էջ 66-67:

<sup>259</sup> Տե՛ս Մյասնիկյան Ալ., Ընտիր նրկեր, էջ 339-342:

1921 թ. հունիսի 26-ին Կարմիր բանակը մտնում է Գարայլագ-  
յագ, հունիսի 30-ին՝ Սյսիան: Վերջինիս անկումից հետո Գարեգին  
Նժդեհը որոշում է դադարեցնել պայքարը և Գորիսից նահանջում  
ղևալի Գափան՝ գորիսցիներին պատգամելով, չլիմադրել հայ-ռուսա-  
կան կարմիր զորքերին և անխնա լինել՝ եթե հարձակում ձեռնարկեն  
ադրբեջանական ջոկատները:

Հուլիսի 2-ին Գորիս են մտնում Առանձին կովկասյան բանակի  
և Երևանյան խմբավորման զորամասերը: Հուլիսի 7-ին նրանք արդեն  
Գափանում էին՝ ապստամբական ուժերը Նժդեհի գլխավորությամբ  
նախօրոք նահանջել էին դեպի Մեղրի: Հայաստանում գտնվելու վեր-  
ջին օրերին Նժդեհը դիմում է եղում Հայկեղկոսին. մի շարք պահանջ-  
ների և մաղթանքների հետ մեկտեղ (որպեսզի հայ ժողովուրդը նորից  
չապստամբի խորհրդային իշխանության դեմ), նա շեշտում է, որ ադր-  
բեջանցիները չպետք է վերադառնան Չանգեզուրի իրենց կողմից  
լքված գյուղերը, Չանգեզուրը և Ղարաբաղը մեկընդմիջտ պետք է լի-  
նեն Հայաստանի կազմում: Ձգուշացնելով, որ ինքն ընդմիջտ չի հեռա-  
նում Լեռնահայաստանից, այլ կվերադառնա՝ եթե «Երևանի փոխարեն  
Ռարուն լինի Սյունիքի հողի վրա ոտք դնողը», Գարեգին Նժդեհը թող-  
նում է Հայաստանի սահմանները և փոքրաթիվ ուժերով անցնում  
Արաքսի իրանական ափը:<sup>260</sup>

1921 թ. հուլիսի 13-ին Կարմիր բանակը մտնում է Մեղրի՝ Չան-  
գեզուրի խորհրդայնացման գործընթացն այդպիսով ավարտված էր:

Հայ ժողովրդի մեծ զավակ Գարեգին Նժդեհի գլխավորած հե-  
րոսական պայքարի շնորհիվ երկրամասը կազմեց Խորհրդային Հա-  
յաստանի անբաժան մասը, հակառակ դեպքում՝ նրան կարող էր  
սպառնալ Նախիջևանի կամ Լեռնային Ղարաբաղի ճակատագիրը:

1921 թ. հուլիսի 16-ին ՀԿ(բ)Կ Կենտկոմի քարտուղար Սարգիս  
Լուկաշինը շտապում է հեռագրել ՌԿ(բ)Կ Կենտկոմ, Գ. Չիչերինին և  
Ս. Տեր-Գաբրիելյանին. «Չանգեզուրը միանգամայն լիկվիդացիայի է  
ենթարկվել: Դաշնակցականների հետ բանակցությունների վարումը  
Հայաստանի կոմկոուսի Կենտկոմը համարում է աննպատակահարմար  
և, մույնիսկ վնասակար, նամանավանդ՝ որ... երկրի ներսում մենք  
նրանց վերջնականապես ոչնչացնում ենք»:<sup>261</sup> Լուկաշինը դեռ անտեղ-  
յակ էր, որ հուլիսի 8-ին Ռ-իզայում սկսված բանակցություններն արդեն

<sup>260</sup> Գևորգյան Վ., նշվ. աշխ., էջ 173-175:

<sup>261</sup> ՀԱՍ, ֆ. 4047, ց. 1, գ. 191, ք. 29:

իսկ ավարտված էին՝ կողմերի միջև հուլիսի 14-ին մի շարք փաստաթղթերի նախաստորագրմամբ:

Համաձայն նախաստորագրած համաձայնագրի՝ խորհրդային պատվիրակությունը ՌԿ(Բ)Կ-ի անունից համաձայնվում է, որ Հայկական հարցը լուծված կհամարի այն ժամանակ, «եթե Հայաստանը տարածքային առումով միավորված լինի»: Ըստ փաստաթղթի, Հայկական հարցը լուծելու նպատակով ՌԿ(Բ)Կ-ն պարտավորվում է ազդել Թուրքիայի վրա՝ «Հայ ժողովրդի քաղաքական ազատ գոյության համար բավարար տարածք (ելքով դեպի ծով) տրամադրելու համար», իսկ եթե Միացյալ Հայաստան ստեղծելու համար պահանջվեք ապախորհրդայնացնել Խորհրդային Հայաստանը՝ պատրաստ լինել դիմելու այդ քայլին:<sup>262</sup>

Խորհրդային պատվիրակությունը հանդես է գալիս նաև գրավոր հայտարարությամբ, որում նշում է, որ ՌԿ(Բ)Կ Կենտկոմը պարտավորվում է միջնորդել ՀԿ(Բ)Կ Կենտկոմի առջև՝ Հ.Յ. Ղաշնակցություն կուսակցության գործունեությունը Հայաստանում օրինականացնելու և նրա հետ համագործակցելու համար:<sup>263</sup>

Նախաստորագրած փաստաթղթերը հուլիսի 14-ին ուղարկվում են ՌԿ(Բ)Կ Կենտկոմի քաղբյուրոյի հաստատմանը: Փաստաթղթերի հետ միասին խորհրդային պատվիրակության ղեկավար Իոֆֆեն ՌԿ(Բ)Կ Կենտկոմ և արտգործոժողկոմ Չիչերինին է ուղարկում փաստաթղթերի վերաբերյալ իր հիմնավորումները, դրանցում նա պնդում է, որ փաստաթղթերը անհրաժեշտ է անպայման հաստատել: Իոֆֆեն հուշում է, որ այդ դեպքում՝ կրաքծքանա Խորհրդային Ռուսաստանի վարկանիշը Արևմուտքում, քաղաքացիական պատերազմը Չանգեզուրում կդադարի, եթե Չանգեզուրը և Ղարաբաղը միացվեն Խորհրդային Հայաստանին՝ հայ ժողովրդի վստահությունը Ռուսաստանի նկատմամբ կամրապնդվի: Իոֆֆեն շեշտում է նաև, որ «միաժամանակ լավ դաս կտանք Մուստաֆա Քեմալին և կապացուցենք նրան, որ մեր քիչոնքում քաղաքականություն վարել անթույլատրելի է, և մեր նկատմամբ քշնամական վերաբերմունքի դեպքում՝ նրան օգնություն տրամադրել ամենևին էլ մտադիր չենք»: Նամակի վերջում Իոֆֆեն եզրակացնում է. «Ահա քե ինչու, մենք... համաձայնվեցինք նախաստորագրել կցվող փաստաթղթերը՝ այսինքն ցույց տվեցինք, որ անձամբ մենք դրանք ստորագրելու կողմնակից ենք, և ահա քե ինչու, ևս Չեզ համա-

<sup>262</sup> ՀԱԱ, ֆ. 4047, ց. 1, գ. 191, ք. 36:

<sup>263</sup> Նույն տեղում, ք. 33:

ուրեն և վճռականորեն խորհուրդ են տալիս համաձայնվել մեզ հետ և պաշտոնապես քույլ տալ ստորագրել այդ փաստաթղթերը»:<sup>264</sup>

Սակայն Չանգեզուրի խորհրդայնացումից հետո, երբ Հ.Յ. Դաշնակցությունն այլևս չէր կարող շահարկել Չանգեզուրի հարցը և այն կոմկոմ դարձնել՝ բուլշևիկներից զիջումներ կորզելու համար, Ռւ(բ)Կ Կենտկոմի քաղբյուրուն 1921 թ. հուլիսի 26-ին որոշում է՝ «Վճռականորեն մերժել խորհրդային պատվիրակության կողմից Ռիգայում նախաստորագրված համաձայնագրի նախագիծը»:<sup>265</sup>

1921 թ. հուլիսի 28-ին Իոֆֆեն ստանում է Չիչերինի ծածկագիրը, որտեղ ՌՍՖՍՀ արտգործոպկոմը նրան տեղեկացնում է քաղբյուրոյի հուլիսի 26-ի որոշման մասին և շեշտում, որ «Անբույլատրելի էր արժարժել Թուրքահայաստանի հարցը, քանի որ մենք ամուր կանգնած ենք Մոսկվայի պայմանագիրը կատարելու դիրքերում»: Նա հուշում է նաև, որ նախաստորագրած փաստաթղթերը չպետք է մնան դաշնակների մոտ, որպեսզի «ոչ մի հետք չմնա»:<sup>266</sup> Նույն օրը Ռւ(բ)Կ Կենտկոմ և Չիչերինին ուղղված պատասխան նամակում Իոֆֆեն նշում է, որ իրեն մեղավոր չի ճանաչում նախաստորագրած փաստաթղթերի համար, որովհետև իր բազմաթիվ խնդրանքները՝ բանակցություններ վարելու համար ստանալու Ռւ(բ)Կ Կենտկոմի հրահանգները և ցուցումները, թողնվել են անպատասխան: Նա «ցավով» նշում է, որ այլևս «հետքերը վերացնել հնարավոր չէ» և զարմանք հայտնում, թե ինչու Մոսկվան չի ցանկանում փոխշահավետ համաձայնության գալ Հ.Յ. Դաշնակցության հետ և փոխել իր քաղաքականությունը Հայկական հարցում՝ «Հայկական հարցը համարելով սեփական շահերի հարցը»:<sup>267</sup>

Յավայի է, որ Ա. Իոֆֆեի դիրքորոշումը որոշիչ չէր կարող լինել և բուլշևիկյան կուսակցությունը շարունակում էր վարել ոչ հայանպաստ քաղաքականություն՝ այն շղարշելով համաշխարհային հեղափոխության շահերով: Դա առավել ցայտուն կերպով արտահայտվեց Լեռնային Կարաբաղի հարցում:

<sup>264</sup> ՀԱԱ, ֆ. 4047, ց. 1, գ. 191, քք. 20-27:

<sup>265</sup> Նույն տեղում, ք. 30:

<sup>266</sup> Նույն տեղում, ք. 37:

<sup>267</sup> Նույն տեղում, քք. 37-38:

Քանի ղեռ Չանգեզուրն անկախ էր, Ղարաբաղի հարցը կարծես լուծվում էր Խորհրդային Հայաստանի օգտին: Կովկասյան բյուրոյի 1920 թ. հունիսի 3-ի որոշման 5-րդ կետով Հայաստանի կառավարությանը հանձնարարվեց Հոչակագրով հայտարարել «Վեռնային Ղարաբաղի՝ Հայաստանին պատկանելիության մասին»:<sup>268</sup> Ելնելով կոնյուկտուրային շահերից, հարկավոր էր նպաստել Չանգեզուրի արագ խաղաղ խորհրդայնացմանը, բյուրոյի որոշմանը կողմ արտահայտվեց նաև Ադրբեջանի հեղկոմի նախագահ Ն. Նարիմանովը: Ի կատարումն Կովկասյան բյուրոյի որոշմանը՝ ՀՍԽՀ Ժողկոմխորի 1921 թ. հունիսի 12-ին հայտարարեց. «Վեռնային Ղարաբաղը այժմվանից կազմում է ՀՍԽՀ անբաժան մասը»:<sup>269</sup>

1921 թ. հունիսի 25-ին Թիֆլիսում հրավիրվում է Կովկասյան բյուրոյի մայիսի 2-ի որոշումով կազմավորած Անդրկովկասի հանրապետությունների ներքին սահմանները որոշելու հանձնաժողովի անդրանիկ նիստը: Հանձնաժողովում Հայաստանի միակ ներկայացուցիչ Ալ. Բեկզադյանը նիստի մասնակիցներին ներկայացնում է վերջին տարիներին հայ ժողովրդի կրած ծանր կորուստների, Հայաստանի սոցիալ-տնտեսական ներկա դժվարին կացության, այնտեղ կուտակված քաղմահագար գաղթականների բնակեցման խնդրի (որը լուծելու համար տարածքներ են անհրաժեշտ), վերջապես՝ Մոսկվայի ռուս-թուրքական պայմանագրով Հայաստանի համար ստեղծված ծանր վիճակի մասին: Հաշվի առնելով այդ ամենը, Բեկզադյանը առաջարկում է Ադրբեջանից և Վրաստանից հայկական տարածքների կտրակցումներ կատարել Հայաստանի օգտին:

Հանձնաժողովի ադրբեջանցի և վրացի ներկայացուցիչները կտրականապես մերժում են տարածքային փոփոխությունների մասին Բեկզադյանի առաջարկը, դա որակում որպես ազգայնական դիրքորոշում, իսկ հանձնաժողովի նախագահ Ս. Կիրովը, որը աջակցում էր վրաց-ադրբեջանական այլանսին, շեշտում է, որ «Քաղաքական նկատառումներից ելնելով ներկայումս տարածքային կտրակցումների մասին խոսք անգամ լինել չի կարող»:<sup>270</sup>

1921 թ. մայիսի 22-ին Ռ-Կ(բ)Կ Կենտկոմի քաղբյուրո ուղղված գեկուցագրում անդրադառնալով Անդրկովկասի հանրապետու-

<sup>268</sup> ՀԱԱ, ֆ. 4033, ց. 2, գ. 1187, ք. 13:

<sup>269</sup> Խորհրդային Հայաստան, Երևան, հունիսի 19, 1921:

<sup>270</sup> Нагорный Карабах в 1918-1923 гг., с. 640-642.

յուններում ազգայնական թեքումների հարցին, Ադրբեջանի կոմկուսի Կենտկոմի անդամներ Մ. Հուսեյնովն ու Ռ. Ախունդովը, որպես դրա «ցայտուն օրինակ», ցինիկորեն բերում էին Բեկզադյանի կողմից հանձնաժողովի վերը նշված նիստում ներկայացված տարածքային պահանջների օրինակը. «Ընկ. Կիրովը վկա է հանդիսանում, - նշվում է գեկուցագրում, - քե ինչպես առաջին իսկ նիստում Հայաստանի ներկայացուցիչ ընկ. Բեկզադյանը հանձնաժողովին մի քարտեզ ներկայացրեց՝ Ադրբեջանի և Հայաստանի միջև սահմանագծերի նախագծով, ըստ որի՝ Ադրբեջանի շուրջ քառորդ մասն անցնում էր Հայաստանին»:<sup>271</sup>

Հանձնաժողովի հունիսի 25-ի նիստին առաջ քաշվեց նաև Լեռնային Ղարաբաղի հարցը, որի քննարկումը, սակայն, Ադրբեջանի ներկայացուցիչ Մ. Հուսեյնովի խնդրանքով հետաձգվում է՝ հարցի վերաբերյալ Բարվից անհրաժեշտ հրահանգներ և լիազորություններ չստանալու պատճառաբանությամբ:<sup>272</sup>

Ստեղծված նյարդային լարված մթնոլորտում, որը սպառնում էր ծախողել հանձնաժողովի աշխատանքները, Ս. Կիրովը և Գ. Օրջոնիկիձեն հունիսի 26-ին շտապում են հեռագրել Բաքու՝ Նարիմանովին. «Ձանգեգործում ստեղծված իրավիճակում Հայաստանի սահմանների որոշման բանակցություններում ընդմիջումը թողնում է խիստ աննպաստ տպավորություն: ... Խնդրում ենք շտապ հրավիրել քաղբյուրո և ժողկոմխորի ու լուծել Ղարաբաղի հարցը»: Օրջոնիկիձեն և Կիրովը հայտնում են նաև հարցի վերաբերյալ իրենց կարծիքը՝ «Անհրաժեշտ է դեկավարվել այսպիսի սկզբունքով՝ ոչ մի հայկական գյուղ չպետք է միացվի Ադրբեջանին, ինչպես և ոչ մի մուսուլմանական գյուղ չի կարելի միացնել Հայաստանին»:<sup>273</sup>

Նույն օրը հրավիրվում է Ադրբեջանի կոմկուսի Կենտկոմի քաղբյուրոյի և կազմբյուրոյի համատեղ նիստ, որին Օրջոնիկիձեի և Կիրովի առաջարկությամբ արմատապես սխալ է համարվում, ինչ վերաբերում է Ղարաբաղի հարցում Բեկզադյանի հարցադրմանը, ապա նիստին ընդունվում է հետևյալ որոշումը. «Նկատի ունենալով Լեռնային Ղարաբաղի տնտեսական բացարձակ կապն Ադրբեջանի հետ, հարցը պետք է լուծել հենց այդ իմաստով»:<sup>274</sup>

<sup>271</sup> ՀԱԱ, հավաքածու 1, գ. 3, ք. 140-141;

<sup>272</sup> Нагорный Карабах в 1918-1923 гг., с. 642.

<sup>273</sup> ՀԱԱ, ֆ. 1, ց. 1, գ. 105, ք. 7-10:

<sup>274</sup> Нагорный Карабах в 1918-1923 гг., с. 645.

1921 թ. հունիսի 27-ին որոշման մասին Բարվից հաղորդելով թիֆլիս՝ Հուսեյնովին, նշվում է, որ հակառակ դեպքում՝ Նարիմանովը սպառնացել է Ադրբեջանի Ժողկոմխորհի հրաժարականով: Պատասխանում Հուսեյնովը Նարիմանովին հուշում է, որ որոշումը սառնուրյանը կրնդունվի, որովհետև իր հետ գրույցում Օրջոնիկիձեն շիտակ հայտնել է, որ Ղարաբաղի հարցի լուծումը խորհրդային իշխանության պատվի հարցն է, և պետք է լուծվի վերջնական, և այն ձևով, «ինչպես են Ձեզ երեկ հաղորդել են»:<sup>275</sup>

Սակայն, անգամ բուշևիկ բարձրաստիճան դեկավարների վճռական «հրահանգը» չազդեց Նարիմանովի վրա: Այսպիսով, երբ Կարմիր բանակի կողմից հունիսի վերջին Չանգեզուրի վրա սկսված հաջող հարձակումը կանխորոշեց վերջինիս խորհրդայնացման խնդիրը, Ադրբեջանը կոշտ և անզիջում քաղաքականություն որդեգրեց Ղարաբաղի հարցում:

Հանդիպելով ադրբեջանական կողմի նման դիրքորոշմանը, Ալ. Բեկզադյանը հունիսի 27-ին հրաժարվում է մասնակցել անդրկովկասյան հանրապետությունների սահմանների հարցի որոշման հանձնաժողովի հետագա աշխատանքներին և պնդում, որպեսզի վիճելի հարցերը փոխանցվեն Կովկասյան բյուրոյի քննարկմանը:

1921 թ. հուլիսի 2-7-ը թիֆլիսում գումարված ՌԿ(Բ)Կ Կովկասյան բյուրոյի պլենումի հուլիսի 4-ի նիստին, որին Օրջոնիկիձեի հրավերով մասնակցում էր Հյուսիսային Կովկասում (Նալչիկում) իր արձակուրդն անցկացնող ՌԿ(Բ)Կ Կենտկոմի անդամ Ստալինը, քննարկելով Ղարաբաղի հարցը, քվեարկության արդյունքում ընդունվում է օրինական և արդարացի որոշում՝ «Լեռնային Ղարաբաղը մտցնել ՀՍՍՀ կազմ»: Սակայն որոշմանը դեմ է արտահայտվում Նարիմանովը, նա պնդում է, որպեսզի հարցի վերջնական լուծումը փոխադրվի ՌԿ(Բ)Կ Կենտկոմ: Բայց հաջորդ օրը, հուլիսի 5-ին, հրավիրվում է Կովկասյան բյուրոյի պլենումի արտահերթ նիստ, որին վերանայվում են Ղարաբաղի հարցի վերաբերյալ հուլիսի 4-ի պլենումի որոշումները: Պլենումը առանց քվեարկություն անցկացնելու որոշում է «Լեռնային Ղարաբաղը թողնել Ադրբեջանական ՍՍՀ սահմաններում, նրան տալով մարզային լայն ինքնավարություն...»:<sup>276</sup>

Կարծում ենք, հուլիսի 5-ի որոշման ընդունման գործում ՌԿ(Բ)Կ Կենտկոմի անդամ Ստալինի բացասական դերը մեծ էր, բայց

<sup>275</sup> ՀԱԱ, ֆ. 1, ց. 1, գ. 105, ք. 11:

<sup>276</sup> Нагорный Карабах в 1918-1923 гг., с. 649-650.

ոչ որոշիչ: Այսպես ինչով բացատրել, որ Ստալինի ներկայությունը հուլիսի 4-ի նիստին չէր խանգարել Հայաստանի օգտին արդարացի որոշման ընդունմանը: Չի բացառվում, որ հուլիսի 4-ի որոշումից հետո ադրբեջանական կողմին հաջողվել էր ստանալ ՌԿ(Բ)Կ Կենտկոմի ավելի բարձրաստիճան անդամների, ենթադրաբար Լենինի և Տրոցկու սջակցությունը, համոզել նրանց՝ հրահանգել Կովբյուրոյին վերանայելու հուլիսի 4-ի որոշումը Ադրբեջանի օգտին:

Կովբյուրոյի հուլիսի 5-ի ոչ օրինական որոշման կայացման նշված վարկածի օգտին է խոսում նաև այն փաստը, որ այլևնումին Հայաստանի ներկայացուցիչ Մյասնիկյանը, Նարիմանովի օրինակով, չպնդեց դարաբաղյան հարցի վերջնական լուծումը ՌԿ(Բ)Կ Կենտկոմ փոխադրելու հարցում, որի իրավունքը նա ուներ:

Հայկոմկուսի առաջին համագումարին (հունվարի 26-29, 1922 թ.) ունեցած ելույթում հերքելով իր և ՀԿ(Բ)Կ Կենտկոմի հասցեին հնչած խիստ քննադատությունը և ծանր մեղադրանքները, որ վերջիններս Ղարաբաղի հարցում չդրսևորեցին վճռականություն և ավելի հաստատական չպնդեցին երկրամասը Խորհրդային Հայաստանին միացնելու հարցում, Ալ. Մյասնիկյանը, կարծես արդարանալով, հուշում է միայն, որ Կովկասյան բյուրոյի այլևնումի նիստը հիշեցնում էր Անդրկովկասի հանրապետությունների նախկին ղեկավարների պայքարը. «Այսպես՝ Ադրբեջանն ասում էր՝ եթե Հայաստանը պահանջի Ղարաբաղը, ապա մենք նավթ չենք մատակարարի»:<sup>277</sup> Սակայն պետք է ենթադրել, որ անդրկովկասյան բանակցություններում Նարիմանովի կողմից որպես որոշիչ կռվան առաջ է քաշվել ոչ միայն ադրբեջանական նավթի՝ այլև «թուրքական գործունը»:

Այսպիսով՝ «թուրք-ադրբեջանական ճնշումը Խորհրդային Ռուսաստանի վրա, - իրավացիորեն նկատում է ակադեմիկոս Հ. Ավետիսյանը, - կրում էր մեթոդական և հետևողական բնույթ»:<sup>278</sup> Իսկ բուլշևիկյան առաջնորդների համար որոշիչը ոչ թե հայ ժողովրդի արդար պահանջատիրությունն էր, այլ Բարձվի նավթը և քեմալական Թուրքիայի բարեհաճ տրամադրվածությունը, համաշխարհային հեղափոխության շահերը:

Ինչևէ, ՌԿ(Բ)Կ Կովկասյան բյուրոյի այլևնումի հուլիսի 5-ի ոչ օրինական որոշումով խախտվեց միջսիզային իրավունքի հիմնարար՝ ազգերի ինքնորոշման իրավունքի սկզբունքը, ոտնահարվեցին Ղարա-

<sup>277</sup> ՀԱԱ, ֆ. 1, ց. 2, գ. 2, քթ. 13, 23:

<sup>278</sup> Ավետիսյան Հ.Ա., նշվ. աշխ., էջ 355:

բաղի հայ բնակչության իրավունքները, անտեսվեցին Խորհրդային Հայաստանի շահերը: Ահա թե ինչու, ՀԿ(Բ)Կ Կենտկոմը 1921 թ. հուլիսի 16-ին միանգամայն սխալ և անբավարար ճանաչեց Ղարաբաղի հարցի վերաբերյալ Կովկասյան բյուրոյի պլենումի հուլիսի 5-ի որոշումը:<sup>279</sup>

ՌԿ(Բ)Կ Կովկասյան բյուրոյի պլենումի հուլիսի 7-ի նիստում իր իրավաբարական հանգուցալուծումը ստացավ նաև Լոռու չեզոք գոտու, ինչպես նաև Ախալքալաքի և Խրամի (Ճալկայի) «վիճելի» շրջանների՝ Հայաստանին կամ Վրաստանին միացնելու խնդիրը: Թե՛ծ քննարկումներից հետո քվեարկության արդյունքում, ձայների վեց կողմ, մեկ ձեռնպահ հարաբերակցությամբ որոշվեց Լոռու չեզոք գոտին միացնել Հայաստանին, իսկ Ախալքալաքի և Խրամի շրջանների հարցը փոխանցել Վրաստանի կոմկուսի Կենտկոմի քննարկմանը:<sup>280</sup> Վերջինս հուլիսի 16-ին հաստատեց Լոռու չեզոք գոտու մասին Կովկասյան բյուրոյի որոշումը, ինչ վերաբերում է Ախալքալաքի և Խրամի շրջաններին, ապա, նկատի ունենալով այդ շրջանների՝ Թիֆլիսի հետ «ինչպես քաղաքական, այնպես էլ տնտեսական կապվածության նկատառումները», Կենտկոմն անընդունելի համարեց դրանց զիջումը Հայաստանին:<sup>281</sup>

Հայ-վրացական սահմանի մասին վերջնական համաձայնագիրը ստորագրվեց 1921 թ. նոյեմբերի 6-ին Թիֆլիսում: ՀԱՍՀ Ժողկոմխորհի նախագահ Ալ. Մյասնիկյանի և Վրաստանի հեղկոմի նախագահ Պ. Միլիվանու կողմից ստորագրված այդ փաստաթղթով Լոռու չեզոք գոտին, բացառությամբ հայաբնակ սահմանամերձ որոշ գյուղերի (Աղ-Ջյորփի, Օփրեթ, Խոժոռնի, Բրդածոր, Սաղախլո և այլն), մնաց Խորհրդային Հայաստանի, իսկ Ախալքալաքի և Խրամի շրջանները՝ Վրաստանի կազմում:<sup>282</sup>

Ղարաբաղը Խորհրդային Ադրբեջանի կազմում թողնելու Կովկասյան բյուրոյի պլենումի հուլիսի 5-ի ոչ օրինական որոշումից հետո Ադրբեջանի ղեկավարությունը ջանք ու եռանդ չէր խնայում՝ ստանալու արցախահայության համաձայնությունը՝ Ադրբեջանի գերիշխանությունը ճանաչելու հարցում: Այդ նպատակին հասնելու համար ադրբե-

<sup>279</sup> ՀԱԱ, ֆ. 1, ց. 1, գ. 39, ք. 18:

<sup>280</sup> Տե՛ս նույն տեղում, գ. 47, ք. 8:

<sup>281</sup> ՀԱԱ, հավաքածու 1, գ. 7, քք. 43-45:

<sup>282</sup> ՀԱԱ, ֆ. 113, ց. 3, գ. 116, ք. 29: Տե՛ս նաև նույն տեղում, գ. 55, քք. 3, 10: Խնդրի վերաբերյալ մանրամասն տե՛ս նաև Մելքոնյան Ա., Չավախքը 19-րդ դարում և 20-րդ դարի առաջին քառորդին, էջ 337-347:

ջանական իշխանությունները Լեռնային Ղարաբաղի տարբեր շրջաններում լայն քարոզարշավ անցկացրեցին, սակայն ամենուրեք հանդիպեցին «սատր դիմադրության»։ Բարվի ջանքերով Ստեփանակերտում հրավիրված շրջանի գործադիր կոմիտեների ներկայացուցիչների 1921 թ. հուլիսի 28-ի համագումարի աշխատանքների մասին Ղարաբաղից Երևան ուղարկված գաղտնի զեկուցագրերից մեկում նշվում է. «Դրությունն օրհասական է, խնդրում ենք միջոցներ ձեռնարկել՝ Լեռնային Ղարաբաղը Խորհրդային Հայաստանին միացնելու համար»։<sup>283</sup> Այդպիսին էր Ղարաբաղի ողջ հայ բնակչության միահամուռ ցանկությունը, սակայն դրա հետ ոչ ոք հաշվի չէր նստում։

Այնուհանդերձ, արցախահայության և Խորհրդային Հայաստանի ղեկավարության հաստատական և հետևողական ջանքերի շնորհիվ երկու տարվա համառ դիմադրությունից հետո Խորհրդային Ադրբեջանի իշխանությունները ստիպված էին նահանջել և 1923 թ. հուլիսի 7-ի որոշումով Լեռնային Ղարաբաղին տրամադրել ինքնավար մարզի կարգավիճակ։<sup>284</sup> Դրա շնորհիվ էր նաև, որ արցախահայությունը Խորհրդային տարիներին միասնաբար դիմակայեց Ադրբեջանի սադրանքներին և ազգային խտրականության քաղաքականությանը, Արցախը չհայաթափվեց։

### ***3. Հայկական հարցը խորհրդա-բուրքական հարաբերությունների ոլորտում: Մոսկվայի ու Կարսի կոնֆերանսները***

Ռուսաստանի և Հայաստանի խորհրդային իշխանությունների նկատմամբ հայ ժողովրդի վերաբերմունքը և վստահության հարցը կապված էր ՀՍԽՀ սահմանների հարցի արդարացի լուծման հետ։ Բ. Բորյանը իրավացիորեն և դիպուկ նկատում է, որ «Խորհրդային Հայաստանը, առավել քան մյուս ազգային խորհրդային հանրապետությունները, շահագրգռված էր Խորհրդային Ռուսաստանի ճիշտ քաղաքականության անցկացման մեջ Արևելքում, որովհետև մեծ տերությունների արևելյան քաղաքականությունը հանգևորել էր հայ ժողովրդի կեանքնազնմանը...»։<sup>285</sup>

<sup>283</sup> ՀԱՍ, ֆ. 113, ց. 3, գ. 7, քր. 41-42:

<sup>284</sup> Нагорный Карабах в 1918-1923 гг., с. 669-670.

<sup>285</sup> Борьян Б., Армения, международная дипломатия и СССР, часть II, М.-Л., 1929, с. 149.

Հայաստանի խորհրդայնացումով տարածաշրջանում ստեղծված քաղաքական նոր իրադրությունը ստիպում էր Մոսկվային ճշգրտումներ է մտցնել խորհրդային արևելյան քաղաքականության մեջ: 1920 թ. դեկտեմբերի 3-ին ՌԿ(բ)Կ Կենտկոմի քաղբյուրո ուղղված զեկուցագրում ՌՍՖՍՀ կառավարության արտոգործողն Ղ. Չիչերինը հուշում է, որ «Եթե մենք դիվանագիտական աջակցություն ցույց չտանք Խորհրդային Հայաստանին, ապա դա ամենուրեք կհիասթափեցնի խորհրդային իշխանության կողմնակիցներին»: Չիչերինը անհրաժեշտ է համարում «չափավորել թուրքերի սլահանցները Հայաստանի նկատմամբ» և շարունակել պնդել Արևմտահայաստանի որոշ մասի անկախության համար: Սակայն նա միաժամանակ շեշտում է, որ «Չա չպետք է փորձաքար հանդիսանա թուրքերի հետ մեր բարեկամական հարաբերությունների համար»:<sup>286</sup>

Չիչերինի զեկուցագիրը քննարկվում է Կենտկոմի քաղբյուրոյի ղեկավարների 4-ի նիստին, զեկուցագրի հիման վրա մշակված, և Ստալինի կողմից առաջարկված «թուրքական հարցի մասին» բանաձևի նախագծի վերաբերյալ լրացման մեջ Լենինը գրում է. «Չհավատարք քեմալականներին, նրանց զենք չտրամադրեք, բոլոր ջանքերն ուղղեք թուրքերի շրջանում խորհրդային ազիտացիա անցկացնելու, ամուր հիմքերի վրա հիմնված և սեփական ուժերով հաղթանակի հասնելու ունակ խորհրդային կուսակցություն ստեղծելուն»:<sup>287</sup>

Այսպիսով, Թուրքիան և «ամբողջ Արևելքը» խորհրդայնացնելու բուլշևիկյան ծրագրերը դեռևս շարունակում էին օրակարգում մնալ, թեև դրանց մասին չէր բարձրաձայնվում: Այդ ծրագրերի իրականացման գործում որոշակի դեր կարող էր ունենալ նաև Խորհրդային Հայաստանը: Պատահական չէ, որ արդեն 1920 թ. դեկտեմբերի 20-ին ՀՄՍՀ արտոգործողնմատի պատասխանատու աշխատակից Մ. Պետրոսյանի կողմից պատրասված «Խորհրդային Հայաստանի Արևելքի քաղաքականության մասին» զեկուցման մեջ նշվում է, որ խորհրդային հռչակվելուց հետո Հայաստանը, «իբրև դաշնակից Ռուսաստանի ընկերային հեղափոխության մեծ շարժման, պիտի կատարի իր կողմից ավանգարդի դերը հետամնաց Արևելքի մեջ, տարածելու համար հեղափոխական սերմերը տառապող աշխատավոր ժողովուրդների մեջ և ստեղծելու Արևելյան ազգերի մի նոր ֆեդերացիա, որը Անդրկովկասյան ֆեդերացիայի հետ միասին պիտի կապվի հեղա-

<sup>286</sup> ՀԱԱ, հավաքածու 1, գ. 7, ք. 21:

<sup>287</sup> Ленин В.И., Неизвестные документы. 1891-1922 гг., с. 404.

փոխական Ռուսաստանին»: Այնուհետև հուշելով, որ «Հայաստանը պետք է դառնա միջնորդը Ռուսաստանի արևելյան քաղաքականության», Պետրոսյանը նշում է, որ այդ խնդիրները իրականացնելու համար ՀՄԽՀ արտգործժողկոմատի համակարգում պետք է ստեղծել «Արևելքի բաժին», որը կհամագործակցի Խորհրդային Ռուսաստանի և Ադրբեջանի արտգործժողկոմատների համապատասխան բաժինների հետ:

Չեկուցագրի մի ամբողջ բաժին Պետրոսյանը նվիրում է քուրբական քեմային: «Ինչպես ենթարկել Թուրքիան սովետիզացիայի» վերնագրից կրող այդ բաժինը սկսվում է «Թուրքիայի մեջ բանվորագյուղացիական հեղափոխություն առաջ քերելը ամենադժվարին գործն է» հեղինակի մտքով: Պետրոսյանն այնուհետև մասնավորապես հուշում է, որ առաջին հերթին հարկավոր է Թուրքիան ուղղել խորհրդային գործակալներով (գերադասելի են ռուսաստանցի և ադրբեջանցի քուրբ մտավորականները), որոնք այնտեղ պետք է հիմնեն գաղտնի կազմակերպություններ և հեղափոխություն տարածեն քուրբերի մեջ, իսկ գաղտնի այդ կազմակերպությունների «ընդհանուր ղեկավարությունը պետք է լինի Հայաստանի մեջ»:<sup>288</sup>

Ահա քե ինչպիսի դերի, ըստ Մ. Պետրոսյանի, պետք է հավակներ Խորհրդային Հայաստանը Ռուսաստանի արևելյան քաղաքակաւնության համատեքստում: Սակայն, ինչպես ցույց տվեցին իրադարձությունների հետագա զարգացումները, Թուրքիան խորհրդային ուղեծրում պահելու համար Հայաստանից ոչ քե դա էր պահանջվելու, այլ «տարածքային առավելագույնս զոհաբերություններ»:

Հայաստանի խորհրդայնացումով դարձյալ առաջին պլան մղվեց խորհրդաթուրքական նոր կոնֆերանս հրավիրելու հարցը: Հայթուրքական սահմանի որոշման հարցը Ռուսաստանի իշխանությունները շարունակում էին կապել խորհրդաքեմալական հակաիմպերիալիստական դաշինք ստեղծելու խնդրի հետ, որը կազմում էր բոլշևիկների արևելյան քաղաքականության առանցքը: Միևնույն ժամանակ, Խորհրդային Ռուսաստանի իշխանությունների համար արդեն ակնառու էին դարձել քեմալականների «երկդիմի կեցվածքը», և նրանց զավթողական քաղաքականության միտումները: Այստեղ է որ Խորհրդային Հայաստանի դերը կարևորվում է Ռուսաստանի կողմից, 1921 թ. դեկտեմբերի 5-ին ՌԿ(բ)Կ Կենտկոմի քաղրյուրո ուղղված զեկուցագրում Գ. Չիչերինը հուշում է. «Ես միշտ նշել եմ, որ եքե Թուրքիայի քա-

<sup>288</sup> ՀԱԱ, ֆ.114, ց. 1, գ. 16, քք. 3-5:

դաբականությունը Կովկասում վերածվի գավթողականի՝ Հայաստանը դրա դեմ պատնեշ կդառնա և կպաշտպանի մեզ»:<sup>289</sup>

1920 թ. դեկտեմբերի 9-ին քեմալական կառավարությանը ուղղված հուշագրում ՌՍՖՍՀ կառավարությունը անհրաժեշտ է համարում նախատեսվող կոնֆերանսին Խորհրդային Հայաստանի (ինչպես նաև Ադրբեջանի) ներկայացուցիչների մասնակցությունը և հավաստում, որ «Ռուսաստանի և Թուրքիայի միջև արգելապատնեշ լինելուց՝ Հայաստանը դարձել է բարեկամական օղակ այդ նույն երկրների միջև»:<sup>290</sup> Սակայն, ինչպես արդեն նշել ենք, Հայաստանի նկատմամբ քուրքերի բջնամական վերաբերմունքը խորհրդայնացումից հետո չվերացավ: Քեմալականները դա հիմնավորում էին՝ մատնանշելով ՀՍԽՀ իշխանությունների մեղմ քաղաքականությունը Հ.Յ. Դաշնակցության նկատմամբ, և կառավարությունում Դրոյի ներկայությունը: Քեմալականների նման դիրքորոշումը Գ. Օրջոնիկիձեն անհիմն էր համարում, Չիչերինի հետ դեկտեմբերի 8-ին ունեցած հեռագրազրույցում Օրջոնիկիձեն շեշտում է, որ բոլոր դեպքերում «քուրքերը միևնույնն է՝ խոսելու են անվստահության մասին»: «Իմ կարծիքով, - հուշում է Օրջոնիկիձեն, - քուրքերի իրական ստադրությունն է՝ Հայաստանը բաժանել մեր միջև»:<sup>291</sup>

Հայաստանի խորհրդայնացումով տարածաշրջանում ստեղծված քաղաքական նոր իրավիճակում քուրքական իշխանությունների դիրքորոշումները պարզելու նպատակով Մոսկվան որոշում է դիվանագիտական նոր առաքելություն գործուղել Անկարա: Այն կազմավորվեց ՌԿ(բ)Կ Կենտկոմի Կովկասյան բյուրոյի կողմից, անդամներ նշանակվեցին Թուրքիայի կոմունիստական կուսակցության ներկայացուցիչներ Արիդ Ալիմովը, Սուլեյման Նուրիև, իսկ նախագահ՝ Իսմայիլ Խակկին:<sup>292</sup> Առաքելության կազմն իսկ հուշում է, որ նրա կողմից հավաքվող տեղեկությունները օբյեկտիվ լինել չէին կարող:

1920 թ. դեկտեմբերի սկզբին հանձնախումբը Ալեքսանդրապոլում հանդիպումներ է ունենում և բանակցություններ վարում հայ ժողովրդի դահիճ Կարաբեքիր փաշայի հետ: Հիմնականում նրանից ստացած տեղեկությունների հիման վրա Ի. Խակկին դեկտեմբերի կե-

<sup>289</sup> АВП РФ, ф.04, Секретариат Чичерина, оп. 39, папка 232, д. 52987, л. 66.

<sup>290</sup> ДВП СССР, т. III, Москва, 1959, с. 371-372.

<sup>291</sup> ՀԱԱ, հավաքածու 1, գ. 2, ք. 185:

<sup>292</sup> Ի. Խակկին 1920 թ. սեպտեմբերի սկզբին Բաքվում հրավիրված Արևելյի ժողովուրդների առաջին համագումարի կողմից կազմավորված Քարոզչության և գործողության խորհրդի նախագահության անդամ էր:

սերին Երևանից զեկուցագիր է հղում Բարո՝ Ռ-Կ(բ)Կ Կովկասյան բյուրո: Դրանում Խակկին անհիմն է համարում այն լուրերը, թե իբր քեմալականները նպատակ ունեն ընդհանուր լեզու գտնել Կ. Պոլսի սուլթանական կառավարության և Անտանտի հետ: Նա շեշտում է, որ Հայաստանում Ռուսաստանի ներկայացուցիչ Բ. Լեզրանի կողմից ժամանակին ներկայացված այդ կարծիքը մոլորություն է: Խակկին միաժամանակ հուշում է, որ Հայաստանի սահմանների հարցի լուծման վերաբերյալ վերջինիս տեսակետը (Լեզրանը հանձնախմբին առաջարկել էր թուրքերի հետ հանդիպումներին բարձրացնել Կարսը Հայաստանին քողնելու հարցը - Կ.Խ.) միանգամայն հակասում է մեր ընդհանուր նպատակին: Ձեկուցագրի վերջում Խակկին տեղեկացնում է, որ հանձնախմբի անդամներ Ալիմովը և Նուրին ուղեորվել են Բարո՝ Կովկասյան բյուրոյին ընդարձակ զեկուցագիր ներկայացնելու համար, իսկ ինքը մնալու է Հայեդկոմի տրամադրության տակ, և պետք է քարոզչական և կազմակերպչական աշխատանք վարի Հայաստանի մահմեդական բնակչության շրջանում:<sup>293</sup>

1920 թ. դեկտեմբերի 20-ին Կովկասյան բյուրո ուղղված զեկուցագրում Ալիմովը և Նուրին նշում են հետևյալ եզրահանգումների մասին. քեմալականները պատրաստ են Խորհրդային Ռուսաստանի հետ ձեռք ձեռքի պայքարել միջազգային իմպերիալիզմի դեմ և զերակշռող դեր խաղալ Արևելքի հեղափոխականացման գործում, Խորհրդային Հայաստանի նկատմամբ քեմալականների անփստա-հուրյունը կշարունակվի՝ քանի դեռ դաշնակների հանդեպ չի ծավալվում անողոր պայքար, Կ. Պոլսի կառավարության, Անտանտի և քեմալականների միջև որևէ համաձայնություն չկա: Հանձնախմբի անդամները առանձնակի շեշտում են, որ Կարսի հարցի բարձրացումը կհանգեցնի անցանկալի հետևանքների:<sup>294</sup>

Այսպիսով հանձնախմբը, ինչպես և սպասվում էր, հանդես եկավ քեմալականներին բոլոր միջոցներով սիրաշահելու, օգնելու և պաշտպանելու դիրքորոշմամբ, ինչը մինգամայն տրամաբանական էր. չէ որ նրա բոլոր անդամները թուրքեր էին:

Ընդգծված թուրքամետ դիրքորոշում ունեւր, ինչպես արդեն նշել ենք, նաև քեմալականների մոտ Ռուսաստանի կառավարության ներկայացուցիչ Պ. (Բուրո) Միլիվանին: Նա ջանքեր չէր խնայում՝ Ռուսաստանի բոլշևիկյան իշխանություններին համոզելու, որ քեմալա-

<sup>293</sup> ՀԱԱ, ֆ. 114, ց. 2, գ. 59, ք. 11:

<sup>294</sup> Նոյն տեղում, ց. 1, գ. 16, քք. 64-65:

կանները, և անձամբ Կարաբեքիրը, խորհրդային իշխանության ամենամվիրված քարեկամներն են, միաժամանակ՝ Անտանտի թշնամիները: Կողմնակալ և Հայաստանի շահերի համար վնասակար տեղեկություններ հայտնելով և մոլորության մեջ գցելով Ռուսաստանի իշխանություններին, Մոլիվանին խորհրդ է տալիս խորհրդալուրսբական բանակցություններում չբարձրացնել Կարսի, Վանի, Մուշի, հայկական այլ տարածքների հարցը: Նշենք, որ Մոլիվանին վայելում էր անձամբ Ստալինի մեծ համակրանքը և հովանավորությունը: Երբ 1920 թ. նոյեմբերի կեսերին Խորհրդային Ռուսաստանի կառավարության առջև խնդիր ծառայացավ՝ թե ու՞մ գործուղել քենալականների մոտ որպես Ռուսաստանի ներկայացուցիչ (առկա էին մի քանի թեկնածուներ. Էլիավա, Ստարկ, Մոլիվանի), Ստալինը միանշանակ և վճռականորեն պաշտպանեց Մոլիվանու թեկնածությունը: Մոսկվա՝ Լենինին և Չիչերինին ուղղված հեռագրում նա հուշում է. «Մոլիվանին ծանոթ է մեր քաղաքականությանը (Արևելքում - Կ.Խ.) այնքան, որքան Ստարկը և Էլիավան միասին վերցրած: Չի կարելի դատել Մոլիվանու մասին փտահոություն չներշնչող պաշտոնամուլների կասկածելի գեկույցների հիման վրա»: Վճռական բացառկ հայտնելով «փտահոություն չներշնչող կոմունիստ և ոչ փորձառու քաղաքական գործիչ» Ստարկի թեկնածությանը, Ստալինը դիմում է շանտաժի, նա Լենինին և Չիչերինին զգուշացնում է. ինձ հետ «Չեք անհամաձայնության դեպքում՝ խնդրում են գործել առանց իմ գիտության»:<sup>295</sup>

Ի տարբերություն Մոլիվանու՝ այլ էր Հայաստանում ՌՍԽՖՍՀ կառավարության լիազոր ներկայացուցիչ Բ. Լեգրանի վերաբերմունքը քենալականների նկատմամբ: Դիշտ գնահատելով Արևելքում տեղի ունեցող իրադարձությունները, քենալական շարժման բուն կուրսները, Լեգրանը գտնում էր, որ իրականում՝ քենալականները շարունակում են երխորութեթի գավթողական, պանթութթական քաղաքականությունը Անդրկովկասում: 1920 թ. դեկտեմբերի 22-ին Չիչերինին ուղղված հեռագրում Լեգրանը հուշում է. «Հայաստանում խորհրդային հեղաշրջումը թութթերի քաղաքականության մեջ չառաջացրեց ոչ մի շրջադարձ Հայաստանի անկախության նկատմամբ: Նրանք պսիսպանում են թշնամական դիրթթը... քաթթնում են իրենց սեփական անփտահոությունը Խորհրդային Ռուսաստանի կովկասյան քաղաքակա-

<sup>295</sup> ՀԱԱ, հավաթածու 1, գ. 2, թ. 139:

նուրբան նկատմամբ: Ինձ բվում է, թե թուրքերը մեզ ուզում են մեկուսացնել Արևելքում անմիջական գործունեությունից»:<sup>296</sup>

Նշենք, որ Խորհրդային Ռուսաստանի քաղաքական որոշ շրջանակներում նույնպես առկա էին հակաքեմալական տրամադրությունները: 1920 թ. դեկտեմբերի վերջին Մոսկվայում հրավիրված Համառուսաստանյան խորհուրդների 8-րդ համագումարին խորհրդակցական ձայնով մասնակցող ընդդիմության ներկայացուցիչներ մեռչևի Յ. Դանը և սոցիալիստ-հեղափոխական (ԼսԷՌ) Վոլսկին պահանջեցին խզել Ռուսաստանի հարաբերությունները Թուրքիայի Ազգային մեծ ժողովի կառավարության հետ: Նրանք իրավացիորեն պնդում էին, որ Մուստաֆա Քեմալը երկդիմի քաղաքականություն է վստում Խորհրդային Ռուսաստանի նկատմամբ: Վոլսկու կողմից առաջարկված «Արևելյան քաղաքականության վերաբերյալ սոցիալիստ-հեղափոխականների փոքրամասնության թեզիսներում» նշվում է. «Քեմալ փաշայի գլխավորած շարժումը նպաստում է թուրքական իմպերիալիզմի ծրագրերի իրականացմանը, նրանք ձգտում են անջատել Կովկասը Ռուսաստանից և Կովկասի ժողովուրդներին ենթարկել Թուրքիային»: Էստեռներն անհրաժեշտ են համարում անմիջապես խզել հարաբերությունները Քեմալի հետ»:<sup>297</sup>

Սակայն բոլշևիկյան մենատիրության պայմաններում նման իրատեսական մոտեցումները դատապարտված էին անտեսման՝ համագումարը միաձայն մերժեց դրանք: Փոխարենը՝ համագումարին միաձայն հավանության արժանացան լենինյան արևելյան քաղաքականության հիմունքները: Համագումարի կոմունիստական ֆրակցիայի նիստին եզրափակիչ խոսքում Լենինը շեշտեց, որ հարկավոր է բարեկամական հարաբերություններ հաստատել քեմալականների հետ, և նրանց բազմակողմանի օգնություն տրամադրելով՝ ընդհանուր սլայքար ծավալել միջազգային իմպերիալիզմի դեմ»:<sup>298</sup>

Իսկ թե այդ դեպքում ի՞նչ էր վիճակված հայ ժողովրդին, պարզ է դառնում, երբ ծանոթանում ենք այն մտքերին, որոնք արտահայտեց բոլշևիկների առաջնորդը 1920 թ. դեկտեմբերի 13-ին կրեմլում՝ Հայ-հեղափոխի անդամներ Ս. Տեր-Գաբրիելյանի և Ա. Մոավյանի հետ հանդիպման ժամանակ: Մոսկվայից վերադարձած Մոավյանը դեկտեմբեր-

<sup>296</sup> Տե՛ս Ավետիսյան Հ.Ա., նշվ. աշխ., էջ 353:

<sup>297</sup> Восьмой Всероссийский съезд Советов. Стенографический отчет, Москва, 1921, с. 52.

<sup>298</sup> Լենին Վ.Ի., ԵԼԺ, հ. 42, էջ 154-155:

րի 26-ին Բարսից հաղորդում է ՀՍԽՀ արտոգործողկոմ Ալեքսանդր Բեկզադյանին. Լենինը Կարսը թուրքական քաղաք է համարում, և մեր այն դիտողությամբ, որ եթև արդարացի չկարգավորվեն Հայաստանի տարածքային հարցերը Կոմկուսը կվարկարեկի իրեն հայ ժողովրդի առջև՝ նա պատասխանել է, որ պատրաստ է դրան, և ավելացրել, որ իրենք ժամանակավորապես պարտավորված են հայ աշխատավորների շահերը գոհարեղել համաշխարհային հեղափոխության շահերին:<sup>299</sup>

Համաշխարհային հեղափոխության շահերին պատրաստ էին ծառայեցնել հայ ժողովրդին և Հայաստանը նաև կոմունիստ հայերը: 1920 թ. դեկտեմբերի 23-ին տեղի ունեցած Հայկոմկուսի ընդհանուր ժողովին արտոգործողկոմ Բեկզադյանը Խորհրդային Հայաստանը հռչակեց «համաշխարհային կոմունիստական բանակի գործառնասերից մեկը», որի նպատակն է լինելու՝ Ռուսաստանի և Թուրքիայի հետ միասին Արևելքում պայքարել միջազգային ինպերիալիզմի դեմ, իսկ «մնացյալ ամեն ինչը բխելու է այս ընդհանուր սկզբունքային պլատֆորմից»:<sup>300</sup>

Խորհրդային Ռուսաստանի և Հայաստանի դիվանագիտական համատեղ բոլոր ջանքերը՝ ազդելու քեմալականների վրա, որպեսզի փոխվի նրանց թշնամական վերաբերմունքը Հայաստանի նկատմամբ, որևէ արդյունք չտվեցին: 1921 թ. հունվարի 18-ին Օրջոնիկիձեիս ուղղված հեռագրում Չիչերինը նշում է. «Թուրքերը ոչ միայն աջակցություն ցույց չեն տալիս խորհրդային հանրապետությանը (Հայաստանի - Կ.Խ.), այլև շրջափակում են այն, թալանում, սովի մատնում: Յուրաքանչյուր խորհրդային հանրապետության գործը, մեր գործն է և մենք մեզ հավատարիմ չէինք լինի. եթե անտարբեր դիտեինք Լորայրական խորհրդային հանրապետության հոգևարքը»:<sup>301</sup>

Հայիեղկոմի նախագահ Ս. Կասյանին փետրվարի 6-ին ուղղված հեռագրում Գ. Չիչերինը հավաստիացնում է, որ ՌՍՖՍՀ կառավարությունը «ամենավճռական ձևով կպնդի, որ թուրքական իշ-

<sup>299</sup> Տե՛ս Մարտիան Չ., Երեք դաշնագրեր (Ալեքսանդրապոլի, Մոսկվայի և Կարսի դաշնագրերը, 1920-1921 թթ.) Բեյրութ, 1979, էջ 95 (Հեղինակը հենվում է հետևյալ արխիվային փաստաթղթի վրա՝ F.O. 371/6266 E 2303, և նշում, որ Մոսկվանի և Բեկզադյանի «վասակցությունն ըստ Լուրյան լրատված է Անդրկովկասի մեջ բրիտանական ներկայացուցչի՝ գեղապետի տեղակալ Մորսի միջոցով և 1921 թ. փետրվարի 2-ին Լոնդոնի Ֆորեյն Օֆիս... «գաղտնի» մուկագրությամբ փոխանցված»):

<sup>300</sup> Բեկզադյան Ալ., Նամակներ, հոդվածներ. փաստաթղթեր, Եր., 1981, էջ 84:

<sup>301</sup> ДВП СССР, т. III, с. 479.

խանությունները փոխեն իրենց վերաբերմունքը Հայաստանի... նկատմամբ»:<sup>302</sup> Սակայն դրանք միայն սին խոսքեր էին, քուրթական զորքերը շարունակում էին ավերել Հայաստանի զինագրաված շրջանները, կոտորել տեղի բնակչությանը, մինչդեռ հայ ժողովուրդը համոզված էր, որ խորհրդայնացումից հետո քուրթերը կհեռանան Հայաստանից: Դրանում համոզված էին նաև արևմտահայ մի խումբ գաղթականները, նրանց դիմումում Մոսկվա՝ Լենինին, Ստալինին, Կարալսանին և Տեր-Գաբրիելյանին, նշվում է. «Մենք հավատում էինք, որ Հայաստանում խորհրդային իշխանության հաստատման փաստն իսկ սրափեցնող ներգործություն կունենան Քեմալի վրա», սակայն նա շարունակում է ավերել նաև Խորհրդային Հայաստանը, իսկ նրա իշխանություններին հաշվի չի առնում և արհամարում է: Գաղթականները հույս են հայտնում, որ Խորհրդային Ռուսաստանը «վճռական քայլերի կոլիմի, խեղճի կրեթի Քեմալին և կփրկի Խորհրդային Հայաստանը հետագա ավերումից»:<sup>303</sup>

Նույն հույսեր էին կապում Խորհրդային Ռուսաստանի հետ նաև ՀՄԽՀ իշխանությունները: Ռուսաստանում Հայաստանի ներկայացուցիչ Տեր-Գաբրիելյանը վերջիններիս փտառհեցնում էր, որ Ստալինը և հեղինակավոր ու ազդեցիկ կուսակցական այլ գործիչները զգալիորեն փոխել են իրենց բարյացակամ վերաբերմունքը քեմալականների նկատմամբ: 1921 թ. հունվարի 15-ին ՀԿ(Բ)Կ Կենտկոմ ուղղված նամակում նշելով այդ մասին, Սահակ Տեր-Գաբրիելյանը հույս է հայտնում, որ Լենինի, Կրեատինսկու, Ստալինի և այլոց հետ իր հանդիպումները չեն մնա անարդյունք և կնպաստեն Հայաստանի սահմանների հարցի արդարացի լուծմանը:<sup>304</sup> Հայիեղկոմի նախագահ Ս. Կասյանին հունվարի 16-ին ուղղված հերթական հեռագրում Տեր-Գաբրիելյանը դարձյալ «փստահաբար» շեշտում է. «Մոսկվայում քուրթերի նկատմամբ վերաբերմունքը Չեր օգտին է»:<sup>305</sup>

\* \* \*

Խորհրդարությունը կոնֆերանսին նշանակված հայկական պատվիրակությունը Ալ. Բեկզադյանի գլխավորությամբ հունվարի երկրորդ կեսին ուղևորվում է Մոսկվա (Բեկզադյանը հունվարի 15-ին

<sup>302</sup> ДВП СССР, т. III, с. 508.

<sup>303</sup> ՀԱԱ, ֆ. 114, ց. 2, գ. 35, ք. 34:

<sup>304</sup> Նույն տեղում, ֆ. 4049, ց. 1, գ. 7, քք. 3-4:

<sup>305</sup> Նույն տեղում, ֆ. 114, ց. 1, գ. 9, ք. 15:

ստացել էր Գ. Չիչերինի հեռագիրը՝ Մոսկվա մեկնելու անհրաժեշտության մասին): Տեղ հասնելուն պես, հայկական պատվիրակությունը Ռուսաստանի արտգործոժողկոմատ է ներկայացնում փաստաթղթերի, քարտեզների, փաստագրական այլ նյութերի մեծ փաթեթ՝ «Հայկական պատվիրակության 1921 թ. փետրվարի 2-ի տեղեկատու գեկուցումը ռուս-թուրքական կոնֆերանսի համար» վերնագրով: Չեկուցման «Հայաստանը մինչև վերջին հայ-թուրքական պատերազմի սկիզբը» բաժնում բացահայտվում է հայկական մի շարք տարածքների (Վարս, Արդահան, Բայազետ, Ալեքսանդրապոլ, Սուրմալու, Նախիջևան, Շարուր-Դարալագյազ և այլն) ինչպես ռազմավարական, այնպես էլ սոցիալ-տնտեսական նշանակությունը. շեշտվում է, որ նշված տարածքները հարկավոր է ընդգրկել Խորհրդային Հայաստանի կազմում: «(Թուրքիայի հետ սահմանների տարբերակներ» բաժնում առաջարկվում է հնարավոր չորսը տարբերակ:<sup>306</sup> Փաստաթղթերին ծանոթանալուց հետո ակնհայտ է դառնում, որ հայկական կողմի կարծիքով ՀՍԽՀ սահմաններում պետք է լինեին 1920 թ. թուրք-հայկական պատերազմի նախօրյակի դրությամբ Հայաստանի Հանրապետությանը պատկանող տարածքները:

Առաջ անցնելով նշենք, որ հայկական պատվիրակության գեկուցագիրը ռուս-թուրքական կոնֆերանսին չներկայացվեց: Ավելին՝ ՌՍՖՍՀ արտագործոժողկոմի տեղակալ Լևոն Կարախանը կոնֆերանսի բացման նախօրյակին Բեկզադյանից վերցնում է բոլոր փաստաթղթերը՝ պայմանով, ծանոթանալ դրանց և վերադարձնել հաջորդ օրը: Սակայն, ինչպես տեղեկանում ենք Բեկզադյանի 1921 թ. ապրիլի 6-ի դիմումից Կարախանին, վերջինս չէր շտապում վերադարձնել փաստաթղթերը: Դիմումում Կարախանին հուշելով, որ «Մինչ օրս՝ քեւ մեկ ամսից ավելի ժամանակ է անցել եւ փաստաթղթերը ետ չեն ստացել», Բեկզադյանը նրանից պահանջում է անհապաղ վերադարձնել դրանք:<sup>307</sup> Բանի որ ռուս-թուրքական պայմանագիրը վաղուց արդեն ստորագրվել էր և հայկական պատվիրակության «Չեկուցագիրը» այլևս որևէ դեր խաղալ չէր կարող, Կարախանը ապրիլի կեսերին վերադարձնում է փաստաթղթերը Բեկզադյանին:

Եթե Հայաստանի խորհրդայնացումից հետո Ռուսաստանի կառավարությունը բազմիցս շեշտում էր խորհրդաթուրքական կոնֆերանսը հնարավորինս շուտ հրավիրելու անհրաժեշտության մասին և

<sup>306</sup> ՀԱԱ, ֆ. 114, ց. 2, գ. 68, քք. 1-23:

<sup>307</sup> Նույն տեղում, ֆ. 114, ց. 1, գ. 85, ք. 8:

մտահոգված էր, որ քեմալականները յուրաքանչյուր պահի կարող են «նետվել Անտանտի զիրկը», ապա թուրքերն առանձնապես չէին շտապում: Չգտելով ժամանակ շահել, և հետևել իրադարձությունների զարգացմանը, քեմալականները միաժամանակ քայլեր էին ձեռնարկում, որպեսզի մինչև կոնֆերանսի պաշտոնական բացումը Ռուսաստանի իշխանություններից անհրաժեշտ երաշխիքներ ստանան՝ հայկական հարցը իրենց օգտին լուծելու վերաբերյալ: Խորհրդաթուրքական կոնֆերանսին նշանակված թուրքական պատվիրակությունը (նախագահ՝ քեմալական կառավարության ժողտնտեսության ժողկոմ Յուսուֆ Բենալ) Մոսկվա ուղևորվելու ճանապարհին 1921 թ. հունվարին Կարսում նախնական բանակցություններ է վարում Խորհրդային Ռուսաստանի ներկայացուցիչ Բուրու Մդիվանու հետ: Քեմալական կառավարության արտգործնախարարի պաշտոնակատար Ահմեդ Մուխսարի կողմից 1921 թ. հունվարի 30-ին Գ. Չիչերինին ուղղված հուշագրից երևում է, որ բանակցություններում թուրքերը որոշակի հաջողությունների էին հասել: Մուխսարը նշում է. «Ձեր ներկայացուցիչը (Մդիվանին - Կ.Խ.) ՌՍՖՍՀ-ի անունից պաշտոնապես հաստատել է, որ Թուրքիայի կողմից Հայաստանին տարածքային զիջումների մասին խոսք լինել չի կարող... Ուստի այլևս որևէ լուրջ խոչընդոտներ չկան, որպեսզի կարողանան դժվարացնել մոսկովյան բանակցությունները».<sup>308</sup>

Իր հերթին, թուրքերի հետ բանակցությունների ավարտից հետո Մդիվանին հունվարի 20-ին Կարսից Օրջոնիկիձե՛եին ուղարկած նամակում հուշում է. «Ճիշտ է, որ մենք պետք է հոգանք Խորհրդային Հայաստանի մասին, բայց պակաս ճիշտ չէ նաև այն, որ թուրքերին էլ պետք է սիրաշահենք, և ներկա պահին գործի այդ կողմն առավել կարևոր է»: Մդիվանին մտահոգություն է հայտնում, որ Մոսկվայում հարցի վերաբերյալ սուկա են հակադիր տեսակետներ՝ եթե «Ստալինը և Լենինը ինձ հուշում են, - գրում է նա, - որ Կարսի համար թուրքերի հետ վիճել չի կարելի, ապա Չիչերինը, պարզվում է, պահանջել է Վանը և Մուշը».<sup>309</sup> Չիչերինի կողմից թուրքերին ներկայացված այս պահանջի մասին հայտնի է դառնում նաև Ստալինին, որը շտապում է իր մտահոգությունները կիսել Վ. Լենինի հետ: «Ընկեր Լենին, ես միայն երեկ տեղեկացա, - փետրվարի 12-ին վերջինիս ուղղված նամակում

<sup>308</sup> ДВП СССР, т. III, с. 469.

<sup>309</sup> St'u Зорбян Э., Территориально-разграничительные вопросы на второй Московской русско-турецкой конференции (февраль-март 1921 г.) «Լարեր հասարակական գիտությունների», Նրևան, 1989, քիվ 2, էջ 15:

գրում է Ստալինը, - որ Չիչերինը, իսկապես, ինչ որ ժամանակ թուրքերին ուղարկել է հիմար (և սաղրիչ) պահանջ՝ Հայաստանի օգտին Վանը, Մուշը և Բիթլիսը (թուրքերի իսկայական գերակշռությամբ թուրքական շրջանները) մաքրելու մասին: Հայկական իմպերիալիստական այդ պահանջը չի կարող լինել մեր պահանջը: Պետք է արգելել Չիչերինին հայերի ազգայնական տրամադրությամբ հուշագրեր ուղարկել թուրքերին»:<sup>310</sup>

Կոնֆերանսի նախօրյակին ընդգծված հակահայկական բովանդակությամբ դիմումներ է հղում Վ. Լենինին նաև Խորհրդային Ադրբեջանի ղեկավարությունը, հանձին հեղկոմի նախագահ Ն. Նարիմանովի: Նշենք, որ խորհրդաթուրքական կոնֆերանսին նշանակված թուրքական պատվիրակությունը ղեպի Մոսկվա ճանապարհին, Կարսից ժամանեց Բարու և այստեղ բազմաթիվ հանդիպումներ ունեցավ Ադրբեջանի ղեկավարության հետ: Դրանց արդյունքում մշակվեցին թուրք-ադրբեջանական համատեղ գործողությունների ծրագրեր՝ Հայկական հարցում Մոսկվայի վրա ճնշումներ գործադրելու նպատակով:

Ծրագրի մասն էր կազմում փետրվարի կեսերին Լենինին հասցեագրված Նարիմանովի նամակը: Լենինը նամակին ծանոթանում է փետրվարի 19-ին և նրանում Նարիմանովի կողմից արծարծված առավել կարևոր հարցերի տակ ընդգծումներ է կատարում: Նարիմանովը մասնավորապես հուշում է Լենինին, որ խորհրդաթուրքական ապագա բանակցություններին «թուրքերի համար ամենամուրբ հարցը հայկականն է: Այդ հարցում նրանք առավելագույն եռանդ են հանդես բերել, որպեսզի այն իրենց օգտին լուծվի»: Ադրբեջանի հեղկոմի նախագահը շեշտը դնում է նրա վրա, որ «եթե Հայկական հարցի պատճառով (այստեղ և այնուհետև ընդգծված է Լենինի կողմից - Կ.Խ.) Մոսկվան իրենից հրի անկարացիներին (քեմալականներին - Կ.Խ.), ապա նրանք, հուսալքված, կարող են նետվել Անգլիայի զլրկը»: Նարիմանովը Լենինին «նախազգուշացնում է», որ «Չիչերինը շփոթում է Արևելյան հարցը, *նա չափազանց շատ է հրապուրվում Հայկական հարցով*, և հաշվի չի առնում այն ամենը, ինչը կարող է պատահել, եթե անկարացիների հետ խզումը տեղի ունենա հենց Հայկական հարցի պատճառով»: Նամակի վերջում Նարիմանովը հուշում է, որ «Եթե ցանկանում ենք Ադրբեջանը մեր ձեռքին պահել, ապա պետք է *ինչ զնով ուզում է լինի անկարացիների հետ ամուր դաշինք կնքել*», ինչը «մեզ կրերի մուսուլմա-

<sup>310</sup> Տե՛ս նույն աւելում:

նական ամբողջ Արևելքը»:<sup>311</sup> Պարզ է, որ Լենինի ընդգծումները նշանակում էին, որ նա չափազանց կարևոր նշանակություն էր տալիս այդ հարցերին, և հիմնականում համաձայն էր Նարիմանովի եզրահանգումների հետ:

Հայաստանում խորհրդային իշխանության տապալման լուրը ստանալուց անմիջապես հետո 1921 թ. փետրվարի 21-ին Նարիմանովը շտապում է հերթական նամակը ուղղել Լենինին: Նրանում մեկ անգամ ևս Նարիմանովը նախազգուշացնում է, որ «Հայկական հարցը բուրբական պատվիրակության հետ բանակցություններում չպետք է դեր խաղա»:<sup>312</sup>

Իր հերթին բուրբական պատվիրակությունը, որը Բաքվից արդեն ժամանել էր Մոսկվա, նույնպես ժամանակն անիմաստ չէր վատնում, 1921 թ. փետրվարի 23-ին բուրբերը հանդիպում են Ստալինի հետ: Հանդիպման մասնաձևներին տեղեկանում ենք բուրբական պատվիրակության անդամ, Ռուսաստանում Թուրքիայի կառավարության առաջին դեսպան Ալի Ֆուադ փաշայի (Ջերեսոյ) «Մոսկովյան հիշողություններ» մենագրությունից: Ըստ Ջերեսոյի՝ իրենց կողմից Ստալինին ներկայացված այն մտավայտությանը, որ հայկական հարցը կարող է մտնել խորհրդային-բուրբական կոնֆերանսի օրակարգ և բացասական ազդեցություն ունենալ ռուս-բուրբական հարաբերությունների վրա, Ստալինը պատասխանել է. «Դուք հայկական հարցը լուծել եք ինքնուրույն: Եթե դեռևս մնացել են չլուծված հարցեր՝ վճռեք մինչև վերջ»:<sup>313</sup>

Ի. Ստալինի, Ն. Նարիմանովի, Պ. Միլվանու ընդգծված հակահայկան դիմումները, նրանց կողմից Գ. Չիչերինի դեմ ուղղված մեղադրանքներն ի վերջո տվեցին իրենց բացասական արդյունքները: Եթե 1920 թ. հուլիս-օգոստոս ամիսներին տեղի ունեցած ռուս-բուրբական առաջին կոնֆերանսին Չիչերինի ջանքերով քեմալականների նկրտումները հայկական տարածքների նկատմամբ մերժվեցին, իսկ ռուս-բուրբական պայմանագրի կնքումն էլ հետաձգվեց, ապա 1921 թ. զարմանք ՌՍՖՍՀ արտգործողկոմը այլևս անկարող էր կանխել հայկական հարցի ոչ արդարացի լուծումը:

Այսպիսով, ռուս-բուրբական երկրորդ կոնֆերանսի նախօրեին ինչպես քեմալականների և Խորհրդային Ադրբեյջանի, այնպես էլ

<sup>311</sup> Нагорный Карабах в 1918-1923 гг., с. 614-616.

<sup>312</sup> Նույն տեղում, էջ 617:

<sup>313</sup> Տե՛ս Հայոց պատմություն (մյուսերի ժողովածու, 1900-1939 թթ.), էջ 202:

առանձին բուշկիկ գործիչների հակահայկական քարոզարշավը բավականին արդյունավետ էր: Սակայն դա վճռորոշ դեր ունենալ չէր կարող, եթե չլիներ ՌԿ(Բ)Կ Կենտկոմի և, հատկապես, Վ. Լենինի և Լ. Տրոցկու՝ Հայկական հարցի նկատմամբ նույն, ոչ հայանպաստ դիրքորոշումը: Հատկանշական է, որ 1921 թ. փետրվարի 26-ին (Մոսկվայի ռուս-թուրքական երկրորդ կոնֆերանսի բացման օրը) Լենինը անձամբ ընդունեց թուրքական պատվիրակությանը և երկարատև առանձնագրույց ունեցավ նրա հետ:<sup>314</sup>

Պետք է ենթադրել, որ հենց այս բանակցությունների արդյունքում հարթվեցին խորհրդա-քեմալական վիճահարույց հարցերի մեծ մասը, նաև այն, որ կոնֆերանսը հայտարարվեց ոչ թե քառակողմ, ինչպես նախատեսված էր, այլ երկկողմ՝ ռուս-թուրքական: Թուրքական պատվիրակության համառ ջանքերի շնորհիվ էր, որ հայկական պատվիրակությունը չմասնակցեց կոնֆերանսին: Ինչպես դրա, այնպես էլ կոնֆերանսում հայկական շահերի անտեսման իրական պատճառներն ակնհայտ են դառնում, երբ ծանոթանում ենք Ալ. Բեկզադյանի կողմից 1921 թ. մարտի 18-ին Մոսկվայից Հայիեդկոմին ուղղված նամակի բովանդակությանը: Հայկական պատվիրակության նախագահը նրանում մասնավորապես նշում է, որ «Երևանի հեղաշրջումը (նկատի ունի 1921 թ. փետրվարյան ապստամբությունը Հայաստանում - Կ.Խ.) միայն որոշ անհարմար վիճակի մեջ գցեց հայկական պատվիրակությանը: Իսկ ամենագլխավորն այն է, որ Մոսկվա մենք հասանք ոչ բարենպաստ պահի, որպեսզի հույս ունենայինք, որ կարժանանանք կենտրոնի հետաքրքրությանը և ուշադրությանը Հայաստանի դրության ու գործերի նկատմամբ»: Բեկզադյանը դա բացատրում է Խորհրդային Ռուսաստանի թե ներքին, և թե արտաքին ծանր դրությամբ. պարենային և վառելիքային սուր ճգնաժամ, հակախորհրդային բազմաթիվ ապստամբությունների օջախների առաջացում ամբողջ Ռուսաստանով մեկ, ՌԿ(Բ)Կ 10-րդ համագումարի տենդագին նախապատրաստում, և այս ամենին գումարած՝ Լոնդոնի միջազգային կոնֆերանսը, որը սպառնում է ներգրավել Թուրքիան հակախորհրդային ճամբարում: Միաժամանակ հուշելով, որ ստեղծված իրավիճակը միանգամայն բարենպաստ է թուրքական պատվիրակության համար, որն առավելագույն տարածքային պահանջներ է ներկայացրել ռուսական պատվիրակությանը, Բեկզադյանը ցավով կանխատեսում է.

<sup>314</sup> St'u Хейфец А.Н., Советская дипломатия и народы Востока, 1921-1927, Москва, 1968, с.107: St'u նաև Չոխրարյան Է., նշվ. աշխ., ԼՀԳ, Եր., 1989, քիվ 2, էջ 3:

«Չնայած մեր ստամաների կրճտոցին, մեր հասարակությունը (նկատի ունի ՌՍՖՍՀ ամենաբարձր ղեկավարությունը - Կ.Ն.) կզնա զիջումների՝ (ի հաշիվ Հայաստանի)», և դրանց գնով քեմալականներին կպահի իր ազդեցության ոլորտում: Բեկզադյանը նշում է նաև, որ Թուրքիայի հետ պայմանագիրը ստորագրելուց հետո, Ռուսաստանը «մեզ և ադրբեջանցիներին կառաջարկի այս կամ այն ձևով մասնակից դառնալ այդ ակտին»:<sup>315</sup>

Հետաքրքիր է, որ գտնվելով Մոսկվայում հայկական պատվիրակության նախագահը գրեթե անտեղյակ էր կոնֆերանսի աշխատանքների ընթացքից, և մարտի 18-ին դեռ չգիտեր, որ ռուս-թուրքական պայմանագիրն արդեն իսկ պատրաստ է, իսկ իր կանխատեսումները՝ իրականություն են դարձել: Եվ դա այն դեպքում, երբ Խորհրդային Ադրբեջանի ներկայացուցիչ Բ. Շախբախինսկին ոչ միայն լավատեղյակ էր կոնֆերանսի աշխատանքներին, այլև սահմանային տարանջատման խնդիրների վերաբերյալ ոչ պաշտոնական բանակցություններ էր վարում թուրքական պատվիրակության հետ:

Ռուս-թուրքական կոնֆերանսն անցնում էր բավականին լարված և փոխադարձ անվստահության մթնոլորտում: Խորհրդային պատվիրակությունը, հանձին արտգործժողկոմ Գ. Չիչերինի (նախագահ) և Ջ. Կոբկմասովի, որը թուրքերի պահանջով վերջին պահին փոխարինել էր Լ. Կարախանին, չէր պատրաստվում բավարարել թուրքերի տարածքային բոլոր պահանջները, այդ թվում՝ Հայաստանի հաշվին: Այսպիսով ինչպես առաջին, այնպես էլ ռուս-թուրքական երկրորդ կոնֆերանսը, կարծես ձախողման վտանգի առջև էր կանգնած:

Սակայն իրադարձությունների մասն գարգացումը չէր բխում բոլշևիկյան Ռուսաստանի շահերից, 1921 թ. գարնանը նրա բն ներքին, և թե արտաքին դրությունը խիստ ծանր էր, և բոլշևիկները պատրաստ էին ինչ գնով էլ լինի պայմանագիր կնքել թուրքերի հետ:

Ստեղծված պայմաններում գործի է անցնում բոլշևիկների «ծանր հրետանին»։ Լենինը, որն ըստ Չիչերինի՝ «իրական հետաքրքրությամբ էր հետևում բանակցությունների ճակատագրին»,<sup>316</sup> երրոշում է գործի դնել Ստալինին: Բանակցությունների ամենաբեժ պլանին, մարտի 9-ին Լենինը Չիչերինին հուշում է, որ նա կես ժամով ընդհատի կոնֆերանսի աշխատանքները, իր՝ Լենինի հետ հանդիպելու պատր-

<sup>315</sup> ՀԱԱ, ֆ. 114, ց. 2, գ. 68, ք. 25:

<sup>316</sup> Чичерин Г.В., Статьи и речи по вопросам международной политики, Москва, 1961, с. 283.

վակով, իսկ այդ ընթացքում Ստալինը «քացեիքաց կիսոսի քուրքական պատվիրակության հետ, որպեսզի գործը պարզի և ավարտին հասցնի հենց այսօր»:<sup>317</sup> Վլադիմիր Լենինի մտահղացումը ճշտորեն իրագործվում է, Ստալինը միջամտում է կոնֆերանսի աշխատանքներին և հարթում ռուս-քուրքական տարածայնությունները: Թե որքան կարևոր և անհետաձգելի էր Ստալինի մասնակցությունը քուրքերի հետ բանակցություններին կարելի է դատել հետևյալ փաստից: Ռուս-քուրքական կոնֆերանսին զուգահեռ Մոսկվայում ընթացող ՌԿ(բ)Կ 10-րդ համագումարի մարտի 9-ի երեկոյան նիստի օրակարգում ընդգրկված էր նաև Ստալինի զեկուցումը «Ազգային հարցի» վերաբերյալ: Բայց այն հետաձգվում է, որովհետև՝ ինչպես համագումարի պատվիրակներին տեղեկացնում է նիստը նախագահող Լև Կասենևը, «Պարզվում է՝ ընկ. Ստալինը զբաղված է քուրքական պատվիրակության հետ բանակցություններում, որոնցից նրան կտրել չի կարելի»:<sup>318</sup>

Փաստերը վկայում են, որ ինչպես ռուս-քուրքական կոնֆերանսին նախորդող շրջանում, այնպես էլ կոնֆերանսի ընթացքում Ստալինը և նրա կողմից ղեկավարված ՌՍՖՍՀ ազգությունների ժողովուստը վարում էր ընդգծված հակահայկական քարոզչություն: Կոմիսարիատի պաշտոնաթերթ «Ժիզն նացիոնալնոստեյ» պարբերականի 1921 թ. մարտի 4-ի համարում լույս տեսավ «Հայաստանը և Թուրքիան առաջիկա կոնֆերանսում» առաջնորդող հոդվածը: Իր քուրքամետ հայացքներով հայտնի Ա. Սկաչկոյի հեղինակած այդ հոդվածում հայ ժողովրդին կոչ է արվում «ղեկավարվել ազգային մեծագույն զոհաբերությունների վերաբերյալ կոմիստերական սկզբունքով և իրաժարվել ոչ միայն Մեծ Հայաստանի... այլև, հնարավոր է, նույնիսկ մշտապես հայկական անվանված հողատարածքների միավորման ավելի համեստ ցանկությունից: Հայաստանին... այլ ելք չի մնում, - եզրակացնում է Սկաչկոն, - քան հաշտվել դրա հետ, և համաշխարհային հեղափոխության շահերին զոհաբերել և իր երբեմնի հողատարածքները, և իր ժողովրդի այնտեղ մնացած հատվածները»:<sup>319</sup>

ՌԿ(բ)Կ 10-րդ համագումարի պատվիրակ, կուսակցական հայտնի գործիչ Անաստաս Միկոյանը մարտի 10-ին ելույթ ունենալով Ստալինի կողմից ներկայացված «Ազգային հարցի» վերաբերյալ զե-

<sup>317</sup> Լենին Վ.Ի., ԵԼԺ, հ. 52, էջ 107:

<sup>318</sup> Десятый съезд РКП(б). Стенографический отчет, Москва, 1963, с. 133.

<sup>319</sup> Скачко А., Армения и Турция на предстоящей конференции. "Жизнь национальностей", Москва, 4 марта, 1921.

կուցմանը նվիրված քննարկումների նիստին, կարծես ջուր լցնելով Ստալինի և Սկաչկոյի հակահայկական քարոզչության ջրաղացին, հայտարարեց. «Քանի որ հայկական բրոժուազիան իմպերիալիստական իղձեր ունի. գավթել Թուրքիայի մի մասը՝ մենք այդ իղձերին (մեր նախկին քաղաքականությանը հակակշիռ) չպետք է խրախուսենք: Մենք պետք է պայքարենք դրանց դեմ, որովհետև դրանք միայն կասեցնում են հեղափոխական շարժումը Կովկասում»:<sup>320</sup>

Ահա այսպիսի հակահայկական հիստերիա էր բարձրացվել 1921 թ. գարնանը Մոսկվայում, ինչը նախանշան էր նրա, որ հայ ժողովրդի հույսերը՝ բուլշևիկների կողմից Հայկական հարցը արդարացի լուծելու վերաբերյալ, անկատար էին մնալու:

Չիջումներ կատարելով տարածքային սահմանազատման հարցերում, խորհրդային պատվիրակության նախագահ Գ. Չիչերինը կոնֆերանսի քաղաքական հանձնաժողովի մարտի 10-ի նիստում բուրբական պատվիրակությունից պահանջեց ճանաչել Անդրկովկասի խորհրդային երեք հանրապետությունների լիիրավ ինքնուրույնությունը: Չիչերինը շեշտում է նաև, որ «Դա հանդիսանում է պայմանագիրը ստորագրելու էական նախապայման», և Խորհրդային Ռուսաստանի կառավարությունը երբևիցե չի հանդուրժի այդ հանրապետությունների ինքնուրույնության նկատմամբ Թուրքիայի կողմից ոտնձգության որևէ փորձ, դա «կհամարի ողողված իր դեմ»:<sup>321</sup> Խորհրդային պատվիրակության այս հայտարարությունը, որն ի գիտություն ընդունվեց բուրբական պատվիրակության կողմից, կարծես քե, արտահայտում էր Խորհրդային Ռուսաստանի հաստատականությունը՝ պաշտպանել Անդրկովկասի հանրապետությունների անկախությունը, հատկապես՝ Հայաստանի, քանզի Թուրքիան դեռևս շարունակում էր կառչած մնալ Ալեքսանդրապոլի պայմանագրի դրույթներից, պահանջում էր, որպեսզի Հայաստանը կատարի դրանք:

1921 թ. մարտի 16-ի<sup>322</sup> Մոսկվայի «Ռուս-բուրբական բարեկամության և եղբայրության» պայմանագրով Խորհրդային Ռուսաստանը ճանաչեց բուրբական «Ազգային ուխտը», Թուրքիային զիջեց Կարսի մարզը, Սուրմալուի գավառը (հայոց խորհրդանիշ Արարատ լեռով),

<sup>320</sup> Десятый съезд РКП(б). Стенографический отчет, с. 208.

<sup>321</sup> ՀԱԱ, ֆ. 114, ց. 2, գ. 63, քք. 33-34:

<sup>322</sup> Պայմանագրի տեքստի ստորագրումը կատարվել է ոչ քն մարտի 16-ին, այլ 18-ին: Այդ մասին մանրամասն տե՛ս Казанджян П., К вопросу о датировке Московского советско-турецкого договора 1921 г., ԼՀԳ, Նրևան, 1999, Լջ 183-187:

որը երբեք նրա կազմում չէր եղել, Նախիջևանի երկրամասը (Շարուր-Դարալագյազի շրջանի հարթավայրային մասով), որպես «Նախիջևանի մարզ», ինքնավար տարածքի կարգավիճակով փոխանցվեց Խորհրդային Ադրբեջանի խնամակալությանը՝ պայմանով, որ վերջինս այն չի գիջելու մի երրորդ պետությանը, այսինքն՝ Հայաստանին:

Այսպիսով ռուս-բուրքական «դավադիր գործարքով» Հայաստանից խլվեցին և Թուրքիային ու Խորհրդային Ադրբեջանին նվիրաբերվեցին նրա պատմական տարածքների մի մասը, կոպտորեն խախտվեց միջազգային իրավունքի գերագույն սկզբունքներից մեկը՝ ազգերի ինքնորոշման իրավունքի սկզբունքը: Ո՛չ Խորհրդային Ռուսաստանը, և ո՛չ էլ քեմալական Թուրքիան որևէ իրավասություն չունեին տնօրինելու հայ ժողովրդի ճակատագիրը, ուստի միանգամայն իրավացի է ափյուրահայ իրավաբան-պատմաբան Շ. Թորիկյանը, երբ եզրահանգում է, որ «Հայաստանի տարածքային հարցերին վերաբերող պայմանագրի կետերը չեն կարող լինել իրավական պարտավորություն Հայաստանի համար»:<sup>323</sup>

Եթե ռուս-բուրքական պայմանագրով հայ ժողովրդի շահերը կոպտորեն ոտնահարվեցին, ապա ինչպես Խորհրդային Ռուսաստանի իշխանությունները, այնպես էլ քեմալականները բավարարված էին: Խորհրդային կառավարությունը և նրա նախագահ Վ. Լենինը պայմանագիրը կարևորում էին բուլշևիկյան արևելյան քաղաքականության հեռանկարներով, այն համարում էին ոչ թե կոնյուկտուրային, այլ հիմնարար, որը միայն իրենց «ազատում է մշտական պատերազմներից Կովկասում»:<sup>324</sup>

Մոսկվայի պայմանագիրը նպաստեց քեմալական Թուրքիայի ինքնահաստատմանը և անկախության ամրապնդմանը, միջազգային ասպարեզում նրա դերի ուժեղացմանը: Խոսելով Հունաստանի նկատմամբ Արևմուտքում տարած հաղթանակների մասին, Մուստաֆա Բեմալը շեշտում է, որ դա հնարավոր դարձավ, որովհետև «քիկոնքում՝ հյուսիսում և արևելքում, հանգստությունը լիովին ապահովված էր Խորհրդային Ռուսաստանի հետ բարեկամությամբ և նրա առատածեռն օգնությամբ»:<sup>325</sup>

Մոսկվայի կոնֆերանսին հայ ժողովրդի շահերի անտեսման կապակցությամբ հայկական պատվիրակությունն ապրիլի 15-ին րո-

<sup>323</sup> Թորիկյան Շ., Հայկական հարցը և միջազգային իրավունքը, Բեյրութ, 1976, էջ 107:

<sup>324</sup> Լենին Վ.Ի., ԵԼԺ, հ. 43, էջ 181:

<sup>325</sup> Аралов С.И., Воспоминания советского дипломата, Москва, 196, с. 91.

դրքի հուշագիր ուղղեց Ռ-Կ(բ)Կ Կենտկոմ և Վ. Լենինին: «Կոմֆերանսի արձանագրություններից չի երևում, - նշվում է հուշագրում, - թե արվել է գոնե մի չնչին փորձ՝ պահպանելու այն հոդերն ու շրջանները, որոնք կենսական նշանակություն ունեն երիտասարդ և փոքր Խորհրդային Հայաստանի համար»:<sup>326</sup>

Հուշագրի մասին տեղեկացնելով Հայաստանի իշխանություններին, Բեկզադյանը միաժամանակ հուշում է, որ «այն, իհարկե, գործնական նշանակություն ունենալ չի կարող»:<sup>327</sup> Սակայն Ալ. Բեկզադյանը սխալվում էր, հուշագիրն, այնուամենայնիվ, որոշ նշանակություն ունեցավ: Պատասխանելով նրանում առաջ քաշված մեղադրանքներին, ՌՍՖՍՀ արտգործօղկոմ Գ. Չիչերինը ստիպված էր բացել բանակցությունների «անդրկուլիսյան երեսը» և խոստովանել, որ «բանակցությունների առավել բուռն ժամանակաշրջանն ընթացավ բոլորովին էլ ոչ հանձնաժողովի նստաշրջանին, այլ, մասամբ, անդրկուլիսյան բանակցություններում և մեծագոյեցիկ ընկերների ներգործության ներքո: Քաղաքական հանձնաժողովի նստաշրջանը բացվեց միայն այն ժամանակ, - հուշում է Չիչերինը, - երբ հիմնական հարցերն արդեն վճռված էին», մա խոստովանում է, որ «Մեր կողմից զիջումները արվեցին Կենտկոմի որոշումներով»:<sup>328</sup> Այսպիսով, ամեն ինչ ասված է պարզ և միանշանակ:

Եթե Բեկզադյանի հուշագիրն արժանացավ Չիչերինի արձագանքին, ապա Սահակ Տեր-Ղարբիեյանի և կուսակցական հայտնի գործիչ Վահան Տեր-Վահանյանի (ի դեպ՝ երկուսն էլ Ռ-Կ(բ)Կ 10-րդ համագումարի պատվիրակներ էին) կողմից Վ. Լենինին ուղղված բողոքի դիմումը պատասխանի չարժանացավ: Նրանում հայ կոմունիստները Լենինի ուշադրությունն էին հրավիրում հայ ժողովրդի նկատմամբ թուրքերի կողմից իրականացված ոճրագործությունների փաստերի վրա: Տեր-Ղարբիեյանը և Տեր-Վահանյանը հայտարարեցին, որ դրան է նպաստել նաև մի շարք ազդեցիկ բուլշևիկ գործիչների գործունեությունը, որոնք՝ «խաղալիք դառնալով» քեմալականների ձեռքին, սաղրանքներ են նյութել հայ ժողովրդի դեմ: Նշելով Նարիմանովի, Պավլովիչի, Ստասովայի, Էլիավայի, Սկաչկոյի անունները, Տեր-Ղարբիեյանը և Տեր-Վահանյանը պահանջում են հեռացնել նրանց քաղաքական աշխատանքից և բաց դատ կազմակերպել նրանց նկատմամբ,

<sup>326</sup> Տե՛ս Ավետիսյան Հ.Ա., նշվ. աշխ., էջ 355:

<sup>327</sup> ՀԱԱ, ֆ. 114, ց. 1, գ. 85, ք. 3:

<sup>328</sup> Տե՛ս Մարգարյան Ե., Նշվ. աշխ., էջ 189-190:

որովհետև՝ «Աջակցել Թուրքիային Հայաստանի դեմ (ղաշնակցական, թե խորհրդային՝ միևնույնն է), նշանակում է հայ ժողովրդին գլխովին կոտորելու և բնաջնջելու փաստացի սադրանք»:<sup>329</sup>

Այսպես հայ կոմունիստները փորձում էին իրենց բողոքը հայտնել կենտրոնական իշխանություններին, նրանց կողմից Հայաստանի շահերը անտեսելու կապակցությամբ:

\* \* \*

1921 թ. մարտի 16-ի ռուս-թուրքական պայմանագիրը ստորագրելուց անմիջապես հետո Խորհրդային Ռուսաստանի իշխանությունները դիվանագիտական կտրուկ քայլերի դիմեցին Ալեքսանդրապոլի գավառը թուրքական զինագրավումից ազատագրելու համար:

Ինչպես արդեն նշել ենք, Խորհրդային Ռուսաստանի 11-րդ Կարմիր բանակի ռազմական և քաղաքական ղեկավարության (Գեկկեր, Օրջոնիկիձե) հաստատական դիրքորոշման շնորհիվ քեմալական զորքերը 1921 թ. ապրիլին ստիպված էին վերջնականապես լքել Ախալքալաքի և Ախալխալի գավառները, ուր ներխուժել էին փետրվարի վերջերին: Քեմալականների կողմից գավառների զինագրավումը ծանր հետևանքներ ունեցավ տեղի հայ բնակչության համար, և միայն կարմիրբանակային զորամասերի մուտքը տարածաշրջան կանխեց ջավախքահայության հետագա կեղեքումը: «Ժողովուրդը փաստացի պնդում է, - նշված է արխիվային փաստաթղթերից մեկում, - որ եթե Խորհրդային Ռուսաստանի զորքերը մի օր էլ ուշանային մտնել Ախալքալաք (քաղաք Ջավախքում) հայերին սրի էին քաշելու»:<sup>330</sup>

Քեմալական զորքերը չէին շտապում հեռանալ նաև Ալեքսանդրապոլի գավառից, իսկ զորքերի հրամանատար Կարաբեքիր փաշան Հայաստանի իշխանություններից պահանջում էր Ալեքսանդրապոլի պայմանագրի համաձայն, Թուրքիային հանձնել որոշակի քանակությամբ զենք և զինամթերք, զինաքափել հայկական բանակը: Պահանջների կատարումը պայման էր համարվում՝ Ալեքսանդրապոլից և գավառից թուրքական զորքերի հեռանալու համար, հակառակ դեպքում՝

<sup>329</sup> Տե՛ս Ավետիսյան Հ.Ա., նշվ. աշխ., էջ 354-355:

<sup>330</sup> Տե՛ս Մելքոնյան Ա., Ջավախքը 19-րդ դարում և 20-րդ դարի ստուգին քառորդին, էջ 332:

Կարաբեքիը սպառնում էր պատերազմել Խորհրդային Հայաստանի հետ:

Կարաբեքիի փաշայի կողմից Հայաստանի իշխանություններին ներկայացված այս պահանջների կապակցությամբ Օրջոնիկի-ձեին ապրիլի 6-ին ուղղված հեռագրում Գ. Չիչերինը նշում է, որ Կարաբեքիի «խուլիգանության» մասին տեղյակ կպահի Ռուսաստանում Թուրքիայի դեսպան Ալի Ֆուադին և կշեշտի, որ «Թուրքիայի և Խորհրդային Հայաստանի միջև պատերազմը կնշանակի պատերազմ Թուրքիայի և Խորհրդային Ռուսաստանի միջև»:<sup>331</sup> Իսկ տեղեկանալով այն մասին, որ Կարաբեքիի պահանջների ոգով հանդես է եկել նաև քեմալական կառավարության ռազմական նախարար Ֆեզլի փաշան (վերջինս հայտարարել էր, քե «Մնալով Կովկասում քուրբական բանակը պետք է ապահովի տարածաշրջանում ուժերի հավասարակշռությունը»), ապրիլի 8-ին Ալի Ֆուադին ուղղված հերթական հեռագրում Չիչերինը միանշանակ հայտարարում է. «Ալեքսանդրապոլի պայմանագրի կատարումը ցանկանալը՝ հավասարագոր կլինի Մոսկվայի պայմանագիրը չեղյալ հայտարարելուն»:<sup>332</sup>

Սակայն խորհրդային կառավարության դիվանագիտական քայլերը չէին, որ ազդեցին քուրբերի վրա, նրանց սրափեցրեց ՌՄՖՆՀ 11-րդ Կարմիր բանակի հրամանատար Ա. Գեկկերի վերջնաօգիրը՝ ներկայացրած գեներալ Կարաբեքիին: Ալեքսանդրապոլից քեմալական զորքերի անհապաղ չհեռանալու դեպքում՝ Գեկկերը սպառնում էր Կարմիր բանակի զորամասերը մտցնել Ալեքսանդրապոլ: Առավել քան խոսուն վերջնագիրը ներգործեց Կարաբեքիի վրա՝ նրա հրամանով քուրբական զորամասերը ապրիլի 22-ին ընդմիշտ հեռացան Ալեքսանդրապոլից և գավառից:

Քաղաքի և գավառի շուրջ վեցամսյա քուրբական զինվորափունը մեծ աղետ էր տեղի բնակչության համար: Չինագրավման տառաչին իսկ օրերից քուրբերը դիմեցին բնակչության կազմակերպված կոտորածին ու ձերբակալություններին: Միաժամանակ սկսվեց շրջանի պետական ունեցվածքի քալանը և տեղափոխումը Թուրքիա: Դրան հետևեց մասնավոր անձանց քալանը՝ քաղ առ քաղ, տուն առ տուն: Դիմադրողները տեղն ու տեղը սպանվում էին: Առանձնակի ատելության և դաժանության էին արժանանում Ալեքսանդրապոլում ապաստան գտած արևմտահայ գաղթականները, որոնց քուրբերն արհա-

<sup>331</sup> ДВП СССР, т. IV, Москва, 1960, с.50.

<sup>332</sup> Նույն անդում, էջ 53-54:

մարհանքով անվանում էին «Մշեցի ադամ (մարդ)»: Գավառում գործում էին բուրք կառավարիչներին ծառայող գործակալների հատուկ խմբեր (հիմնականում Աղբաբայի քաթարներից կազմված), որոնց կողմից կազմված ցուցակներով ձերբակալվում և խոշտանգվում էին քիչ քե շատ ունևոր հայերը: Հարկ է նշել, որ տեղացի քաթարներն ակտիվ մասնակցում էին հայերի սպանողին և թալանին, իրենց դաժանությանը շատ դեպքերում գերազանցում քեմալականներին:

Ալեքսանդրապոլի գավառում թուրքերի իրականացրած ոճրագործությունների ահավոր պատկերը բացահայտվեց 1921 թ. գարնանը, երբ քեմալականները հեռացան գավառից: Գավառի գյեթե բոլոր գյուղերի արվարձաններում հայտնաբերվեցին հազարավոր հայերի դիակներ. դրանցից շատերը խոշտանգված էին: ՀՍԽՀ պետական հանձնաժողովի 1921 թ. մայիսի 11-ի արձանագրությանը՝ միայն Ղալթաղչի, Ալբուլաղ և Ղարաբոյա գյուղերի շրջանում հայտնաբերվել էր շուրջ 12 հազար դիակ, մեծ մասը կանայք և երեխաներ: Նույն պատկերն էր նաև Ալեքսանդրապոլում: Թուրքերի զազանությունների մասին Բաղաբային Դումայի զեկուցագրերից մեկում նշվում է, որ հատկապես մեծ քվով սպանվածներ են գտնվել քաղաքի կայագորի պետի, պարետի, ոստիկանապետի ապրած տների նկուղներում:<sup>333</sup> Սա վկայում է, որ հայերի կոտորածը կրում էր կազմակերպված բնույթ և արտոնված էր քեմալական ղեկավարության կողմից: Ընդհանուր առմամբ Ալեքսանդրապոլի գավառի զինագրավված շրջաններում պետական հանձնաժողովի մոտավոր պաշտոնական տվյալների համաձայն՝ 1920 թ. նոյեմբեր – 1921 թ. ապրիլ ամիսներին քեմալականները սպանել էին 30 հազար տղամարդ, 25 հազար կին և աղջիկ, 5 հազար երեխա, սովամահ է եղել ավելի քան 30 հազար մարդ, գերության քշվել՝ 25 հազարը, որոնց զգալի մասը ոչնչացվել է, բռնաբարվել է շուրջ 50 հազար կին և աղջիկ, իսկ հասցրած նյութական վնասը կազմել է մոտ 20 մլն. ռուբլի (ոսկով):<sup>334</sup>

Պետք է նշել, որ քեմալականների՝ Արևելյան Հայաստանում, մասնավորապես Կարսի և Ալեքսանդրապոլի շրջաններում կատարած ոճրագործությունները նման սղետայի չափերի չէին հասնի, եթե Հայաստանի Հանրապետության կառավարությունը և հայկական բանակի հրամանատարությունը ժամանակին հոգային նշված շրջանների հայ բնակչության էվակուացիայի մասին: Արխիվային շատ փաս-

<sup>333</sup> ՀԱԱ, ֆ. 144. ց. 3. գ. 45, ք. 7:

<sup>334</sup> Նույն տեղում, ց. 1, գ. 131, ք. 1:

Այս 17 Երևանի Կոմիտեի 1998

տարիներում անբարություն արդարացի մեղադրանքներ են ներկայացվում հայկական իշխանություններին, որոնք բախտի բնահաճույքին բողեցին ռազմական գործողությունների շրջանների խաղաղ բնակչությանը: Մեղքի իրենց բաժինն ունեին նաև կոմունիստ հայերը, Հասատանի նոր՝ խորհրդային իշխանությունները: Նրանք նախ համոզում էին, որ քեմալականներին դիմադրել հարկավոր չէ, որ նրանք գալիս են ժողովրդին փրկելու դաշնակներից, իսկ այնուհետև՝ Ալեքսանդրապոլում ստեղծեցին Հեղկոմ, որը կոչված էր «քույր բոլշևիկների» հետ համատեղ ապահովել օրինականությունը և բնակչության անվտանգությունը: Բայց Հեղկոմը լիովին անգոր էր և արհամարհանքի, ավելին՝ բռնությունների էր ենթարկվում քեմալականների կողմից: Հեղկոմը, շատ շուտով համոզվելով, որ քեմալականները ոչնչով չեն տարբերվում, անգամ գերազանցում են երխտքորքական դաիիճներին, այլ մասին բազմիցս տեղեկացնում էր Խորհրդային Հայաստանի իշխանություններին, սակայն դադարեցնել քեմալականների վայրագությունները հնարավոր չէր:

Քեմալականների վայրագությունները հայ ժողովրդի նկատմամբ շարունակվեցին նաև հետագայում: Հայաստանում ՌՍՖՍՀ ներկայացուցիչ Լեգրանին 1921 թ. ամռան սկզբին հղած հեռագրում ՀՄԽՀ արագորժծողկոմ Մռավյանը հուշում է, որ Կարսից ստացված տազնապալի տեղեկությունների համաձայն, բուրքական իշխանությունները շարունակում են հայերի բնաջնջման հին քաղաքականությունը, հայ բնակչության մնացորդները արստրվում են Թուրքիայի խորքերը: Մռավյանը խնդրում է միջոցներ ձեռնարկել՝ կանխելու հայերի բնաջնջումը:<sup>335</sup> Երևանում Թուրքիայի զլխավոր հրամանատարության ներկայացուցչին հունիսի 14-ին ուղղված գրությունում Մռավյանը տազնապ Լ հայտնում, որ բուրքական զինվորական մասերը հարձակումներ են իրականացնում Արփաչայի ծախ սփին գտնվող ՀՄԽՀ մի շարք գյուղերի վրա, քալանում և ավերում դրանք, քանդում են Արփաչայի վրա գտնվող կամուրջը և այլն:<sup>336</sup> Դիմումներն, իհարկե, որևէ արդյունք չտվեցին:

<sup>335</sup> Տե՛ս Ներսիսյան Մ.Գ., նշվ. աշխ., էջ 318:

<sup>336</sup> ՀԱԱ, ֆ. 114, ց. 1, գ. 21, ք. 82:

ՀՍԽՀ արտոգործոողկոմ Ալեքսանդր Բեկզադյանն իրավացի էր, երբ մարտի 18-ին Մոսկվայից Հայիեղկոմին ուղղված հեռագրում հուշում էր, որ Թուրքիայի հետ պայմանագիրը ստորագրելուց հետո Ռուսաստանը «մեզ և արքրեջանցիներին կառաջարկի այս կամ այն ձևով մասնակից դառնալ այդ ակտին»: Մոսկվայի պայմանագրի 15-րդ հոդվածի համաձայն, Խորհրդային Ռուսաստանը պարտավորություն էր ստանձնել դիմելու անհրաժեշտ քայլերի, որպեսզի Թուրքիայի և Անդրկովկասի խորհրդային հանրապետությունների միջև առաջիկայում ստորագրվող պայմանագրում վերջիններս «սլարտադիր կերպով ճանաչեն սույն պայմանագրի այն հոդվածները, որոնք անմիջականորեն իրենց են վերաբերվում»:<sup>337</sup>

Հետաքրքիր է, որ եթե քեմալականները մոսկովյան բանակցությունների ժամանակ պնդում էին Անդրկովկասի հանրապետություններից յուրաքանչյուրի հետ առանձին առանձին պայմանագրեր կնքելու մասին, ապա այլ էր խորհրդային կողմի դիրքորոշումը: 1921 թ. ապրիլի 1-ին ՌԿ(բ)Կ Կենտկոմի քաղբյուրո ուղղված զեկուցագրում Չիչերինը նշում է, որ «Թուրքերը ձգտում են առանձին բանակցությունների ճանապարհով կովկասյան հանրապետություններից կորզել այն, ինչը չհաջողվեց ստանալ մեզանից»: Նա առաջարկում է կանխել քուրքերի այս նկրտումները և հրահանգավորել Անդրկովկասի հանրապետությունների իշխանություններին, որպեսզի նրանք «Ռուսաստանի կառավարության հավանությանը ներկայացնեն այն պայմանագրերի նախագծերը, որոնք պետք է կնքեն Թուրքիայի հետ»:<sup>338</sup> Լենինի առաջարկությամբ ապրիլի 3-ին քաղբյուրոն հավանություն է տալիս Չիչերինի առաջարկությանը և ընդունում համապատասխան որոշում:<sup>339</sup>

1921 թ. ապրիլի 2-ին ՀՍԽՀ արտոգործոողկոմ Բեկզադյանը Մոսկվայից հեռագրում է Բաբու և Թիֆլիս, որ Անդրկովկասի հանրապետություններին «անհրաժեշտ է մշակել ընդհանուր գիծ և Թուրքիային առաջարկել միացյալ կոնֆերանս», այդ մասին Բեկզադյանը ապրիլի 8-ին տեղեկացնում է ՌՍՖՍՀ արտոգործոողկոմ Չիչերինին:<sup>340</sup>

<sup>337</sup> ДВП СССР, т. III, с. 602.

<sup>338</sup> ՀԱԱ, հավաքածու 1, գ. 3, ք. 68:

<sup>339</sup> Նույն տեղում, ք. 69:

<sup>340</sup> ՀԱԱ, ֆ. 114, ց. 1, գ. 85, ք. 7:

Նախատեսվող քուրք-անդրկովկասյան կոնֆերանսին միասնական ճակատով հանդես գալու և գործողությունների միասնական ծրագիր մշակելու անդրաժեշտությունից ելնելով, 1921 թ. մայիսի 7-ին Բարփում հրավիրվում է Անդրկովկասի խորհրդային երեք հանրապետությունների ներկայացուցիչների խորհրդածողով՝ Խորհրդային Ռուսաստանի ներկայացուցիչներ Բ. Լեզրանի և Գ. Օրջոնիկիձեժի մասնակցությամբ: Ըննարկելով Անդրկովկասի հանրապետությունների և Թուրքիայի միջև միասնական պայմանագրի հիմնական սկզբունքները, խորհրդակցությունը որոշում է, որպեսզի հանրապետությունները հանդես գան «որպես մեկ պայմանավորվող կողմ», իսկ ստորագրվելիք պայմանագրի հիմքում՝ դնել Մոսկվայի մարտի 16-ի պայմանագիրը:<sup>341</sup>

Եթե խորհրդային կողմը շահագրգռված էր հնարավորինս շուտ սկսել անդրկովկասաթուրքական բանակցությունները, սպա թուրքական կառավարությունն անընդհատ ձգձգում էր կոնֆերանսի հրավիրումը և, կարծես կորցրել էր հետաքրքրությունը: Միայն այն բանից հետո, երբ Հունաստանի կառավարությունը 1921 թ. հունիսի 25-ին մերժեց թուրքական կառավարության կողմից ներկայացված հաշտության սուաջարկը, և հունական գործերը վճռական հարձակումով ստիպեցին թուրքերին ետ քաշվել Սակարիա գետի այն կողմը, քեմալականները հիշեցին կոնֆերանսի մասին, և այս անգամ արդեն իրենք էին պնդում, որպեսզի այն օր առաջ գումարվի: Ավելին՝ քեմալականներին մտահոգում էր նաև այն, որ հունական բանակի հաջող հարձակումը կարող է վրաստանում և, հատկապես Հայաստանում, տրամադրություններ առաջացնել՝ կորցրած տարածքները վերադարձնելու նպատակով դիմել ռազմական գործողությունների:

Սակայն թուրքերի այդ մտավախություններն անհիմն էին, Խորհրդային Ռուսաստանը չէր էլ փորձում մազաչափ անգամ շեղվել քեմալականների հետ բարեկամության վրա հենված իր արևելյան քաղաքականությունից: Չգտնելով ցրել քեմալական կառավարության բոլոր հնարավոր կասկածները, ինչպես նաև հավաստիացնել նրանց, որ կոնֆերանսը գումարելու համար որևէ խոչընդոտ չկա, Մոսկվայում թուրքական դեսպանին հունիսի 6-ին և 13-ին ուղղված հուշագրերում արտգործոժողկոմ Չիչերինը հայտնում է, որ ինչպես Վրաստանի և Ադրբեջանի, այնպես էլ Հայաստանի խորհրդային կառավարությունները «վարում են արտասին քաղաքական այն կուրսը, որը վարում է ռուսական կառավարությունը», և որ նրանք «համաձայնվել են ճանա-

<sup>341</sup> Հայաստանը... փաստաթղթերում, էջ 514:

չել Մոսկվայի պայմանագրով իրենց վերաբերվող պայմանները»:<sup>342</sup> Մտանալով Ռուսաստանի արտգործժողկոմի առավել քան համոզիչ հավաստիացումները, քեմալական կառավարության արտգործնախարար Յուսուֆ Քեմալը, որն այդ պաշտոնին նշանակվեց Մոսկվայի ռուս-թուրքական կոնֆերանսի ընթացքում հաջող բանակցություններ վարելու համար, շտապում է հուլիսի 1-ին հայտնել Չիչերինին, որ Թուրքիայի կառավարությունը պատրաստ է կոնֆերանսին, և «երջանիկ կլինի», եթե նրան մասնակցի նաև Ռուսաստանի պատվիրակությունը: Քեմալական Թուրքիայի կառավարության արտգործնախարարը դրա անհրաժեշտությունը հիմնավորում է նրանով, որպեսզի հարկ եղած դեպքում՝ ռուսական պատվիրակությունը միջոցներ ձեռնարկի և ստիպի Անդրկովկասի հանրապետություններին (հատկապես՝ Հայաստանին) անպայման ընդունել ռուս-թուրքական պայմանագրով իրենց վերաբերվող կետերը: Օգոստոսի 8-ին Յու. Քեմալին հղած պատասխան հուշագրում Չիչերինը տալիս է խորհրդային կառավարության համաձայնությունը թուրքական առաջարկին՝ Մոսկվայի պայմանագրի 15-րդ հոդվածի համաձայն, իր վրա վերցրած պարտավորությունները մինչև վերջ կատարելու անհրաժեշտությունից ելնելով:<sup>343</sup>

Անդրկովկասաթուրքական առաջիկա կոնֆերանսի համար Հայաստանի, Ադրբեջանի և Վրաստանի քաղաքական միասնական ծրագրի դրույթները հաստատվեցին ՌԿ(Բ)Կ Կովկասյան բյուրոյի 1921 թ. սեպտեմբերի 3-ի՝ «Կարսի կոնֆերանսի մասին» որոշումով: Նրանում մասնավորապես նշվեց, որ անհրաժեշտ է խստորեն պահպանել Մոսկվայի պայմանագրի շրջանակները, «ոչ մի դեպքում թույլ չտալ Կովկասի հանրապետությունների մեկուսի ելույթները, բոլոր հարցերում լինել միահամուտ»:<sup>344</sup>

Կոնֆերանսի հետ կապված իր հարցերը նախապատրաստեց նաև ՀՄԽՀ կառավարությունը: «Կարսում Թուրքիայի հետ առաջիկա կոնֆերանսին ՀՄԽՀ կողմից քննարկման ներկայացվող հարցերը» վերնազիբը կրող հուշագրում կառավարությունը առաջադրում է հարցեր, որոնց դրական լուծումը էական նշանակություն կունենար Հայաստանի համար: Պետք է նշել, որ բարձրացրած հարցերի մի մասը հակասում էր Մոսկվայի պայմանագրին և բուլղարիայի իշխանությունների կողմից իջեցված երախանգներին: Մասնավորապես՝ փաստաթղ-

<sup>342</sup> ДВП СССР, т. IV, с.170, 177.

<sup>343</sup> Նայն տեղում, էջ 255-256:

<sup>344</sup> ՀԱԱ, ֆ. 4033, ց. 2, գ. 1185, քք. 42-43: Տե՛ս նաև նույն տեղում, ֆ. 1, ց. 1, գ. 47, ք. 14:

քով առաջարկվում է Նախիջևանի մարզի խնամակալությունը հանձնել Խորհրդային Հայաստանին, կամ էլ՝ անցկացնել մարզի նոր սահմանագծում: Հուշագրի տնտեսական հարցերի բաժնում առաջարկվում է Հայաստանին տրամադրել Օրբիի քարածխի և Կաղզվանի մկնդեղի հանքավայրերի, Սարխլամիշի անտառների, Կարսի խոտհարքերի, Կողբի աղահանքերի շահագործման իրավունքը: Հայաստանի կառավարությունը առաջ էր քաշում նաև Թուրքիայի և Հայաստանի միջև արտաքին ազատ առևտրի, արևմտահայ գաղթականների՝ հայրենի օջախները անվտանգ վերադառնալու, Թուրքիայում հայ բնակչության հավասար իրավունքների, նրանց կրած վնասների փոխհատուցման և այլ հարցեր:<sup>345</sup>

Այսպիսով Խորհրդային Հայաստանի իշխանությունները, անտեսելով Մոսկվայի պայմանագիրը, փորձում էին հանդես գալ ոչ միայն որպես Թուրքիային «նվիրաբերած» հայկական տարածքների սլահանջատեր, այլև՝ արևմտահայերի իրավունքների պաշտպան: Այլ հարց է, որ հայկական կողմի արդարացի պահանջները դատապարտված էին անուշադրության և կոնֆերանսին անտեսվեցին:

Կարսի կոնֆերանսը բացվեց 1921 թ. սեպտեմբերի 26-ին, անդրկովկասաքուրբական բանակցություններում Խորհրդային Ռուսաստանի ներկայացուցիչ էր նշանակվել Լատվիայի հանրապետությունում խորհրդային դեսպան Յակով Գանեցկին: Մոաջին հայացքից, վերջինիս նշանակումը կարծես անտրամաբանական էր՝ տրամաբանական կլիներ, եթե կոնֆերանսին ՌՍՖՍՀ ներկայացուցիչ նշանակվեր Անդրկովկասի հանրապետություններում Ռուսաստանի լիազոր ներկայացուցիչ Բորիս Լեզրանը: Վերջինս ոչ միայն լավատեղյակ էր կովկասյան գործերին, այլև պաշտոնի բերումով պարտավոր էր պաշտպանել Անդրկովկասի խորհրդային հանրապետությունների շահերը կոնֆերանսում: Այսպես էր կարծում նաև ՌՍՖՍՀ արտգործող կոմ Գ. Չիչերինը, դեռևս 1921 թ. հուլիսի 29-ին Լեզրանին ուղղված հեռագրում Չիչերինը նշում է, որ նրա մասնակցությունը Թուրքիայի հետ առաջիկա բանակցություններում ոչ միայն ցանկալի է, այլև պարտադիր:<sup>346</sup>

Դեսպան Գանեցկուն Կարսի կոնֆերանսին Ռուսաստանի ներկայացուցիչ նշանակելը տհաճ անակնկալ էր նաև Լեզրանի համար: Տեղեկանալով այդ մասին, վերջինս սեպտեմբերի սկզբին Թիֆլի-

<sup>345</sup> ՀԱԱ, ֆ. 113, ց. 3, գ. 23, ք. 97:

<sup>346</sup> ՀԱԱ, հավաքածու 1, գ. 3, ք. 102:

սից երկու հեռագիր է ուղարկում Մոսկվա, մեկը՝ ՌԿ(Բ)Կ Կենտկոմ, մյուսը՝ արտգործոժողկոմ Չիչերինին: Առաջինում Լեզրանը Կենտկոմին խնդրում է՝ իր դիմումի համաձայն, «Անմիջապես ազատել իրեն Անդրկովկասի հանրապետություններում լիազոր ներկայացուցչի պարտականությունների կատարումից և, ընդհանրապես, արտգործոժողկոմատում հետագա աշխատանքից»: Երկրորդում՝ Չիչերինին ներկայացնելով նման դիմում գրելու դրդապատճառները, Լեզրանը խնդրում է՝ Կենտկոմում պաշտպանել հարցի դրական լուծումը:<sup>347</sup>

ՌԿ(Բ)Կ Կենտկոմի քարտուղար Վ. Մոլոտովին սեպտեմբերի 7-ին ուղղված նամակում Չիչերինը ներկայացնում է Լեզրանին Գանեցկիով փոխարինելու իրական պատճառը: «Գործը նրանում է, - հուշում է Չիչերինը, - որ բուրքական կառավարությունը խնդրել էր մեզ Լեզրանին չուղարկել Կարս՝ նրանք գտնում են, որ նա ընդգծված հայամետ դիքորոշում ունի»: Չիչերինը նշում է, որ հաշվի առնելով քեմալականների ծանր վիճակը, մենք առճակատման գնալ չցանկացանք և ընդառաջեցինք խնդրանքին: Միաժամանակ, Ռուսաստանի արտգործոժողկոմը բացառում է Լեզրանին աշխատանքից ազատելու հնարավորությունը և շեշտում, որ Լեզրանը քեև «հայտնի քերություններ ունի», սակայն նա անփոխարինելի է, և կոնֆերանսում խորհրդային պատվիրակության «փաստացի ղեկավարը» հենց նա պետք է լինի, իսկ Գանեցկին մշտական կապի մեջ պետք է գտնվի նրա հետ: Չիչերինը հուշում է, որ Լեզրանի վերաբերյալ իր կարծիքը կիսում է նաև Ստալինը:<sup>348</sup> 1921 թ. սեպտեմբերի 8-ին ՌԿ(Բ)Կ Կենտկոմի քարտուղարն մերժում է Լեզրանի խնդրանքը:<sup>349</sup>

Հիրավի, զարմանք է առաջացնում, քե որքան ճկուն և հեռատես էր բուրքական դիվանագիտությունը, իր առջև դրված խնդիրները լուծելու և նպատակներին հասնելու համար, այն չէր անտեսում և ոչ մի մանրուք, որը կարող էր այս կամ այն չափով խոչընդոտել բուրքական ծրագրերի իրականացմանը: Ցավալի է, որ ո՛չ կոնֆերանսի նախօրյակին, և ո՛չ էլ ընթացքում նման վճռականություն չէր դրսևորում խորհրդային կողմը, զիջումների էր գնում գրեթե բոլոր հարցերում:

Այնուհանդերձ, Ռուսաստանի ներկայացուցիչ Յա. Գանեցկու համաձայնությամբ հայկական պատվիրակությունը, որի նախագահն էր ՀՄԽՀ արտգործոժողկոմ Ա. Մռավյանը, բանակցություններին քուր-

<sup>347</sup> ՀԱԱ, հավաքածու 1, գ. 3, քք. 102-103:

<sup>348</sup> Նույն տեղում, քք. 100-101:

<sup>349</sup> Նույն տեղում, ք. 104:

քերից պահանջեց Հայաստանին վերադարձնել վերջինիս միջնադար-  
յան մայրաքաղաք Անիի ավերակները, Կողբի աղահանքերը, քեմալա-  
կանների կողմից Ալեքսանդրապոլի դեսպոյի քաղաքում գույքը և այլն:  
Իր հերքին, թուրքական պատվիրակության նախագահ Կարաբեքիրի  
հետ անդրկուլիսյան բանակցություններում, Գանեցկին հուշում է, որ  
դրանք էական հարցեր են և մեծ նշանակություն ունեն ոչ միայն Հա-  
յաստանի, այլև Անդրկովկասի և Ռուսաստանի համար: Կարաբեքիրը,  
սակայն, անդրդվելի է մնում:

Խորհրդային Ռուսաստանը շահագրգռված էր նաև Շորոխի  
պղնձահանքերը շահագործելու իրավունքը ստանալու հարցում:  
Դեռևս 1921 թ. մայիսի 18-ին ՌԱՖևՀ արտգործժողկոմատը քեմալա-  
կաններին խնդրել էր դրանց շահագործելու իրավունքը փոխանցել  
Ռուսաստանին: Մոսկվայում թուրքական դեսպան Ալի Ֆուադին մայի-  
սի 24-ին ուղղված նամակում անդրադառնալով խնդրին, Գ. Չիչերինը  
միաժամանակ նրան հուշում է, որ բազմաթիվ անգամներ օգնություն  
արամադրելով քեմալականներին, ռուսական կառավարությունը հա-  
մոզված է եղել, որ հարկ եղած դեպքում՝ վերջիններս կընդառաջեն  
խորհրդային կողմի որոշ խնդրանքներին և մասնակի վարձահատույց  
կլինեն:<sup>350</sup> 1921 թ. մայիսի 27-ին Բաբու՝ Գ. Օրջոնիկիձեին ուղղված  
հեռագրում, Չիչերինի նշված տարբերակով խնդիրը լուծելու օգտին է  
արտահայտվում նաև Վ. Լենինը:<sup>351</sup>

Սակայն թուրքերը չընդառաջեցին խորհրդային կողմի  
խնդրանքին, քեմալական կառավարության արտգործնախարար Յու-  
սուֆ Քեմալը հուլիսի 16-ին Չիչերինին պաշտոնապես տեղեկացնում է,  
որ թուրքական կառավարությունը կտրականապես մերժել է Ռուսաս-  
տանի խնդրանքը:<sup>352</sup>

Այնուհանդերձ, խորհրդային կողմը փորձեց հետամուտ լինել  
խնդրի դրական լուծմանը: ՌԿ(Բ)Կ Կովկասյան բյուրոյի 1921 թ. սեպ-  
տեմբերի 3-ի՝ «Կարսի կոնֆերանսի մասին» որոշման մեջ նշվեց, որ  
«բանակցությունների ընթացքում հարկավոր է դարձյալ առաջ քաշել  
Կաղզվանի արոտավայրերից և աղի հանքերից օգտվելու, ինչպես նաև  
Շորոխի շրջանի պղնձահանքերը շահագործելու իրավունքի խնդի-  
րը»:<sup>353</sup>

<sup>350</sup> ՀԱԱ, ֆ. 113, ց. 3, գ. 11, ք. 222:

<sup>351</sup> Ленин В.И., Известные документы. 1891-1922 гг., с. 444.

<sup>352</sup> ДВП СССР, т. IV, с. 707.

<sup>353</sup> ՀԱԱ, ֆ. 4033, ց. 2, գ. 1185, քր. 42-43: Տե՛ս նաև նույն տեղում, ֆ. 1, ց. 1, գ. 47, ք. 14:

Խորհրդային կողմի խնդրանքը մերժվեց նաև Կարսի կոնֆերանսին: Գ. Չիչերինին հոկտեմբերի 5-ին Կարսից ուղարկված հեռախոսային հեռագրում Գանեցկին շեշտում է, որ կոնֆերանսի «արդյունքներն ընդհանուր առմամբ գոհացուցիչ չեն, իսկ թուրքերի վարքագիծն այնպիսին է, որ ակամայից քեզ հարց ես տալիս. ինչո՞ւ էինք մենք նրանց համար այդքան գոհաբերությունների գնում»:<sup>354</sup>

Չգտելով ներգործել թուրքերի վրա, Գանեցկին անգամ հայտարարում է, որ «թուրքական պատվիրակությունը բանակցությունների ամբողջ ընթացքում հաշվի է նստում բացառապես սեփական պահանջների հետ և հաշվի չի առնում մյուս կողմի ցանկությունները»:<sup>355</sup> Հայտարարությունը, սակայն, որևէ նշանակություն չի ունենում, ավելին՝ թուրքական պատվիրակության նախագահ Զյազին Կարաբեքիր փաշան պնդում է, որպեսզի Թուրքիայի և Անդրկովկասի հանրապետությունների միջև կնքվեն առանձին պայմանագրեր: Հանդիպելով խորհրդային կողմի համառ և վճռական դիմադրությանը, Կարաբեքիրը Անդրկովկասի հանրապետությունների պատվիրակություններից պահանջում է իրավական հաստատում ներկայացնել վերջիններիս քաղաքական միասնության մասին: 1921 թ. հոկտեմբերի 1-ին Հայաստանի, Վրաստանի և Ադրբեջանի ներկայացուցիչները ստիպված են լինում զրավոր դիմում ներկայացնել քեմալական կառավարությանը, որում հավաստում են, որ Անդրկովկասի խորհրդային երեք հանրապետությունները ռազմաքաղաքական սերտ դաշինքի մեջ են և քաղաքական, տնտեսական ու առևտրական հարցերում գործում են համատեղ: Յու. Քեմալին 1921 թ. հոկտեմբերի 3-ին ուղղված հուշագրում դա հաստատում է նաև Ռ.Ս.Ֆևհարտովիչի արտգործո՞ղկոմ Գ. Չիչերինը:<sup>356</sup> Միայն այս, խորհրդային կողմի համար նվաստացուցիչ դիվանագիտական գրազրությունից հետո, Կարաբեքիրը ստիպված տեղի տվեց և համաձայնվեց խորհրդային կողմի հետ ստորագրել մեկ ընդհանուր պայմանագիր:

1921 թ. հոկտեմբերի 13-ին Կարսում ստորագրված անդրկովկասաթուրքական «Բարեկամության պայմանագիրը» չնչին փոփոխություններով վերահաստատեց Մոսկվայի ռուս-թուրքական պայմանագրով որոշված թուրք-անդրկովկասյան սահմանը: Խորհրդային կողմի միակ ձեռքբերումը կարելի է համարել այն, որ հոգուտ Հայաստանի

<sup>354</sup> ՀԱԱ, ֆ. 113, ց. 3, գ. 23, ք. 48:

<sup>355</sup> Նույն տեղում, գ. 21, ք. 233:

<sup>356</sup> ДВП СССР, т. IV, с. 392.

ուղղվեց Նախիջևանի մարզի հյուսիս-արևմտյան սահմանի մի փոքր հաստվածը (Արագդայանի տարածքը, Գայլի Դրունք վայրի մոտ մնում էր ՀՄԽՀ սահմաններում) և, ի տարբերություն մարտի 16-ի պայմանագրի, որով Նախիջևանի ինքնավար մարզի նկատմամբ խնամակալությունն Ադրբեջանը իրավունք չունեք զիջել «մի երրորդ պետության», Մոսկվայի ջանքերով Կարսի պայմանագրից այդ պայմանը հանվեց: Դա հնարավորություն էր տալիս Խորհրդային Ռուսաստանին կանխելու Թուրքիայի հնարավոր միջամտություններն Անդրկովկասի ներքին գործերին նախիջևանյան հարցի միջոցով, իսկ Ադրբեջանը՝ զրկվում էր իրավական հնարավորությունից՝ ապագայում Նախիջևանի հետ կապված որևէ հարցով դիմել Թուրքիայի հովանավորությանը: Թուրքիան, փաստորեն, «ճանաչում էր Անդրկովկասի նկատմամբ Խորհրդային Ռուսաստանի ամբողջական վերահսկողությունը»:<sup>357</sup>

«Այդ զիջումների դիմաց, - ինչպես հետագայում հայտարարեց կոնֆերանսում քուրթական պատվիրակության անդամ Մուխթար բեյը, - մենք Կարսի կոնֆերանսում ստացանք մեզ համար կարևոր իրավունքներ՝ Նախիջևանի շրջանից հարավ ընկնող տարածքները Թուրքիային միացնելու և եղբայրական Ադրբեջանի հետ անմիջական կապ ունենալու համար»:<sup>358</sup>

Միասնական պայմանագիր ստորագրելով Անդրկովկասի հանրապետությունների հետ, քեմալականները պնդեցին, որ զոնե պայմանագրի վավերացումը կատարվի յուրաքանչյուր հանրապետության կողմից առանձին: Թուրքիայի արտգործնախարար Յուսուֆ Քեմալը դա պայմանավորում է նրանով, որ այն դեպքում, երբ «Արևմուտքում հայկական հարցի շուրջը խոսակցություններ և քննարկումներ են տեղի ունենում... մեր ձեռքին ունենալով պայմանագրեր ինչպես հայ դաշնակցականների (նկատի ունի 1920 թ. դեկտեմբերի 2-ի Ալեքսանդրապոլի պայմանագիրը - Կ.Խ.), այնպես էլ հայ կոմունիստների հետ, մենք կարող ենք հանդես գալ մեր շահերի պաշտպանությամբ: Իսկ եթե Կարսի պայմանագիրը վավերացվի ոչ թե յուրաքանչյուր հանրապետության կողմից, ապա... (հայերը - Կ.Խ.) կարող են պնդել, թե դա հայ ժողովրդի կամքով չի տեղի ունեցել, այլ մյուս

<sup>357</sup> О' Коннор Т.Э., Г.В. Чичерин и советская внешняя политика (1918-1930), пер. с англ., Москва, 1991, с. 200.

<sup>358</sup> ՀԱԱ, ֆ. 114, ց. 1, գ. 221, ք. 36:

հանրապետությունների ճնշումների ներքո»:<sup>359</sup> Թուրքական ճկուն և հեռատես դիվանագիտությունն անխոցելի էր:

Խորհրդային Հայաստանի կառավարությունը Կարսի պայմանագիրը վավերացրեց միայն 1922 թ. մարտի 20-ին, իսկ քեմալական Թուրքիայի և Խորհրդային Ռուսաստանի փոխադարձ պայմանավորվածությամբ՝ վերջիններս Կարսի պայմանագիրը վավերացրեցին միաժամանակ՝ 1922 թ. մարտի 16-ին:<sup>360</sup> Այդ՝ մարտի 16-ին, Մոսկվայի ռուս-թուրքական բալանչիական պայմանագրի տարեդարձի օրը: Այս փաստը ևս մեկ անգամ հուշում է. կար բոլշևիկյան Ռուսաստանը, կար քեմալական Թուրքիան՝ նրանց կողմից ստորագրված «Բարեկամության և եղբայրության» պայմանագիրը, որով վերջիններս միմյանց միջև բաժանեցին Հայաստանը: ՀՍԽՀ խորհրդային իշխանություններին էլ պարտադրեցին Կարսում վավերացնել այդ «գավաղիլր գործարքը»: Հատկանշական է, որ Կարսի պայմանագրի վավերացմանը նվիրված Թուրքիայի Ազգային մեծ ժողովի 1922 թ. մարտի 16-ի հանդիսավոր նիստում Էրզրումից ընտրված պատգամավոր Հուսեյն Ավնի թեյը վստահ հայտարարեց. «Մարտի 16-ի օրը, որը մեր դժբախտության օրն էր (1920 թ. մարտի 16-ին Անտանտի դաշնակից պետությունները Կ. Պոլսում ցրել էին օսմանյան խորհրդարանը, իսկ նրա մի շարք իքսիհադական անդամներին արտրել էին Մարթա կղզի - Կ.Խ.), ներկայումս դարձել է, և ես դա հայտարարում եմ մեծ հպարտությամբ, տոնական օր ինչպես մեր, այնպես էլ ռուսների համար»:<sup>361</sup>

Եթե Հայաստանում խորհրդային իշխանության հաղթանակը Ստալինը ժամանակին համարեց «այսպես կոչված հայկական «պրորլենի» ամենաճիշտ լուծումը»,<sup>362</sup> ապա Թուրքիայի Ազգային մեծ ժողովի բացման 2-րդ տարեդարձին նվիրված 1922 թ. մարտի 1-ի հանդիսավոր նիստում Մուստաֆա Քեմալ փաշան ստալինյան ռճով հայտարարեց. «Այսպես կոչված «հայկական հարցը», որը ձգտում էին լուծել ավելի շուտ կապիտալիստական աշխարհի տնտեսական, այլ ոչ հայ ժողովրդի իրական շահերից ելնելով, իր ամենաճիշտ լուծումը գտավ Կարսի պայմանագրում (Ճափահարություններ): Մեր երկու աշ-

<sup>359</sup> Багиров Ю.А., Из истории советско-турецких отношений в 1920-1922 гг., Баку, 1965, с. 99.

<sup>360</sup> Պայմանագիրը վավերացրեցին Համառուսաստանյան Կենտրոնականի նախագահությունը (Տե՛ս ՀԱԱ, ֆ. 113, ց. 3, գ. 46, թ. 35) և Թուրքիայի Ազգային մեծ ժողովը. 172 կողմ, 12՝ դեմ և 3՝ ձեռնարկ ձայներով (Տե՛ս ՀԱԱ, ֆ. 114, ց. 1, գ. 221, թ. 144):

<sup>361</sup> ՀԱԱ, ֆ. 114, ց. 1, գ. 221, թ. 142:

<sup>362</sup> Правда, Москва, 4 декабря, 1920.

խատասեր ժողովուրդների, որոնք դարերի ընթացքում ապրել են կողք կողքի, միջև բարեկամական հարաբերությունները, ի երջանկություն մեզ, վերականգնված են»:<sup>363</sup>

Կարսի պայմանագրի համաձայն՝ պայմանագիրը ստորագրող պետությունների միջև վավերագրերի փոխանակումը տեղի էր ունենալու 1922 թ. սեպտեմբերի 11-ին Երևանում: Սա նույնպես պատահական չէր՝ Թուրքիան և Ռուսաստանը ձգտում էին համայն աշխարհին ցույց տալ, որ Հայաստանը կամովին է հրաժարվել իր պատմական տարածքներից և ընդունում է Կարսի պայմանագիրը:

Բայց իրականությունն այլ էր, Խորհրդային Ռուսաստանի ճնշումների ներքո ստորագրելով Կարսի պայմանագիրը, Խորհրդային Հայաստանը քեւ ճանաչեց Մոսկվայի պայմանագրով զոհված հայքորքայական սահմանը, սակայն նրա իշխանությունները առիքը բաց չէին թողնում՝ իրենց դժգոհությունը հայտնելու համար: ՀԿ(Բ)Կ 1-ին համագումարում (հունվարի 26-29, 1922 թ.) իր ելույթում Սարգիս Լուկաշինը ընդգծեց, որ Կարսի պայմանագիրը՝ «ոչ գրեթե նույն Ալեքսանդրապոլի պայմանագիրն է...», բայց, կարծես արդարանալով, միաժամանակ շեշտեց, որ «Այդ բանակցություններում մենք պետք է վրկէինք Հայաստանի ինտերնացիոնալ դեմքը»:<sup>364</sup> Կարսի պայմանագիրը կարևորելով հարևանների հետ հաշտ ապրելու և տարածաշրջանային խաղաղությունը պահպանելու անհրաժեշտությամբ, Ասքանազ Մռավյանը նշում է. «Մենք չենք կստող երբևիցե հրաժարվել հողային պահանջներից, որոնք մեզ համար անհրաժեշտություն են, մեր կենսունակության և ապրելու կարելիության առաջին պայմանը»:<sup>365</sup> Սակայն հայ կոմունիստները Հայկական հարցի լուծումը կապում էին «միջազգային հեղափոխության բախտի հետ»,<sup>366</sup> և համոզված էին, ինչպես նշում է Ալ. Մյասնիկյանը, որ Թուրքիայի օգնությամբ Արևելքը ինպերիալիզմից ազատագրելուց հետո «ինքնատիմության կյուծվեն և սահմանային, տարածքային խնդիրները»:<sup>367</sup>

Ինչպիսի սին հույսեր, իրականում՝ «Ավելի ծանր և ավելի անօգուտ խաղաղություն, քան Կարսինն է, հազիվ քե կարելի է գտնել պատմության էջերում»,<sup>368</sup> - բարեխղճորեն արձանագրում է Բ. Բորյա-

<sup>363</sup> ՀԱԱ, ֆ. 162, ց. 2, գ. 162, ք. 21:

<sup>364</sup> Նույն տեղում, ֆ. 1, ց. 2, գ. 2, ք. 3:

<sup>365</sup> Խորհրդային Հայաստան, Երևան, Խաղաղության 21, 1921, թիվ 201:

<sup>366</sup> Լուկաշին Ս., Հոլովածներ, զեկուցումներ, ճառեր, Եր., 1986, էջ 156:

<sup>367</sup> ՀԱԱ, ֆ. 4004, ց. 1, գ. 67, ք. 7:

<sup>368</sup> Տե՛ս Բорьян Б., նշվ. աշխ., էջ 163:

նը, և իրավացիորեն նկատում, որ Կարսի պայմանագիրն «Ըստ էության, այնպես էլ Ֆորմայ, քաղաքական և միջազգային իրավական նորմերի տեսանկյունից ինքնուրույն փաստաթուղթ չի հանդիսանում, այլ կրկնում և ամրագրում է 1921 թ. մարտի 16-ի պայմանագիրը»:<sup>369</sup> Հետևաբար, քանի որ Մոսկվայի պայմանագիրն իր հերթին ստորագրվել էր միջազգային իրավունքի հիմնարար սկզբունքների կոպիտ խախտումներով (պայմանագիրը ստորագրող կողմերն առանց որևէ լիազորության միջամտել էին այն չստորագրած ինքնիշխան պետության (պետությունների) տարածքային ամբողջականության հարցերին), ուստի կարծում ենք, որ տարածքային սահմանազատման հարցում Կարսի պայմանագրի նկատմամբ Հայաստանը իրավական պարտավորություն կրել չի կարող:

Մոսկվայի և Կարսի ոչ օրինական պայմանագրերով Խորհրդային Հայաստանը դարձավ խորհրդային արևելյան քաղաքականության «փրկագինը», շղթայվեց «համաշխարհային հեղափոխության» սնանկ զաղափարախոսության շղթաներով, զաղափարախոսություն, որ «հանդիսանում էր որոշիչ գործոն և չէր կարող ենթարկվել ուրիշ ոչնչի»:<sup>370</sup> Համոզիչ այս եզրահանգումներին չհամաձայնվել չենք կարող, այդպիսին էին ժամանակները:

Մյուս կողմից՝ Ալեքսանդրապոլի բուրք-հայկական պայմանագրի առկայությունը, հայկական տարածքների՝ քենալական գորքերի զինագրավման տակ գտնվելու փաստը, Խորհրդային Ռուսաստանի թե ներքին, և թե արտաքին ծանր դրությունը, դրան հակառակ՝ քենալական Թուրքիայի համար բարենպաստ միջազգային իրադրությունը, հնարավորություն չավեցին խորհրդային դիվանագիտությանը Մոսկվայի և Կարսի կոնֆերանսներում իր կամքը թելադրել Թուրքիային, և փոփոխություններ կատարել Ալեքսանդրապոլի պայմանագրով զոժված բուրք-հայկական սահմանում: Հայաստանի համար միակ դրականը թերևս կարելի է համարել այն, որ Մոսկվայի և Կարսի պայմանագրերով Թուրքիան ճանաչեց Հայաստանի ինքնիշխանությունը, զրկվեց նրա ներքին գործերին միջամտելու հնարավորությունից:

Կարելի է ամփոփել, որ Խորհրդային Հայաստանի սահմանների որոշման հարցում Խորհրդային Ռուսաստանը ամբողջությամբ չսաշտպանեց հայ ժողովրդի շահերը, դրանք գոհաբերեց քենալական Թուրքիայի հետ համագործակցության վրա հիմնված իր արևելյան

<sup>369</sup> Տե՛ս Борьян Б., նշվ. աշխ., էջ 300-301:

<sup>370</sup> Տե՛ս նույն տեղում, էջ 263:

քաղաքականության հեռանկարներին: Ոչ միայն Արևմտյան, այլև Արևելյան Հայաստանի պատմական տարածքների զգալի մասը մնացին Թուրքիայի, Ադրբեջանի և Վրաստանի կազմում, դրանով իսկ տարածաշրջանում ուժեղացավ քուրք-ադրբեջանա-վրացական գործոնը, քուլացավ՝ հայկականը: Սակայն պատմական ճշմարտությունն ու արդարությունը վաղ քե ուշ հաղթանակում են, և դրա ցայտուն օրինակն է ներկայիս Լեռնային Ղարաբաղի Հանրապետությունը, որը հայ ժողովրդի ազգային-ազատագրական հերոսական պայքարի շնորհիվ ձեռք է բերել իր պետականությունը, դարձել Մայր Հայրենիքի անբաժան մասը:

## ՉԼՈՒՆ ԶՈՐՐՈՐԴ

*ՀՄԽՀ ԵՎ ՌՍՖՍՀ ՄԻՋՊԵՏԱԿԱՆ ՀԱՐԱՔԵՐՈՒԹՅՈՒՆՆԵՐԸ  
1921-1922 ԹԹ.: ՀԱՆՐԱՊԵՏՈՒԹՅՈՒՆՆԵՐԻ ՀԱՄԱԳՈՐԾԱԿ-  
ՅՈՒԹՅՈՒՆԸ ԱՆԴՐԿՈՎԿԱՍՅԱՆ ԴԱՇՆՈՒԹՅԱՆ ԵՎ ԽՍՀՄ  
ԿԱԶՄԱՎՈՐՄԱՆ ԳՈՐԾՈՒՄ*

*1. Հայ-ռուսական միջպետական հարաբերությունները խորհրդային հանրապետությունների պետական միավորման գործընթացի համատեքստում: Անդրդաշնության կազմավորումը*

Հայաստանի խորհրդայնացումից հետո հանրապետության նոր կառավարությունը՝ Հայաստանի հեղկոմը, հրատարակեց իր համարում խորհրդային երկու հանրապետությունների՝ Հայաստանի և Ռուսաստանի միջև հաստատված ռազմաքաղաքական դաշինքին իրավական պայմանագրային ձևակերպում տալու խնդրի լուծումը: Պետք է նկատի ունենալ, որ 1920 թ. դեկտեմբերի 2-ի Երևանի հայ-ռուսական համաձայնագիրը ոչ միայն չէր կարգավորում հանրապետությունների միջպետական փոխհարաբերությունները, այլև, ինչպես արդեն նշել ենք, «չեղյալ համարվեց» Հայաստանի նոր իշխանությունների կողմից:

1920-1921 թթ. դեկտեմբեր-փետրվար ամիսներին Հայաստանում տիրող ներքաղաքական անկայուն և բարդ իրադրության պայմաններում, հայ-ռուսական պայմանագրի նախագիծ պատրաստելու և շտապ ստորագրելու՝ Հայաստանի իշխանությունների մտադրությունները չիրականացան: Բայց, ինչպես վկայում են արխիվային փաստաթղթերը, Հայիեղկոմը փորձեր, այնուամենայնիվ, կատարեց: Այսպես, 1921 թ. հունվարի 8-ին Հայիեղկոմի անդամ Ալեքսանդր Բեկզադյանը Ադրբեջանում ՀՄԽՀ ներկայացուցիչ Մ. Աբարեկյանին հրահանգավորում է, որպեսզի նա անմիջապես Մոսկվա հաղորդի Հայաստանի և Ռուսաստանի միջև ռազմաքաղաքական դաշինք կնքելու մասին Հայիեղկոմի ցանկության մասին:<sup>371</sup> Սակայն Հայաստանում փետրվարյան ապստամբության արդյունքում խորհրդային իշխանության տապալման հետևանքով, գործը դրանից այն կողմ չանցավ, և հայ-

<sup>371</sup> ՀԱԱ, ֆ. 114, ց. 2, գ. 50, ք. 4: Տե՛ս նաև գ. 35, ք. 11-ի շրջերես:

ռուսական միջպետական պայմանագիր պատրաստելու և ստորագրելու գործընթացը կասեցվեց և մղվեց հետին պլան:

Պետր Լ ճեղ, որ Խորհրդային Հայաստանի և Ռուսաստանի միջպետական հարաբերությունների ձևավորման գործընթացը սերտորեն շտկապված էր ինչպես անդրկովկասյան հանրապետությունների, այնպես էլ Խորհրդային Ռուսաստանի և խորհրդային մյուս հանրապետությունների միջև ձևավորվող հարաբերությունների հետ և ընթանում էր զուգահեռ:

Ռուսական նախկին կայսրության տարածքի մեծ մասում 1917-1921 թթ. առաջացած խորհրդային ազգային հանրապետությունների փոխհարաբերությունների կարգավորման հարցը Ռուսաստանի բոլշևիկյան իշխանությունները հատուկ քննարկման առարկա դարձրին 1921 թ. մարտի 8-16-ը Մոսկվայում հրավիրված ՌԿ(բ)Կ 10-րդ համագումարին:

Կենտկոմի անուից ՌՍՖՍՀ ազգությունների գործերի ժողկոմ Ի. Ստալինի զեկուցման հիման վրա համագումարի ընդունված «Ազգային հարցում կուսակցության ընթացիկ խնդիրների մասին» բանաձևում արձանագրվեց, որ հակախորհրդային իմպերիալիստական շրջապատում խորհրդային հանրապետությունների մեկուսի, անջատ գոյությունն անխոհեմ և աննպատակահարմար է: Նշվեց, որ հանրապետությունների պաշտպանության, տնտեսության վերականգնման, փոխօգնության, ազգերի համերաշխության, ռազմաքաղաքական սերտ հարաբերություններ հաստատելու ընդհանուր շահերը «Հրամայաբար քերադրում են առանձին խորհրդային հանրապետությունների պետական միավորումը»: Միավորման լավագույն ձև համարվեց խորհրդային ֆեդերացիան (դաշնությունը), որի հիմքում դրվելու էր հանրապետությունների փոխադարձ վստահության և դաշնության մեջ մտնելու կամավորության սկզբունքը:<sup>372</sup>

Համագումարը ՌԿ(բ)Կ առաջնահերթ և հրատապ խնդիրներից համարեց՝ օգնել խորհրդային ազգային հանրապետություններին ամրապնդել խորհրդային պետականությունը, ազգային կոմկուսների գործունեությունը, զարգացնել ազգային մշակույթը, կրթությունը, գիտությունը (մայրենի լեզվով), հաղթահարել և վերացնել ազգերի հետամնացությունը և նրանց միջև փոխադարձ անվստահությունը: Բանաձևը ավարտվում է «Մեծապետական վելիկոռուսական շովինիզմի

<sup>372</sup> Десятый съезд РКП(б). Стенографический отчет, с. 602.

(ազգայնամոլության)» և «տեղական բուրժուական նացիոնալիզմի (ազգայնականության)» դեմ անխնա պայքար ծավալելու կոչով:<sup>373</sup>

Հարկ է նշել, որ մինչ կոմունիստական կուսակցության 10-րդ համագումարը, որի ընդունած բանաձևերով փաստորեն ճշգրտվեցին և նախանշվեցին խորհրդային հանրապետությունների՝ «խորհրդային դաշնության» սկզբունքի հիման վրա, ավելի սերտ միավորման գործընթացի հիմնական բաղադրիչները, Խորհրդային Ռուսաստանի և խորհրդային ազգային հանրապետությունների փոխհարաբերությունները կառուցվում էին նախ՝ «ռազմաքաղաքական դաշինքի»,<sup>374</sup> իսկ այնուհետև՝ հանրապետությունների միջև ստորագրված երկկողմ պայմանագրերի հիման վրա: Ռուսաստանը դաշինքի մասին պայմանագրեր և տնտեսական համաձայնագրեր էր ստորագրել խորհրդային մի քանի հանրապետությունների, այդ թվում՝ Խորհրդային Ադրբեյջանի (30 սեպտեմբերի, 1920 թ.), Ուկրաինայի (28 դեկտեմբերի, 1920 թ.) և Բելոռուսիայի (16 հունվարի, 1921 թ.) հետ:

Միջպետական ֆեդերատիվ հարաբերությունների նշված ձևերը, որոնց հիմքում դրված էր խորհրդային ազգային ինքնավարության սկզբունքը, բոլշևիկյան կուսակցության վերնախավը դիտում էր որպես անցումնային փուլ՝ համաշխարհային հեղափոխության հաղթանակից հետո «Միջազգային Խորհրդային հանրապետություն» ստեղծելու ճանապարհին:

Խորհրդային հանրապետությունների փոխհարաբերությունների ձևերը թեև փոխվում էին, սակայն դրանք որևէ ազդեցություն չէին գործում հանրապետությունների միջպետական հարաբերությունների էության վրա: Դա պայմանավորված էր նրանով, որ կուսակցական, արհմիութենական, տնտեսավարող, և անգամ ուժային կառույցների գործունեության հիմքում դրված «դեմոկրատական ցեմտրալիզմի» սկզբունքը, անկախ ամենից, ապահովում էր բոլշևիկյան կուսակցության դիկտատուրան: Վերջինիս ամրապնդմանն էր ուղղված նաև

<sup>373</sup> Տե՛ս նույն անդում, էջ 603-604, 607:

<sup>374</sup> Իրականացնելով 1919 թ. մարտին տեղի ունեցած Ռ-Կ(բ)Կ 8-րդ համագումարի ընդունած բանաձևերը, նույն թվականի հունիսի 1-ին Համառուսաստանյան Կենտրոնական ընդունեց «Համաշխարհային իմպերիալիզմի դեմ պայքարելու համար խորհրդային հանրապետությունների՝ Ռուսաստանի, Ուկրաինայի, Լատվիայի, Լիտվայի, Բելոռուսիայի միավորման մասին» հրավարած կարգադրության մեջ այն հայտանի է որպես «խորհրդային ազգային հանրապետությունների ռազմաքաղաքական միության մասին դեկրետ» (Տե՛ս Шесть лет национальной политики Советской власти и Наркомнац. 1917-1923 гг., Москва, 1923, с. 18-19):

ՌԿ(բ)Կ 10-րդ համագումարի կողմից ընդունված «Կուսակցության միասնության մասին» բանաձևը, որի համաձայն՝ բացառվում էր այլակարծության որևէ դրսևարում ոչ միայն կուսակցության ներքում, այլև խորհրդային ազգային հանրապետությունների փոխհարաբերություններում, դրանք նույնպես կարգավորվելու էին «կուսակցական կարգով»:

Բոլշևիկյան կուսակցության վերնախավն ամեն ինչ կանխատեսել էր, որպեսզի խորհրդային հանրապետությունները, անգամ Խորհրդային Ռուսաստանից պետական և վարչական առումով անջատ լինելով, դեկավարվեին կուսակցական վերադաս մեկ մարմնից՝ ՌԿ(բ)Կ Կենտկոմից, և նրա կողմից կազմավորված կուսակցական երկրային բյուրոների միջոցով: Իսկ հանրապետությունների ազգային կոմկուսները, որպես ՌԿ(բ)Կ բաղկացուցիչ մասեր, իրենց հերքին ենթակա էին երկրային բյուրոներին:

Այսպիսով պետք է նշել, որ ֆեդերացիայի գաղափարն իր հիմքում քեև առաջադիմական էր և, մեր կարծիքով, կարող էր չափազանց արդյունավետ լինել խորհրդային հանրապետությունների համար քեև ներքին, և քեև արտաքին դրության տեսանկյունից, սակայն, միայն այն դեպքում, եթե խստորեն պահպանվեին ֆեդերացիայի հիմնարար սկզբունքները՝ այն կազմող պետությունների լիարժեք իրավական սուվերենությունը, ֆեդերացիայի մեջ մտնելու և դուրս գալու կամավորությունը: Սակայն, ինչպես արդեն նշել ենք, բոլշևիկյան վերնախավը իրականում դա բացառում էր, ուստի խորհրդային հանրապետությունների ֆեդերատիվ (դաշնային) հարաբերությունների հիմքերը ամուր լինել չէին կարող:

Խորհրդային Հայաստանում, և ընդհանրապես ամբողջ Կովկասում, ՌԿ(բ)Կ Կենտկոմի լիազոր ներկայացուցչական մարմինը՝ 1921 թ. մարտի 21-ին ստեղծված ՌԿ(բ)Կ Կովկասյան բյուրոն էր, որի փաստացի ղեկավարն էր ՌԿ(բ)Կ Կենտկոմի անդամ Գ. Օրջոնիկիձեն: Նշենք, որ բյուրոյի իրավասության շրջանակներում էր անդրկովկասյան հանրապետությունների ոչ միայն կուսակցական, խորհրդային ու տնտեսական բնագավառների, այլև հանրապետությունների միջև միջպետական հարաբերությունների կարգավորման խնդիրները:

Անդրկովկասի հանրապետությունների և Խորհրդային Ռուսաստանի միավորման ձևերի մասին տարբեր տեսակետներ առաջ եկան ամբողջ երկրամասի խորհրդայնացումից հետո 1921 թ. գարնան սկզբին: Դրանցից կառանձնացնեինք Մոսկվայում Խորհրդային Ադրբեջանի լիազոր ներկայացուցիչ Բ. Շահբախթինսկու տեսակետը, ուր

նա շարադրել է Վ. Լենինին 1921 թ. մարտի 1-ին ուղղված գեկուցագրում:<sup>375</sup>

Մինչ գեկուցագրի բովանդակությանն անդրադառնալը, ընթերցողի ուշադրությունը հրավիրենք հետևյալ ուշագրավ փաստի վրա: Մեր կարծիքով, գեկուցագիրը գրելու և Լենինին ներկայացնելու ժամանակը պատահական չէր ընտրված, նախ՝ ընդամենը մի քանի օր էր, ինչ խորհրդայնացվել էր Վրաստանը, իսկ Հայաստանում, ընդհակառակը, խորհրդային իշխանությունը տապալված էր և, ամենազվազվուրդ, նույն օրերին Մոսկվայում ընթացող ռուս-թուրքական բանակցություններում լուրջ քննարկումների առարկա էր դարձել Հայկական հարցը:

Նշենք, որ թուրքական պատվիրակությունը Բաքվից Մոսկվա էր ժամանել հենց Շահթախթինսկու ուղղեկցությամբ, իսկ գեկուցագիրն էլ «պատահական զուգադիպությամբ» հաջորդել էր խորհրդային Ադրբեջանի հեղկոմի նախագահ Ն. Նարիմանովի կողմից Վ. Լենինին 1921 թ. փետրվարի կեսերին ուղղված երկու նամակներին: Դրանցում, ինչպես նշել ենք նախորդ շարադրանքում, վերջինս «անկեղծ» խորհուրդներ է տալիս բուլղիկների առաջնորդին՝ Հայկական հարցը թուրքիայի և Ադրբեջանի օգտին լուծելու միջոցով ապահովել խորհրդա-թուրքական ամուր դաշինքը:<sup>376</sup> Կասկածից վեր է, որ նույն նպատակն էր հետապնդում նաև Շահթախթինսկու գեկուցագիրը, թեև այն խորամանկորեն շղարշված էր «անդրկովկասյան հանրապետությունների աշխատավոր տարրերի համար խաղաղ համակեցության պայմաններ ստեղծելու և նրանց՝ Ռուսաստանի Դաշնության մեջ մտնելու» անկեղծ մտահոգությամբ: «Ժամանակն է, - հուշում է Շահթախթինսկին, - որպեսզի այդ գաղափարը ստանա կոնկրետ ձև»: Այնուհետև նշելով տարածաշրջանում առկա տարածքային,<sup>377</sup> տնտեսական և բազմաթիվ այլ հայ-վրաց-ադրբեջանական տարածայնությունների մասին, Շահթախթինսկին հուշում է, որ դժվարին այդ խնդիրների արդարացի և նպատակահարմար լուծումը կարող է հիմք հանդիսանալ «անդրկովկասյան բոլոր հանրապետությունների (ներառյալ Դալս-

<sup>375</sup> Տե՛ս Нагорный Карабах в 1918-1923 гг., էջ 617- 620: Տե՛ս նաև ՀԱԱ, հավաքածու 1, գ. 3, ք. 65:

<sup>376</sup> Տե՛ս Нагорный Карабах в 1918-1923 гг., էջ 614 - 617:

<sup>377</sup> Նշենք, որ նամակին կից Շահթախթինսկին ներկայացնում է քվով 10 (Բորչաբու, Ղազախ, Ղարաբաղ, Ախալցխա, Նախիջևան և Շարուր, Չանգեզուր և այլն), իր կուրծիքով, վիճելի համարվող տարածքների մասին տեղեկատվական ավյալներ, որանցում միառոմնապոր կեղծել է բնակչության քվաքանակը՝ մտաուվանական աստիճանի օգտին:

տանը լեռնականների հետ՝ կովկասյան մեկ հանրապետության մեջ միավորվելու, և Ռուսաստանի Դաշնության կազմ մտնելու համար»։ Ավելացնենք միայն, որ հետզորությունով Շահբախթինսկին հուշում է, որ կովկասյան հանրապետության մեջ Դադստանը մտցնելու համար ինքը չի պնդի։<sup>378</sup>

Շահբախթինսկու առաջարկությունները հատուկ քննարկման առարկա դարձան Ռ.Կ(բ)Կ Կենտկոմի 1921 թ. մարտի 16-ի պլենումի նիստում։ Որոշվում է հարցի քննարկումը փոխանցել Ստալին, Վլադիմիրսկի, Չիչերին կազմով ստեղծված հանձնաժողովին, և հանձնարարել նրան կարճ ժամանակում քաղբյուրոյի հաստատմանը ներկայացնել հանձնաժողովի աշխատանքների արդյունքները։<sup>379</sup> Սակայն, քաղաքական իրադրության փոփոխության պատճառով, հանձնաժողովն այդպես էլ որևէ առաջարկ չներկայացրեց։

Ռ.Կ(բ)Կ 10-րդ համագումարին խորհրդային հանրապետությունների միջև ձևավորվող հարաբերությունների նախաանշած ուղին Կովկասի հանրապետությունների համար առավել հստակեցվեց Վ. Լենինի կողմից 1921 թ. ապրիլի 14-ին շարադրված՝ «Ադրբեջանի, Վրաստանի, Դադստանի, Լեռնականների հանրապետության կոմունիստ ընկերներին» ուղղված նամակում։ Ծրագրային այդ նամակ-հրահանգի սմբողջ շարադրանքում կարմիր թելով անցնում է Կովկասի խորհրդային հանրապետությունների միջև սերտ դաշինք հաստատելու գաղափարը։<sup>380</sup>

Անդրկովկասի քաղաքական և սոցիալ-տնտեսական խնդիրները մշտապես գտնվում էին Լենինի համակ ուշադրության կենտրոնում, 1921 թ. ապրիլի 9-ին Գ. Օրջոնիկիձեին ուղղված հեռագրում Լենինը պահանջում է «Ամբողջ Անդրկովկասի համար ստեղծել մարզային տնտեսական մարմին»,<sup>381</sup> իսկ ապրիլի 11-ին նույն հասցեատիրոջը ուղղված մեկ այլ հեռագրում՝ հուշում է մտածել «Կովկասյան հանրապետությունները տնտեսական մեկ կենտրոնի մեջ միավորելու մասին»։<sup>382</sup> Ապրիլի 14-ի նամակը շարադրելուց ընդամենը մի քանի օր անց, 1921 թ. ապրիլի 19-ին, դարձյալ Օրջոնիկիձեին ուղղված հեռագրում նա հետաքրքրվում է. «Միավորված են, արդյո՞ք, Վրաստանը,

<sup>378</sup> Տե՛ս Нагорный Карабах в 1918-1923 гг., էջ 618:

<sup>379</sup> ՀԱԱ, հավաքածու 1, գ. 3, ք. 66:

<sup>380</sup> Լենին Վ.Ի., ԵԼԺ, հ. 43, էջ 237-240:

<sup>381</sup> ՀԱԱ, ֆ. 1022, գ. 5, գ. 68, ք. 1:

<sup>382</sup> Լենին Վ.Ի., ԵԼԺ, հ. 43, էջ 233:

Հայաստանը, Ադրբեջանը, համաձայնեցված են, արդյո՞ք, արտաքին առևտրի հարցերը»:<sup>383</sup>

Նշենք, որ այդ ուղղությամբ աշխատանքները 1921 թ. գարնանն արդեն իսկ սկսվել էին: Այսպես՝ ՌԿ(Բ)Կ Կենտկոմի Կովկասյան բյուրոյի, Ռուսաստանի և անդրկովկասյան հանրապետությունների համապատասխան ղեկավար մարմինների ակտիվ բանակցությունների արդյունքում 1921 թ. ապրիլի 16-ին Թիֆլիսում ստորագրվում է համաձայնագիր Վրաստանի, Ադրբեջանի և Հայաստանի երկաթուղիների միավորման, Ռուսաստանի երկաթուղային ընդհանուր ցանցի մեջ նրանց ընդգրկելու, և դրանից բխող այլ հարցերի մասին: Ռուսաստանի կողմից համաձայնագիրը ստորագրել է ՌՍՖՍՀ հազորդակցության փոխժողկոմ Վ. Ֆոմինը:<sup>384</sup> Համապատասխան համաձայնագրեր ստորագրեցին նաև Վրաստանի, Ադրբեջանի և Հայաստանի հեղկոմների նախագահներ Մ. Օրախելաշվիլին, Մ. Հուսեյնովը և Ս. Կասայանը:<sup>385</sup> Համաձայնագրերը վավերացվեցին 1921 թ. օգոստոսի 8-ին Մոսկվայում՝ Գ. Չիչերինի, Մ. Յիսակայայի, Ա. Շիրվանու և Ս. Տեր-Գաբրիելյանի կողմից ստորագրված համապատասխան արձանագրությամբ:

Շուտով իրականացվեց նաև Անդրկովկասի հանրապետությունների արտաքին միացյալ առևտուրը ղեկավարող մեկ մարմին ստեղծելու մասին Լենինի ցուցումը: Ռուսաստանի իշխանությունների միջնորդությամբ 1921 թ. մայիս-հունիս ամիսներին Վրաստանի, Ադրբեջանի և Հայաստանի միջև ստորագրվեցին համապատասխան համաձայնագրեր:<sup>386</sup>

\* \* \*

Ինչպես արդեն նշել ենք, Խորհրդային Հայաստանի և Ռուսաստանի միջպետական հարաբերությունների ձևավորման գործընթացը շաղկապված էր անդրկովկասյան հանրապետությունների և Ռուսաստանի միջև ձևավորվող հարաբերությունների հետ և ընթանում էր գուրգուռանքով:

<sup>383</sup> Լենին Վ.Ի., ԵԼԺ, հ. 52, էջ 173-174:

<sup>384</sup> Правда Грузии, 17 апреля, 1921, № 41. Տե՛ս նաև, История Советской Конфедерации в документах (1917-1956), Москва, 1957, с. 283-284.

<sup>385</sup> Կոմունիստ, Երևան, 1921, մայիսի 13, թիվ 82:

<sup>386</sup> Տե՛ս Правда Грузии, 25 июня, 1921, № 93: Տե՛ս նաև, Խորհրդային Հայաստան, Երևան, 1921, հունիսի 6, թիվ 119:

Հայաստանում 1921 թ. գարնանը խորհրդային իշխանությունը վերահաստատելուց հետո Խորհրդային Հայաստանի և Ռուսաստանի իշխանությունները որոշակի քայլեր ձեռնարկեցին հանրապետությունների փոխհարաբերությունները պայմանագրային իրավական հիմքի վրա կարգավորելու ուղղությամբ: Նախնական երկկողմ բանակցություններից հետո 1921 թ. մայիսի 11-ին Մոսկվայում հրավիրվում է ՀՍԽՀ քաղաքացիության հետ առնչվող հարցերին նվիրված միջգերատեսչական խորհրդակցություն՝ Մոսկվայում Հայաստանի լիազոր ներկայացուցիչ Ս. Տեր-Գաբրիելյանի և ՌՍՖՍՀ արտաքին ու ներքին գործերի ժողովմատների (Լևին, Սարանին, Ջայցև), Կարմիր բանակի շտաբի (Շչերբակով) ներկայացուցիչների մասնակցությամբ: Խորհրդակցությանը միասնական և անբաժան է ճանաչվում ՀՍԽՀ և ՌՍՖՍՀ քաղաքացիությունը, ընդունվում է, որ ՀՍԽՀ քաղաքացիները զինձառայությունը պետք է անցկացնեն Ռուսաստանի քաղաքացիների համար սահմանված ընդհանուր հիմունքներով: Ի դեպ՝ հայազգի քաղաքացիներին իրավունք է վերապահվում զինձառայությունն անցկացնել Խորհրդային Հայաստանի տարածքում: Խորհրդակցության որոշումներին իր համաձայնությունը տվեց և հաստատեց Ռուսաստանի արտգործժողովոմի տեղակալ Լ. Կարախանը (խորհրդակցության եզրափակիչ արձանագրության բնագրի վրա առկա է վերջինիս համապատասխան մակագրությունը – Կ.Խ.):<sup>387</sup>

Մոսկվայում Հայաստանի լիազոր ներկայացուցիչ Սահակ Տեր-Գաբրիելյանը մեծ ջանքեր էր գործադրում հայ-ռուսական միջպետական հարաբերությունների իրավական դաշտը կարգավորելու ուղղությամբ: 1921 թ. հուլիսի 27-ին Տեր-Գաբրիելյանը ՀՍԽՀ արտգործժողովմատ է ուղարկում հայ-ռուսական «Բանվորագյուղացիական դաշնագրի» և ֆինանսատնտեսական համաձայնագրի նախագծերը: Դրանց կից գրությունում Տեր-Գաբրիելյանը հուշում է, որ պայմանագրերը «Հանդիսանում են խորհրդային բոլոր հանրապետությունների և ՌՍՖՍՀ-ի միջև արդեն ստորագրված պայմանագրերի պատճենները և, իհարկե, որևէ փոփոխության ենթակա չեն»: Հայաստանի ներկայացուցիչը հայտնում է նաև, որ մոտակա օրերին պայմանագրերը, ինչպես նաև դրանցից բխող մի շարք երկկողմանի համաձայնագրերը (փոստ-հեռագրի, տնտեսական և այլն) ստորագրելու է Ռուսաստանի արտգործժողովոմ Գ. Չիչերինի հետ:<sup>388</sup>

<sup>387</sup> ՀԱՄ . ֆ. 114, ց. 1, գ. 8, ք. 51: Տե՛ս նաև նույն տեղում, գ. 9, ք. 62:

<sup>388</sup> Տե՛ս նույն տեղում, ֆ. 113, ց. 3, գ. 7, ք. 53-55:

Նշենք, որ ռուս-հայկական դաշնագրի նախագիծը հիմնական դրույթներում չէր տարբերվում ռուս-ուկրաինական և ռուս-բելոռուսական նմանատիպ դաշնագրերից և բառ առ բառ կրկնում է Ռուսաստանի և Վրաստանի միջև 1921 թ. մայիսի 21-ին ստորագրված դաշնագիրը:<sup>389</sup>

Այնուհանդերձ, դաշնագրի նախագծի ներածականում կողմերը՝ Հայաստանը և Ռուսաստանը, ճանաչում էին միմյանց անկախությունը և ինքնուրույնությունը, հավաստում՝ ընդհանուր շահերի մասին: «Պայմանագրի 1-ին հոդվածով ՌՍՖՍՀ-ն և ՀՍՄՀ-ն կազմում էին ռազմական և տնտեսական դաշինք, 2-րդ հոդվածում մասնավորապես նշվում է, որ ՀՍՄՀ տարածքի՝ նախկին Ռուսական կայսրությանը պատկանելիության փաստից, ՀՄՄՀ-ի համար որևէ պարտավորություններ չի բխում, 3-րդ հոդվածով կողմերը պարտավորվում են լրացուցիչ համաձայնագրեր կնքել՝ պայմանագրի 1-ին հոդվածը լավագույնս իրականացնելու համար: 4-րդ հոդվածը արժանագրում է, որ հանրապետությունների «Միավորված մարմինների ղեկավարումը, ինչպես նաև նրանց հսկողությունը իրականացվելու է Համառուսաստանյան րանվորագյուղացիական և կարմիրբանակային պատգամավորների խորհուրդների համագումարների, ինչպես նաև Համառուսաստանյան Կենտրոնականի միջոցով: Վերջինում ՀՍՄՀ-ն ունենալու էր իր ներկայացուցիչներին, որոնց գործողման կարգը պետք է ներկայացվեր Համառուսաստանյան խորհուրդների համագումարի հաստատմանը»: Վերջին, 5-րդ հոդվածով՝ պայմանագիրը ուժի մեջ էր մտնելու ստորագրման պահից: Նշենք, որ պայմանագրի նախագիծը պատրաստվել էր Մոսկվայում գործող ՀՍՄՀ ներկայացուցչությունում 1921 թ. հուլիսի 16-ին:<sup>390</sup>

Ռուսաստանում Խորհրդային Հայաստանի ներկայացուցչության և նրա ղեկավար Սահակ Տեր-Գաբրիելյանի հետևողական աշխատանքների արդյունքում՝ ՌՍՖՍՀ կառավարությունը 1921 թ. օգոստոսի 24-ին հավանության է արժանացնում «Փոստ-հեռագրի և ռադիոհեռագրի կառավարումը միավորելու մասին» հայ-ռուսական համաձայնագրի նախագիծը և առաջարկում Ռուսաստանի արտոգործող կոմսատին կառավարության անունից ստորագրել այն: Կառավարության հավանությանն է արժանանում նաև հայ-ռուսական ֆինան-

<sup>389</sup> Տե՛ս Советское содружество народов, Москва, 1977, т. 2, с. 217-218:

<sup>390</sup> ՀԱԱ, ֆ. 113, ց. 3, գ. 7, ք. 53-55:

սակյան համաձայնագիրը, որը ստորագրվում է Մոսկվայում 1921 թ. սեպտեմբերի 30-ին:<sup>391</sup>

Ինչ վերաբերվում է հայ-ռուսական «Բանվորագյուղացիական դաշնագրին», ապա այն այդպես էլ չստորագրվեց: Կարելի է ենթադրել, որ Խորհրդային Ռուսաստանի իշխանությունները մնան պայմանագրի ստորագրումն ավելորդ համարեցին, այն պարզ պատճառով, որ արդեն 1921 թ. ամռան - աշնանը ինտենսիվ բանակցություններ էին ընթանում ինչպես Անդրկովկասի հանրապետությունների դաշնություն ստեղծելու, այնպես էլ այդ հանրապետությունների ու Ռուսաստանի միջև տնտեսական, վարչական և ռազմաքաղաքական մի շարք պայմանագրեր ու համաձայնագրեր ստորագրելու վերաբերյալ:

\* \* \*

1921 թ. հուլիսի 2-3-ին տեղի ունեցած Ռ.Կ(Բ)Կ Կենտկոմի Կովկասյան բյուրոյի միացյալ պլենումը, մի շարք հարցերի թվում, քննարկեց նաև անդրկովկասյան հանրապետությունների, վերջիններիս և Խորհրդային Ռուսաստանի միջև հաստատվելիք միջպետական հարաբերություններին առնչվող հարցերը: Պլենումի կողմից ընդունված բանաձևում թեև շեշտվեց Անդրկովկասի հանրապետությունների անկախությունը պահպանելու անհրաժեշտության մասին, սակայն, միաժամանակ, պահանջվում է յստորեն պահպանել այդ երկրների կոմկոսների Կենտկոմների և Ռ.Կ(Բ)Կ Կենտկոմի միջև գոյություն ունեցող հարաբերությունները: Հրամայական է համարվում անդրկովկասյան հանրապետությունների և Ռուսաստանի միջև ռազմական, առևտրատնտեսական և ֆինանսական պայմանագրերի կնքումը՝ կամավորության սկզբունքի հիման վրա: Ռ.Կ(Բ)Կ Կենտկոմին առաջարկվում է այսուհետև «Ռ.Ս.Ֆ.Ս.Հ Ժողկոմստների լիազոր-ներկայացուցիչներին չուղարկել անդրկովկասյան հանրապետություններ, առանց վերջիններիս Կենտկոմների մախնական համաձայնության, ընդ որում, - նշվում է բանաձևում, - ներկայացուցիչներին կարելի է ուղարկել միայն Ռ.Կ(Բ)Կ Կենտկոմի Կովկասյան բյուրոյի միջոցով»: Խնդրվում է նաև՝ վերացնել Համառուսաստանյան Արտակարգ Հանձնաժողովի (ՅՇԿ) լիազոր-ներկայացուցիչների ինստիտուտը Վրաստանում, Ադրբեջանում և Հայաստանում:<sup>392</sup>

<sup>391</sup> Տե՛ս Советское содружество народов, էջ 235, 241-243: Համաձայնագրի մասին մանրամասն տե՛ս սույն աշխատության 5-րդ գլխամ:

<sup>392</sup> Борьба за упрочение Советской власти в Грузии, Тбилиси, 1959, с. 59-60.

Պետք է նշել, որ Անդրկովկասի խորհրդային հանրապետությունների դաշնություն հիմնելու գաղափարը քարոզվում էր ոչ միայն կուսակցական հրահանգներով, այլև հանրապետական և անդրկովկասյան կուսակցական, կոմերիտական, արհմիութենական և այլ խորհրդակցություններում ու ժողովներում: Այսպես՝ Հայկոմկուսի Երևանի կազմակերպության և արհեստակցական միությունների միացյալ հանդիսավոր նիստում (1921 թ. մայիսի 9-ին) Ալ. Մյասնիկյանը հայտարարեց. «Այսօր մենք դեռ ամբողջ Անդրկովկասը չենք կարող կառավարել իբրև մի ամբողջություն: Բայց հենց որ մենք ոտքի վրա կանգնենք, կեիմենք Կովկասյան ֆեդերացիա»:<sup>393</sup>

Անդրֆեդերացիայի կազմավորման անհրաժեշտության և անխուսափելիության մասին էր Ի. Ստալինի զեկուցումը Թիֆլիսի կուսկազմակերպության ընդհանուր ժողովում 1921 թ. հուլիսի 6-ին:<sup>394</sup> Ծրագրային նշանակություն ունեւր նաև Գ. Օրջոնիկիժեի զեկուցումը 1921 թ. օգոստոսի 12-14-ը Թիֆլիսում հրավիրված Կովկասյան երկրամասային կուսակցական առաջին խորհրդակցությունում: Անդրադառնալով Անդրկովկասում ՌԿ(Բ)Կ Կենտկոմի Կովկասյան բյուրոյի խնդիրներին, Օրջոնիկիժեն մասնավորապես նշեց. դրանցից զլխավորն է՝ նպաստել «կովկասյան խորհրդային հանրապետությունների տնտեսական միավորմանը միմյանց և Խորհրդային Ռուսաստանի հետ, միաժամանակ, պահպանել այդ հանրապետությունների անկախությունը»: Նա նաև հատուկ շեշտեց, որ «Կովկասը տնտեսական տեսակետից ներկայացնում է միասնական ամբողջական և անբախտելի օրգանիզմ: Ուստի և Կովկասի խորհրդային բոլոր հանրապետությունների տնտեսական միավորման խնդիրը հերթի դրվեց, հենց որ Կովկասում հաստատվեց խորհրդային իշխանությունը»:<sup>395</sup>

Անդրկովկասյան դաշնություն ստեղծելու գործընթացի արագացմանը նպաստելու էր 1921 թ. նոյեմբերի 3-ին Բարվում կայացած ՌԿ(Բ)Կ Կենտկոմի Կովկասյան բյուրոյի պլենումը, անդրկովկասյան հանրապետությունների կուսակցական ղեկավարության, ինչպես նաև ՌԿ(Բ)Կ Կենտկոմի քարտուղար Վ. Մոլոտովի մասնակցությամբ: Վերջինիս ներկայությունը պլենումի աշխատանքներին հուշում է, որ Մոսկվան չափազանց կարևոր նշանակություն է տալիս Անդրֆեդերա-

<sup>393</sup> Մյասնիկյան Ալ., Ընտիր երկեր, էջ 338:

<sup>394</sup> Ստալին Ի.Վ., Երկեր, հ. 5, էք., 1948, էջ 98-111:

<sup>395</sup> ՀԱՍ, ֆ. 1022, ց. 5, գ. 382, քք. 1-3: Տե՛ս նաև Օրջոնիկիժե Գ.Կ., Ընտիր հոդվածներ և ճառեր, Եր., 1950, էջ 61-63:

ցիայի իրականացման խնդրին: «Պլենումին ընդունած «Անդրկովկասյան հանրապետությունների ֆեդերացիայի մասին» բանաձևում, որը Գ. Օրջոնիկիձեի հանձնարարությամբ նախապատրաստել էին Ա. Մյասնիկյանն ու Շ. Էլիավան, և համապատասխան որոշումում՝ անհետաձգելի է համարվում անդրկովկասյան հանրապետությունների միջև ռազմաքաղաքական, տնտեսական, ֆինանսական և արտաքին քաղաքականության ոլորտների միավորման մասին դաշնային միութենական պայմանագրի ստորագրումը, միասնական վարչատնտեսական և քաղաքական կենտրոնի՝ Միութենական Խորհրդի, ստեղծումը: Դա հիմնավորվում է նրանով, որ անդրկովկասյան հանրապետությունների մեկուսի գոյությունը վնասում է նրանց տնտեսությանը, ինչպես նաև՝ քուլտցնում է կապիտալիստական երկրների առջև: Իսկ հանրապետությունների միավորումը և քաղաքական սերտ միությունը, - նշվում է բանաձևում, - ամուր երաշխիք կլինի՝ տնտեսությունը զարգացնելու և արտաքին հնարավոր ոտնձգություններին դիմակայելու համար:<sup>396</sup>

1921 թ. հոկտեմբերին տեղի ունեցած ՌԿ(բ)Կ Կենտկոմի այլևնումին մի խումբ խնդիրների շարքում քննարկեց նաև անդրկովկասյան հանրապետությունների և նրանց ազգային բանակների հետագա ճակատագրի հարցը, մշակվեցին միջոցառումների ծրագրեր: Խնդիրն իր վերջնական լուծումը պետք է ստանար ՌԿ(բ)Կ Կենտկոմի քաղբյուրոյի նոյեմբերի 17-ի նիստում:

Սակայն, անդրադառնալով Կովկասյան բյուրոյի այլևնումի 1921 թ. նոյեմբերի 3-ի՝ Անդրկովկասյան հանրապետությունների ֆեդերացիա կազմավորելու մասին որոշմանը, և ընդունած համապատասխան բանաձևին, քաղբյուրոն որոշեց. նախ՝ պարզաբանումներ պահանջել խնդրի վերաբերյալ (մասնավորապես՝ Անդրկովկասյան ֆեդերացիայի և ՌՍՖՍՀ-ի միջև ձևավորվելիք հարաբերությունների բնույթի մասին), և հետո միայն՝ անդրադառնալ հարցի քննարկմանը:<sup>397</sup>

Քաղբյուրոյի որոշման մեկ այլ կետով՝ հանձնարարվեց «ՌՍՖՍՀ փոխհարաբերությունները Հայաստանի, Վրաստանի և Ադրբեջանի հետ ձևակերպել ռազմական կոնվենցիայի միջոցով»: Անդրկովկասի հանրապետություններում ռազմական գործը կազմակերպելու վաստացի իրավունքը քաղբյուրոն վերապահեց ՌՍՖՍՀ

<sup>396</sup> ՀԱԱ, ֆ. 4033, ց. 2, գ. 1185, քք. 52-57: Տե՛ս Մյասնիկյան Ա., Ընախը երկեր, էջ 369:

<sup>397</sup> Տե՛ս ՀԱԱ, հավաքածու 1, գ. 3, ք. 129:

Ռ-ազմահեղափոխական խորհրդին, իսկ Գ. Օրջոնիկիձեին հանձնարարվեց կոնվենցիան անցկացնել անձամբ, ամենակարճ ժամանակում, իսկ որոշումներն էլ՝ նախօրոք ապահովել «կուսակցական կարգով»: Որոշման մեջ քաղբյուրն առաջարկում է նաև «Աճմիջապես ձեռնամուխ լինել «ազգային» և համապետական ռազմական պահեստների միավորմանը, այն նպատակով, որպեսզի առաջինները ներառվեն համապետական ռազմական մատակարարման համակարգի մեջ»: Որոշման վերջին կետով՝ Հայաստանի, Վրաստանի և Ադրբեջանի ազգային զորքերի և ռազմական գերատեսչությունների թվակազմը սահմանվում է 10 հազարական մարդ, ընդհանուր՝ 30 հազար, նախազորացվում է, որ այդ հարցում «անթույլատրելի է կամայական որևէ փոփոխություն»:<sup>398</sup>

Համագործակցելով անդրկովկասյան հանրապետությունների քաղաքական ղեկավարության և զինվորական հրամանատարության հետ, Գ. Օրջոնիկիձեն մեծ ջանասիրությամբ և կարճ ժամանակում իրականացնում է քաղբյուրոյի որոշումը: Անդրկովկասի երեք հանրապետությունների ղեկավարները՝ Ալ. Մյասնիկյանը, Պ. Մոլիվանին, Ն. Նարիմանովը, և Անդրկովկասի խորհրդային երեք հանրապետություններում ՌՍՖՆՀ՝ լիազոր ներկայացուցիչ Բ. Լեզրանը 1921 թ. դեկտեմբերի 8-ին Թիֆլիսում ստորագրում են «Համաձայնագիր Անդրկովկասի խորհրդային հանրապետությունների կառավարությունների և ՌՍՖՆՀ՝ կառավարության միջև ռազմածովային հարցերի վերաբերյալ»:<sup>399</sup>

Համաձայնագիրը, իրականում՝ ռազմական դաշինքը, բաղկացած է ներածականից և 14 հոդվածներից: Դրանցով մասնավորապես արձանագրվում է, որ Անդրկովկասի հանրապետությունների, ինչպես նաև Խորհրդային Ռուսաստանի՝ արտաքին վտանգից համատեղ պաշտպանվելու ռազմավարական շահերը հրամայաբար պահանջում են չորս հանրապետությունների զինված բոլոր ուժերի և միջոցների միավորումը մեկ միասնական հրամանատարության ներքո՝ ի դեմ Առանձին Կովկասյան բանակի ռազմհեղխորհրդի: Հայաստանի, Վրաստանի և Ադրբեջանի ազգային բանակները, որպես առանձին ինքնուրույն միավորներ, 10 հազարից ոչ ավել թվակազմով (խաղաղ ժամանակներում), մտնելու էին Առանձին Կովկասյան բանակի կազմ և հռչակվելու էին ինտերնացիոնալ Խորհրդային Կարմիր բանակի

<sup>398</sup> Տե՛ս նույն տեղում:

<sup>399</sup> Նույն տեղում, ք. 163-164:

քաղկացուցիչ մասերը: Ազգային բանակները պետք է առաջնորդվեին ՌՍՖՍՀ Կարմիր բանակի համար սահմանված զինվորական օրենսդրությամբ և նորմերով, իսկ նրանց բոլոր տեսակի կարիքները ամբողջությամբ բավարարվելու էին տվյալ հանրապետության կողմից: Համաձայնագրի համաձայն՝ հանրապետություններում քեև շարունակելու էին գործել ազգային ռազմական ժողկոմատները, սակայն նրանց ինքնուրույնությունը խիստ սահմանափակվելու էր: Ռազմական գործի հետ կապված հիմնական միջոցառումները հանրապետությունների ռազմգործժողկոմատները իրականացնելու էին Առանձին Կովկասյան բանակի ռազմհեղխորհրդի իրահանգների և ՌՍՖՍՀ համապատասխան օրենսդրական նորմատիվների համաձայն:

ՀՍԽՀ Ժողկոմխորհը համաձայնագիրը վավերացրեց 1922 թ. հունվարի 19-ին:<sup>400</sup> Հայաստանի համար ստանձնակի նշանակություն ուներ համաձայնագրի 3-րդ հոդվածը, ըստ որի՝ «Անդրկովկասի խորհրդային հանրապետությունների պաշտպանությունն ամրապնդելու համար նրանց տարածքում տեղակայվելու են ՌՍՖՍՀ Կարմիր բանակի զորամասերը»:<sup>401</sup> Սա ռազմավարական կարևոր քայլ էր ոչ միայն արտաքին վտանգից, Թուրքիայի հնարավոր ռոնձգություններից Հայաստանի անվտանգությունը ապահովելու տեսանկյունից, այլև նրանով, որ Խորհրդային Ռուսաստանը մեկ անգամ ևս հուշում էր, որ անդրկովկասյան տարածաշրջանը համարում է իր ռազմավարական շահերի ոլորտը:

Այսպիսով, 1921 թ. դեկտեմբերի 8-ի ռազմական կոնվենցիան, որը ուժի մեջ էր մտնում ստորագրման իսկ պահից, վերածվում է տարածաշրջանային յուրջ և ազդեցիկ քաղաքական գործոնի, այն փաստորեն դնում էր Անդրկովկասի խորհրդային հանրապետությունների և Ռուսաստանի ռազմաքաղաքական սերտ միավորման ամուր հիմքերը:

\* \* \*

ՌԿ(ք)Կ Կենտկոմի Կովկասյան բյուրոյի պլենումի 1921 թ. նոյեմբերի 3-ի՝ անդրկովկասյան հանրապետությունների ֆեդերացիա կազմավորելու մասին որոշումին ՌԿ(ք)Կ Կենտկոմի քաղբյուրոն հերթական անգամ անդրադարձավ 1921 թ. նոյեմբերի 29-ին: Բննարկումների և միաձայն քվեադրության արդյունքում ընդունած որոշման բանաձևում, որը ներկայացրել էր Վ. Լենինը, սկզբունքորեն միանգամայն

<sup>400</sup> Տե՛ս ՀԱԱ, ֆ. 113, ց. 5, գ. 5, ք. 1:

<sup>401</sup> Տե՛ս նույն տեղում, հավաքածու 1, գ. 3, քք. 163-164:

ճիշտ և իրականացնողի համարելով Կովկասյան բյուրոյի որոշումը, քաղբյուրոն, այնուհանդերձ, որոշման անմիջական իրագործումը համարում է վաղաժամ: Անդրկովկասյան հանրապետությունների կոմկոսների ղեկավարությանն առաջարկվեց ֆեդերացիայի հարցը դարձնել համաժողովրդական քննարկումների առարկա, և ֆեդերացիայի օգտին լայն քարոզություն վարելով՝ խնդիրը լուծել հանրապետությունների խորհուրդների համագումարների միջոցով:<sup>102</sup>

Անդրֆեդերացիայի կազմավորման հարցում քաղբյուրոյի այս վերապահումները հավանաբար բխում էին այն այլակարծությունից և դիմադրությունից, որ ցուցաբերեց Վրաստանի կոմկոսի ղեկավարության մի մասը (Մ. Օկուջավա, Կ. Յինցաձե, Լ. Դումբաձեն և այլք), հեղկոմի նախագահ Պ. Միլիվանու գլխավորությամբ: Վերջիններս կտրականապես դեմ էին Կովկասյան բյուրոյի նոյեմբերի 3-ի որոշմանը և գտնում էին, որ ֆեդերացիայի կազմավորումը վաղաժամ է, բացակայում են իրական նախադրյալները, այն պարտադրված է Կովկասյան բյուրոյի և անձամբ Գ. Օրջոնիկիձեի կողմից: Նրանք հուշում էին նաև, որ Օրջոնիկիձեն դրսևորում է վնասակար շտապողականություն, ճնշում է այլակարծության որևէ դրսևորում՝ ինչը հարվածում է հենց ֆեդերացիայի գաղափարին: Պնդելով Անդրկովկասի հանրապետությունների իրական անկախությունը պահպանելու անհրաժեշտության մասին, Միլիվանին հանդես է գալիս հանրապետությունների միջև երկկողմանի պայմանագրային հարաբերություններ հաստատելու առաջարկությամբ: Վրաց «ժախ ֆեդերալիստների» կարծիքով՝ եթե ֆեդերացիան Ադրբեջանի և, առավել ևս Հայաստանի համար ձեռնտու է, ապա Վրաստանի համար ձեռնտու չէ ոչնչով:

Միլիվանու հիմնականում ճիշտ դիրքորոշումը բուլշևիկյան կուսակցության վերնախավի կողմից որակվեց որպես ազգային քեքում, որի դեմ անզիջում պայքար ծավալեց Կովկասյան բյուրոն, Գ. Օրջոնիկիձեի, Ի. Ստալինի, ինչու չէ, նաև Ալ. Մյասնիկյանի գլխավորությամբ: Այնուհանդերձ, Վրաստանի կոմկոսի Կենտկոմի 1921 թ. նոյեմբերի 14-ի և 25-26-ի պլենումները որոշեցին հավանության արժանացնել Կովկասյան բյուրոյի 1921 թ. նոյեմբերի 3-ի որոշումները և «այսրտադիր ու անհապաղ իրականացնել»:<sup>103</sup>

<sup>102</sup> Տե՛ս նույն տեղում, ք. 157:

<sup>103</sup> Տե՛ս Компартия Грузии в резолюциях и решениях съездов, конференций и пленумов ЦК, т. 1, 1920-1931, Тбилиси, 1976, էջ 22-23:

Աղբրեջանի դեկավարությունը սկզբունքորեն պաշտպանում էր Կովկասյան բյուրոյի քաղաքականությունը Անդրֆեդերացիայի շտապ կազմավորման հարցում, սակայն Աղբրեջանում նույնպես կային այլ կարծիքներ արաահայտողներ: Այսպես, 1921 թ. նոյեմբերի 22-ին Ռ.Կ(բ)Կ Կենտկոմի քաղբյուրո ուղղված զեկուցագրում անդրադառնալով Աղբրեջանում Նարիմանովի վնասակար գործունեության, անդրկովկասյան հանրապետություններում սազայնական թեքումների, հանրապետությունների իշխանությունների միջև լուրջ տարածայնությունների (որոնք վնասում են Անդրֆեդերացիայի գաղափարին) և այլ խնդիրներին, Աղբրեջանի կոմկուսի Կենտկոմի անդամներ Մ. Հուսեյնովն ու Ռ. Ախունդովը իրենց դիրքորոշումներն են ներկայացնում նաև Անդրֆեդերացիայի կազմավորման հարցում Կովկասյան բյուրոյի որդեգրած քաղաքականության վերաբերյալ: Նշենք, որ Հուսեյնովն ու Ախունդովը զեկուցումով հանդես էին եկել Ռ.Կ(բ)Կ Կենտկոմի քաղբյուրոյի նոյեմբերի 17-ի նիստում: Զեկուցագրում մասնավորապես նշվում է. «Անդրկովկասյան հանրապետությունների դաշնության ստեղծումը և այնուհետև՝ վերջինիս պաշտոնական միավորումը ՌՍՖՍՀ-ի հետ, անկասկած, մեր մոտակա խնդիրն է, սակայն այստեղ պետք է հետևել սուսվել քան չափավոր և զգուշավոր գործելակերպի, քանզի դաշնություն ստեղծելու գործի ծախսողունն անբույլատրելի է»: Հուսեյնովն ու Ախունդովը զեկուցագրի վերջում ներկայացնում են իրենց եզրահանգում-առաջարկությունը, այն է. «Նկատի ունենալով տնտեսական միավորման փորձի բացակայությունը, անդրկովկասյան հանրապետությունների դաշնության ստեղծումը համարել վաղաժամ: Հանձնարարել Կովկասյան բյուրոյին բոլոր ջանքերն ուղղել տնտեսական միավորման հետագա ամրապնդմանը, որը կհանդիսանա նախապատրաստական կարևոր քայլ քաղաքական միավորման համար»:<sup>404</sup>

Հուսեյնովի ու Ախունդովի առաջարկության հետ ոչ ոք հաշվի չնստեց, ավելին՝ Աղբրեջանի կոմկուսի Կենտկոմը 1921 թ. դեկտեմբերի 14-ին ողջունեց Կովկասյան բյուրոյի նոյեմբերի 3-ի որոշումը, և իր հերթին որոշեց՝ ամենալայն քարոզություն ծավալել Անդրֆեդերացիայի շտապ իրականացման օգտին:<sup>405</sup>

Ինչ վերաբերվում է Հայաստանի դիրքորոշմանը, ապա պետք է նշել, որ ի տարբերություն Վրաստանի և Աղբրեջանի, Անդրֆեդերա-

<sup>404</sup> Տե՛ս ՀԱԱ, հավաքածու 1, գ. 3, ք. 135-146:

<sup>405</sup> Տե՛ս Компартия Азербайджана в резолюциях и решениях съездов, конференций и пленумов ЦК, т. 1, 1920-1937, Баку, 1986, էջ 66-67:

ցիայի շտապ կազմավորման հարցում Հայկոմկուսի ղեկավարությունն անվերապահորեն պաշտպանում էր Կովկասյան բյուրոյի քաղաքականությունը, քանզի համոզված էր, որ ֆեդերացիայի գաղափարը բխում է Հայաստանի և հայ ժողովրդի շահերից: Հայկոմկուսի Կենտկոմը 1921 թ. նոյեմբերի 14-ին միաձայն որոշումով անվերապահ հավանության արժանացրեց Անդրֆեդերացիայի մասին Կովկասյան բյուրոյի նոյեմբերի 3-ի որոշումը:<sup>406</sup>

Լինելով անդրկովկասյան հանրապետություններից տնտեսապես նվազ զարգացածը, գտնվելով սոցիալ-տնտեսական աղետալի վիճակում, չունենալով ընդհանուր սահման Ռուսաստանի հետ, Հայաստանն, ի տարբերություն Ադրբեջանի և Վրաստանի, որոնց բնական և նյութական պաշարները, աշխարհագրական նպաստավոր դիրքը զգալի առավելություններ էին, ընդգրկվելով ֆեդերացիայի մեջ կորցնելու ռիսկ չունեիր: Ընդհակառակը՝ Հայաստանի իշխանությունները Անդրդաշնության մեջ էին տեսնում երկիրը և ժողովրդին սոցիալ-տնտեսական ծանր վիճակից դուրս հանելու միակ ճանապարհը:

1922 թ. հունվար-փետրվար ամիսներին տեղի ունեցած Հայաստանի, Վրաստանի և Ադրբեջանի կոմկուսների ու խորհուրդների համագումարները՝ հակահարված տալով Անդրֆեդերացիայի հակառակորդներին, հատկապես Վրաստանում և, մասամբ, Ադրբեջանում, հաստատեցին դաշնություն կազմելու անհրաժեշտությունն ու խնդրի հրատապությունը:

ՀԿ(բ)Կ առաջին համագումարին (26-29 հունվարի 1922 թ.) հաշվետու զեկուցման մեջ շեշտելով Անդրֆեդերացիայի ստեղծման իրատապությունը Ալ. Մյասնիկյանը հայտարարեց. «Ես համոզված եմ, որ ֆեդերացիան կկայանա և այն մեզ վերջնականապես դուրս կբերի տնտեսական քայքայումից»:<sup>407</sup> Համագումարի կողմից ընդունված բանաձևում արձանագրվեց, որ «ֆեդերացիան ամբողջությամբ համապատասխանում է մեր երկրի շահերին»:<sup>408</sup>

Հայկոմկուսի քաղաքական այս դիրքորոշումը պաշտպանեց Հայաստանի խորհուրդների առաջին համագումարը (30 հունվարի – 4 փետրվարի, 1922 թ.): «Անդրֆեդերացիայի մասին» Ա. Մռավյանի զեկուցման հիման վրա ընդունած բանաձևում նշվեց, որ Անդրֆեդերա-

<sup>406</sup> ՀԱԱ, ֆ. 1, ց. 1, գ. 15, ք. 39:

<sup>407</sup> Նույն տեղում, ց. 2, գ. 2, քք. 22-23:

<sup>408</sup> Նույն տեղում, ֆ. 1, ց. 2, գ. 1, ք. 41:

ցիայի գաղափարը հասունացած է, և հարկավոր է շուտափույտ գործնական միջոցներ կիրառել՝ այն իրականացնելու համար:<sup>409</sup>

Անդրֆեդերացիայի օգտին արտահայտվեցին նաև Վրաստանի և Ադրբեջանի կոմկուսների, համապատասխանաբար՝ առաջին (հունվարի 23 - փետրվարի 1, 1922 թ.) և չորրորդ (փետրվարի 2 - 7, 1922 թ.) համագումարները:

Հանրապետական կոմկուսների համագումարներին հաջորդեց Անդրկովկասի կուսկազմակերպությունների առաջին համագումարը, որը կայացավ 1922 թ. փետրվարի 18-22-ին: Համագումարը հաստատեց Շավա Էլիավայի՝ Անդրֆեդերացիայի մասին զեկուցման հիմնադրույթները, որոշեց հաստատել նաև Անդրֆեդերացիայի Միութենական պայմանագրի տեքստը և Բարձրագույն տնտեսական խորհրդի մասին Կանոնադրությունը:<sup>410</sup>

Համագումարին քննարկված կազմակերպչական խնդիրների շարքում պետք է առանձնացնել համագումարի որոշումը ՌԿ(բ)Ա Կովկասյան բյուրոյի լուծարման և, փոխարենը՝ Անդրկովկասի երկրամասային կոմիտե ստեղծելու մասին: Վերջինիս կազմը նույն օրերին հաստատվեց Մոսկվայում, կոմիտեի նախագահության կազմում ընդգրկվեց նաև ՀՄԽՀ Ժողկոմխորհի նախագահ Ալ. Մյասնիկայնը:<sup>411</sup>

ՌԿ(բ)Ա Կենտկոմի Անդրկովկասի երկրամասային կոմիտեի 1922 թ. փետրվարի 23-ի պլենումի առաջին իսկ նիստում որոշվեց անհապաղ կյանքի կոչել Անդրֆեդերացիան, և այդ նպատակով հրավիրել Անդրկովկասի խորհրդային հանրապետությունների Կենտգործկոմների ներկայացուցիչների լիազոր կոնֆերանս:<sup>412</sup>

Լիազոր կոնֆերանսն իր աշխատանքները սկսեց 1922 թ. մարտի 11-ին Թիֆլիսում: Հաջորդ օրը, մարտի 12-ին, կոնֆերանսում ընդունվեց Անդրկովկասի հանրապետությունների կողմից դաշնային միություն կազմելու մասին Միութենական պայմանագիրը և Բարձրագույն տնտեսական խորհրդի մասին Կանոնադրությունը: Այսպիսով իրականություն դարձավ Անդրկովկասի Սոցիալիստական Խորհրդային Հանրապետությունների Ֆեդերատիվ Միությունը (ԱՄԽՀՖՄ):

<sup>409</sup> Տե՛ս ՀՄԽՀ բանվորների, գյուղացիների և կարմիրանակալայինների խորհուրդների Ա համագումար, Եր., 1922:

<sup>410</sup> Տե՛ս Первый Закавказский съезд коммунистических организаций, Тифлис, 1922:

<sup>411</sup> Տե՛ս ՀԱԱ, ֆ. 1, ց. 2, գ. 10, ք. 9-ա:

<sup>412</sup> Տե՛ս նույն տեղում, գ. 9, ք. 2:

Խորհրդային Հայաստանը, Ադրբեջանը և Վրաստանը կազմում էին ռազմաքաղաքական և տնտեսական սերտ դաշինք:

Կոնֆերանսին քեև հաստատվեց հանրապետությունների լիակատար անկախությունը և ինքնուրույնությունը, սակայն իրականում՝ դաշնային պայմանագիրը նախատեսում էր Անդրկովկասի հանրապետությունների ինքնիշխանության զգալի սահմանափակումներ: Մասնավորապես՝ հանրապետություններում լուծարվելու էին պետականությունը արտահայտող մի շարք առանցքային ժողովուստները: Ռազմական և արտաքին գործերի, արտաքին առևտրի, ֆինանսների և այլն: Այդ ոլորտների կառավարումը փոխանցվում էր Անդրֆեդերացիայի գործադիր մարմնին՝ Միութենական խորհրդին, որի նախագահությունը կազմելու էին երեք հանրապետությունների ղեկավարները՝ Ալ. Մյասնիկյանը, Պ. Մղիվանին և Ն. Նաբիմանովը:

Միութենական պայմանագրում հատուկ հոդվածով (13-րդ) սահմանվում է, որ «Հանրապետությունների Միությունը ՌՍՖՍՀ-ի հետ փոխհարաբերությունները կառուցում է միութենական պայմանագրի հիման վրա»:<sup>413</sup> Այսպիսով դժվար չէ կռահել, որ այսուհետ Խորհրդային Հայաստանի և Ռուսաստանի միջպետական փոխհարաբերությունները հիմնականում միաձուլվելու էին Անդրֆեդերացիայի և Ռուսաստանի ընդհանուր փոխհարաբերությունների հետ:

## ***2. Խորհրդային Ռուսաստանի քաղաքական ազդեցության ուժեղացումը Հայաստանի վրա***

Խորհրդային Ռուսաստանը 1921 թ. ընթացքում աստիճանաբար ուժեղացնում էր քաղաքական ազդեցությունը խորհրդային հանրապետությունների, այդ թվում և Հայաստանի, քեև ներքին, և քեև արտաքին քաղաքականության մեջ: Եթե ներքին քաղաքականության հարցերում ազգային հանրապետությունները, այնուամենայնիվ, զգալի ինքնուրույնություն ունեին, ապա արտաքին քաղաքականության հարցերում՝ այն հետևողականորեն վերացվում էր:

Խորհրդային ազգային հանրապետությունների արտաքին գործերի գերատեսչությունների գործունեությունը խստորեն հսկվում էր Խորհրդային Ռուսաստանի արտաքին, ինչպես նաև ազգությունների գործերի ժողովուստների կողմից: Նշենք, որ ՌՍՖՍՀ ժողովմխոր-

<sup>413</sup> Советское содружество народов, с. 264-267.

հի 1920 թ. դեկտեմբերի 21-ի դեկրետով ազգային հանրապետությունների կառավարություններին առընթեր ստեղծվեցին ՌՍՖՍՀ ազգությունների ժողկոմատի հատուկ ներկայացուցչություններ, որոնք քաղաքական մեծ ազդեցություն ունեին հանրապետությունների ղեկավարության վրա: Խորհրդային Ռուսաստանի կառավարությունն իր լիազոր ներկայացուցիչների միջոցով խորհրդային հանրապետությունների արտգործժողկոմատներից պահանջում էր Մոսկվա ուղարկել բոլոր որոշումների և հրահանգների պատճենները:

Նշենք, որ ՀՍՍՀ Ժողկոմխորհի 1921 թ. նոյեմբերի 16-ի որոշումով լուծարվեցին խորհրդային հանրապետություններում ՀՍՍՀ արտգործժողկոմատի լիազոր ներկայացուցչությունները և հյուպատոսությունները, բացառություն արվեց միայն ՌՍՖՍՀ կառավարությանը կից Մոսկվայում հայկական ներկայացուցչության համար:<sup>414</sup> Վերջինս պահպանելու անհրաժեշտության մասին վճռականորեն պնդեց ներկայացուցչության ղեկավար Սահակ Տեր-Գաբրիելյանը: Ալ. Մյասնիկյանին հասցեագրած նամակում Տեր-Գաբրիելյանը հուշում է, որ ներկայացուցչության լուծարումը միջազգային հանրության կողմից կդիտվի որպես «Հայաստանի քաղաքական ինքնուրույնության թուլացման փաստ»:<sup>415</sup>

Չգտելով հասնել խորհրդային բոլոր հանրապետությունների արտաքին քաղաքականության միօրինակությանը, ՌԿ(բ)Կ Կենտկոմնի քաղբյուրոն 1921 թ. դեկտեմբերի 8-ին քննարկեց ՌՍՖՍՀ արտգործժողկոմ Գ. Չիչերինի առաջարկությունները (որանք ներկայացրեց արտգործժողկոմի տեղակալ Մ. Լ. Խտվինովը)՝ խորհրդային հանրապետությունների կողմից միջազգային պայմանագրեր ստորագրելու կարգի և արտասահմանում Խորհրդային Ռուսաստանի ու խորհրդային հանրապետությունների լիազոր ներկայացուցիչների փոխհարաբերությունների մասին: Քաղբյուրոյի ընդունած համապատասխան որոշումներում արձանագրվեց. 1. Որպես անխախտելի սկզբունք ընդունել, որ Ռուսաստանի հետ դաշնակից միութենական խորհրդային հանրապետություններն իրավունք չունեն միջազգային որևէ պայմանագիր ստորագրել՝ «առանց ՌՍՖՍՀ արտգործժողկոմատի հետ նախապես համաձայնեցնելու»: 2. Ընդունել, որ միութենական խորհրդային հանրապետությունների արտասահմանյան բոլոր ներկայացուցիչները ենթարկվում են ՌՍՖՍՀ լիազոր ներկայացուցիչներին, իսկ հնա-

<sup>414</sup> Տե՛ս ՀԱԱ, ֆ. 114, ց. 1, գ. 98, ք. 23:

<sup>415</sup> Տե՛ս նույն տեղում, գ. 9, ք. 88:

րավոր տարակարծությունների և տարածայնությունների դեպքում՝ պարտադիր է իրականացնել ՌՍՖՍՀ լիազոր ներկայացուցչի որոշումը, իսկ խնդիրը փոխանցել Մոսկվա՝ շահագրգիռ հանրապետությունների կենտրոնական գերատեսչությունների հետ համաձայնեցնելու նպատակով:<sup>416</sup>

Անդրկովկասում ՌՍՖՍՀ լիազոր ներկայացուցիչ Բ. Լեզրանը քաղբյուրոյի դեկտեմբերի 8-ի որոշումների մասին անմիջապես տեղեկացրեց անդրկովկասյան երեք հանրապետությունների դեկավարներին, ինչպես նաև ՌԿ(Բ)Կ Կենտկոմի Կովկասյան բյուրոյին: Դեկտեմբերի 11-ին Թիֆլիսից ուղարկած հեռագրերում Լեզրանը խնդրում էր նաև, որպեսզի Անդրկովկասի հանրապետությունների դեկավարությունը անհապաղ քաղբյուրոյի որոշումներից բխող համապատասխան հրահանգներ իջեցնի արտասահմանում հանրապետությունների ներկայացուցիչներին և այդ մասին տեղեկացնի իրեն:<sup>417</sup>

Խորհրդային Ռուսաստանի պետական և կուսակցական վերադաս մարմինները աչարջորեն հետևում էին, որպեսզի խորհրդային հանրապետությունները չփորձեն խախտել արտաքին քաղաքականության իրականացման բնագավառում ՌԿ(Բ)Կ Կենտկոմի քաղբյուրոյի 1921 թ. դեկտեմբերի 8-ի որոշումները և հրահանգները, իսկ խախտումներ հայտնաբերելու դեպքում՝ դիմում էին վճռական «պատժիչ» միջոցների: Նման քաղաքականությունը բնորոշող փաստերը քիչ չեն, դրանցից մի քանիսի վրա, որոնք առնչվում են Խորհրդային Հայաստանի և Ռուսաստանի փոխհարաբերություններին, կցանկանայինք հրավիրել ընթերցողի ուշադրությունը:

Ռուսաստանում 1921-1922 թթ. տարածված սովի դեմ պայքարելու գործում խորհրդային կառավարությունը ստիպված էր մի կողմ դնել զաղափարական որոշ սկզբունքները և ընդունել բարեգործական միջազգային մի շարք կազմակերպությունների կողմից տրամադրված օգնությունը: Նորվեգիացի հայտնի բեռնախույզ և գիտնական, հայ ժողովրդի մեծ բարեկամ Ֆրիտյոֆ Նանսենի անվան հետ էր կապված այդ տարիներին Միջազգային Կարմիր խաչի գործունեությունը Ռուսաստանում:<sup>418</sup>

<sup>416</sup> ՀԱԱ, ֆ. 114, ց. 1, գ. 98, քք. 23, 24:

<sup>417</sup> Տե՛ս նույն տեղում, ֆ. 113, ց. 3, գ. 7, ք. 59:

<sup>418</sup> 1921 թ. օգոստոսի կեսերին ժնեռոմ տեղի ունեցած Կարմիր խաչի միջազգային կանֆերանսը Ռուսաստանի սովյալներին օգնություն ցույց ապրու Գլխավոր լիազոր ընտրեց Ֆ. Նանսենին:

1921 թ. օգոստոսի 27-ին և դեկտեմբերի 10-ին Մոսկվայում համաձայնագրեր ստորագրվեցին ՌՍՖՍՀ կառավարության և Ֆ. Նանսենի միջև՝ վերջինիս գլխավորած կազմակերպության կողմից Ռուսաստանում օգնության գործը իրականացնելու, և արտասահմանից Ռուսաստան ծանրոցներ ու անձնական փաթեթներ առաքելու մասին:<sup>419</sup>

Նանսենյան կազմակերպության առաջարկությամբ և Մոսկվայում ՀՍԽՀ լիազոր ներկայացուցիչ Ս. Տեր-Գաբրիելյանի համաձայնությամբ 1922 թ. մարտի 1-ին Մոսկվայում նրանց միջև ստորագրվում է համաձայնագիր, ըստ որի՝ բնակչությանը օգնություն հատկացնելու գործը նաև Հայաստանում կազմակերպելու և իրականացնելու համար Նանսենի և Ռուսաստանի միջև ստորագրված համաձայնագրերի դրույթները տարածվելու էին նաև Խորհրդային Հայաստանի վրա: Համաձայնագրով հատուկ սահմանվում է, որ Հայաստանում գործունեության ընթացքում Նանսենյան կազմակերպությունը պետք է անշեղորեն ղեկավարվի այն բոլոր նորմերով, որոնք դրված են Ռուսաստանի հետ ստորագրված համաձայնագրերի հիմքում:<sup>420</sup> Այսպիսով կողմերը, կարծես թե, լիովին ապահովագրում էին իրենց Մոսկվայի հնարավոր դժգոհություններից, և համաձայնագրի ստորագրումը չպետք է որ խնդիրներ առաջացներ: Սակայն ՀՍԽՀ լիազոր ներկայացուցիչ կողմից համաձայնագրի ստորագրման փաստն իսկ արժանացավ Ռուսաստանի կենտրոնական իշխանությունների բացասական վերաբերմունքին և խիստ դժգոհությանը:

1922 թ. մարտի սկզբին ՌԿ(բ)Կ Կենտկոմը ստանում է ՌՍՖՍՀ արտգործժողկոմատի ահազանգն այն մասին, որ Տեր-Գաբրիելյանն առանց բույլտվության, խախտելով Կենտկոմի քաղբյուրոյի 1921 թ. դեկտեմբերի 8-ի որոշումները, ինքնակամ միջազգային պայմանագիր է կնքել Նանսենյան կազմակերպության հետ:<sup>421</sup> Կենտկոմի քարտուղարությունն անմիջապես արձագանքում է, և Կենտկոմի քարտուղար Վ. Մոլոտովի կարգադրությամբ համապատասխան բացատրություններ պահանջում Ս. Տեր-Գաբրիելյանից:<sup>422</sup>

Ռուսաստանի արտգործժողկոմի տեղակալ Մ. Լիտվինովը մարտի 15-ին հեռագրում է Թիֆլիս՝ անդրկովկասյան հանրապետությ-

<sup>419</sup> ДВН СССР, т. IV, М., 1960, с. 294-298. Տե՛ս նաև ՀԱԱ, ֆ. 112, ց. 1, գ. 10, ք. 86:

<sup>420</sup> ՀԱԱ, ֆ. 112, ց. 1, գ. 10, ք. 86:

<sup>421</sup> Տե՛ս նույն տեղում, ֆ. 113, ց. 3, գ. 46, քք. 26-27:

<sup>422</sup> Տե՛ս նույն տեղում, ք. 25:

յուններում ՌՍՖՍՀ կառավարության լիազոր ներկայացուցիչ Բ. Լեզրանին. «Տեր-Գաբրիելյանն առանց մեր գիտության համաձայնագիր է կնքել Նանսենի կազմակերպության հետ: Դա հնարավորություն կտա Հայաստանը ողողել անցանկալի օտարերկրյա զործակալներով... Պնդեք, որպեսզի հայկական կառավարությունը չհաստատի Տեր-Գաբրիելյանի (ստորագրած – Կ.Խ.) համաձայնագիրը և հրահանգավորի նրան, որպեսզի առանց մեզ հետ համաձայնեցնելու այսուհետև ոչ մի տեսակի համաձայնագրեր չստորագրի»:<sup>423</sup>

ՌԿ(Բ)Կ Կենտկոմ և ՌՍՖՍՀ արտգործժողկոմատ հղած դիմումում Ս. Տեր-Գաբրիելյանը հերքում է իրեն ներկայացրած մեղադրանքները և հուշում, որ պարզապես տեղի է ունեցել քյուրխացություն: Դիմումից պարզ է դառնում, որ համաձայնագիրը ստորագրելու վերաբերյալ Նանսենյան կազմակերպության առաջարկության մասին Տեր-Գաբրիելյանը դեռևս 1922 թ. փետրվարի 25-ին տեղյակ է պահել Ռուսաստանի արտգործժողկոմատի պատասխանատու աշխատակիցներին և խնդրել՝ համաձայնագիրը ստորագրելու վերաբերյալ առարկություններ չլինելու դեպքում, մեքենագրել այն՝ հետագայում ստորագրելու համար: Ժողկոմատի աշխատակիցները Տեր-Գաբրիելյանին հայտնում են, որ հարցի մասին տեղյակ կպահեն Գ. Չիչերինին և մի քանի օրից կտեղեկացնեն ՌՍՖՍՀ արտգործժողկոմատի վերաբերմունքի մասին: Երկու օր անց ժողկոմատի գրասենյակից Տեր-Գաբրիելյանը վերցնում է համաձայնագրի մեքենագրած տեքստը և, «համոզված լինելով», որ համաձայնագիրն արժանացել է արտգործժողկոմատի հավանությանը (այլապես չէր մեքենագրվի)՝ մարտի 1-ին այն ստորագրում է Նանսենյան կազմակերպության հետ: Ավարտելով դիմումը, ՀՄԽՀ լիազոր ներկայացուցիչը պատրաստակամություն է հայտնում՝ «Եթե համաձայնագիրը քաղաքականապես անընդունելի է», հայցել Նանսենյան կազմակերպության ներողամտությունը և խնդրել չեղյալ հայտարարել այն:<sup>424</sup>

Հավանաբար ստանալով ՌՍՖՍՀ իշխանությունների համապատասխան հրահանգները, Տեր-Գաբրիելյանն այդպես էլ վարվում է: Նանսենյան կազմակերպություն ուղղված դիմումում Տեր-Գաբրիելյանը հայտնում է, որ իր կողմից ստորագրված համաձայնագիրը «յի արժանացել կառավարության (ՀՄԽՀ – Կ.Խ.) հաստատմանը», ուստի՝

<sup>423</sup> ՀԱԱ, ֆ. 113, ց. 3, գ. 46, ք. 30:

<sup>424</sup> Տե՛ս նույն անդում, ք. 28:

այն պետք է չեղյալ հայտարարվի:<sup>425</sup> Սակայն, ինչպես երևում է Ս. Տեր-Գաբրիելյանի 1922 թ. մարտի 21-ի քիվ 496 հեռագրից՝ ուղղված ՀՄԽՀ արագործժողկոմ Ա. Մռավյանին, համաձայնագիրը չեղյալ հայտարարելու հրահանգ Հայաստանի կառավարությունը նրան չէր տվել: Տեր-Գաբրիելյանը Մռավյանին հուշում է, որ Նանսենյան կազմակերպություն ուղղված դիմումում նա խնդրել է չեղյալ համարել մարտի 1-ի համաձայնագիրը, և «վկայակոչել է Հայաստանի կառավարությունից իրր քե ստացած մարտի 12-ի քիվ 448 հեռագիր-հրահանգը»: Այնուհետև Տեր-Գաբրիելյանը Մռավյանին խնդրում է՝ Նանսենյան կազմակերպության կողմից հնարավոր հարցապնդման դեպքում, «Հաստատել վերը նշված հրահանգի իրողությունը»:<sup>426</sup>

1922 թ. մարտի 22-ին Ա. Մռավյանին ուղարկելով, իր խոսքերով՝ «չարաբաստիկ համաձայնագրի» վերաբերյալ ամբողջ զրագրությունը, Տեր-Գաբրիելյանը հուշում է. «Փաստաթղթերին ծանոթանալուց հետո միայն դու կտեսնես, որ սեպարատ (առանձին – Կ.Խ.) պայմանագիր կնքելու մտադրություն ես չեմ ունեցել: Բայց չէ՞ որ դու գիտես, քե որքան հիվանդագին է վերաբերվում ընկ. Չիչերինը ամեն տեսակ այլախոհությանը»:<sup>427</sup> Այո, Տեր-Գաբրիելյանն իրավացի էր, Խորհրդային Ռուսաստանի իշխանությունները, կուսակցական վերադաս կենտրոնական մարմինները չէին հանդուրժում խորհրդային ազգային հանրապետությունների կողմից արտաքին քաղաքական սապարեզում դրսևորված որևէ ինքնուրույնությունը, վճռականորեն ճնշում էին դրանք:

Նման քաղաքականության ևս մեկ ցայտուն օրինակ է հետևյալ փաստը: Հայտնի է, որ Մերձավոր Արևելքում ամերիկյան նպաստամատույց կոմիտեն, որը ձևավորվել էր դեռևս 1918 թ. և գործունեություն ծավալել նաև Հայաստանի Հանրապետությունում, 1921-1922 թթ. շարունակում էր օգնություն հատկացնել նաև Խորհրդային Հայաստանի սովյալ բնակչությանը:

Խորհրդային Հայաստանում Ամերկոմի գործունեությունը կարգավորելու նպատակով, ամերիկյան կողմի նախաձեռնությամբ, 1922 թ. օգոստոսի 7-ին Երևանում ՀՄԽՀ կառավարության և Մերձավոր

<sup>425</sup> Տե՛ս ՀԱԱ, ֆ. 113, ց. 3, գ. 46, ք. 29:

<sup>426</sup> Տե՛ս նույն տեղում, ք. 32:

<sup>427</sup> Տե՛ս նույն տեղում, ք. 23:

Արևելքում ամերիկյան նպաստամատույց կոմիտեի ներկայացուցչի միջև ստորագրվում է համապատասխան համաձայնագիր:<sup>428</sup>

24 կետից բաղկացած ծավալուն այդ փաստաթղթում նշված էին կողմերի փոխհամագործակցությունը կարգավորող բոլոր դրույթները (համաձայնագրի ռուսերեն բնագիրը ուղարկվել է ՌՄՖԽՀ արտգործժողկոմատ):<sup>429</sup>

Այսպիսով, ինչպես և նախորդ դեպքում, Հայաստանի իշխանությունները, կարծես քն ապահովել էին իրենց կենտրոնական իշխանությունների հնարավոր դժգոհություններից, սակայն պարզվում է, որ ոչ: Համաձայնագիրը և այն ստորագրելու փաստը մեծ դժգոհություններ է առաջացնում խորհրդային վերադաս կուսակցական մարմիններում: Հարցը լուրջ քննարկման առարկա է դառնում ՌԿ(բ)Կ Անդրերկրկոմի նախագահության 1922 թ. օգոստոսի 24-ի նիստին, որոշվում է համաձայնագիրն համարել անվավեր, իսկ ՀԿ(բ)Կ Կենտկոմին մատնանշել, որ առանց Անդրերկրկոմի սանկցիայի արտասահմանցիների հետ պայմանագրերի ստորագրումն անթույլատրելի է: Որոշման հաջորդ կետով անհրաժեշտ է համարվում Մխրենական հանրապետությունների և Ամերիկյան նպաստամատույց կոմիտեի միջև նույնանման պայմանագրերի ստորագրումը՝ Անդրֆեդերացիայի Մխրությունների խորհրդի միջոցով, և նրա կողմից մշակված պայմանագրի հիման վրա:<sup>430</sup> Նշենք, որ Անդրերկրկոմի այդ ժամանակվա քարտուղարն էր Ալ. Մյասնիկյանը:

1922 թ. օգոստոսի 30-ին Անդրֆեդերացիայի Մխրությունների խորհուրդը, հիմք ընդունելով Անդրերկրկոմի օգոստոսի 24-ի որոշումը, չեղյալ է համարում Հայաստանի իշխանությունների կողմից ստորագրված համաձայնագիրը:<sup>431</sup> Փոխարենը, 1922 թ. նոյեմբերի 1-ին համաձայնագիր է ստորագրվում Ամերկոմի և ՌՄՖԽՀ կառավարության միջև:<sup>432</sup> Հետաքրքիր է, որ այն հիմնականում կրկնում էր Հայաստանի և Ամերկոմի միջև ստորագրված, իսկ հետո «չեղյալ համարված» համաձայնագիրը: «Օրինական» համաձայնագիրը կիրառելի էր համարվում մաս անդրկոմկասյան հանրապետությունների, այդ թվում, Հայաստանի համար:

<sup>428</sup> ՀԱԱ, ֆ. 1, ց. 2, գ. 10, ք. 113:

<sup>429</sup> Տե՛ս նույն տեղում, աե՛ս մաս ֆ. 113, ց. 30, գ. 14, քք. 8-14:

<sup>430</sup> Տե՛ս նույն տեղում, ֆ. 1, ց. 2, գ. 10, ք. 42:

<sup>431</sup> Տե՛ս նույն տեղում, ֆ. 113, ց. 38, գ. 27, ք. 16:

<sup>432</sup> Տե՛ս նույն տեղում, քք. 187-193:

Այսպիսով, ՌՍՖՆՀ պետական և կուսակցական մարմիններն առիթը բաց չէին բողոնում՝ միջամտելու խորհրդային հանրապետությունների ինքնիշխանությանը, հասկացնում էին, որ այն սահմանափակ է: Անգլիացի պատմաբան Վ. Սվորդդան իր «Ազատ հանրապետությունների կամավոր միություն (ՌՍՀՄ կազմավորման պատմությունից)» ուշագրավ հոդվածում Ռուսաստանի կողմից խորհրդային հանրապետությունների ներքին գործերին միջամտելու բազմաթիվ ցայտուն օրինակներ է բերում:<sup>433</sup>

Իրավացի է ռուս հետազոտող Լ. Նեժինսկին, երբ նշում է, որ խորհրդային մի շարք հանրապետությունների ձգտումը՝ դառնալ միջազգային հարաբերությունների լիիրավ սուբյեկտ, «ստիպում էր կենտրոնական բոլշևիկյան ղեկավարությանը 1921-1922 թթ. արագացնել բոլոր առումներով խիստ կենտրոնացված ունիտար պետության ստեղծումը»:<sup>434</sup>

Միաժամանակ պետք է նշել նաև, որ զրկելով խորհրդային հանրապետություններին, այդ քվում և Հայաստանին, ինքնուրույն արտաքին քաղաքականություն վարելու իրավունքից, Խորհրդային Ռուսաստանը, այնուհանդերձ, ստանձնել էր միջազգային ասպարեզում նրանց շահերը ներկայացնելու և պաշտպանելու պարտավորությունը: Այսպես, 1922 թ. հունվարի սկզբին ստանալով Ջենովայի միջազգային տնտեսական կոնֆերանսին մասնակցելու հրավեր, Խորհրդային Ռուսաստանի կառավարությունն անհրաժեշտ համարեց ստեղծել խորհրդային բոլոր հանրապետությունների (վերջիններս կոնֆերանսին մասնակցելու հրավեր չէին ստացել) միասնական դիվանագիտական ճակատ, և դրանով իսկ ամրապնդել Ռուսաստանի դիրքերը կոնֆերանսում: ՌԿ(բ)Կ Կենտկոմի քաղբյուրոյի և Համառուսաստանյան Կենտգործկոմի 1922 թ. հունվար ամսի որոշումներով հաստատվեցին խորհրդային միացյալ պատվիրակության կազմը և նրան տրվող լիազորությունները, պատվիրակության 15 անդամների քվում էր նաև ՀՍԽՀ ներկայացուցիչ Ալ. Բեկզադյանը:<sup>435</sup>

Խորհրդային հանրապետությունների դիվանագիտական դաշինքը ամրապնդվեց 1922 թ. փետրվարի 22-ին Մոսկվայում հրավիր-

<sup>433</sup> St' u Svoboda B., Союз добровольный республик свободных? (Из истории создания СССР). Этнографическое обозрение, Москва, 1992, № 4.

<sup>434</sup> Нежинский Л.Н., У истоков большевистско-унитарной внешней политики (1921-1923). Отечественная история, 1994, № 1, с. 89.

<sup>435</sup> ДВП СССР, т. V, Москва, 1961, с. 66-68.

ված ՌՍՖՍՀ-ի և խորհրդային ութ հանրապետությունների լիազոր ներկայացուցիչների խորհրդակցությամբ: Խորհրդակցությունը որոշեց առաջիկա կոնֆերանսում խորհրդային հանրապետությունները ներկայացնելու և նրանց շահերը պաշտպանելու իրավունքը հանձնարարել Խորհրդային Ռուսաստանին: Վերջինիս իրավունք վերապահվեց բոլոր հանրապետությունների անունից պայմանագրեր և համաձայնագրեր ստորագրել արտասահմանյան պետությունների հետ ինչպես կոնֆերանսին, այնպես էլ նրանից դուրս:<sup>136</sup>

Խորհրդային Ռուսաստանի կառավարությունը մեծանուն քաղաքականությունը շարունակեց մաս հետագայում, և խորհրդային հանրապետություններին հնարավորինս մասնակից էր դարձնում խորհրդային արտաքին քաղաքականությանը: Այսպես, ՌՍՖՍՀ դիվանագիտության առաջարկով 1922 թ. նոյեմբերի 5-ին Բեռլինում Գերմանիայի կառավարության և խորհրդային հանրապետությունների ներկայացուցիչների միջև ստորագրվում է համաձայնագիր, որով Խորհրդային Ռուսաստանի և Գերմանիայի միջև 1922 թ. ապրիլի 16-ին Ռապալոյում ստորագրված պայմանագրի դրույթները տարածվում էին խորհրդային հանրապետությունների, այդ թվում և Հայաստանի, վրա:

Հիմք ընդունելով նոյեմբերի 5-ի համաձայնագիրը, Գերմանիայի ռեյխսկանցլերը Բեռլինում ՌՍՖՍՀ դեսպան Ն. Կրետսինսկուն մույն օրը պաշտոնապես տեղեկացնում է, որ գերմանական կառավարությունը դե-յուրե ճանաչում է խորհրդային բոլոր հանրապետությունների կառավարությունները և համաձայն է նրանց հետ հաստատել դիվանագիտական և հյուպատոսական հարաբերություններ:<sup>137</sup>

Նշենք, որ ՀՍԽՀ Կենտրոնական Բեռլինի նոյեմբերի 5-ի համաձայնագիրը վավերացրեց 1923 թ. փետրվարի 1-ին:<sup>138</sup>

Հայաստանի համար մեծ նշանակություն ուներ մասն այն, որ Խորհրդային Ռուսաստանի արտասահմանում գործող դիվանագիտական ներկայացուցչությունները իրենց վրա էին վերցրել տարբեր երկրներում սփռված հայության շահերի պաշտպանությունը: Ռուսաստանի դիվանագիտական մեծ աջակցության շնորհիվ ՀՍԽՀ ներկայացուցչություններ հիմնվեցին Պարսկաստանի հայաշատ քաղաքներում՝ Թեհրանում և Թավրիզում, Ռուսաստանի հյուպատոսությունները մեծ

<sup>136</sup> Տե՛ս ДВП СССР, т. V, л. 110-111:

<sup>137</sup> Տե՛ս նույն տեղում. с. 658-662. Տե՛ս մաս ՀԱԱ, ֆ. 113, ց. 3, գ. 94, ք. 10-15:

<sup>138</sup> Տե՛ս նույն տեղում, ք. 16:

աշխատանք էին տանում սփյուռքահայության հայրենադարձությունը Խորհրդային Հայաստան կազմակերպելու գործում:<sup>439</sup>

Նշենք, որ սփյուռքահայերի հայրենադարձությունը սկսվեց Հայաստանում խորհրդային իշխանության առաջին իսկ տարիներին և փուլերով շարունակվեց խորհրդային ամբողջ ժամանակաշրջանում, մինչև 1980-ական թթ. Հարենիք վերադարձան ավելի քան 170 հազար մարդ:<sup>440</sup>

Խորհրդային հանրապետությունների միջև ձևավորված դիվանագիտական դաշինքը կարևոր քայլ էր՝ Խորհրդային Ռուսաստանի և խորհրդային հանրապետությունների ռազմաքաղաքական հետազա միավորման տեսանկյունից, այդ գործընթացը 1922 թ. մտավ եզրափակիչ փուլ:

## ***2. Հանրապետությունների համագործակցությունը ԽՍՀՄ կազմավորման գործում 1922 թվականին***

Անդրկովկասի խորհրդային հանրապետությունների, այդ թվում Հայաստանի, և Խորհրդային Ռուսաստանի միջև ռազմաքաղաքական ինտեգրման գործընթացում կարևոր քայլեր կատարվեցին 1921 թ. դեկտեմբերի վերջին և 1922 թ. սկզբին: Համառուսաստանյան Կենտգործկոմի նախագահ Մ. Կալինինի հրավերով Համառուսաստանյան խորհուրդների 9-րդ համագումարին հյուրի կարգավիճակով մասնակցող Անդրկովկասի հանրապետությունների ներկայացուցիչների անունից հայտարարության մեջ (26 դեկտեմբերի, 1921 թ.) Ալ. Մյասնիկյանը համագումարին առաջարկեց Համառուսաստանյան Կենտգործկոմի կազմում ընդգրկել Հայաստանի, Վրաստանի և Ադրբեջանի ներկայացուցիչներին: Առաջարկությունն ընդունվեց՝ Ադրբեջանին և Վրաստանին հատկացվեց 20-ական, Հայաստանին՝ 15 տեղ:<sup>441</sup>

<sup>439</sup> Մանրամասն տե՛ս Չոփրայթյան Է.Ա., Սովետական Ռուսաստանը և հայ-թուրքական հարաբերությունները (1920-1922 թթ.), Եր., 1979: Նույնի՝ Սովետական Ռուսաստանը և հայ-իրանական հարաբերությունները (1920-1922 թթ.), Եր., 1985:

<sup>440</sup> Մանրամասն տե՛ս Մելիքսեթյան Հ., Հայրենիք-սփյուռք առնչությունները և հայրենադարձությունը, Եր., 1985:

<sup>441</sup> Десятый Всероссийский съезд Советов... Стенографический отчет, Москва, 1922, с. 186.

Խորհրդային Ուկրաինայի, Վրաստանի, Հայաստանի և ՌԿ(Բ)Կ Կենտկոմի Կոմկասյան բյուրոյի ներկայացուցիչների մասնակցությամբ դեկտեմբերի 30-ից – հունվարի 2-ը Մոսկվայում հրավիրված ՌՍՖՍՀ արտոգործողկոմատի կոլեգիայի ընդլայնված խորհրդակցությանը քննարկվեցին խորհրդային հանրապետությունների ինչպես ներքաղաքական, այնպես էլ արտաքին քաղաքականության խնդիրներին առնչվող մի խումբ հիմնահարցեր: Օրակարգում Լին՝ միասնական քաղաքացիության, փոխադարձաբար հյուսյառոտություններ հիմնելու, միութենական հանրապետությունների կողմից միջազգային պայմանագրեր ստորագրելու, խորհրդային հանրապետություններում արտասահմանյան ներկայացուցչությունների կանոնակարգի, արտասահմանյան անձնագրերի, ՌՍՖՍՀ-ում խորհրդային հանրապետությունների լիազոր ներկայացուցչությունների և խորհրդային հանրապետություններում ՌՍՖՍՀ լիազոր ներկայացուցչությունների կանոնակարգի, արտասահմանում ՌՍՖՍՀ լիազոր ներկայացուցչությունների և խորհրդային այլ ներկայացուցչությունների փոխհարաբերությունների, արտաքին առևտրի մասին և այլ հարցեր:<sup>442</sup> Նշված բոլոր խնդիրների վերաբերյալ մշակվեցին և ընդունվեցին համապատասխան որոշումներ, հիմնարար քեզիսների ձևով:

Աշխատանքների արդյունքում մշակվում և հաստատվում է «Խորհրդային Ադրբեջանի, Հայաստանի, Բելոռուսիայի, Վրաստանի, ՌՍՖՍՀ-ի և Ուկրաինայի միջև միասնական քաղաքացիության մասին» պայմանագրի նախագիծ: Վերջինիս պրեամբուլայի և դրույքների համաձայն՝ խորհրդային հանրապետությունների քաղաքական ու սոցիալական նպատակների նույնությունը, նրանց պետական մասնատիպ կառուցվածքը հնարավորություն են ընձեռում ընդհանրապես վերացնելու «օտարերկրացի» հասկացությունը խորհրդային քաղաքացիների համար: Մահմանվում է, որ վերջիններս յուրաքանչյուր խորհրդային հանրապետությունում պետք է ունենան քաղաքական և քաղաքացիական հավասար իրավունքներ, կրեն նույն պարտավորությունները, ենթարկվեն վարչական, աշխատանքային, զինվորական, հարկային և այլ նույն օրենքներին ու հրամանագրերին:<sup>443</sup>

Խորհրդակցության կողմից ընդունված հիմնարար մյուս քեզիսների համաձայն՝ անհրաժեշտ է համարվում խորհրդային բոլոր հանրապետություններում մտցնել անձնագրերի միասնական ձև: Անձ-

<sup>442</sup> Տե՛ս ՀԱԱ, ֆ. 114, ց. 1, գ. 98, քք. 13-14:

<sup>443</sup> Տե՛ս նույն անդում, ք. 15:

նագրերը լրացվելու էին մայրենի և ռուսերեն լեզուներով, վավերական էին լինելու խորհրդային բոլոր հանրապետություններում: Խորհրդային յուրաքանչյուր հանրապետության քաղաքացուն իրավունք էր վերապահվում բնակություն հաստատել խորհրդային ցանկացած հանրապետությունում և ազատ տեղաշարժվել մեկ հանրապետությունից մյուսը: Միասնական էր համարվում զինապարտ խորհրդային քաղաքացիների հաշվառման, զորակոչման և զորացրման կարգը, այն սահմանվելու էր ՌՍՖՍՀ ռազմխորհրդի հրամաններով: Խորհրդային հանրապետությունները գործողության մեջ պետք է դնեին արտասահմանցիների մուտքը երկիր կարգավորող՝ ՌՍՖՍՀ Ժողկոմխորհի ղեկընտին համապատասխան ղեկրետ:<sup>444</sup>

ՌՍՖՍՀ-ում խորհրդային հանրապետությունների լիազոր ներկայացուցիչների և խորհրդային հանրապետություններում Ռուսաստանի լիազոր ներկայացուցիչների կանոնակարգի մասին խորհրդակցությանն ընդունած որոշման համաձայն՝ վերջիններս օգտվելու էին ՌՍՖՍՀ-ում արտասահմանյան ներկայացուցիչներին տրված իրավունքներից և արտոնություններից: Դրանք սահմանվել էին ՌՍՖՍՀ Ժողկոմխորհի 1921 թ. հունիսի 30-ի ղեկընտով: Հաստատվում է նաև, որ խորհրդային հանրապետությունների լիազոր ներկայացուցիչներին իրավունք է վերապահվում համագործակցել իրենց տեղակայման հանրապետության բոլոր գերատեսչությունների հետ:

Ինչ վերաբերում է խորհրդային հանրապետությունների կողմից փոխադարձաբար հյուպատոսություններ հիմնելու խնդրին, ապա խորհրդակցությունն ավելորդ համարեց ինչպես հյուպատոսությունների հիմնումը, այնպես էլ հյուպատոսական կոնվենցիայի կնքումը: Նշվեց, որ խորհրդային քաղաքացիների միասնական քաղաքացիության ղեպքում՝ հյուպատոսությունների անհրաժեշտությունը կվերանա:<sup>445</sup>

Հիմնարար քեզիսներ ընդունվեցին նաև խորհրդային հանրապետություններում արտասահմանյան ներկայացուցչությունների կանոնակարգի մասին: Համաձայն դրա՝ խորհրդային հանրապետությունների տարածքում արտասահմանյան ներկայացուցչությունների հիմնումը բույլատրվում է միայն այն դեպքում, եթե տվյալ խորհրդային հանրապետության և արտասահմանյան պետության միջև առկա է միջազգային համաձայնագիր: Հանրապետություններում արտասահ-

<sup>444</sup> Տե՛ս ՀԱԱ, ֆ. 114, ց. 1, գ. 98, ք. 19:

<sup>445</sup> Տե՛ս նույն տեղում, ք. 16:

մանյան ներկայացուցչությունների կանոնակարգը պետք է համապատասխաներ ՌՍՖՍՀ-ում արտասահմանյան ներկայացուցչությունների համար գործող կանոնակարգին, իսկ ներկայացուցիչները պետք է ունենային այն իրավունքներն ու արտոնությունները, որոնք սահմանվել են ՌՍՖՍՀ ժողովուրդների 1921 թ. հունիսի 30-ի դեկրետով: Նույն սկզբունքներն ու կանոնակարգն էր սահմանվում նաև խորհրդային հանրապետություններում արտասահմանյան հյուպատոսությունների գործունեության համար:<sup>446</sup>

Նշենք սակայն, որ բոլոր այս որոշումները փաստորեն ձևական էին, քանզի նույն խորհրդակցությանը ընդունված որոշման համաձայն՝ անդրկովկասյան հանրապետություններում արտասահմանյան հյուպատոսությունների գործունեությունը համարվեց «բացարձակապես ավելորդ և անգամ վնասակար», առաջարկվեց լուծարել դրանք (բացառություն էր արվում միայն Վրաստանում Գերմանիայի դիվանագիտական ներկայացուցչության և Իտալիայի հյուպատոսության համար):<sup>447</sup>

Միութենական խորհրդային հանրապետությունների կողմից միջազգային պայմանագրեր ստորագրելու կարգի մասին հարցը քննարկելուց հետո, խորհրդակցությունը որոշեց, որ խորհրդային հանրապետությունների կողմից իրականացվող արտաքին քաղաքականության միօրինակությունը ապահովելու համար պետք է սահմանել, որ խորհրդային հանրապետությունները պարտավոր են ՌՍՖՍՀ արտգործժողկոմատի հետ նախօրոք համաձայնեցնել իրենց կողմից ստորագրվող բոլոր միջազգային պայմանագրերը, ինչպես նաև այն դեկրետները, հրահանգները, փաստաթղթերը, որոնք առնչվում են խորհրդային հանրապետություններում արտասահմանյան ներկայացուցիչների և քաղաքացիների գտնվելու հետ, իսկ այդ ամենի մասին տեղեկացնել միմյանց:<sup>448</sup> Այս որոշումը, փաստորեն, կրկնում և ամրապնդում էր ՌԿ(Բ)Կ Կենտկոմի քաղբյուրոյի 1921 թ. դեկտեմբերի 8-ի վերը նշված որոշումը:

Խորհրդակցությունում ընդունված որոշումները և հիմնարար քեզիսները արժանացան ՌԿ(Բ)Կ Կենտկոմի հավանությանը, և 1922 թ. ամբողջ ընթացքում աստիճանաբար կյանքի էին կոչվում: Օրինակ՝ արդեն 1922 թ. փետրվարից խորհրդային քաղաքացիների տեղաշար-

<sup>446</sup> Տե՛ս ՀԱԱ, ֆ. 114, ց. 1, գ. 98, ք. 18:

<sup>447</sup> Տե՛ս նույն տեղում, ք. 14:

<sup>448</sup> Տե՛ս նույն տեղում, ք. 17:

ժը խորհրդային մեկ հանրապետությունից մյուսը ազատ էր և առանց սահմանափակումների:

Ինչ վերաբերում է միասնական քաղաքացիության մասին պայմանագրի նախագծին, ապա այն այդպես էլ չստորագրվեց, սակայն հարցը դեռ երկար ժամանակ մնում էր օրակարգում: Այսպես, երբ Ռուսաստանի արտգործժողովումատին հայտնի է դարձում, որ վրացական իշխանությունները Վրաստանի տարածքում պետական լեզու են ճանաչել միայն վրացերենը, արտգործժողովի տեղակալ Լ. Կարախանը շտապում է այդ մասին տեղյակ պահել ՌՍՖՍՀ ազգությունների գործերի ժողովը Ի. Ստալինին: 1922 թ. օգոստոսի 9-ին ՌԿ(բ)Կ Կենտկոմ ուղղված զեկուցագրում Կարախանը նշում է նաև, որ «Միասնական քաղաքացիության մասին պայմանագրի նախագիծը (որն արժանացել է ՌԿ(բ)Կ Կենտկոմի հավանությանը) նախատեսում է (խորհրդային հանրապետություններում – Կ.Խ.) երկու պետական լեզուների՝ մայրենիի և ռուսերենի, ճանաչում: Նկատի ունենալով, որ ենթադրվում է մոտակա ապագայում այդ պայմանագիրը կյանքի կոչել, անհրաժեշտ են գտնում խնդրել Չեզ հրահանգավորել Անդրերկրկոմին, որպեսզի անդրկովկասյան հանրապետություններում պետական լեզու ճանաչվի նաև ռուսերենը՝ մոտ ապագայում նշված պայմանագիրը կյանքի կոչելու դեպքում, նոր լծվարությունների չհանդիպելու համար: Իսկ դրանք առավել քան հնարավոր են, քանզի տեղացի որոշ աշխատակիցներ ազգայնական միտումներ են դրսևորում»:<sup>449</sup>

Շարունակելով Ռուսաստանի և Անդրդաշնության հանրապետությունների միավորման քաղաքականությունը, ՌՍՖՍՀ կառավարությունը քայլեր ձեռնարկեց նաև հանրապետությունների միջև ֆինանսատնտեսական, սոցիալական և այլ ոլորտներում փոխհարաբերությունները կարգավորելու ուղղությամբ: Այսպես, 1922 թ. ապրիլի 11-ին ՌՍՖՍՀ և Անդրդաշնության ֆինժողովումատները համաձայնագիր ստորագրեցին ֆինանսական փոխհարաբերությունների կարգավորման մասին, հանրապետությունների ներկայացուցիչներն այն հաստատեցին 1922 թ. հուլիսի 8-ին: Նույն թվականի մայիսի 24-ին խորհրդային հանրապետությունների միջև համաձայնագրեր կնքվեցին փոստի, հեռագրի, հեռախոսի և ռադիոհեռագրի կառավարման միավորման մասին:

Այսպիսով, Խորհրդային Ռուսաստանի կուսակցական և պետական իշխանությունները 1921-1922 թթ. աստիճանաբար կյանքի

<sup>449</sup> ՀԱԱ, հավաքածու 1, գ. 3, ք. 157:

էին կոչում ՌԿ(Բ)Կ 10-րդ համագումարում որդեգրած՝ «խորհրդային հանրապետությունների պետական միավորմանը» տանող քաղաքականությունը: Սակայն, խնդիրը դնելով հիմնականում ճիշտ, բոլշևիկյան կուսակցությունը իրականում որդեգրեց ազգերի ձուլման, խորհրդային ազգային հանրապետությունների ներքին և արտաքին ինքնուրույնության իրավագրկման, դասակարգային և կուսակցական շահերը ազգային շահերից վեր դասելու քաղաքականություն, ինչը շղարշվում էր համաշխարհային սոցիալիստական հեղափոխության շահերով:

1922 թ. մարտի 12-ին Անդրդաշնության կազմավորումից հետո, որը պետաիրավական տեսանկյունից հանդիսացավ խորհրդային առաջին միութենական դաշնային պետությունը, 1922 թ. երկրորդ կեսից Ռուսաստանի բոլշևիկյան կուսակցությունը, հատկապես նրա կենտրոնամետ թևը, Ստալինի գլխավորությամբ, որոշեց վերջ տալ խորհրդային որոշ հանրապետություններում նկատվող անջատողական տրամադրություններին և այն խառնաշփոթ իրավիճակին, որ ստեղծվել էր այդ հանրապետությունների և Ռուսաստանի փոխհարաբերություններում: Ստալինը այդ կապակցությամբ հուշում է Լ.Էնինին. «Ճայրամասերի կոմունիստների երիտասարդ սերունդը *մեր կողմից անկախություն խաղալը* (ընդգծումը մերն է - Կ.Խ.) հրաժարվում է ընդունել որպես խաղ, և մեզանից համառորեն պահանջում է կյանքի կոչել անկախ հանրապետությունների սահմանադրության տառը»:

Խորհրդային Ռուսաստանի կոմունիստական կուսակցությունը 1922 թ. օգոստոսից գործնական վճռական քայլերի դիմեց Ռուսական նախկին կայսրության տարածքի վրա առաջացած խորհրդային հանրապետությունների հետ ՌՍՖՍՀ-ի միջպետական փոխհարաբերությունները վերջնականապես կարգավորելու ուղղությամբ: ՌԿ(Բ)Կ Կենտկոմի քաղբյուրոն օգոստոսի 10-ին որոշում է՝ հանձնարարել Կենտկոմի կազմբյուրոյին ստեղծել հատուկ հանձնաժողով, որպեսզի վերջինս մինչև Կենտկոմի պլենումը նախապատրաստի խորհրդային անկախ հանրապետությունների և ՌՍՖՍՀ-ի փոխհարաբերությունների հարցը:<sup>450</sup>

Նշենք, որ հանրապետությունների նմանատիպ (խորհրդային) պետականությունը, ներքին և արտաքին միևնույն քաղաքականությունը, զինված ուժերը (կարմիր բանակները), պատժիչ մարմինները (Չեկա, Հատուկ բաժին, Հատուկ նշանակության ջոկատներ և այն), նմա-

<sup>450</sup> Образование СССР. Сборник документов, Москва, 1972, с. 293-294.

նատիպ սահմանադրությունները<sup>451</sup> (հիմնական դրույքներում հանրապետությունների սահմանադրությունները փաստորեն կրկնում էին ՌՍՖՍՀ Սահմանադրությունը) և, ամենագլխավորը՝ հանրապետություններում իշխանության ղեկը ստանձնած կոմունիստական (բոլշևիկյան) կուսակցությունները, որոնք անշեղորեն ղեկավարվում էին Ռուսաստանի կոմկուսի Կենտկոմի և նրա Երկրային կոմիտեների հրահանգներով և որոշումներով,<sup>452</sup> հուշում էին հանրապետությունների միավորման ուղիները:

Ի կատարումն ՌԿ(բ)Կ Կենտկոմի քաղրյուրոյի օգոստոսի 10-ի որոշման՝ օգոստոսի 11-ին կազմբյուրոն ստեղծում է խորհրդային բոլոր հանրապետությունների ներկայացուցիչների մասնակցությամբ հանձնաժողով (ՀՄՍՀ ներկայացուցիչն էր Ալ. Մյասնիկյանը):<sup>453</sup> 1922 թ. օգոստոսի վերջին հանձնաժողովի քննարկմանն է ներկայացվում հանձնաժողովի անդամ և փաստացի ղեկավար Ի. Ստալինի կողմից մշակված «ՌՍՖՍՀ և անկախ հանրապետությունների փոխհարաբերությունների մասին բանաձևի նախագիծը»: Վերջինիս համաձայն՝ Խորհրդային Հայաստանը, Ադրբեջանը, Վրաստանը, Բելոռուսիան և Ուկրաինան պետք է պաշտոնապես մտնեին ՌՍՖՍՀ կազմ՝ ավտոնոմ (ինքնավար) հանրապետությունների կարգավիճակով:<sup>454</sup>

Այսպիսով, նախագծի համաձայն, որը հետագայում ստացավ ստալինյան «ավտոնոմիզացիայի ծրագիր» անվանումը՝ խորհրդային ազգային հանրապետությունները կորցնելու էին իրենց ինքնիշխանությունը, որը, թեկուզև ձևական, դեռ պահպանում էին: Բանաձևի 6-րդ կետի համաձայն՝ այն համարվում էր խիստ զաղտնի և հրապարակման ենթակա չէր: Եթե ՌԿ(բ)Կ Կենտկոմը հավանություն տար բանաձևին, ապա այն չէր հրապարակվելու, այլ որպես շրջաբերական

<sup>451</sup> Խորհրդային Հայաստանի Սահմանադրությունն ընդունվեց 1922 թ. փետրվարի 3-ին ՀՄՍՀ իրափույնների առաջին համագումարին: Նրանով Խորհրդային Հայաստանը հռչակվում էր միջազգային սոցիալիստական հեղափոխության մի հստավածը և կոչված էր ծառայելու վերջինիս շահերին: Այնուհանդերձ, ՀՄՍՀ Սահմանադրությունն առաջինն էր հայոց պետականության պատմության մեջ:

<sup>452</sup> Օրինակ՝ Հայկոմկուսի Կենտկոմի 1922 թ. հունիսի 6-ի պլենումին կուշինադրության մասին ընդունած բանաձևում հաստատվեց, որ «Հայաստանի կոմկուսը հանդիսանում է Ռուսաստանի կոմկուսի մի մասը, ջոկատը... քաղաքականապես և կազմակերպական հարցերում հաշվետու է նրան ու գործում է ՌԿ(բ)Կ համագումարների, կուսակցական բարձրագույն մարմինների կողմից ընդունված բանաձևերով» (տե՛ս ՀԱԱ, ֆ. 1, ց. 2, գ. 3, ք. 11):

<sup>453</sup> Образование СССР, с. 295.

<sup>454</sup> ՀԱԱ, ֆ. 1, ց. 2, գ. 177, ք. 62:

հրահանգ փոխանցվելու էր ազգային հանրապետությունների Կենտրոններին՝ «խորհրդային կարգով հիշյալ հանրապետությունների Կենտրոնների կամ խորհուրդների համագումարների միջոցով անցկացնելու համար: Դա պետք է իրականացվեր մինչև խորհուրդների Համառուսաստանյան համագումարի հրավիրումը, որտեղ այն պաշտոնապես հայտարարվելու էր որպես այդ հանրապետությունների ցանկություն»:<sup>455</sup>

Բանաձևի նախագիծը քեզիսների տեսքով ուղարկվում է ազգային Կենտրոնների քննարկմանը, սակայն, ինչպես երևում է բանաձևի 6-րդ կետից, Մտալինն ակնկալում էր ոչ թե քննարկում, այլ թեզիսների միանշանակ հավանություն և «անցկացում»՝ «խորհրդային կարգով»:

1922 թ. սեպտեմբերի 10-ին ՀԿ(Բ)Կ Կենտկոմը որոշում է պաշտպանել ՌՍՖՍՀ-ի հետ Անդրկովկասի հանրապետությունների քաղաքական և տնտեսական ավելի սերտ միավորման գաղափարը:<sup>456</sup> Սեպտեմբերի 8-11-ը տեղի ունեցած ՀԿ(Բ)Կ Կենտկոմի պլենումում Անդրֆեդերացիայի քաղաքական և տնտեսական դրության մասին զեկուցման մեջ (սեպտեմբերի 11-ին) Կենտկոմի քարտուղար Սարգիս Լուկաշինը քննադատեց Անդրֆեդերացիայի միութենական մարմինների կազմակերպչական թուլությունը, նշեց Անդրֆեդերացիայի շրջանակներում հանրապետությունների համագործակցության ու փոխօգնության չնչին ձեռքբերումների մասին: Եզրակացնելով, որ տնտեսական համագործակցության հարցերում ստեղծված խառնաշփոթից դուրս գալու միակ ելքն այն է, որ Հայաստանը քաղաքական և տնտեսական ավելի սերտ կապերի մեջ գտնվի ոչ միայն Վրաստանի և Ադրբեջանի, այլև Ռուսաստանի հետ, Լուկաշինը հուշում է, որ հարցը գտնվում է քննարկման մեջ և իր «վերջնական լուծումը կստանա կուսակցական կարգով Մոսկվայի խորհրդակցությանը, իսկ այնուհետև՝ հավանության կարծանանա խորհուրդների միջոցով»:<sup>457</sup>

Անդրադատնալով հարցի քաղաքական կողմին, Լուկաշինը հուշում է, որ անդրկովկասյան հանրապետությունների պետական ինքնուրույնությունը մինչ այժմ ուներ միայն արտաքին միջազգային քաղաքական նշանակություն, և «Անդրֆեդերացիայի կես տարվա

<sup>455</sup> Из истории образования СССР. "Известия ЦК КПСС", Москва, 1989, № 9, с. 193.

<sup>456</sup> ՀԱՍ. ֆ. 1, ց. 2, գ. 3, ք. 26:

<sup>457</sup> Նույն տեղում, ք. 33-34:

վործը հուշեց, որ հարկավոր է վերջ տալ ձևական ինքնուրույնությամբ սլարժենալուն»։ Նշելով, որ Ռուսաստանի հետ միավորվելուց հետո խորհրդային հանրապետությունների, այդ թվում և Հայաստանի, ինքնիշխանությունը զգալիորեն կսահմանափակվի, ինչը անդրկովկասյան վտարանդիությանը հնարավորություն կտա միջազգային ասպարեզում հակակոմունիստական և հակախորհրդային անավոր աղմուկ բարձրացնել, Լուկաշինը շեշտում է, որ «Միավորման արդյունքում առաջացած քաղաքական մինուսը կփոխհատուցվի տնտեսական մեծ առավելություններով»։<sup>458</sup>

Այսպիսով, Հայաստանի ղեկավարությունը պաշտպանում էր ՌԱՖԽՆՀ-ի հետ պետական միավորման զստափարը, և ինչպես Անդրֆեդերացիայի կազմավորման, այնպես էլ Ռուսաստանի հետ միավորման հարցում՝ առաջին հերթին կարևորում էր Հայաստանի տնտեսական շահերը, պատրաստ էր հանուն դրանց գնալ Հայաստանի ինքնիշխանության զգալի սահմանափակումների:

Ադրբեջանի կոմկուսի Կենտկոմի պլենումը 1922 թ. սեպտեմբերի 11-ին պաշտպանեց ստալինյան քեզիսները,<sup>459</sup> իսկ Վրաստանի կոմկուսի Կենտկոմը սեպտեմբերի 15-ի նիստում ձայների մեծամասնությամբ մերժեց դրանք, և պնդեց հանրապետությունների անկախությունը պահպանելու անհրաժեշտության մասին:<sup>460</sup> Նշենք, որ կանխատեսելով վրաց կոմունիստների նման դիրքորոշումը, Գ. Օրջոնիկիձեն ջանքեր չէր խնայում, որպեսզի կանխի Վրաստանի կոմկուսի Կենտկոմի կողմից քեզիսների մերժումը, այս հարցում ակնկալում էր Հայկոմկուսի Կենտկոմի օժանդակությունը: Սեպտեմբերի 14-ին Օրջոնիկիձեն Թիֆլիսից համապատասխան բովանդակությամբ հեռագիր է ուղարկում Երևան՝ Ս. Լուկաշինին:<sup>461</sup> Վերջինս անմիջապես արձագանքում է և հաջորդ օրն իսկ հեռագրում Թիֆլիս՝ Անդրերկրկոմ. «Հեղինակ Կենտկոմի և Երևանի պլենումն ու սլատասխանատու աշխատակիցների խորհրդակցությունը միաձայն արտահայտվեցին խորհրդային հանրապետությունների քաղաքատնտեսական քեզիսների օգտին և կայացրեցին որոշակի հիմնավորված բանաձև: Բանաձևը կուղարկվի:

<sup>458</sup> Տե՛ս ՀԱԱ, ֆ. 1, ց. 2, գ. 3, ք. 35:

<sup>459</sup> Տե՛ս նույն տեղում, ֆ. 1, ց. 2, գ. 177, ք. 65:

<sup>460</sup> Տե՛ս նույն տեղում, ք. 66:

<sup>461</sup> Из истории образования СССР, "Известия ЦК КПСС", № 9, с. 196.

Թիվ 3145»:<sup>462</sup> Սակայն Լուկաշինի «օժանդակությունը» չօգնեց Օրջոնիկիձեին՝ վերջինիս ջանքերն ապարդյուն անցան:

Բելոռուսիայի կոմկուսի Կենտկոմի պլենումը սեպտեմբերի 16-ին արտահայտվեց անկախ հանրապետությունների միջև պայմանագրային հարաբերությունները պահպանելու օգտին,<sup>463</sup> իսկ Ուկրաինայի կոմկուսի Կենտկոմը հարցն ընդհանրապես չքննարկեց:

1922 թ. սեպտեմբերի 22-ին Վ. Լենինին ուղղված նամակում ներկայացնելով իր կողմից մշակված բանաձևի էությունը, Ստալինը բացում է բոլոր փակագծերը և հարցերը դնում է կտրուկ. «Ընկ. Լենին... Երկուսից մեկը՝ կամ իսկապես (խորհրդային ազգային հանրապետությունների - Կ.Խ.) անկախություն, և այդ դեպքում՝ կենտրոնի չմիջամտություն՝ իրենց արտգործողկոմատ, իրենց արտաքին առևտուր..., ընդ որում՝ ընդհանուր հարցերը լուծվում են հավասարը հավասարի հետ՝ բանակցությունների միջոցով, ըստ պայմանագրի... կամ՝ խորհրդային հանրապետությունների իրական միավորում մեկ տնտեսական ամբողջության մեջ՝ ՌՍՖՍՀ Ժողկոմխորհի, ԱՊԽ-ի և Կենտգործկոմի իշխանության պաշտոնական տարածումը անկախ հանրապետությունների Ժողկոմխորհների, Կենտգործկոմների և տնտեսական խորհուրդների վրա: Այսինքն՝ հանրապետությունների շինծու անկախության փոխարինումը իրական ներքին ինքնավարությամբ՝ լեզվի, մշակույթի, արդարադատության, ներքին գործերի, հողագործության և այլ իմաստով»:<sup>464</sup> Այնուհետև քննադատելով «ազգայնականների», որոնք պահանջում են պահպանել հանրապետությունների իրական անկախությունը, Ստալինը հուշում է, որ եթե մենք հենց հիմա չկարողանանք կարգավորել կենտրոնի և ծայրամասերի փոխհարաբերություններն այնպես, որպեսզի վերջիններս բոլոր հիմնական հարցերում անվերապահորեն ենթարկվեն կենտրոնին, «այսինքն՝ եթե մենք հենց հիմա ձևական (ֆիկտիվ) անկախությունը չփոխարինենք պաշտոնական (իրական) ինքնավարությամբ, ապա մեկ տարի անց անհամեմատ դժվար կլինի պաշտպանել խորհրդային հանրապետությունների փաստացի միասնությունը»:<sup>465</sup>

<sup>462</sup> ՀԱՍ, ֆ. 1. ց. 2, գ. 177, ք. 67: Նշենք, որ ոչ խորհրդակցության արձանագրությունը և ոչ էլ նրա ընդունած բանաձևը մեզ հայտնաբերել չհաջողվեց, իսկ անկախ և բովում, որ Լուկաշինը առյուծ կենտրոնի մոտ չէր կարողանալ չեղարկել և հենվելով ՀԿԿ Կենտկոմի պլենումի սեպտեմբերի 10-ի նիստի վերջնական որոշման հիման վրա:

<sup>463</sup> Из истории образования СССР, "Известия ЦК КПСС", № 9, с. 197.

<sup>464</sup> Նույն տեղում. էջ 198-199:

<sup>465</sup> Նույն տեղում. էջ 199-120:

Ուսումնասիրելով Ստալինի ցամաք-գեկուցումը, Լենինը ցանկություն է հայտնում ծանոթանալ նաև հանձնաժողովի կողմից պատրաստված նյութերին: Ստալինի կարգադրությամբ սեպտեմբերի 25-ին դրանք ուղարկվում են Գորկի, որտեղ Լենինը գտնվում էր երկարատև բուժման մեջ:

Նշենք, որ ՌԿ(բ)Կ Կենտկոմի կազմըյուրյի հանձնաժողովը նախօրերին (սեպտեմբերի 23-24-ին) տեղի ունեցած նիստերում արդեն իսկ հասցրել էր քննարկել և աննշան ուղղումներով ու լրացումներով սեպտեմբերի 24-ին ընդունել ստալինյան «ավտոնոմիզացիայի ծրագիրը»:<sup>466</sup> Ի տարբերություն Բելոռուսիայի, Ուկրաինայի, Ադրբեջանի և, հատկապես Վրաստանի ներկայացուցիչների,<sup>467</sup> որոնք բանաձևի քննարկման ընթացքում պնդում էին հանրապետությունների իրավունքներն այս կամ այն չափով ընդլայնելու օգտին, և խնդրում էին բույլատրել հանձնաժողովի որոշումները քննարկել հանրապետությունների կուսկազմակերպություններում, Հայաստանի ներկայացուցիչ Ալ. Մյասնիկյանն անվերապահորեն պաշտպանում էր ստալինյան բանաձևը:

Ծանոթանալով հանձնաժողովի նյութերին, և խնդրի վերաբերյալ խորհրդակցելով հանձնաժողովի մի շարք անդամների, այդ թվում և Ստալինի հետ, Վ. Լենինը վճռականորեն մերժում է վերջինիս կողմից ներկայացված «ավտոնոմիզացիայի ծրագիրը»: ՌԿ(բ)Կ Կենտկոմի քաղաքականության անդամներին սեպտեմբերի 26-ին ուղղված նամակում շեշտելով հարցի չափազանց կարևորությունը, և քննադատելով Ստալինի կողմից դրսևորված շտապողականությունը, Լենինը առաջարկում է խորհրդային հանրապետությունների միավորումը անցկացնել սկզբունքորեն այլ հիմքի վրա՝ ՌՍՖՍՀ կազմ մտնելու փոխարեն, ազգային հանրապետությունները և Ռուսաստանը միավորել նոր պետականության՝ «Եվրոպայի և Ասիայի խորհրդային հանրապետությունների միության» մեջ, խստորեն պահպանելով նրանց իրավահավասարությունն ու անկախությունը, միությունից դուրս գալու իրավունքը:<sup>468</sup>

Ատամների կրճատումը ընդունելով Լենինի առաջարկությունները, Ստալինը արմատապես վերամշակում է հանձնաժողովի կողմից

<sup>466</sup> ՀԱԱ, ֆ. 1, ց. 2, գ. 177, ք. 69-72:

<sup>467</sup> Վրաստանի ներկայացուցիչ Պ. Մոլիվանին ղևմ էր քվեարկում բանաձևի հիմնական դրայքնեկին, իսկ նրա բոբբ առաջարկությունները ձայների մեծամասնությամբ մեքծվեցին:

<sup>468</sup> Լենին Վ.Ի., ՍԼԺ, հ. 45, էջ 252-254:

արդեն իսկ ընդունված բանաձևը, և սեպտեմբերի վերջին Կենտկոմի անդամների և քեկնածուների քննարկմանն է ներկայացնում իր. Գ. Օրջոնիկիձեի, Ալ. Մյասնիկյանի և Վ. Մոլոտովի ստորագրությամբ սկզբունքորեն նոր նախագիծ:

Վերջինիս նախնական քննարկումը տեղի ունեցավ ՌԿ(Բ)Կ Կենտկոմի սեպտեմբերի 28-ի նիստում: Նիստի ընթացքում տեղեկանալով Լ. Կամենևից, որ Լենինը մտադիր է նոր առաջարկություններ անել հանրապետությունների անկախությունը պաշտպանելու օգտին, Ստալինը նրան առաջարկում է հաստատակամություն դրսևորել Լենինի նկատմամբ: Սակայն, ստանալով Կամենևի քացասական պատասխանը, Ստալինը Լենինի հասցեին հեզնում է. «Ի՞նչ անի իր հայեցողությամբ»:<sup>469</sup> Ավելացնենք, որ Կենտկոմի անդամներին ներկայացնելով նոր նախագիծը, հեղինակները թարցնում էին, որ այն արմատապես վերամշակվել է Լենինի դիտողությունների և առաջարկությունների հիման վրա:

1922 թ. հոկտեմբերի 6-ին ՌԿ(Բ)Կ Կենտկոմի պլենումը անցնում էր օրդումներով և լրացումներով ընդունում է հանձնաժողովի 4 անդամների կողմից ներկայացված բանաձևի նոր նախագիծը՝ որպես Կենտկոմի հրահանգ:<sup>470</sup> Բանաձևի համաձայն՝ անհրաժեշտ է համարվում Ուկրաինայի, Բելոռուսիայի, Անդրդաշնության և ՌՍՖՍՀ-ի միջև «Սոցիալիստական Խորհրդային Հանրապետությունների Միության» մեջ միավորվելու մասին պայմանագրի ստորագրումը: Հանրապետություններից յուրաքանչյուրին «Միության» կազմից ազատ դուրս գալու իրավունք է վերստանվում: Պլենումը որոշում է հանձնարարել Ստալինի նախագահությամբ կազմավորված նոր հանձնաժողովին (խորհրդային բոլոր հանրապետությունների ներկայացուցիչների մասնակցությամբ) Կենտկոմի հրահանգի հիման վրա նախապատրաստել ԽՍՀՄ կազմավորման մասին օրենքի նախագիծը՝ այն խորհուրդների համագումարի միջոցով անցկացնելու համար:<sup>471</sup>

<sup>469</sup> Из истории образования СССР. "Известия ЦК КПСС", № 9, с. 208-209.

<sup>470</sup> Վ. Լենինը, որը հիվանդության պատճառով չէր մասնակցում պլենումի աշխատանքներին, նույն օրը Լ. Կամենևին ուղղված երկառոտ վերադարձ պնդեց Միության մեջ մտնող հանրապետությունների իրավահավասարությունը պաշտպանելու մասին, շեշտեց, որ «Լեյկոբուսուական շովինիզմին հույսալարում են ոչ քն կյունքի, այլ մտիկյան կոբի» (տե՛ս Լենին Վ.Ի., ԵԼԺ, հ. 45, էջ 255):

<sup>471</sup> ՀԱԱ, ֆ. 1, ց. 2, գ. 177, ք. 75: Տե՛ս նաև "Известия ЦК КПСС", № 9, с. 205-206, 214-215:

Խորհրդային հանրապետությունների միավորման գործընթացի զաղտնիության բողոքն քննարկելու և գործընթացն իրականացվելու էր հանրապետությունների բարձրագույն օրենսդիր մարմինների միջոցով, սակայն բոլշևիկյան կուսակցության վերնախավը ակնկալում էր ոչ թե հարցի համաժողովրդական քննարկում, այլ՝ միանշանակ հավանություն և անցկացում «կուսակցական կարգով»:

Եթե ստալինյան «ավտոնոմիզացիայի ծրագրի» համաձայն՝ Խորհրդային Հայաստանը, Վրաստանը և Ադրբեջանը մտնելու էին ՌՍՖՍՀ-ի կազմ որպես սուանձին միավորներ, ապա ՌԿ(բ)Կ Կենտկոմի կողմից հոկտեմբերի 6-ին ընդունված բանաձևով նրանք միավորվելու էին Ռուսաստանի, Ուկրաինայի և Բելոռուսիայի հետ Անդրկովկասի Խորհրդային Ֆեդերատիվ Հանրապետության միջոցով:

1922 թ. դեկտեմբերի 10-13-ը Բարվում հրավիրված Անդրկովկասի խորհուրդների առաջին համագումարը Խորհրդային Հայաստանի, Վրաստանի և Ադրբեջանի ֆեդերատիվ Միությունը՝ ԱՍՖՍՀՄ-ը, վերափոխեց Անդրկովկասի Սոցիալիստական Խորհրդային Ֆեդերատիվ Հանրապետության՝ ԱՍՖՍՀ-ի, ընդունեց նրա Սահմանադրությունը և որոշեց, որ Անդրկովկասյան Հանրապետությունը պետք է միավորվի ՌՍՖՍՀ-ի, Ուկրաինայի և Բելոռուսիայի հետ՝ ԽՍՀՄ կազմում:

ԽՍՀՄ կազմավորման գործընթացը պաշտոնապես ավարտվեց 1922 թ. դեկտեմբերի վերջին: Խորհրդային չորս հանրապետությունների կողմից լիազորված պատվիրակությունների կոնֆերանսը դեկտեմբերի 29-ին հաստատեց ԽՍՀՄ կազմավորման մասին Հռչակագրի և Միութենական պայմանագրի նախագծերը: Դրանք հաջորդ օրը՝ դեկտեմբերի 30-ին, կնքվեցին ՌՍՖՍՀ-ի, ԱՍՖՍՀ-ի, Խորհրդային Ուկրաինայի և Բելոռուսիայի ներկայացուցիչների կողմից և հաստատվեցին ԽՍՀՄ խորհուրդների առաջին համագումարում: ԽՍՀՄ-ի կազմավորման մասին Հռչակագրում արձանագրվեց, որ ԽՍՀՄ-ը բաց է խորհրդային բոլոր հանրապետությունների համար, և նրա կազմավորումը վճռական քայլ է՝ մոտ ապագայում «Համաշխարհային Սոցիալիստական Խորհրդային Հանրապետություն ստեղծելու ճանապարհին»:<sup>472</sup>

Թեև, ի տարբերություն ստալինյան «ավտոնոմիզացիայի ծրագրի» ԽՍՀՄ-ի կազմավորումը որակապես առաջընթաց քայլ էր, այնուհանդերձ՝ նրա ստեղծումը, կարծում ենք, հասունացած չէր: Պատահական չէ, որ ԽՍՀՄ կազմավորման առթիվ դեկտեմբերի 31-ի՝

<sup>472</sup> Советское содружество народов, с. 302-303, 307-314.

«Ազգությունների կամ «ավտոնոմիզացիայի» հարցի մասին», նամակում Լենինը մեղադրեց Ստալինին հանրապետությունների միավորման հարցում դրսևորած շտապողականության, հսպճեպության և վարչարարության համար, այդ գործընթացի ընթացքում բույլ տրված սխալների համար ամբողջ պատասխանատվությունը դրեց վերջինիս՝ որպես Կենտկոմի գլխավոր քարտուղարի, վրա: Արտահայտվելով ԽՍՀՄ-ը ամրապնդելու օգտին, և շեշտելով, որ նրա կազմում հանրապետությունների իրավահավասարությունը պետք է լինի ոչ թե ձևական, այլ իրական, Լենինը հակված էր այն կարծիքին, որ ԽՍՀՄ-ը պետք է թողնել «միայն ռազմական և դիվանագիտական տեսակետից, իսկ մյուս բոլոր տեսակետներից պետք է վերականգնել (հանրապետությունների – Կ.Խ.) առանձին ժողովուհայրների լիարժեք ինքնուրույնությունը»: Լենինը դարձյալ վճռականորեն հանդես եկավ վելիկոռուսական մեծապետական շովինիզմի դեմ:<sup>473</sup>

Սակայն հիվանդության կտրուկ սրման հետևանքով 1923 թ. սկզբից Լենինն այլևս ի վիճակի չէր հետամուտ լինելու իր ծրագրերի իրականացմանը: Պետական և կուսակցական գործերից Լենինի հեռացումը, իսկ այնուհետև և նրա մահը, հնարավորություն տվեցին Ստալինին և իր շրջապատին ԽՍՀՄ-ի բողի տակ աստիճանաբար և հետևողականորեն անցկացնել «ավտոնոմիզացիայի ծրագիրը»:

Խորհրդային Միությունը, որը բուշկիկները համարում էին ազգային հարցի լուծման լավագույն ձևը, իրականում միաձույլ կենտրոնացված պետություն էր՝ կոմունիստական կուսակցության վերնախավի դիկտատորայով, որտեղ վճռականորեն և ամենայն խստությամբ ճնշվում էր այլախոհության յուրաքանչյուր դրսևորումը:

Այնուհանդերձ՝ չամտեսելով խորհրդային հասարակարգում գոյություն ունեցող բացասական երևույթները, կոմունիստական կուսակցության ամենատիրությունը, նրա կողմից կազմակերպված բռնությունները, այլախոհության հետապնդումը և այլն, ԽՍՀՄ կազմում խորհրդային հանրապետությունները, այդ թվում Հայաստանը, պահպանելով ազգային պետականությունը, ունեին տարածքային ինքնավարության իրական կարգավիճակ, պաշտպանված էին արտաքին սպառնալիքներից, ստացան տնտեսական զարգացման լայն հնարավորություններ: Ինչ վերաբերում է կրթությանը, գիտությանը և մշակույթին, ապա այդ ոլորտներում խորհրդային տասնամյակներում արձանագրվեցին վիթխարի հաջողություններ:

<sup>473</sup> Լենին Վ.Ի., ԵԼԺ. և. 45, էջ 423-428:

## ԳԼՈՒԽ ՀԻՆԳԵՐՈՐԴ

*ՀՍԽՀ ԵՎ ՌՍՖՍՀ ՏՆՏԵՍԱԿԱՆ ՀԱՐԱԲԵՐՈՒԹՅՈՒՆՆԵՐԸ  
1920-1922 ԹԹ.: ՌՌԻՍՍՍՏԱՆԻ ՕԳՆՈՒԹՅՈՒՆԸ ՀԱՅԱՍՏԱՆԻՆ*

### *1. Հայաստանի սոցիալ-տնտեսական դրությունը խորհրդային իշխանության առաջին ամիսներին և Ռուսաստանի օգնության հարցը*

Հայաստանի առաջին Հանրապետության կարճատև գոյության գրեթե ամբողջ ընթացքում արտաքին քաղաքական ոչ բարենպաստ դրությունը, ներքաղաքական լարված իրավիճակը խոչընդոտում էին Հայաստանում սոցիալ-տնտեսական բարեփոխումների որևէ ծրագրի իրականացմանը և վերջնական ավարտին, երկրի բնականոն զարգացմանը: Հայաստանի իշխանություններն առավելապես զբաղված էին արտերկրից ֆինանսական վարկեր և օգնություն ստանալու, պարեն, առաջին անհրաժեշտության ապրանքներ ձեռքբերելու և երկիր ներմուծելու խնդիրներով:

Հայաստանի դրությունն էլ ավելի վատթարացավ 1920 թ. աշնանը քուրք-հայկական պատերազմում կրած ծանր պարտության հետևանքով: Թուրքական զինագրավման տակ հայտնվեցին գյուղատնտեսական տեսակետից առավել զարգացած հայկական տարածքները, այդ իսկ պատճառով Հայաստանի խորհրդայնացման պահին երկիրը և ժողովուրդը հայտնվել էին կործանման վտանգի առջև: Հանրապետության տարածքում խմբվել էին ցեղասպանությունից մազապուրծ եղած, անօթևան և ապրուստի որևէ միջոցներից զրկված բազմահազար արևմտահայ գաղթականները, երկրում համատարած սով էր, համաճարակային զանազան հիվանդությունների զոհ էին դառնում օրեկան հարյուրավոր մարդիկ:

1919-1920 թվականներին ծնելիության մակարդակը Հայաստանում կազմում էր ընդամենը՝ 8.7, իսկ մահացությանը՝ 204.2 մարդ 1000-ից, այսինքն՝ բնակչության նվազումը անցել էր բոլոր տեսակի ընդունված չափանիշները և կազմում էր 195.5 մարդ 1000-ից: Եվ սա այն դեպքում, երբ երկրի բնակչության թիվը հասնում էր ընդամենը 720 հազարի:

Կարվածահար վիճակում էր երկրի տնտեսությունը, գյուղացին կտրված էր հողից, բանվարը՝ արտադրությունից և արդյունաբերությունից: Հումքի և ֆինանսական ներդրումների խստոր բացակա-

յության պայմաններում դրանք փլուզման վիճակում էին: Յանքատարածությունները կրճատվել էին մոտ 4 անգամ, գրեթե չէր գործում ոռոգման համակարգը, վերացման եզրին էր ծխախոտի, բամբակի աճեցումը, մի քանի անգամ կրճատվել էր գյուղմթերքների արտադրումը, պարապտրոլի մեջ էին զինու, կոնյակի, պահածոների արտադրությունները, սրա հետ մեկտեղ՝ չէր գործում երկաթուղին, բացակայում էր արտահանումը: Նախապատերազմյան 1913 թ. համեմատությամբ 1920 թ. վերջին էլեկտրաէներգիայի արտադրումը նվազել էր՝ 3, արդյունաբերության արտադրանքը՝ շուրջ 12, իսկ գյուղատնտեսությանը՝ 6 անգամ:<sup>474</sup>

«Համաշխարհային տնտեսական, ֆինանսական և քաղաքական ժողովածուի» տվյալների համաձայն՝ Հայաստանի առաջին Հանրապետության արտաքին պարտքը կազմում էր 17.4 մլն. դոլար, որից 13.0 մլն.՝ ԱՄՆ-ին, իսկ 4.4՝ Անգլիային:<sup>475</sup>

Նման անմխիթար իրավիճակում ստանձնելով իշխանությունը Հայաստանում հայ կոմունիստները գիտակցում էին, որ երկրում խորհրդային կարգերը հաստատելու գործընթացի հաջողությունն ամբողջությամբ կախված է լինելու Խորհրդային Ռուսաստանի կողմից տրամադրվելիք օգնության չափերից, դա էր դիտվում Հայաստանի խորհրդային հանրապետության կայացման և գոյության միակ երաշխիքը:

1920 թ. նոյեմբերի 29-ի Հռչակագրում Հայիեղկոմը հայտարարում է. «Խորհրդային Ռուսաստանը մեզ երբայրական օգնություն ցույց կտա, հնարավորին չափով հաց և ճրճեղեն հասցնելով (Հայաստան-Կ.Խ.)»:<sup>476</sup> 1920 թ. դեկտեմբերի 5-ին Երևանից ՌԿ(բ)Կ Կենտկոմ ուղղված ողջույնի հեռագրում հայ կոմունիստները օգնության կոչով դիմեցին Ռուսաստանի ղեկավարությանը, նրանում նշվում է. «Ռայքարը Խորհրդային Հայաստանի համար դեռ ամենևին էլ ավարտված չէ, այդ պայքարի բարենաջող ավարտը մենք չենք պատկերացնում... առանց Ձեր առավելագույն օժանդակության... Խնդրում ենք շտապ միջոցներ ձեռնարկել մեզ անհրաժեշտ ամեն ինչով մատակարարելու

<sup>474</sup> Социалистическое строительство Арм. ССР (1920-1940), Ереван, 1940, с. 23, 24, 47.

<sup>475</sup> Всемирный экономический, финансовый и политический сборник, Москва, 1923.

<sup>476</sup> ՀՄԽՀ դեկրետների և հրամանների ժողովածու, սրուկ 1, Լջ 3:

համար»:<sup>477</sup> Իրավացի է Բ. Բորյանը երբ նկատում է, որ Խորհրդային Ռուսաստանից օգնություն չտանալու դեպքում՝ «Հայաստանի խորհրդային իշխանությունը չէր պատկերացնում իր քաղաքական գոյությունը»:<sup>478</sup>

Խորհրդային Հայաստանի առջև ծառայած խնդիրները քննարկելու նպատակով ՌՍՖՍՀ ժողովրդխորհի նախագահ Վ. Լենինը 1920 թ. դեկտեմբերի 13-ին Կրեմլում ընդունեց Հայիեդկոմի անդամներ Ա. Մռավյանին և Ս. Տեր-Գաբրիելյանին, վերջիններիս խնդրանքով: Մռավյանն ու Տեր-Գաբրիելյանը գեկուցեցին Խորհրդային Հայաստանի առաջնահերթ խնդիրների մասին, այդ քվում՝ սոցիալ-տնտեսական: Արձագանքելով օգնության խնդրանքներին Լենինը հուսադրեց. «Խորհրդային Հայաստանին կօգնենք ամեն կերպ», միաժամանակ հուշեց, որ «ինքներս էլ դժվարին կացության մեջ ենք»:<sup>479</sup>

1920 թ. վերջին Ռուսաստանը հայտնվել էր սոցիալ-տնտեսական խորը ճգնաժամում, այն ամբողջական էր, համընդհանուր: Չորս տարի տևած համաշխարհային պատերազմը և երեք՝ քաղաքացիական կռիվները ծանր հարված էին հասցրել Ռուսաստանի տնտեսությանը, հումքի և վառելիքի բացակայության պայմաններում կանգնած էր արդյունաբերական համալիրի մեծ մասը, նվազել էր գյուղատնտեսական մթերքների, հացահատիկի արտադրումը: «Պատերազմների ընթացքում երկիրը կորցրել էր ազգային հարստության ավելի քան քառորդ մասը: Արդյունաբերության համախառն արտադրանքի ծավալը նվազել էր 7 անգամ, խիստ կրճատվել էր ածխի և մաքրի արդյունահանումը: Նախապատերազմյան մակարդակի համեմատությամբ՝ 1920 թ. վերջին գյուղատնտեսության արտադրանքը նվազել էր 2.5 անգամ»:<sup>480</sup>

Երկրի ներքաղաքական կյանքում շարունակում էին լարված մնալ սոցիալ-քաղաքական հարաբերությունները, 1920 թ. վերջերից մեծ քափ հավարած բազմաթիվ գյուղացիական հակախորհրդային ապստամբությունները վերաճել էին իսկական պատերազմի իշխանությունների դեմ: 1921 թ. ծնռան-գարնանը պայքարի մեջ մտան նաև Ռուսաստանի խոշոր քաղաքների բանվորությունը, ռուսական նավա-

<sup>477</sup> Бакинский рабочий, Баку, 5 декабря, 1920, № 24. Տե՛ս նաև ԲՀԱ, ԽՆԼԱՆ, 1965, քիվ 3, էջ 3-4:

<sup>478</sup> Борьян Б., ԳԶՎ. աշխ., էջ 317:

<sup>479</sup> Մռավյան Ա., Հավիածներ և ճառեր, Եր., 1961, էջ 222:

<sup>480</sup> История Отечества. 20-ый век, Москва, 1997, с. 151-153.

տորմի և բանակի առանձին զորամասերը: Ապստամբությունները մնշելու համար Խորհրդային Ռուսաստանի իշխանությունները ահռելի ջանքեր էին զործադրում, առանձնացնում մեծ բանակի մարդկային և նյութական ռեսուրսներ: Այս ամենը չէր կարող չանդրադառնալ խորհրդային քաղաքականության վրա, նվազեցնում էր Ռուսաստանի առանց այն էլ սակավ հնարավորությունները խորհրդային հանրապետություններին, այդ թվում Հայաստանին, բավարար չափով օգնություն տրամադրելու խնդրում:

Հայաստանի պատվիրակության հետ հանդիպումից անմիջապես հետո Վ. Լենինի ցուցումով ՌՍՖՍՀ Ժողկոմխորհուրդը ղեկտեմբերի 14-ի որոշումով Հայաստանին տրամադրում է 3 միլիարդ ռուբլի վարկ՝ արդյունաբերական ապրանքներ և հացահատիկ գնելու համար:<sup>481</sup> Սակայն պետք է նշել, որ որոշումը թեև ընդունվեց, սակայն օգնությունը դեռ երկար ժամանակ Հայաստան չհասավ: «Պատճառներից մեկն այն էր, որ Հայաստանի խորհրդայնացումից հետո վրացական իշխանությունները արհեստական վթարներ էին առաջացնում դեպի Հայաստան գնացող երկաթգծի վրացական հատվածում:

Հայաստանի իշխանությունների ահազանգով Ռուսաստանի կառավարությունը վրացական իշխանություններից պահանջեց ապահովել երկաթգծի անխափան աշխատանքը և «Հայաստանի սովյալ բնակչությանն օգնություն հասցնելու համար Ռուսաստանին տրամադրել ազատ տարանցման իրավունք»: Ռուսաստանի կառավարության դիմումում մատնանշվում է Վրաստանի կողմից 1920 թ. մայիսի 7-ի ռուս-վրացական պայմանագրի դրույթներն անշեղորեն կատարելու անհրաժեշտության մասին: Խնդրի վերաբերյալ նշվում է նաև Վրաստանում Ռուսաստանի լիազոր ներկայացուցիչ Ա. Շեյնմանի՝ վրացական իշխանություններին 1920 թ. ղեկտեմբերի 6-ին, 10-ին և 11-ին պարբերաբար հղած հուշագրերում:<sup>482</sup>

Հայաստանի շրջափակման հարցով մտահոգված էր նաև Լ. Էնինը, Հայիեդկոմի անդամների հետ ղեկտեմբերի 13-ի հանդիպումից հետո նա ընդունում է Ռուսաստանում Վրաստանի լիազոր ներկայացուցիչ Գ. Մախարաձեին և բացատրություններ պահանջում Հայաստանի շրջափակման փաստի վերաբերյալ: Լենինը հուշում է նրան, որ վրացական իշխանությունների անբարյացակամ վերաբերմունքը

<sup>481</sup> Հեկտեմբերյան սոցիալիստական մեծ հեղափոխությունը... Հայաստանում, էջ 425-426:

<sup>482</sup> ՀԱԱ, ֆ. 4033. ց. 2, գ. 1158, քք. 10,13:

Խորհրդային Հայաստանի հանդեպ հավասարապես վերաբերվում է և նրա դաշնակցին՝ Խորհրդային Ռուսաստանին, զգուշացնում՝ որ Ռուսաստանը Խորհրդային Ադրբեջանի հետ միասին կծեռնարկեն վճռական պատասխան միջոցներ, մասնավորապես՝ կղաղարեցնեն նավթի առարկաները Վրաստանի հանրապետություն:<sup>483</sup> Բանվորագյուղացիական պատգամավորների Մոսկվայի խորհրդի պլենումի 1921 թ. փետրվարի 28-ի նիստին անդրադառնալով Վրաստանի կողմից Հայաստանի շրջափակման հարցին, Լենինը նշում է. «Ոչ որ համբերություն չի ունենա կարդալու այն հեռագրերը, հայտարարություններն ու բողոքները, որ մենք այդ առթիվ փոխանակել ենք Վրաստանի հետ»:<sup>484</sup>

Հայաստանի շրջափակումը վերացնելու կոչով Վրաստանի բանվորներին և գյուղացիներին դիմեց նաև Բաքվի խորհուրդը: Վերջինիս կողմից 1920 թ. դեկտեմբերի 18-ին ընդունված դիմումում նշվում է, որ վրացական կառավարությունը խոչընդոտում է հացով բեռնված գնացքների երթևեկությանը դեպի Հայաստան, դրանով իսկ սովի մատնում Հայաստանի ժողովրդին, «Ստանձնում է նրա դահճի դերը»: Դիմումում խորհուրդը հուշում է նաև, որ առաջարկել է իր կառավարությանը վերանայել Վրաստանի հետ կնքված առևտրական այն պայմանագիրը, որի համաձայն Ադրբեջանը նավթ է արտահանում Վրաստան:<sup>485</sup>

Ռուսաստանի իշխանությունների վճռականությամբն էլ վերջո ներգործեց վրացական կողմի վրա: Շեյնմանը 1920 թ. դեկտեմբերի 15-ին հեռագրում է Մոսկվա՝ Չիչերինին, Բաքու՝ Հուսեյնովին և Օրջոնիկիձեին, Երևան՝ Հայեղիկոսի նախագահին. «Միայն նավթի առարկանը (Վրաստան - Կ.Խ.) դաղարեցնելուց հետո վրացական կառավարությունը պաշտոնապես հայտնեց ինձ, որ սույն ամսի 14-ից հանրապետության երկաթուղային ճանապարհներով դեպի Հայաստան ազատ տարանցման իրավունք է տրամադրում ՌՍՖՍՀ-ին և Ադր. ՄԽՀ-ին»:<sup>486</sup>

Վրաստանի կողմից Հայաստանի երկաթուղային շրջափակումը չէր միայն Խորհրդային Հայաստան օգնություն չհասնելու պատճառը: Ռուսաստանում Վրաստանի լիազոր ներկայացուցիչ Գ. Մա-

<sup>483</sup> Տի'ու Хармандарян С., Ленин и становление Закавказской федерации (1921-1923), с. 52:

<sup>484</sup> Լենին, ԵԼԺ. Է. 42, էջ 440:

<sup>485</sup> Տի'ու ԲՀԱ, Երևան, 1965, քիվ 3, էջ 4-5:

<sup>486</sup> ՀԱԱ, ֆ. 4033, ց. 2, գ. 1158, ք. 20:

խարածեին ուղղված հեռագրում Վրաստանի արտոգործնախարար Սարախտարաշվիլին հայտնում է, որ դեպի Հայաստան տարանցիկ և, մասնավորապես, պարենային ու վառելիքային բեռներ փոխադրելու վերաբերյալ Ռուսաստանի կողմից մինչև դեկտեմբերի 18-ը որևէ միջնորդություն չի ներկայացվել: Այնուհետև Սարախտարաշվիլին հուշում է, որ նման միջնորդություն ներկայացվեց միայն դեկտեմբերի 18-ին, որն էլ «անմիջապես բավարարվել է, սակայն ուղեբեռ... մինչ օրս մեր սահմանին չի հասել»:<sup>487</sup>

Այսպիսով կարելի է փաստել, որ 1920 թ. դեկտեմբերին Հայաստան օգնություն չմտնելու իրական պատճառը դրա բացակայությունն էր. քանզի Ռուսաստանն ինքն էլ «Ժժվարին դրության մեջ էր»: Բարվի կուսակազմակերպության 1921 թ. հունվարի 25-ի համաքաղաքային կոնֆերանսին Գ. Օրջոնիկիձեն հուշում էր. Խորհրդային Ադրբեջանի և Հայաստանի «դրությունը հիմնականում կախված է Խորհրդային Ռուսաստանի դրությունից: Եվ դա այդպես էլ պետք է լինի: Բնական է, որ վերջինիս դրությունը... շատ հարցերում որոշում է առանձին խորհրդային անկախ համըսպետությունների դրությունը»:<sup>488</sup>

Քանի որ Ռուսաստանից ակնկալվող օգնությունը «ուշանում էր», Հայաստանի նոր իշխանություններին այլ ելք չէր մնում, քան պարեն հայթայթել երկրի ներսում՝ չքավորության եզրին հայտնված հայ գյուղացուց: Խնդիրը խիստ հրատապ էր՝ խորհրդային իշխանությունները խոստովանում էին, որ ոչ միայն բնակչությունը, այլև Կարմիր բանակի զորամասերը պարզապես սովի են մատնված:

1920 թ. դեկտեմբերի 8-ին հրապարակվում է Հայիեդկոմի՝ «Պարենային մթերքների և այլ նյութերի հայտնաբերման մասին հրամանը»:<sup>489</sup> Իսկ սրղեն դեկտեմբերի 10-ին ՀԿ(Բ)Կ Կենտկոմը կոչ է անում հայ գյուղացիությանը «առանց հապաղելու հաց տրամադրել Կարմիր բանակին», և այն փոխադրել «սեփական միջոցներով»:<sup>490</sup>

Հայ ժողովուրդը օգնության ծարավով էր լցված դեպի նոր իշխանությունները և Խորհրդային Ռուսաստանը, իսկ նրանից պահանջում էին վերջին ունեցվածքը՝ «Կարմիր բանակին», «Ընկեր Լենինին»,

<sup>487</sup> ՀԱԱ, ֆ. 4033, ց. 2, գ. 1158, ք. 28:

<sup>488</sup> Նայն տեղում, ֆ. 1022, ց. 5, գ. 373, ք. 1:

<sup>489</sup> ՀՄԽՀ ղեկավարների և հրամանների ժողովածու, պրակ 1, էջ 8:

<sup>490</sup> Հովաներեքյան սոցիալիստական մեծ հեղափոխությանը... Հայաստանում, էջ 421:

«Պիտերի և Մոսկվայի սրբոլեւարիատին» որպէս «եղբայրական օգնություն» տրամադրելու համար:

Չսպասելով ժողովրդի «սրբոլեւարական» ընթացմանը, հրամանները հրապարակելուց անմիջապէս հետո, Հեղկոմը բռնում է գյուղացիության կողոպուտի ուղին: Հեղկոմի օրինակին են հետևում նաև կարմիրբանակայինները, օգտվելով տեղական իշխանությունների բուլոյթյունից, նրանք կամայականորեն քալում են ժողովրդի վերջին ունեցվածքը: Ապօրինություններն այնպիսի ծավալներ են ընդունում, որ դրանք կանխելու նպատակով ՀՍԽՀ ռազմգործժողկոմ Ավիս Նուրիջանյանը ստիպված է լինում ղեկտեմբերի 28-ին հրապարակված հատուկ հրամանով պահանջել, որպէսզի «գոնազրավումները կատարվեն միայն տեղական Հեղկոմների միջոցով»:<sup>491</sup> Այսպիսով, հրամանը միտված էր ոչ քե աշխատավոր ժողովրդի շահերը պաշտպանելուն, այլ միայն՝ բռնազրավումները «օրինականացնելուն»:

Հայաստանում կիրառելով ռուսական փորձը, ՀՍԽՀ իշխանությունները հարձակման անցան նաև մասնավոր սեփականության, կապիտալի դեմ՝ անկանոն կերպով ազգայնացնելով և պետականացնելով երկրի բնական հարստությունները. հողերը, ջրերը, անտառները, ինչպէս նաև դրամատները, գործարանները, խանութները, դեղատները, հոգևոր հաստատություններին պատկանող կրթամշակութային օջախները և այլն: Նոր իշխանությունները ռազմական դրոշմային մեջ հայտարարեցին երկաթուղին, ավտոտրանսպորտը, ռադիոկայանները, փոստ-հեռագիրը, հեռախոսը և այլն:<sup>492</sup>

1920 թ. ղեկտեմբեր - 1921 թ. հունվար ամիսներին Հայհեղկոմի կողմից ընդունված մի շարք ղեկրետներով ու հրամաններով Խորհրդային Հայաստանում փաստորեն հաստատվեց «ռազմական կոմունիզմի» քաղաքականությունը, որը դեռևս շարունակվում էր կիրառվել Խորհրդային Ռուսաստանում: Եվ դա միանգամայն սպասելի էր՝ տնտեսական քաղաքականության մեջ նույնպէս հայ բոլշևիկների համար ուղեցույց էր լինելու Ռուսաստանի փորձը:

Հայհեղկոմի 1920 թ. ղեկտեմբերի 21-ի ղեկրետով Խորհրդային Հայաստանում պարտադիր են հռչակվում ՌՍՖՍՀ օրենքները՝ «Այն փոփոխություններով ու լրացումներով, որ կմտցնի Հայաստանի Հեղկոմը և այլ իրավասու իշխանությունները»:<sup>493</sup> Սակայն, ինչպէս ճիշտ

<sup>491</sup> ՀՍԽՀ ղեկրետների և հրամանների ժողովածու, սրբակ 1, էջ 31:

<sup>492</sup> Տե՛ս նայն տեղում:

<sup>493</sup> Նայն տեղում, էջ 25:

նկատում է խորհրդային պատմարան Բ. Բորյանը, լավատեղյակ չլինելով այդ օրենքներին, «Հեղկոմը փաստորեն անց էր կացնում սեփական «հեղափոխական և չգրված օրենքները» և, ըստ էության՝ դեկտեմբերի 21-ի դեկրետը «ունենալով շուտ քաղաքական, քան քն գործնական նշանակություն»:<sup>494</sup>

Հեղկոմի վարած «անկանոն» և առանց «դասակարգային որևէ սկզբունքի» բռնագրավումների քաղաքականությունը վերը նշվածի հետևանքն էր: Հայաստանի խորհրդային իշխանությունները ռազմական կոմունիզմի քաղաքականության «ոռուսական շարժումը» մեխանիկորեն կրկնեցին Հայաստանում, այն ոչ միայն չէր համապատասխանում երկրի սոցիալ-տնտեսական պայմաններին, չէր բխում ժողովրդի շահերից, այլև՝ կիրառվեց հապճեպ, քաղաքի վերաբերյալ քերականություններով և կոպիտ սխալներով, առանց նկատի առնելու Հայաստանի առանձնահատկությունները, ակնառու տարբերությունները տարածքային, մարդկային ներուժով և նյութական պաշարներով անհամեմատ հարուստ և առավել զարգացած Ռուսաստանից: Խորհրդային Հայաստանում ռազմական կոմունիզմի քաղաքականությունն արտահայտվեց սոսկ պետականացումներով, բռնագրավումներով, ժողովրդի կողոպուտով: Այն էլ ավելի խորացրեց ճգնաժամային իրավիճակը Հայաստանում, վարկաբեկեց ինչպես խորհրդային իշխանությունը, այնպես էլ Խորհրդային Ռուսաստանը ժողովրդի աչքում:

Ռազմական կոմունիզմի քաղաքականությունը դարձավ բոլշևիկների կողմից իրականացվող առաջին լայնամասշտաբ կոմունիստական փորձարկումը, որը ծանր հետևանքներ ունեցավ խորհրդային հանրապետությունների, այդ թվում և Հայաստանի, տնտեսության և բնակչության համար:

Խորհրդային Հայաստանում մտածված, երկրի առանձնահատկություններից բխող քաղաքականություն կենսագործելու, մասնավորապես, պետական կառավարման նոր համակարգը ձևավորելու խնդիրը կախված էր կուսակցական փորձառու կադրերի և արհեստավարժ մասնագետների առկայությունից: Գիտակցելով, որ այդպիսիք Հայաստանում շատ քիչ են, իսկ առանց որակյալ կադրերի անհնար է իրականացնել յուրք վերափոխումներ պետական շինարարության սուպարեզում՝ իր իշխանության առաջին իսկ օրերից Հայեղկոմը Ռուսաստանի իշխանություններին է դիմում Հայաստան կուսակցական հմուտ կադրեր ուղարկելու խնդրանքով: Նման կոչով հանդես եկավ

<sup>494</sup> St'u Борьян Б., նշվ. աշխ., էջ 128. 158:

նան Գ. Օրջոնիկիձեն, ղեկտեմբերի 4-ին Մոսկվա ուղարկած հեռագրում նա նշում է. «Անհրաժեշտ է հայ կոմունիստներին Մոսկվայից ուղարկել Հայաստան: Ամնիցապես ուղարկեք Տեր-Գարրիեյանին»:<sup>495</sup>

Արագ արձագանքելով խնդրանքներին, ՌԿ(բ)Կ Կենտկոմի քաղբյուրոն 1920 թ. դեկտեմբերի 4-ին հանձնարարում է Կենտկոմի Կազմակերպչական բյուրոյին Հայաստան գործուղելու համար անհապաղ հավաքագրել ստավելագույն քանակի հայ կոմունիստները:<sup>496</sup> Կենտկոմի Կազմբյուրոյի 1920 թ. դեկտեմբերի 10-ի որոշումով Խոբիրդային Հայաստան են գործուղվում պետական և կուսակցական հայազգի մի շարք գործիչներ:<sup>497</sup> Սակայն պետք է նշել, որ վերջիններիս հոսքը «աշխարհից կտրված գաղթականների հանրապետություն» ընթանում էր շատ դանդաղ: 1921 թ. հունվարի 15-ին ՀԿ(բ)Կ Կենտկոմ ուղղված նամակում անդրադառնալով հարցին, Մոսկվայում ՀՍԽՀ լիազոր ներկայացուցիչ Սահակ Տեր-Գարրիեյանը ցավով հուշում է. «Այդ պատվամոլ հասարակությունը ցանկանում է ունենալ (Հայաստանում – Կ.Ս.) «ժողկոմից» ոչ ցածր պաշտոն և զգալով, որ հազիվ քե իրենց հաջողվի «ժողկոմներ» դառնալ, տարրեր հիմնարկություններում իրենց համար ապահովել են ամրացագրեր (броня)»: Տեր-Գարրիեյանը միաժամանակ նշում է, որ «այդպիսիների շարքին, իհարկե, չեն պատկանում ընկ. ընկ. Մյասնիկյանը, Լուկաշինը և Կարինյանը»: Շարունակելով իր միտքը, Տեր-Գարրիեյանը հայտնում է, որ շատերին, իհարկե, հնարավոր է շատ հեշտությամբ ամրակազերծել (разбронировать) և գործուղել Հայաստան, սակայն գտնում է, որ դա անել հարկավոր չէ, քանզի ստիպույաբար Հայաստան ուղարկված լինելով, նրանք կարող են էլ ավելի շիկացնել Հայաստանի կոմկուսի դեկավարության ներսում տիրույ աճի հաշտ մթնոլորտը:<sup>498</sup> Կարծում ենք, որ այս հարցում Տեր-Գարրիեյանը միանգամայն լրջախոհ էր և իրավացի:

Ս. Տեր-Գարրիեյանի ղեկավարած Հայաստանի լիազոր ներկայացուցչությունը Մոսկվայում մեծ աշխատանք էր կատարում Ռուսաստանի կառավարությունից ֆինանսական միջոցներ և այլ օգնություն ձեռք բերելու և Հայաստան հասցնելու գործում: Հիշատակված

<sup>495</sup> ՀԱԱ, ֆ. 1022, ց. 5, գ. 368, ք. 1:

<sup>496</sup> Նայն առևում, հավաքածու 1, գ. 2, ք. 178:

<sup>497</sup> Հոկտեմբերյան սոցիալիստական մեծ հեղափոխությունը... Հայաստանում, էջ 421-422:

<sup>498</sup> ՀԱԱ, ֆ. 4049, ց. 1, գ. 7, ք. 5:

նամակում Տեր-Գաբրիելյանը տեղեկացնում է, որ ՌԱ(Բ)Կ Կենտկոմից Հայաստանի համար պահանջել է 2 մլն. արշին մանուֆակտուրա, դեղորայք, 1 մլն. ռուրլի արժողությամբ արտադրոյք, և հուշում, որ պահանջները մասամբ բավարարվել են: Միաժամանակ, Տեր-Գաբրիելյանը ՀԱ(Բ)Կ Կենտկոմի ուշադրությունն է հրավիրում այն փաստի վրա, որ Ադրբեջանին չվիրավորելու համար «Կենտկոմը որոշել է մանուֆակտուրա մատակարարել նաև նրան», և խորհրդային երկու հանրապետություններին ընդհանուր հաշվով տրամադրել՝ 3.5 մլն. արշին: Նկատի ունենալով Հայաստանի առավել թշվառ դրությունը, որոշվում է օգնությունը բաշխել հետևյալ չափերով. Հայաստանին՝ 2, Ադրբեջանին՝ 1.5 մլն.: «Տեղեկանալով այդ մասին և ձգտելով չառաջացնել ադրբեջանցիների դժգոհությունը, - շարունակում է Տեր-Գաբրիելյանը, - ընկ. Ստալինը բողոքարկեց նման բաշխումը Կենտկոմի Կազմբյուրոյում»: Ստալինը հասնում է իր նպատակին՝ Կազմբյուրոն վերանայում է նախկին որոշումը և Հայաստանին հատկացնում՝ 1.5, իսկ Ադրբեջանին՝ 2 մլն. արշին մանուֆակտուրա:<sup>499</sup> Չքաղցնելով իր գայրոյքը և հուշելով, որ «այդքան էլ հաճելի չէ. քաղանել այնտեղ, որտեղ յուրաքանչյուր թելի հաշվառման է ենթարկված», Տեր-Գաբրիելյանը միանշանակ և անկեղծորեն հայտարարում է. «Բայց չէ՞ որ Հայաստանի մատակարարումը ոչ թե բարերարություն է, այլ քաղաքական հայտնի հաշվարկ: Խորհրդային Հայաստանի դերը Արևելքում թեև ոչ այդքան, բայց, այնուամենայնիվ, այստեղ ընդունվում է»:<sup>500</sup>

Վերոնշյալ նամակից տեղեկանում ենք նաև, որ Հայաստանի լիազոր ներկայացուցիչը ցանկանում էր սպրանքաշրջանառություն կազմակերպել Խորհրդային Ռուսաստանի և Հայաստանի միջև: Տեր-Գաբրիելյանը Հայաստանի իշխանություններից փորձում էր պարզել, թե «Հայաստանն ի՞նչ քանակությամբ հումք ունի, և ի՞նչ կարելի է այնտեղից արտահանել»: Նա խորհուրդ է տալիս՝ հնարավորության դեպքում, Հայաստանից Ռուսաստան վերադարձվող դատարկ վագոններով ուղարկել «բամբակով, սպիրտով և այլ ապրանքներով բեռնված գոմե մեկ զնացք»:<sup>501</sup>

Սակայն իրականացնել Տեր-Գաբրիելյանի այդ մտահղացումը Հայաստանի իշխանություններն անկարող էին, քանզի 1921 թ. ծնունդը նրանք բացառապես մտահոգված էին երկրի ներքաղաքական լար-

<sup>499</sup> ՀԱԱ, ֆ. 4049, ց. 1, գ. 7, ք. 1-2:

<sup>500</sup> Նույն տեղում. ք. 3:

<sup>501</sup> Նույն տեղում:

ված իրավիճակով, խորհրդային բանակի կարիքները զոնե մասամբ հոգալու բարդ խնդրով: 11-րդ Կարմիր բանակի հրամանատար Ա. Գեկկերին 1921 թ. փետրվարի 1-ին ուղղված զեկուցագրում ՀՄԽՀ կարմիր զորքերի հրամանատար Մ.Վ. Մոլկաչանովը հայտնում է, որ «Խորհրդային իշխանությունը Հայաստանում ստացել է ոչ միայն շարքային, այլև տնտեսական կողմից քայքայված բանակ», և նրա «վերակազմավորման հաջողությունը, նրա նյութական բարեկեցության բարձրացումը կախված է նրանից, թե որքան օգնություն կտրամադրի 11-րդ Կարմիր բանակը»:<sup>502</sup>

Խորհրդայնացումից հետո առաջին օգնությունը Հայաստան հասավ միայն 1921 թ. հունվարի սկզբին, այն տրամադրված էր 11-րդ Կարմիր բանակի կողմից և գրեթե ամբողջությամբ սպառվեց ինչպես նրա, այնպես էլ հայկական Կարմիր բանակի զորամիավորումների կարիքները հոգալու համար: Այդ մասին տեղեկանում ենք Վրաստանում Ռուսաստանի լիազոր ներկայացուցիչ Ա. Շեյնմանի և ՀՄԽՀ արտգործոժողկոմ Ալ. Բեկզադյանի միջև տեղի ունեցած հետևյալ երկխոսությունից: Հեռագրակապի միջոցով Շեյնմանից ստացած այն հարցին, թե «ու՞մ եք պատրաստվում տրամադրել ստացած ուր վազոն հացահատիկը», Ալ. Բեկզադյանը պատասխանում է. «Մեր պարենավորման կազմակերպությունը դեռևս բացառապես աշխատում է նրա (բանակի - Կ.Խ.) համար, բնակչությանը մենք ոչինչ չենք մատակարարում»:<sup>503</sup>

Հարկ է նշել, որ 11-րդ Կարմիր բանակի կողմից տրամադրված օգնությամբ բեռնված գնացքը մեծ դժվարություններով հասավ հացեատիրոջը: Ալեքսանդրապոլի գավառային հեղկոմի նախագահ Մ. Տեր-Գրիգորյանցի (Արծվիկ) 1920 թ. դեկտեմբերի 29-ին հեռագրից, ուղղված ՀՄԽՀ ներքին գործերի ժողկոմին, տեղեկանում ենք, որ թուրքական բանակի կողմից զինագրավված Ալեքսանդրապոլ քաղաք դեկտեմբերի 28-ին ժամանած գնացքին թուրքերը չեն թույլատրել ուղևորել դեպի Երևան: Տեր-Գրիգորյանցը հայտնում է, որ դժվարին բանակցություններից հետո միայն թուրքական հրամանատարությունը համաձայնվեց թույլատրել գնացքի երթևեկությունը՝ այն էլ պայմանով, որ պետք է ստուգման ենթարկի բոլոր վազոնների պարունակությունը: Ըստ Տեր-Գրիգորյանցի, նա ընդդիմանում է սանձարձակ այդ պահանջին և հայտարարում, որ «նման իրավունքով օժտված է միայն

<sup>502</sup> ՀԱԱ, ֆ. 1022, ց. 8, գ. 197, ք. 1:

<sup>503</sup> Նույն տեղում, ֆ. 114, ց. 2, գ. 50, քք. 6-7:

ՌՍՖՆՀ 11-րդ բանակի ներկայացուցիչը»: Հանդիպելով Տեր-Գրիգորյանցի կողմից դրսևորված համառոտյանը, քուրքական զինվորական հրամանատարությունը հրաժարվում է ստուգումից, փոխարենը՝ պահանջում իրենց թողնել մեկ ցիստեռն նավթ: Այս պահանջը նույնպես մերժվում է, բայց քուրքերն այնուամենայնիվ բռնագրավում են նավթի ցիստեռնը և հայտարարում, որ «դա կատարվում է համաձայն ընկ. Մդիվանու կարգադրության»: Տեր-Գրիգորյանցի զեկուցագրից հետևում է, որ նա պահանջել է թույլատրել իրեն հեռախոսով կապվել Մդիվանու հետ և պարզել, թե վերջինս արդյո՞ք նման կարգադրություն է իջեցրել: Թուրքերը կտրուկ մերժում են Տեր-Գրիգորյանցի պահանջը և լկտիաբար պատասխանում, «որ իրենք վերցնում են, իսկ հետո միայն, Մդիվանին ուր որ պետք է ուղարկում է իր կարգադրությունը»: Չեկուցագրի վերջում Ալեքսանդրապոլի հեղկոմի նախագահը իր վճռական բողոքն է հայտնում քուրքերի կողմից գավառում իրականացվող կողոպուտի և վայրագությունների դեմ:<sup>504</sup>

Դեպի Խորհրդային Հայաստան երկաթուղային բեռների անարգել փոխադրմանը շարունակում էին խոչընդոտել վրացական իշխանությունները: Այդ մասին տեղեկանում ենք Վրաստանում ՀՍՆՀ լիազոր ներկայացուցիչ Դանուշ Շահվերդյանի 1921 թ. հունվար ամսով թվագրված հեռագրից Հայկեղկոմին: Շահվերդյանը հայտնում է, որ պատրաստակամություն հայտնելով պարենով բեռնված մեկ զնացք Ադրբեջանից բաց թողնել Հայաստան, վրացական իշխանությունները «կտրականապես մերժում են» բաց թողնել վառելիքով բեռնված ցիստեռնները: Հայաստանի լիազոր ներկայացուցիչը հուշում է, որ Վրաստանի արտոդրմանախարար Սաբախտարաշվիլին դա կապում է «Ադրբեջանի կողմից Վրաստանին վառելանյութ չտրամադրելու խնդրի հետ»:<sup>505</sup>

Արխիվային փաստաթղթերից պարզ է դառնում, որ առկա էր ևս մեկ հանգամանք, որ բացահայտվելու դեպքում՝ կարող էր հնարավորություն ընձեռել վրացական կողմին խոչընդոտելու իր տարածքով զնացքների տարանցմանը դեպի Հայաստան: 1921 թ. փետրվարի 7-ին Դ. Շահվերդյանը Ա. Շենյանի ուշադրությունն է հրավիրում հետևյալի վրա. «Այն դեպքում, երբ վրացական իշխանություններից ես պահանջում եմ բեռների անարգել փոխադրման իրավունք Հայաստանի բնակչության համար», պարզվում է, որ Հայաստան ուղևորվող վերջին

<sup>504</sup> ՀԱԱ, ֆ. 114, ց. 2, գ. 33, ք. 15:

<sup>505</sup> Տե՛ս ԲՀԱ, Նրևան, 1965, քիվ 3, էջ 5-6:

բեռնատար զնացքի փաստաթղթերը ձևակերպված էին 11-րդ Կարմիր բանակի կողմից: «Եթե վրացական իշխանություններին հայտնի դառնա, որ Հայաստանի բնակչությանը պարեն մատակարարելու պատրվակով ես իրականում հոգում եմ 11-րդ բանակի համար, - հուշում է Շահվերդյանը, - ապա վերջիններս օրինական հիմք կունենան վերջնականապես հաստատել Հայաստանի շրջափակումը»: Շահվերդյանը քախանձագին խնդրում է միջոցներ ձեռնարկել՝ նման դեպքերը հետազայում կանխելու և բացառելու համար:<sup>506</sup>

Այսպիսով, այն չնչին օգնությունը, որ խորհրդային իշխանության առաջին ամիսներին (մինչև փետրվարյան ապստամբությունը) մեծ դժվարություններով հասնում էր Հայաստան, հիմնականում տրամադրվում էր Կարմիր բանակին, քանզի նրա մատակարարումը համարվում էր հարվածային և կատարվում առաջին հերթին: Արդարության համար պետք է նշել, որ խորհրդային իշխանությունները մտահոգված էին նաև Հայաստանի բնակչության համար օգնություն հասցնելու խնդրով: Հայիեղկոմի նախագահ Ս. Կասյանին 1921 թ. փետրվարի 6-ին ուղղված հեռագրում Ռուսաստանի արտգործոժողկոմ Գ. Չիչերինը հուշում է, որ իրենք խորը հուզմունքով են հետևում Հայաստանի ծանր դրությանը, և չնայած նրան, որ «կապի անբավարարությունը ծանր է անդրադառնում հայկական խորհուրդներին բոլոր տեսակետներից լիակատար ու բազմակողմանի օգնություն և աջակցություն ցույց տալու վրա՝ կանենք ամեն բան, որքան ներում են մեր ուժերը՝ խորհրդային Հայաստանի եղբայրական աշխատավոր մասսաներին անհրաժեշտ օգնություն ցույց տալու համար»:<sup>507</sup> Իսկ հաջորդ օրը, փետրվարի 7-ին, հայտնելով Ի. Ստալինին, որ Բ. Լեգրանից ստացած հավաստի տեղեկությունների համաձայն՝ Հայաստանի համար հնարավոր է պարեն զնել Իրանի Մակուի խանությունից, Գ. Չիչերինը հույժ անհրաժեշտ է համարում «խորհրդային հանրապետության փրկության համար բռնել այդ ճանապարհը»:<sup>508</sup> Փետրվարի 8-ին հարդրելով այդ մասին նաև Ռ.Կ(ր)Կ Կենտկոմի Կովկասյան բյուրոյի քարտուղար Գ. Օրջոնիկիձեին, Չիչերինը հուշում է. «Մեզ համար խորհրդային Հայաստանի պարենավորման հարցն առաջին տեղում է»:<sup>509</sup>

<sup>506</sup> ՀԱԱ, ֆ. 114, ց. 1, գ. 42, ք. 30:

<sup>507</sup> ДВП СССР, т. III, с. 508.

<sup>508</sup> ՀԱԱ, հավաքածու 1, գ. 7, ք. 31:

<sup>509</sup> Նույն ակտում, ֆ. 1022, ց. 3, գ. 330, ք. 2:

Օրջոնիկիձեի դրական արձագանքը չի հապաղում, բայց նա միաժամանակ հուշում է, որ Իրանից գնումներ կատարելու համար անհրաժեշտ կլինի ոսկի: Փետրվարի 11-ին Օրջոնիկիձեին ուղարկած հեռագրում Չիչերինը հուշում է խնդրի լուծման ճանապարհը. «Խսկ ինչո՞ւ չօգտագործել Ձեզ մոտ եղած արծաթյա կրոնները և բումանները: «Պատասխանեք անմիջապես»:<sup>510</sup> Փետրվարի 12-ին դարձյալ Օրջոնիկիձեին ուղղված հեռագրում մեկ անգամ ևս շեշտելով Մակուի խանությունից Հայաստանին մատակարարելու կարևորությունը, Չիչերինը նշում է, որ եթե դա հաջողվի՝ ապա Վրաստանից դեպի Հայաստան ազատ տարանցման իրավունք ստանալու հարցը կկորցնի իր հրատապությունը: Չիչերինը հուշում է նաև, որ «Այդ պատճառով էլ մենք խնդրով այդքան մտահոգված ենք»:<sup>511</sup>

Սակայն Հայաստանում 1921 թ. փետրվարի կեսերին տեղի ունեցած ապստամբությունը և խորհրդային իշխանության տապալումը բացառեցին Մակուի խանությունից Հայաստանի բնակչության համար հացահատիկ և պարենամթերք գնելու՝ Ռուսաստանի իշխանությունների մտահոգացման գործնական իրականացումը:

Փաստերը վկայում են, որ Ռուսաստանի իշխանությունները մտահոգ էին Խորհրդային Հայաստանին պարենամթերք և առաջին անհրաժեշտության ապրանքներ մատակարարելու խնդրով, այլ հարց է, թե որքանով էր դա նրանց հաջողվում:

Այսպիսով, եթե Հայաստանի խորհրդայնացումով հայ ժողովրդի մի հատվածը փրկվեց ֆիզիկական բնաջնջման թուրքական սպառնալիքից, ապա խորհրդային իշխանության առաջին ամիսներին նրա սոցիալ-տնտեսական դրությունն էլ ավելի վատթարացավ: Խորհրդային իշխանությունների կողմից խոստացված տնտեսական առատ օգնության փոխարեն Հայաստան մտավ վատ հանդերձավորված և ընչաքաղժ Կարմիր բանակը, իսկ կոմունիստ հայերը Խորհրդային Հայաստանում հաստատեցին բռնությունների և բռնագրավումների վրա հիմնված բոլշևիկյան մենատիրություն:

<sup>510</sup> ՀԱԱ, ֆ. 1022, ց. 3, գ. 330, թ. 4:

<sup>511</sup> Նույն անում, թ. 5:

## *2. Հայ-տուսական տնտեսական հարաբերությունները և Խորհրդային Ռուսաստանի օգնությունը 1921-1922 թվականներին*

1921 թ. փետրվարյան ապստամբության արդյունքում Հայաստանում խորհրդային կարգերի տապալումը, բազմաթիվ զինված հակախորհրդային ելույթները Ռուսաստանում, որոնք նույնպես սպառնում էին խորհրդային իշխանության գոյությանը, սրափ ներգործություն ունեցան Ռուսաստանի բոլշևիկյան կուսակցության ղեկավարության վրա, հարկադրեցին առավել մտահոգվել քաղաքական և սոցիալ-տնտեսական վերափոխումներ իրականացնելու, աշխատավոր ժողովրդի ուսերի վրա դրված ծանր բեռը քեթևացնելու, «ազգային ծայրամասերի հետամնացությունը վերացնելու» խնդիրներով:

1921 թ. մարտի 8-ից - 16-ը Մոսկվայում հրավիրված ՌԿ(բ)Կ 10-րդ համագումարը մի շարք արձատական որոշումներ ընդունեց նշված խնդիրների վերաբերյալ: Համագումարը հավանության արժանացրեց ՌԿ(բ)Կ Կենտկոմի քաղաքական հաշվետվության և Վ. Լենինի՝ «Պարենմասնատրումը պարենհարկով փոխարինելու», ծրագրային զեկուցման հիման վրա մշակված նոր տնտեսական քաղաքականությունը (ՆԻՊ-ը), և ընդունեց համապատասխան որոշում: ՆԻՊ-ով նախատեսված տնտեսական բարեփոխումների առանցքն էր կազմում պարենմասնատրումը ֆիքսված պարենային հարկով փոխարինելը, սահմանվում էր առևտրի և գների ազատականություն: Փաստորեն՝ գյուղացուն հնարավորություն էր տրվում պետությանը հարկ վճարելուց հետո սեփական բերքի մնացորդը տնօրինել սեփական հայեցողությամբ՝ վաճառել, փոխանակել արդյունաբերական ապրանքների հետ և այլն: Տնտեսական այս նոր համակարգը կարգավորելու և խթանելու էր ապրանքադրամային հարաբերությունները գյուղի և քաղաքի միջև, շուկայական հարաբերությունների հիման վրա շահագրգռելու էր գյուղացու անձնական հետաքրքրությունը սեփական տնտեսությունը զարգացնելու գործում: Ինչպես նշված միջոցառումները, այնպես էլ նախատեսվող հողային ռեֆորմը, կոոպերացիայի արմատավորումը վերջ էին դնելու ռազմական կոմունիզմի քաղաքականությանը, հնարավորություն էին տալու կասեցնել տնտեսության անկումը և անցնել նրա ամբողջական վերականգմանն ու զարգացմանը:

ՌԿ(բ)Կ 10-րդ համագումարը բննարկեց նաև «Ազգային հարցը»: Կենտկոմի անունից զեկուցումով հանդես եկավ ՌՍՖՍՀ ազգությունների գործերի ժողկոմ Ի. Ստալինը: Չեկուցման մեջ արձանագրելով, որ ներկայումս գոյություն ունի տարբեր ազգությունների զարգաց-

ման ակնառու «անհավասարություն», Ստալինը շեշտեց, որ այն «պետք է հաղթահարվի հետամնաց ազգություններին տնտեսական, քաղաքական և մշակութային օգնություն ցույց տալու ճանապարհով»:<sup>512</sup> Արձանագրվեց նաև, որ «ՌՍՖՍՀ տնտեսական քաղաքականությունն իրականացնելիս պարտադիր կերպով հարկավոր է նկատի ունենալ տնտեսական դրության այն բոլոր առանձնահատկությունները, որոնց մենք հանդիպեցինք ծայրամասերում»:<sup>513</sup>

Ստալինի զեկուցման հիման վրա համագումարի կողմից ընդունված՝ «Ազգային հարցում կուսակցության ընթացիկ խնդիրների մասին», բանաձևում նշվեց, որ «Ներկայումս կուսակցության խնդիրն է՝ օգնել ոչ-վելիկոռուսական ժողովուրդների աշխատավոր զանգվածներին հասնել առաջ անցած կենտրոնական Ռուսաստանին»:<sup>514</sup> Կարծում ենք, որ չափազանց կարևոր այս թեզը, և նրա գործնականում իրականացումը մեծ դեր խաղաց խորհրդային բոլոր հանրապետությունների սոցիալ-տնտեսական զարգացման գործում խորհրդային ամբողջ ժամանակաշրջանում:

1921 թ. գարնանից Ռուսաստանի կառավարությունը գործունե միջոցներ ձեռնարկեց Խորհրդային Հայաստանին օգնություն հատկացնելու ուղղությամբ: Հայաստանին ֆինանսական միջոցներ բաց թողնելու հարցը լայն քննարկման առարկա դարձավ ՌԿ(բ) Կենտկոմի քաղբյուրոյի մարտի 29-ի նիստում: Որոշվեց ստեղծել Հայաստանին պարենամթերքով մատակարարելու հատուկ յիագորություններով օժտված հանձնաժողով, և հանձնարարել նրան համագործակցել Կովկասյան բյուրոյի և Ադրբեջանի հետ՝ «Հայաստանի սովյալ բնակչությանը պարեն հասցնելու նպատակով»:<sup>515</sup> Հաջորդ օրը՝ մարտի 30-ին, հանձնաժողովն իր անդրանիկ նիստում քննարկում է հանձնաժողովում Հայաստանի ներկայացուցիչներ Ս. Տեր-Գաբրիելյանի և Ալ. Բեկզադյանի գրավոր զեկուցումը, ինչպես նաև վերջինիս լրացուցիչ հայտարարությունը՝ Հայաստանի կարիքների մասին: Որոշվում է մասամբ բավարարել ներկայացրած պահանջները և խնդրել ՌՍՖՍՀ պարենժողովմատին Հայաստանին ապահովել ամսական 50 հազար փութ հացով: Որոշվում է նաև՝ Իրանի Մսկուի խանությունում հացահատիկի գնումներ կատարելու համար Հայաստանին հատկացնել կես

<sup>512</sup> Десятый съезд РКП(б). Стенографический отчет. с. 182.

<sup>513</sup> Նույն տեղում, էջ 185:

<sup>514</sup> Նույն տեղում, էջ 603:

<sup>515</sup> ՀԱԱ, ԽՍՀՄ ԿՊ, 1, գ. 3, ք. 63:

միլիոն ռուբլի (ռսկով): Այնուհանդերձ, հանձնաժողովի հայ ներկայացուցիչները դժգոհ մնացին Հայաստանին հատկացված օգնության չափերից և բողոքարկեցին հանձնաժողովի կողմից ընդունված որոշումը: Հուշելով, որ կատարյալ աղետի եզրին հասած Հայաստանի համար տրամադրված օգնությունը չնչին է, Տեր-Գարրիելյանը և Բեկզադյանը հանդես եկան բավականին համարձակ մեղադրանքով, նրանք հայտարարեցին, որ հանձնաժողովի որոշումն «ամի ավելի շուտ անհանդուրժելի կեղծ քարեգործության (ընդգծումը մերն է - Կ.Խ.), քան քե՛ իրական օգնության բնույթ»:<sup>516</sup>

Տեղեկանալով հանձնաժողովի որոշումների մասին, Ռուսաստանի արտոգործող կոմ Գ. Չիչերինը նույն օրը (մարտի 30-ին) նամակ է հղում Վ. Լենինին: Մտահոգություն հայտնելով Հայաստանի պարենավորման վերաբերյալ, նա Լենինին հուշում է, որ հենց պարենի «պակասը հայկական զանգվածներին նորից շրջեց դեպի դաշնակները (նկատի ունի 1921 թ. փետրվարյան ապստամբությունը - Կ.Խ.)», իսկ «Հայաստանի քաղաքական նշանակությունը պարզվեց Թորքիայի հետ մեր վերջին բանակցությունների ժամանակ»: Չիչերինը հայտնում է նաև, որ Հայաստանում զանգվածային սովամահության դեպքերը կարող են հանգեցնել համաճարակային հիվանդությունների բռնկմանը, ինչը «վտանգավոր է նաև Կարմիր բանակի համար, եթե ոչ ավելին»: Տեղեկացնելով Լենինին, որ հանձնաժողովը որոշել է Հայաստանին հատկացնել ամսական ընդամենը 50 հազար փուր հացահատիկ (չերաշխավորելով որոշման հստակ կատարումը), այն դեպքում, երբ Հայաստանի ներկայացուցիչները խնդրել են 275 հազար, ինչը Հայաստանի համար կազմում է նվազագույն ամսական չափաբանակ, Ռուսաստանի արտոգործող կոմ Լենինի ուշադրությունն է հրավիրում Հայաստանի մատակարարման հարցի լրջության և հույժ կարևորության վրա:<sup>517</sup>

Վ. Լենինին ուղղված Չիչերինի այս նամակը նպաստում է, որպեսզի Հայաստանին տրամադրվելիք ֆինանսական օգնության չափերը ավելացվեն: 1921 թ. ապրիլի 3-ին հանձնաժողովը որոշում է կես միլիոնի փոխարեն՝ Հայաստանին բաց քողնել 1.5 մլն. ռուբլի (ռսկով) և հարցի վերջնական լուծումը փոխանցել Կենտկոմի քաղբյուրո: Նշենք, որ հանձնաժողովի ապրիլի 3-ի նիստին մասնակցում էր նաև Ալեքսանդր Մյասնիկյանը:

<sup>516</sup> ՀԱԱ, հավաքածու 1, գ. 3, ք. 71:

<sup>517</sup> Տե՛ս նույն տեղում, գ. 7, ք. 33:

Հանձնաժողովի գեկուցումը քաղբյուրոն քննարկում է ապրիլի 8-ին և հավանություն տալիս նրա ընդունած որոշումներին, Կենտկոմի քարտուղար Վ. Մոլոտովին հանձնարարվում է վերահսկել որոշման կատարումը:<sup>518</sup>

Անդրկովկասի խորհրդային հանրապետությունների քաղաքական և սոցիալ-տնտեսական դրության բարելավման դժվարին խնդիրը մշտապես գտնվում էր ՌՍՖՍՀ կառավարության նախագահ Վ. Լենինի ուշադրության կենտրոնում: 1921 թ. ապրիլի 9-ին տեղեկացնելով Գ. Օրջոնիկիձեին, որ «Մի քիչ ոսկի ենք տվել Հայաստանին, հաստատել ենք պարենժողովին տրվող ամեն տեսակ հանձնարարությունները», Ռուսաստանի կառավարության նախագահը միաժամանակ հուշում է. «Բայց ես պետք է նախագուշացնեմ, որ այստեղ մենք մեծ կարիքի մեջ ենք և անվերջ օգնել չենք կարող»:<sup>519</sup> Ռուստովում ՌՍՖՍՀ պարեն-ժողովմատի լիազոր Ֆրունկինին ապրիլի 11-ին ուղղված հեռագրում Լենինը պահանջում է «Ամենավճռական միջոցները ձեռնարկել Ադրբեջանին, Վրաստանին, Հայաստանին մատակարարելու ուղղությամբ, և մեկ օր անց գեկուցել նրանց մատակարարման ընթացքի ու փաստացի առաքումների մասին»:<sup>520</sup>

«Ադրբեջանի, Վրաստանի, Հայաստանի, Լեռնականների հանրապետությունների կոմունիստ ընկերներին» 1921 թ. ապրիլի 14-ի նամակում Լենինը հանգամանալից անդրադարձավ Կովկասյան հանրապետությունների տնտեսությունը արագ վերականգնելու և զարգացնելու խնդիրներին: Նա խորհուրդ է տալիս տեղի կոմունիստներին «Հասկանալ իրենց հանրապետությունների դրության յուրահատկությունը, ի տարբերություն ՌՍՖՍՀ-ի դրության ու պայմանների, հասկանալ մեր տակտիկական նույնությանը չընդօրինակելու, այլ մտածված կերպով կոնկրետ պայմաններին համապատասխան այն ձևավորելու ամհրաժեշտությունը»: «Ըվելի դանդաղ, ավելի զգույշ, ավելի սխտեմատիկ անցում դեպի սոցիալիզմ»: Լենինը խորհուրդ է տալիս ժողովրդի նկատմամբ դրսևորել «ավելի մեղմություն, զգուշություն, զիջողականություն»:<sup>521</sup> Ցավալի է, բայց Հայաստանում խորհրդային իշխանության առաջին ամիսներին կոմունիստ հայերն այս ամենն անտեսել էին, և տնտեսական ոլորտում նույնպես մեխանիկորեն կիրառեցին խորհր-

<sup>518</sup> ՀԱԱ, հավաքածու I. գ. 3, ք. 72-73:

<sup>519</sup> Լենին Վ.Ի., ԵԼԺ, հ. 52, էջ 156:

<sup>520</sup> Նույն տեղում, էջ 447:

<sup>521</sup> Նույն տեղում, հ. 43, էջ 237-240:

դային Ռուսաստանի փորձը, առանց հաշվի առնելու Հայաստանի դրության բազում «յուրահատկությունները»:

Հայաստանում խորհրդային իշխանությունն ամրապնդելու նպատակով 1921 թ. գարնանը ՌԿ(Բ)Կ Կենտկոմը Հայաստան գործուղեց մի շարք փորձառու և հեղինակավոր պետական և կուսակցական հայազգի գործիչների՝ Ալեքսանդր Մյասնիկյանի և Սարգիս Լուկաշինի (Սրապիտոնյան) գլխավորությամբ: Հետաքրքիր է վերջինիս Հայաստան գործուղելու որոշման հետ կապված հետևյալ միջադեպը:

Սարգիս Լուկաշինը կուսակցական հմուտ գործչի մեծ համբավ էր վայելում Ռուսաստանում, և նրան Հայաստան գործուղելու որոշումը դժգոհություն էր առաջացրել ՌԿ(Բ)Կ Կենտկոմի Հարավ-Արևելյան կուսակցական կազմակերպությունում: 1921 թ. ապրիլի սկզբին Կենտկոմի Հարավ-Արևելյան բյուրոյի անունից բյուրոյի քարտուղար Ալ. Բելոբորոդովը հեռագրում է Մոսկվա՝ Վ. Միլոտովին, որպեսզի չեղյալ հայտարարվի Լուկաշինի գործուղման որոշումը: Բյուրոն դա պատճառաբանում է նրանով, որ Լուկաշինը մեծ ջանասիրությամբ կարգի է բերում իր նախորդների կողմից երկրամասում կազմարժված աշխատանքը, և դժվար է նրան համարժեք փոխարինում գտնելը: Խնդրանքի մերժման դեպքում՝ բյուրոն պնդում է, որ հարցը փոխանցվի Կենտկոմի քաղբյուրոյի քննարկմանը: ՌԿ(Բ)Կ Կենտկոմի Հարավ-Արևելյան բյուրոյի խիղրանքը մերժվում է. ապրիլի 12-ին քաղբյուրոն վերահաստատում է Լուկաշինին՝ Հայաստան գործուղելու մասին որոշումը:<sup>522</sup>

Ներկայացրած փաստը վկայում է, թե որքան կարևոր էր Սարգիս Սրապիտոնյան-Լուկաշինին և Ալեքսանդր Մյասնիկյանին Հայաստան գործուղելու մասին որոշումը: ՌԿ(Բ)Կ Կենտկոմի կազմբյուրոյի որոշմամբ Մյասնիկյանը մտցվում է Կովկասյան և ՀԿ(Բ)Կ Կենտկոմի բյուրոների կազմ, նշանակվում Հայիեդկոմի նախագահ: 1921 թ. մայիսի 21-ին հրապարակված՝ Հայիեդկոմը ՀՍԽՀ Ժողովրդական կոմիսարների խորհուրդ վերակազմավորելու մասին, որոշումով Մյասնիկյանը նշանակվում է Խորհրդային Հայաստանի Ժողկոմխորհրի՝ կառավարության, նախագահ և, միաժամանակ, ռազմական գործերի ժողկոմ, իսկ Սրապիտոնյան-Լուկաշինը՝ ՀՍԽՀ Ժողովրդական տնտեսության խորհրդի նախագահ:<sup>523</sup> Վերջինս ընտրվում է նաև ՀԿ(Բ)Կ Կենտկոմի քարտուղար:

<sup>522</sup> ՀԱԱ, հավաքածու 1, գ. 3, քթ. 76-77:

<sup>523</sup> Հոկտեմբերյան ազգիախառնական մեծ հեղափոխությունը... Հայաստանում, էջ 528-529: Տե՛ս նաև Հեղկոմները Հայաստանում, էջ 60-61:

Ստանձնելով երկրի պետական ու կուսակցական ղեկավար բարձր պաշտոնները, և առաջնորդվելով ՌԿ(ք)Կ 10-րդ համագումարի որոշումներով ու Վ. Լենինի ցուցումներով, Ալ. Մյասնիկյանը և Ս. Լուկաշինը անցնում են հայրենամպեր աշխատանքի: Նրանք փորձելու էին կենտրոնական իշխանությունների կողմից հռչակված սոցիալ-տնտեսական նոր քաղաքականությունը համապատասխանեցնել Հայաստանի առանձնահատկություններին: Առաջ անցնելով նշենք, որ Ալեքսանդր Մյասնիկյանի և Սարգիս Սրապիտոնյան-Լուկաշինի դերը Խորհրդային Հայաստանի կայացման և զարգացման գործում, կարծում ենք, անգնահատելի է:

Հայաստանում իր առաջին իսկ ծրագրային ելույթում, Հայկոմկուսի Երևանի կուսկազմակերպության և արհեստակցական միությունների միացյալ հանդիսավոր նիստում (1921 թ. մայիսի 9-ին), Ալ. Մյասնիկյանը ներկաներին համառոտ ծանոթացնում է ՌԿ(ք)Կ 10-րդ համագումարի հանգուցային որոշումների էությանը, նշում, որ «Մեր նոր զինք ավելի շեշտակի պետք է ընդգծենք Հայաստանի համար: Մենք պետք է աշխատենք ավելի մեղմ միջոցներով»: Անդրադառնալով Ռուսաստանի օգնության խնդրին, Մյասնիկյանը շեշտում է. «Քաղցած Ռուսաստանը մեզ ինչ որ կարողանում է, տալիս է: Բայց այդ օգնությունը չի լրացնի մեր պետքերի 5 տոկոսը, մնում է մեր ներքին ուժերով հոգալ: Նույնը շեշտեց ընկեր Լենինը նրա հետ ունեցած վերջին խոսակցությանս մեջ»:<sup>524</sup> Մյասնիկյանն իրավացի էր, Ռուսաստանի օգնությունը չէր կարող անընդհատ լինել, ամբողջությամբ քավարարել Հայաստանի պահանջները, հարկավոր էր գարկ տալ սեփական արտադրության ծավալմանը:

Խորհրդային Հայաստանի ավերված տնտեսության վերելքն ապահովելու գործում նշանակալի դեր էր խաղալու նոր տնտեսական քաղաքականությունը, անցումը որին Հայաստանում տեղի ունեցավ աստիճանաբար: Նախ հարկավոր էր ապաքինել պատերազմների և քաղաքացիական կռիվների հետևանքով ժողովրդին ու տնտեսությանը հասցրած խորը վերքերը, և դրանից հետո միայն հարմարեցնել տնտեսական նոր քաղաքականությունը Հայաստանի առանձնահատկություններին:

Հայիեղկոմի 1921 թ. ապրիլի 10-ի և 16-ի ղեկըտններով Խորհրդային Հայաստանում արգելվեցին բոլոր տեսակի բռնագրավումները,

<sup>524</sup> Մյասնիկյան Ալ., Ընաիր երկեր, էջ 332-338:

սահմանվեց առևտրի և գների ազատականացում:<sup>525</sup> Ինչ վերաբերում է հարկային նոր քաղաքականությանը, ապա անցումը նրան Հայաստանում կատարվեց որոշ ժամանակ անց՝ ՀՍԽՀ Ժողկոմխորհի 1921 թ. հունիսի 24-ի պարենհարկի մասին դեկրետով:<sup>526</sup> Ավելի քան երկամսյա ընդմիջումը պայմանավորված էր նրանով, որպեսզի գյուղացիությանը հնարավորություն տրվի շունչ քաշել, հարմարվել նոր իրավիճակին և անցնել խաղաղ աշխատանքի:

Այսպիսով, հետևելով Ռուսաստանի օրինակին, Հայաստանի իշխանությունները նույնպես հրաժարվեցին ռազմական կոմունիզմի ամենառատես քաղաքականությունից, որը, սակայն, հասցրել էր քայքայել երկրի տնտեսությունը: Անդրադառնալով ՆԷՊ-ի դերին Խորհրդային Հայաստանի տնտեսության վերականգնման և զարգացման ճանապարհին, Ալ. Մյասնիկյանն իրավացիորեն նշում է. «Եթե այսօր Ռուսաստանի քաղաքականությունը համարվում է նոր, այդ քաղաքականությունը հենց սկզբից պիտի կիրառվեր Հայաստանում»:<sup>527</sup>

Ինչպես նշվեց, Ռուսաստանի տրամադրած օգնությունը Հայաստան հասնում էր ընդհատումներով և չէր կարող լիովին բավարարել Հայաստանի պահանջները: Մտախոզված խնդրով, ՀՍԽՀ իշխանությունները ձգտում էին Խորհրդային Ռուսաստանի կառավարության տրամադրած ոսկով և Խորհրդային Ադրբեջանից ստացած նավթամթերքներով առևտուր և սպրանքափոխանակություն ծավալել արտասահմանի հետ: Նշենք, որ ապրիլի 14-ի նամակում Վ. Լենինն անդրադառնում էր նաև այդ հարցին, շեշտելով, որ Կովկասի հանրապետություններին անհրաժեշտ է «տնտեսապես միանգամից հենվել կապիտալիստական արտասահմանի հետ սպրանքափոխանակության վրա»:<sup>528</sup>

Հայաստանի համար պարենամթերք ձեռք բերելու գործում նպատակահարմար էր գնումներ և ապրանքափոխանակություն կատարել Իրանում՝ Մակուի խանությունում: Պետք է նշել, որ ինչպես անդրկովկասյան հանրապետությունները, այնպես էլ 11-րդ Կարմիր բանակի պարենավորման կազմակերպությունը Իրանի շուկաներում գործում էին առանձին-առանձին և հաճախ՝ իրենց իսկ շահերին ոչ ձեռնառու մրցակցություն ստեղծում, ինչն էլ խոչընդոտում էր հաջող և

<sup>525</sup> ՀՍԽՀ դեկրետների և հրամանների ժողովածու, պրակ 2, էջ 12-13, 17:

<sup>526</sup> Նույն տեղում, էջ 61-62:

<sup>527</sup> Մյասնիկյան Ալ., Ընախր երկեր, էջ 394:

<sup>528</sup> Լենին Վ.Ի., ԵԼԺ, հ. 43, էջ 239:

շահավետ առևտրին: Չգտելով վերացնել նման իրավիճակը, ՌՍՖՍՀ 11-րդ բանակի պարենավորման պետը 1921 թ. մայիսի 12-ին հեռագրում է Հայաստանի հեղինմին, պատճենը՝ 11-րդ բանակի պարենավորման լիազոր Ս. Բալանդինին. «Կրկին հաստատելով, որ Մակուի խանութայինում մեր կողմից մթերված ամբողջ հացը սպառվելու է Հայաստանի սահմաններում՝ 11-րդ բանակի զորամասերին, հայկական բանակին, ինչպես նաև բնակչությանը մատակարարելու համար, և որ բնակչության մատակարարումը դրված է մեր վրա: Մակուի շուկայում գույքահեռ գործելուց և վնասակար մրցակցությունից խուսափելու համար խնդրում եմ՝ հացի մթերումը միավորել Բալանդինի ընդհանուր ղեկավարության ներքո: Ներկայիս պարենային դրության պայմաններում հարցի այլ լուծում լինել չի կարող»:<sup>529</sup>

Նշված նկատառումներից ելնելով, 1921 թ. հունիսի 1-ին Շախթախի կայարանում առևտրական պայմանագիր է ստորագրվում մեկ կողմից՝ Կովկասյան ռազմաճակատի Ռազմհեղխորհրդի և ՌՍՖՍՀ կոոպերատիվների Ցենտրոսոյուզի հատուկ լիազոր Ս. Բալանդինի, ՀՍԽՀ արտաքին առևտրի ժողկոմատի լիազոր ներկայացուցիչ Մ. Ղազարյանցի, մյուս՝ Մակուի խանութային սարդար Մուրթազ-Կուլի խանի միջև՝ Մակուի խանութայինում հացահատիկի, անասունների և այլ ապրանքների գնումներ կատարելու մասին:<sup>530</sup> Պայմանագիրը թեև ստորագրվեց, բայց, առաջ անցնելով նշենք, որ սկսկալվող լայնածավալ առևտուրը միջոցների բացակայության և այլ պատճառներով ծավալում չստացավ: Հայ ժողովրդի հույսը դարձյալ մնում էր Խորհրդային Ռուսաստանի օգնության վրա:

Վերջինիս ծավալները գնալով ավելանում էին: 1921 թ. ապրիլ-հունիս ամիսներին Ռուսաստանի կողմից տրամադրված տնտեսական և ֆինանսական օգնությունը «Հայաստանի կառավարությանը հնարավորություն տվեց, - նշվում է 1921 թ. հունիսին հրապարակված ՀՍԽՀ Ժողկոմխորհի ամփոփագրում, - համեստ չափերով նախնական հարվածային աշխատանքներ սկսել ոռոգման համակարգը բարելավելու, որոշ ձեռնարկություններում աշխատանքները վերսկսելու, առավել տուժած գյուղական չքավորությանը հաց, սերմացու, գյուղատնտեսական գործիքներ և մանուֆակտուրա մատակարարելու ուղղությամբ: Մեր ներկայիս քաղաքականությունը բնակչության մեջ

<sup>529</sup> ՀԱԱ, ֆ. 1, ց. 1, գ. 58, ք. 8:

<sup>530</sup> Восстановление народного хозяйства Арм.ССР. Материалы и документы за 1921-1929гг., Е., 1958, с. 413-414. Տե՛ս նաև ՀԱԱ, ֆ. 128, ց. 1, գ. 1420, քք. 20-21:

վատահոլություն է առաջացնում վաղվա օրվա նկատմամբ և մյուս նրան ավերված տնտեսությունները վերականգնելուն ուղղված խաղաղ աշխատանքի»:<sup>531</sup>

Երկրի լավ ապագայի նկատմամբ վատահոլությունն օր օրի ամբապնդվում էր ոչ միայն Հայաստանի ղեկավարության և բնակչության, այլև օտար ամերիկացիների և Հայրենիքի կարոտը զգող շատ հայերի մոտ: Հայ մեծ բանաստեղծ Ավետիք Իսահակյանը 1921 թ. հուլիսի 1-ին Վենետիկից Հովհաննես Թումանյանին ուղարկած մի նամակում գրում է. «Ինձ թվում է, որ այժմ Կովկասի վիճակը ավելի լավ պիտի լինի, քան անցյալ տարի, մանավանդ թշվառ Հայաստանի. գոնե հիմա դրությունը կայուն է... և թվում է, թե արտաքին վտանգը անցած է. ռուսական ուժի ներկայությունը կսանձեռնաձեռն ախորժակները»: Այնուհետև դառնությամբ արտահայտվելով Եվրոպայի մասին, որը, ըստ Իսահակյանի՝ «չի օգնի մեզ», Վարպետը շարունակում է. «պետք է մոտենալ Ռուսաստանին, ինչ ձևի տակ էլ որ նա ներկայանա... Ըստ իս, Հայաստանը և հայ ժողովուրդը կարող է միայն ապրել Ռուսաստանի հետ, կամ բնավ չի կարող ապրել: Մնացածը հիմարությունից վեր բան է: Մնում է հիմա, որ ռուսների և մեր միջև ծագած բյուրիմացությունները հարթել, և հայ ժողովրդի ապագան ապահովելու համար ընդլայնել նրա երկրի սահմանները, և սալա լծվել կուլտուրական աշխատանքի. ես սպասում եմ այդ ժամին...»:<sup>532</sup>

Ինչպես Վարպետը, այնպես էլ շատ ու շատ հայ տարագիրները, Հայաստան վերադառնալու հույսերը կապում էին երկրի շուտափույթ վերականգնման հետ:

1921 թ. երկրորդ կեսից Խորհրդային Ռուսաստանի օգնության ծավալներն էլ ավելի ընդլայնվեցին: ՀՍԽՀ Ժողովուրդների նախագահ Ալ. Մյասնիկյանի և ՌՍՖՍՀ պարենժողկոմատի կոլեգիայի անդամ Արտաշես Խալաթովի մասնակցությամբ հուլիսի 30-ին Թիֆլիսում տեղի ունեցած խորհրդակցությանը քննարկվեց Ռուսաստանի կողմից Հայաստանին հատկացվելիք ապրանքների ինչպես ամսական, այնպես էլ տարեկան չափաքանակների հարցը: Խորհրդակցությանը որոշվեց նաև, անհետաձգելի միջոցներ ձեռնարկել և 1921 թ. օգոստոս-սեպտեմբեր ամիսներին Ռուսաստանից Հայաստան ներմուծել առնվազն 30 հազար փուր հաց, հազար փուր կարագ, 20 վազոն ծուկ (այդ թվում 2 վազոն բարձր որակի). որոշ քանակությամբ թեյ, օճառ, ծխա-

<sup>531</sup> Советское содружество народов, с. 222.

<sup>532</sup> Տե՛ս Իսահակյան Ավ., Երկրի ժողովածու վեց հատորով, հ. 6, Երևան, 1979:

խոտ, լուցկի, դիետիկ մթերքներ և այլն: Ավելացնենք, որ խորհրդակցությանը քննարկվեց և դրական որոշման արժանացավ հայկական կողմի առաջարկը՝ Հայկոռայը ՌՍՖՍՀ կոոպերատիվների Ֆեմտրոսոյուզի կազմ մտցնելու մասին:<sup>533</sup> Սա ևս մեկ կարևոր քայլ էր երկու երկրների տնտեսական համագործակցության և հետագա ինտեգրման ճանապարհին:

Բացի նշվածից, 1921 թ. հոկտեմբեր-դեկտեմբեր ամիսներին ՌՍՖՍՀ պարենժողկոմատի կարգադրությամբ Խորհրդային Հայաստան ուղարկվեց լրացուցիչ 20 հազար փութ ծուկ, 500 փութ կարագ, 4500 փութ աղ, 2 հազար փութ շաքար, 16 հազար ֆունտ սուրճ և այլ ապրանքներ:<sup>534</sup>

ՌՍՖՍՀ կառավարության կարգադրությամբ Հայաստանին օգնություն են տրամադրում նաև Խորհրդային Ուկրաինան և Ադրբեջանը: Վերջինս Հայաստանին տրամադրում է նավթամթերք, իսկ Ուկրաինան՝ հացահատիկ, շաքար, յուղ և այլն: 1921 թ. սեպտեմբերի 25-ին Ս. Կիրովին Օրջոնիկիձեի կողմից ուղղված հեռագրից տեղեկանում ենք, որ Մոսկվայի որոշումով Անդրկովկասի հանրապետություններին ամսական լրացուցիչ հատկացվելու էր 125 հազար փութ հացահատիկ, որից 25 հազարը՝ Հայաստանին, հացահատիկի ամբողջ քանակությունը ներկրվելու էր Խորհրդային Ուկրաինայից:<sup>535</sup> Ի կատարումն այս որոշման, Ուկրաինայի պարենժողկոմին 1921 թ. հոկտեմբերի 19-ին ուղղված հեռագրում ՌՍՖՍՀ պարենի բաշխման ժողկոմ Վիշինսկին խնդրում է Հայաստան ուղարկվելիք 75 հազար փութ հացահատիկից բացի, լրացուցիչ ուղարկել ևս 25 հազար փութ:<sup>536</sup>

Ընդհանուր առմամբ, 1921 թ. հոկտեմբեր-դեկտեմբեր ամիսներին Ուկրաինայից Հայաստան ներմուծվեց 100 հազար փութ հացահատիկ, 3700 փութ շաքար, 1300 փութ բուսական յուղ, 2 հազար փութ կարագ:<sup>537</sup> Եվ սա այն դեպքում, երբ Խորհրդային Ուկրաինան նույնպես գտնվում էր պարենային սուր ճգնաժամի մեջ:

<sup>533</sup> ՀԱԱ, ֆ. 102, ց. 1, գ. 100, ք. 29, ֆ. 114, ց. 2, գ. 20, քք. 151, 151-ըջերես:

<sup>534</sup> Տե՛ս նույն տեղում, ֆ. 102, ց. 1, գ. 114, քք. 7, 9, ֆ. 114, ց. 2, գ. 96<sup>III</sup>, ք. 613: Տե՛ս նաև Совместная борьба братских республик с разрухой и голодом в 1921-1922 гг. (документы), ԲՀԱ, Երևան, 1972, թիվ 2, էջ 50-52:

<sup>535</sup> Советское содружество народов, с. 240.

<sup>536</sup> ՀԱԱ, ֆ. 102, ց. 1, գ. 134, քք. 10, 11:

<sup>537</sup> Վարդապետյան Ա., Սովետական Ռուսաստանի օգնությունը Հայաստանին (1920-1925 թթ.), Եր., 1959, էջ 83:

1921 թ. ծանր դրության մեջ էր հայտնվել ՀՄԽՀ դրամաֆինանսական համակարգը, ինչը լուրջ խոչընդոտ էր երկրի տնտեսությունը ճգնաժամից դուրս բերելու համար: Խորհրդային Հայաստանում դրամային շրջանառության մեջ էին գտնվում արժեքագրկված հայկական չեկերը, Հայիեղկոմի 1920 թ. դեկտեմբերի 20-ի դեկրետով պարտադիր վճարամիջոց հայտարարված ՌՍՖՍՀ դրամանիշները:<sup>538</sup> 1921 թ. հուլիսից շրջանառության մեջ մտցվեցին նաև հայկական խորհրդային դրամանիշները: Սա, ինչ խոսք, խառնաշփոթ էր ստեղծում երկրի ֆինանսական համակարգում և արգելակում տնտեսության զարգացմանը: ՀՄԽՀ ֆինանսների ժողկոմատի 1921 թ. գեկուցագրերից մեկում մշվում է, որ ժողկոմատի տարբեր բաժինները հայտնվել են փակուղում, և նրանց աշխատանքը կազմալուծված է: Պատճառաբանվում է, որ Ռուսաստանից դեռևս չեն ստացվել նոր հրահանգներ, իսկ հենքը՝ չեղյալ են հայտարարված: Փակուղուց դուրս գալու և ժողկոմատի աշխատանքները կարգավորելու համար առաջարկվում է համակարգ ներմուծված նոր օրենքների և հրահանգների ծանոթանալու համար Մոսկվայից Հայաստան գործուղել փորձառու հրահանգչի, կամ էլ՝ Հայաստանից մասնագետ ուղարկել Մոսկվա՝ վերապատրաստվելու համար: «Հակառակ դեպքում, - գեկուցագրում նախագուշացվում է, - դեռ երկար ժամանակ կազմալուծված վիճակում կմնա ՀՄԽՀ ֆինժողկոմատը»:<sup>539</sup> Այսպիսով, այս խնդրում նույնպես ակնկալվում էր Խորհրդային Ռուսաստանի օգնությունը:

Խորհրդային Հայաստանի ֆինանսական համակարգի կարգավորմանն ուղղված Ռուսաստանի ջանքերն ավելի նպատակային դարձնելու, հանրապետությունների միջև ասպրանքափոխանակությունը կարգավորելու, ֆինանսական ոլորտում սերտ համագործակցություն հաստատելու նպատակով 1921 թ. սեպտեմբրի 30-ին Մոսկվայում ֆինանսական հարցերի վերաբերյալ համաձայնագիր ստորագրվեց Ռուսաստանի և Հայաստանի կառավարությունների միջև: Համաձայնագրով հաստատվում է, որ ՀՄԽՀ ֆինանսական քաղաքականության հետ առնչվող բոլոր հարցերը՝ սկսած բյուջեի հաստատումից և վերջացրած կադրային քաղաքականությամբ (ի դեպ՝ Հայաստանի ֆինժողկոմը համարվում է Ռուսաստանի ֆինժողկոմատի մշտական լիա-

<sup>538</sup> ՀՄԽՀ դեկրետների և հրամանների ժողովածու, սլրակ 1, էջ 22: Տե՛ս նաև ՀԱԱ, ֆ. 114, ց. 2, գ. 17, ք. 14:

<sup>539</sup> ՀԱԱ, ֆ. 114, ց. 2, գ. 57, ք. 29:

գոր ներկայացուցիչը Հայաստանում և նշանակվում Ռուսաստանի ֆինժողկոմի համաձայնությամբ) պետք է համաձայնեցվեին ՌՍՖՍՀ ֆինժողկոմատի հետ և հաստատվեին վերջինիս կողմից:<sup>540</sup>

Այսպիսով, սեպտեմբերի 30-ի հայ-ռուսական համաձայնագրով Խորհրդային Հայաստանը փաստորեն գրկվում էր ինքնուրույն ֆինանսական քաղաքականություն վարելու իրավունքից, երկրի էկոնոմիկան էլ ամբողջությամբ կախման մեջ էր ընկնում ՌՍՖՍՀ ֆինանսավարկային քաղաքականությունից: Չնայած դրան, այնուամենայնիվ՝ համաձայնագիրը մեծ նշանակություն ուներ Խորհրդային Հայաստանի ժողովրդական տնտեսությունը վերականգնելու և խորհրդային իշխանությունն ամրապնդելու համար: Բ. Բորյանը միանգամայն ճիշտ և դիպուկ նկատում է, որ «Համաձայնագիրը վերածվեց քաղաքական գործոնի՝ տնտեսական բովանդակությամբ»:<sup>541</sup>

Շատ շուտով հայ-ռուսական համաձայնագիրը տվեց իր առաջին գործնական արդյունքները. ՌՍՖՍՀ ֆինժողկոմատի անմիջական աջակցությամբ Հայաստանում հիմնվեց ՀՍԽՀ Պետական բանկը, իսկ 1922 թ. հոկտեմբերի 10-ին բացվեց ՌՍՖՍՀ Պետրանկի երևանյան բաժանմունքը:<sup>542</sup> Հետաքրքիր է, որ վերջինիս կառավարիչ նշանակվեց փոարանդիությունից Խորհրդային Հայաստան վերադարձած Հայաստանի 1-ին Հանրապետության տարիներին ֆինանսների նախարար Գ. Ջաղերյանը:

Խորհրդային Ռուսաստանը Հայաստանին հատկացնում էր կանխիկ դրամ, բարենպաստ պայմաններով փոխառություններ, վարկեր, դոտացիաներ: 1921 թ. նոյեմբերի 8-ին Ս. Տեր-Գաբրիելյանը ՀՍԽՀ Ժողկոմխորհի նախագահ Ալ. Մյասնիկյանին հաղորդում է, որ Ռուսաստանի կառավարության կողմից Հայաստանին հատկացված լրացուցիչ երկու միլիարդ ռուբլի վարկն ինքն օգտագործելու է Հայաստանի համար տարրեր ապրանքներ ձեռք բերելու համար և միաժամանակ հուշում, որ սպասվում է նոր վարկերի հատկացում Հայաստանին:<sup>543</sup>

Այդպես էլ եղավ, ՌՍՖՍՀ Ժողկոմխորհի 1921 թ. նոյեմբերի 11-ի որոշումով Խորհրդային Հայաստանին տրամադրվեցին լրացուցիչ ֆինանսական վարկեր. 15 միլիարդ ռուբլի՝ Հայաստանի կողմից

<sup>540</sup> Советское содружество народов, с. 241-243.

<sup>541</sup> Տե՛ս Борьян Б., նշվ. աշխ, էջ 311:

<sup>542</sup> Խորհրդային Հայաստան, Երևան, հոկտեմբերի 13, 1922:

<sup>543</sup> Տե՛ս ԲՀԱ, Երևան, 1972, քիվ 2, էջ 50:

արդեն իսկ իրականացված գործառնությունների, և 10 միլիարդ՝ նույններ և դեկտեմբեր ամիսների համար: Վարկեր հատկացվեցին նաև Խորհրդային Վրաստանին ու Ադրբեջանին:<sup>54</sup>

Խորհրդային Ռուսաստանի կառավարության տրամադրած վարկերով Հայաստանի համար անհրաժեշտ պարենամթերք, տնտեսական և արդյունաբերական տարրեր ապրանքներ ձեռք բերելու գործում, ինչպես արդեն նշել ենք, մեծ աշխատանք էր կատարում ՌՍՖՍՀ կառավարությանը կից ՀՍԽՀ լիազոր ներկայացուցչությունը՝ Սահակ Տեր-Գաբրիելյանի ղեկավարությամբ: Ներկայացուցչությունը միջնորդի դեր էր կատարում Հայաստանի և Ռուսաստանի իշխանությունների միջև, այնտեղ էին ուղարկվում նաև ՀՍԽՀ տարրեր ժողկոմատների հայտերը՝ Ռուսաստանից այս կամ այն ապրանքները ձեռք բերելու նպատակով: Նշենք, որ այս հարցում ներկայացուցչությունը որոշակի դժվարությունների էր հանդիպում, որոնց մասին շտապում է տեղյակ պահել Հայաստանի ղեկավարությանը: Ալ. Մյասնիկյանին և Ս. Լուկաշինին 1921 թ. սեպտեմբերի 14-ին ուղղված զեկուցագրում ներկայացուցչությունը հուշում է, որ ՀՍԽՀ ժողկոմատների կողմից ստացվող գրեթե բոլոր հայտերը քերի են, «տառապում են անորոշությամբ», շատ դեպքերում՝ նրանց չեն կցվում պահանջվող ապրանքների անհրաժեշտության, տեսականու և բանակի մասին բացատրական գրություններ, իսկ երբեմն՝ այդ հայտերը անգամ պահանջի բնույթ են կրում: «Այնինչ՝ նյութական պաշարները Ռուսաստանում այնքան չնչին են, - նշվում է զեկուցագրում, - որ բավարարվում է ընդհանուր պահանջների միայն 2-10%»: Այդ իսկ պատճառով՝ կենտրոնական մատակարարող կազմակերպությունները մանրակրկիտ ուսումնասիրում են բոլոր հայտերը՝ անողորսարար կրճատում հայցվող նյութերի պահանջվող քանակը, և դրանից հետո միայն՝ որոշում ընդունում հայտերի մի մասը բավարարելու կամ՝ ամբողջությամբ մերժելու մասին: Հուշելով, որ «Նման պայմաններում հիմք չկա բացառություն անելու Խորհրդային Հայաստանի համար», ներկայացուցչությունը խնդրում է ի գիտություն ընդունել վերը նշվածը և տեղյակ պահել բոլոր ժողկոմատներին:<sup>55</sup> Մոսկվայում ՀՍԽՀ լիազոր ներկայացուցչության խնդրանքը հարգվում և կատարվում է: Կառավարության հատուկ գրությունով ժողկոմատներից պահանջվում է այսուհետ հայտերը

<sup>54</sup> St'u Хармандарян С., Ленин и становление Закавказской федерации (1921-1923), с. 150:

<sup>55</sup> ՀԱԱ, ֆ. 113, ց. 1, գ. 9, ք. 94:

կազմելիս նկատի ունենալ ներկայացուցչության կողմից հնչեցված ակազանգը: Ավելին, որոշ ժամանակ անց, ՀՍԽՀ Ժողկոմխորհի նախագահի տեղակալի կարգադրությամբ առաջարկվում է բոլոր ժողկոմատներին և կենտրոնական հիմնարկություններին արտզործողկոմատի միջոցով Մոսկվա՝ Հայաստանի դիվանագիտական ներկայացուցչությանը տեղեկատվության համար, ուղարկել «բոլոր նիստերի օրագիրների պատճենները, որոնք կարող են ծառայել որպես նյութ՝ ներկայացուցչության տնտեսական աշխատանքի բարելավման, և Ռուսաստանի կենտրոնից Հայաստանի մատակարարումը հաջողացնելու համար»:<sup>546</sup>

Ամփոփ տվյալներով՝ 1921 թ. ընթացքում Խորհրդային Ռուսաստանն իր սուղ միջոցներից Խորհրդային Հայաստանին հատկացրեց 2 մլն. 545 հազար ռուբլի (ռսկով), 1 մլն. 172 հազար փութ վառելանյութ (այդ թվում՝ 1 մլն. 65 հազար փութ մագոթ, 90 հազար փութ նավթ, 12 հազար փութ բենզին, 5 հազար փութ մեքենայի քսայուղ), 1.5 մլն. արշին մանուֆակտուրա (այդ թվում՝ 18 հազար կոմպլեկտ գինվորական հագուստ, 36 հազար գույզ ներքնագզեստ, 1 մլն. ռուբլի արժողությամբ գործվացքեղեն), 336 հազար փութ հացահատիկ և ալյուր, 7 վազոն բրինձ, 11 հազար փութ աղ, 7 հազար փութ շաքար, մեծ քանակությամբ հնդկացորեն, թեյ, սուրճ, 70 հազար փութ ձկնեղեն, 1500 գլուխ անասուն (հիմնականում ձիեր), 10 սավառնակ, 10 ավտոմոբիլ, 2 տպագրական մեքենա, 1 լիտոգրաֆ, 1 ցինկոգրաֆ, 2 կազմարար մեքենա, 173 երկրագործական գործիքներ, 10 հազար գերանդի և մանգաղ, 10 հազար պայտ, հեռագրի և հեռախոսի հարյուրավոր ապարատներ, 100 հազարից ավելի կտոր գիրք, 100 հազարավոր փութ թուղթ, մեծ թվով նկարներ, 10 վազոն դեղորայք, մեծ քանակությամբ թել, ասեղ, կոճակ, օճառ, լուցկի և այլն:<sup>547</sup> Ընդհանուր առմամբ՝ մինչև 1922 թ. սկիզբը Հայաստանը Խորհրդային Ռուսաստանից ստացավ 3.5 մլն. ռուբլի (ռսկով) և 2 մլն. 895 հազար փութ կենսամթերք ու այլ ապրանքներ:<sup>548</sup>

Ահա թե ինչու՝ ՀՍԽՀ խորհուրդների 2-րդ համագումարին 1922 թ. նոյեմբերի 30-ին Խորհրդային Հայաստանի կառավարության հաշ-

<sup>546</sup> ՀԱՍ, ֆ. 123, ց. 1, գ. 40, ք. 14:

<sup>547</sup> ՀԱՍ, ֆ. 1, ց. 1, գ. 125, ք. 1: Տե՛ս նաև Вестник московского комитета помощи, Москва, 1923, № 1, с. 13-16, Խորհրդային Հայաստան, Երևան, դեկտեմբերի 4, 1921, թիվ 238:

<sup>548</sup> Հայ Ժողովրդի պատմության, հ. 7, Եր., 1967, էջ 102: Տե՛ս նաև Խորհրդային Հայաստան, Երևան, փետրվարի 5, 1922, թիվ 29:

վետվոթյունը ներկայացնող ժողովոմխորհի նախագահ Ս. Լուկաշինը հայտարարեց. «Մենք անցյալ տարի սայրել ենք Ռուսաստանի օգնությամբ, այնտեղից ստանալով 5 մլն. ոսկի արժողությամբ սայրանքներ, այն էլ մի այնպիսի ժամանակ, երբ Ռուսաստանում սով էր, բառիս բուն նշանակությամբ»:<sup>549</sup>

\* \* \*

Խորհրդային Հայաստանում 1921 թ. տիրող սոցիալ-տնտեսական անկայուն իրավիճակը տարվա վերջերից սկսեց վատանալ: Վրա հասած սովի հետ մեկտեղ, Հայաստանի մի շարք շրջաններում (Լուռի, Գարաբիլիսա, Ալեքսանդրապոլ և այլն) բռնկվեց խոշոր եղջերավոր սնաստունների մեծ համաճարակ: Այն սպառնում էր լուրջ հարված հասցնել երկրի անասնապահությանը, իսպառ վերացնել անասունների գլխաքանակը: Ստեղծված իրավիճակից դուրս գալու միակ հույսը՝ դարձյալ Ռուսաստանից ակնկալվող օգնությունն էր:

1921 թ. դեկտեմբերի 8-ին ՀՍԽՀ արտաքին գործերի ժողովատն ահագանգ է ստանում հողժողկոմատից, որ անասունների համաճարակը կասեցնելու և հաղթահարելու համար անհրաժեշտ է մեծ քանակությամբ հսկայածախատային շիճուկ ներկրել Ռուսաստանից, քանզի Հայաստանում դրա պաշարները չնչին են և սպառնան եզրին:<sup>550</sup> Դեկտեմբերի 10-ին արտգործժողկոմատն այդ մասին հաղորդում է Մոսկվա՝ Ս. Տեր-Գարրիեյանին, և խնդրում՝ դիմել ՌՍՖՍՀ հողժողկոմատ՝ Հայաստանին 1000 լիտր շիճուկ բաց թողնելու խնդրանքով:<sup>551</sup>

Ռուսաստանի հողժողկոմատը անմիջապես արձագանքում է Տեր-Գարրիեյանի միջնորդությանը և դեկտեմբերի ամսին Հայաստան ուղարկում 400 լիտր շիճուկ:<sup>552</sup> Բայց քանի որ Հայաստանին անհրաժեշտ էր 1000 լիտր, ուստի Տեր-Գարրիեյանը խնդրում է լրացուցիչ հատկացնել ևս 600 լիտր: Տեղյակ պահելով իր երկրորդ խնդրանքի մասին Հայաստանի իշխանություններին, Տեր-Գարրիեյանը միաժամանակ տեղեկացնում է, որ ՌՍՖՍՀ հողժողկոմատի Կենտրոնական անասնաբուժական վարչությունը դիմել է ՌԿ(Բ)Կ Կենտկոմի Կովկասյան բյուրո՝ Աղրբեջանի տարածքում գտնվող Ջուրմաբադի լարդա-

<sup>549</sup> Լուկաշին (Սրապիոնյան) Ս., Հոլվածներ, գեկուցումներ, ճատեր, Եր., 1986, էջ 127:

<sup>550</sup> ՀԱԱ, ֆ. 113, ց. 1, գ. 9, ք. 100:

<sup>551</sup> Տե՛ս նույն տեղում, ք. 98:

<sup>552</sup> Տե՛ս նույն տեղում, ց. 2, գ. 96<sup>01</sup>, ք. 640:

տորիան վերաշահագործելու առաջարկով: Տեր-Գաբրիելյանը հուշում է, որ այդ դեպքում լաբորատորիան կայող է շիճուկով մատակարարել կովկասյան ամբողջ տարածաշրջանը:<sup>553</sup>

1922 թ. հունվարի 9-ին Կովկասյան բյուրո ուղղված այդ դիմումում Ռ.Ս.Ֆևհ հողժողկոմատի վարչությունը վերաշահագործման անհրաժեշտությունը հիմնավորում է նրանով, որ համաձայն է բռնկվել ոչ միայն Հայաստանում, այլև Ադրբեջանում, Դաղստանում և այլուր, և «Ռուսաստանն ի վիճակի չէ կանոնավոր կերպով շիճուկով մատակարարել ամբողջ Կովկասը»:<sup>554</sup>

Այնուամենայնիվ, Ռուսաստանի հողժողկոմատը ընդառաջում է հայկական կողմի նաև երկրորդ խնդրանքին և 1922 թ. հունվարին Հայաստանին հատկացնում ևս 500 լիտր շիճուկ, միաժամանակ զգուշացնում, որ Ռուսաստանում շիճուկի պաշարների սղուրջյան պատճառով դրա առաքումը Հայաստան այսուհետ դադարեցվելու է:<sup>555</sup>

1921-1922 թթ. ձմռանը Խորհրդային Ռուսաստանից ստացած հակաժանտախտային շիճուկը հնարավորություն տվեց կասեցնել Հայաստանում խոշոր եղջերավոր անասունների զլխաքանակի նվազումը, փրկել անասնապահության ոլորտը, հետևաբար՝ մասնաբերքի և կաթնամթերքի արտադրումը:

Մերմացուի բացակայության պատճառով մեծ վտանգի տակ էր նաև Հայաստանում 1922 թ. գարնանացանի հաջող անցկացումը, ինչը միակ երաշխիքն էր՝ Հայաստանի բնակչության մեծ մասն ընդդրկող սովը տարվա ընթացքում հաղթահարելու համար: Անհետաձգելի այս խնդրի լուծումը Հայաստանի իշխանությունները դարձյալ կուպում էին Խորհրդային Ռուսաստանից ակնկալվող օգնության հետ: Հայաստանի կառավարությունը և նրա նախագահ Ալեքսանդր Մյասնիկյանը 1922 թ. սկզբներից բազմիցս դիմեցին Ռուսաստանում Հայաստանի լիազոր ներկայացուցիչ Ս. Տեր-Գաբրիելյանին, հանձնարարելով նրան միջնորդելու Ռուսաստանի կառավարության առջև՝ Հայաստանին 100 հազար փոք սերմացու տրամադրելու և շտապ Հայաստան առաքելու խնդրանքով:<sup>556</sup>

Տեր-Գաբրիելյանը մեծ ջանասիրությամբ հետամուտ է լինում խնդրի լուծմանը, սակայն արդյունքի չի հասնում: 1922 թ. փետրվարի

<sup>553</sup> Տե՛ս ՀԱՍ, ֆ. 123, ց. 1, գ. 290, ք. 29:

<sup>554</sup> Տե՛ս նույն տեղում, ք. 30:

<sup>555</sup> Տե՛ս նույն տեղում, ք. 28:

<sup>556</sup> ՀԱՍ, ֆ. 114, ց. 2, գ. 96<sup>III</sup>, ք. 770: Տե՛ս նաև Ալ. Մյասնիկյանի 1922 թ. փետրվարի 3-ի և 9-ի նամակները Ս. Տեր-Գաբրիելյանին, ԲՀԱ, Երևան, 1966, քիվ 2, էջ 75:

կեսերին նա Մյասնիկյանին տեղեկացնում է, որ Ռուսաստանի կառավարությունը որոշել է Հայաստանին հատկացնել 10 միլիարդ ռուբլի (75 հազար ոսկով) վարկ, միաժամանակ ցավով հուշում, որ «Մերմացուի խնդիրը դժվարանում է: Համառուսաստանյան Կենտգործկոմին ուղղված իմ դիմումը մերժվեց»:<sup>557</sup>

1922 թ. հունվարի 23-ին Համառուսաստանյան Կենտգործկոմի նախագահությունը հաստատեց Խորհրդային Հայաստանին 10 միլիարդ ռուբլի վարկ հատկացնելու՝ ՌՍՖՍՀ Ժողկոմխորհի որոշումը: Վարկը տրամադրվելու էր Միջազգետրից Հայաստան ներգաղթած հայ հայրենադարձներին օգնություն ցույց տալու համար:<sup>558</sup> ՀՍԽՀ Ժողկոմխորհի 1922 թ. փետրվարի 8-ի որոշումով Ռուսաստանի տրամադրած օգնությունը փոխանցվեց կառավարությանը կից «Սովյակների» օգնելու հանձնաժողովի բացարձակ տնօրինությանը»:<sup>559</sup>

Նշենք, որ Ռուսաստանի օգնությունը ճիշտ ժամանակին էր, քանի որ Միջազգետրի հայ գաղթականության տեղավորման, աշխատանքով ապահովելու խնդրի լուծումը խիստ առաջնահերթ էր: Նրանց առաջին խումբը, շուրջ 3000 մարդ, Խորհրդային Հայաստան էր ժամանել 1921 թ. դեկտեմբերի վերջին, իսկ 1922 թ. սկզբներին հայրենադարձների թիվը հասավ շուրջ 9 հազարի:<sup>560</sup>

Մոսկվայում Հայաստանի լիազոր ներկայացուցիչ Ս. Տեր-Գաբրիելյանի և Խորհրդային Ռուսաստանի կառավարության համատեղ ջանքերի շնորհիվ ի վերջո իր դրական լուծումն է ստանում նաև Հայաստանին սերմացու հատկացնելու հարցը: ՌՍՖՍՀ հողժողկոմ Վ. Իգյումովը 1922 թ. մարտի 8-ին հրահանգավորում է Նովոռուսիյակոմ ժողկոմատի լիազոր ներկայացուցչին, որպեսզի վերջինս արտասահմանից սպասվող ցորենի սերմացուից Հայաստանին հատկացնի 100 հազար փուր:<sup>561</sup> Թեև որոշված 100 հազարի փոխարեն Հայաստան է ուղարկվում 80 հազար փուր սերմացու, ինչի մասին տեղեկանում ենք Օրջոնիկիձեի կողմից Նովոռուսիյակից մարտի 26-ին Մյասնիկյանին ուղղված հեռագրից,<sup>562</sup> սակայն դա էլ բավարար էր, որպեսզի զարմանացանը Հայաստանում հաջողությամբ իրականացվի:

<sup>557</sup> Տե՛ս ԲՀԱ, Երևան, 1972, քիվ 2, էջ 55:

<sup>558</sup> Նույն տեղում, էջ 54-55:

<sup>559</sup> ՀԱԱ, ֆ. 113, ց. 5, գ. 5, ք. 1:

<sup>560</sup> Տե՛ս Մելիքսեբյան Շ., Հայրենիք-Սվյուոբ առնչությունները և Լայրենադարձությունը 1920-1980 թթ., Սյւ., 1985:

<sup>561</sup> Восстановление народного хозяйства Арм. ССР, с. 96.

<sup>562</sup> ՀԱԱ, ֆ. 1022, ց. 5, գ. 361, ք. 68:

Այնուհանդերձ, 1922 թ. աշնանը Հայաստանը դարձյալ հացի և առաջին անհրաժեշտության ապրանքների մեծ պահանջարկ էր զգում: Մեպտեմբերի 8-ին ՌՍՖՍՀ պարենժողկոմատ ուղղված ՀՄԽՀ Ժողկոմխորհի նախագահ Ս. Լուկաշինի (այդ պաշտոնում նա փոխարինել էր Ալ. Մյասնիկյանին) դիմումում նշվում է, որ Հայաստանի տնտեսության մեջ թեև որոշ աշխուժացում է նկատվում, սակայն պարզ է, որ ինչպես անցյալ, այնպես էլ ընթացիկ տարում՝ առանց Ռուսաստանի բազմակողմանի օգնության Հայաստանը չի կարող ապրել: ՀՄԽՀ Ժողկոմխորհի նախագահը հայտնում է, որ որոշվել է Խորհրդային Ռուսաստանից Հայաստան ներմուծել 600 հազար փութ հաց, Լուկաշինը խնդրում է նաև, որպեսզի Հայաստանն այսուհետ պլանային կարգով մատակարարվի Ռուսաստանի կողմից:<sup>563</sup>

Հայաստանի Ժողկոմխորհի նախագահի դիմումը, մի շարք օրակարգային այլ հարցերի հետ միասին, քննարկվում է Ռուսաստանի և Անդրֆեդերացիայի պարենժողկոմատների ներկայացուցիչների համատեղ խորհրդակցությանը, որին մասնակցում էին նաև Գ. Օրջոնիկիձեն, Ալ. Մյասնիկյանը, Ա. Մռավյանը և Ս. Տեր-Գաբրիելյանը: Խորհրդակցությունը սեպտեմբերի 28-ին որոշում է 1922-1923 թթ. դեկտեմբեր-հունվար ամիսների համար Հայաստանին հատկացնել 650, Վրաստանին՝ 350 և Նախիջևանին՝ 100 հազար փութ հացահատիկ: Խորհրդակցությունն ի գիտություն է ընդունում նաև Ռուսաստանի պարենժողկոմատի ներկայացուցիչ Ա. Խալաթովի հաղորդումն այն մասին, որ Հայաստանում աշնանացանն իրականացնելու համար առաքվել է 100 հազար փութ հացահատիկի սերմացու:<sup>564</sup>

Այսպիսով կարելի է փաստել, որ Խորհրդային Ռուսաստանի կենտրոնական մարմինները աջակցում էին ՀՄԽՀ իշխանություններին նրանց կողմից բարձրացված սոցիալ-տնտեսական բնագավառի գրեթե բոլոր հարցերում, և հնարավորինս օգնություն տրամադրում Հայաստանի բնակչությանը: Եվ եթե 1921 թ. Խորհրդային Ռուսաստանի կողմից Հայաստանին տրամադրված օգնությունը գրեթե ամբողջությամբ հատկացվում էր երկրի սպառողական պահանջները բավարարելու, ժողովրդին կերակրելու համար, ապա՝ հատկապես 1922 թ. աշնանից, երբ որոշ չափով վերակենդանացավ և ոտքի էր կանգնում գյուղատնտեսությունը, հաղթահարվում էր սովը, Ռուսաստանի օգնությունն ուղղվեց Հայաստանի արդյունաբերական համալիրի վերա-

<sup>563</sup> Восстановление народного хозяйства Арм. ССР, с. 96-97.

<sup>564</sup> Տե՛ս նույն տեղում, էջ 97-98:

կանգնմանը, նոր արտադրամասերի կառուցմանը, հետևաբար՝ աշխատատեղերի ստեղծմանը, ինչը մեծ նշանակություն ունեցավ երկրի առաջընթացն ապահովելու համար:

1922 թ. հունվարին Ռուսաստանի Ռոստով քաղաքից 10 վագոնով Հայաստան են ուղարկվում կաթնամթերքների արտադրման գործարանի սարքավորումներ:<sup>565</sup> Տարվա ընթացքում Ռուսաստանից Հայաստան տեղափոխվեցին նաև մանվածքային ֆաբրիկայի սարքավորումներ: Ռուսաստանից ժամանած փորձառու մասնագետները, ճարտարագետները ղեկավարում են Ալեքսանդրապոլում ֆաբրիկայի կառուցման աշխատանքները: Ի դեպ՝ ֆաբրիկայի համար ստացված սարքավորումները Ռուսաստանի Իվանովո-Վոզնեսենսկ քաղաքի աշխատավորության նվերն էր հայ ժողովրդին: ՌՍՖՍՀ հաղորդակցության ժողկոմի կարգադրությամբ սարքավորումները Հայաստան տեղափոխվեցին ապառիկ:<sup>566</sup> Ավելացնենք, որ վերջինիս կարգադրությամբ՝ Հայաստանում շնորհակալ գործունեություն ծավալած Մերձավոր Արևելքում սմերիկյան և անգլիական նպաստամատույց կոմիտեների կողմից Խորհրդային Հայաստանի բնակչությանը տրամադրվող օգնությունը նույնպես փոխադրվում էր անվճար, առանց փոխադրավարձի գանձման:<sup>567</sup>

Նշենք, որ Ամերկոմի և Անգլկոմի օգնության ծավալները բավականին մեծ էին՝ Ամերկոմի Կովկասյան բաժանմունքի 1922 թ. առաջին կիսամյակի տվյալներով՝ Ամերկոմը Հայաստան է ներմուծել 24 հազար 974 փուք քրիմ, 140 հազար 55 փուք ծավարեղեն, 21 հազար 857 փուք լոբի, 6418 փուք հացահատիկ, 1402 տուփ կաթ, 7 փուք կակաո, 649 փուք բանջարեղեն, 4 փուք շաքար, 84 փուք յուղ, 412 փուք այլ մթերքներ: Ավելին, նկատի ունենալով Չանգեզուրի բնակչության առավել ծանր վիճակը, նրան օգնություն էր հատկացվում առանձին՝ ամենամսյա նպաստ էր ստանում ավելի քան 100 հազար մարդ:<sup>568</sup>

ՀՍԽՀ իշխանությունները բարձր էին գնահատում այդ օգնության փաստը, պատահական չէ, որ Ժողկոմխորհի նախագահ Ալ. Մյասնիկյանը 1922 թ. մայիսի 10-ին հայ ժողովրդի անունից շնորհակալական բաց նամակ ուղղեց ԱՄՆ նախագահ Ռոբերտն Հարդինգին,

<sup>565</sup> Տե՛ս ԲՀԱ, Երևան, 1972, թիվ 2, էջ 55: Տե՛ս նաև Խորհրդային Հայաստան, Խունվարի 6, 1922:

<sup>566</sup> Տե՛ս ԲՀԱ, Երևան, 1972, թիվ 2, էջ 57:

<sup>567</sup> Տե՛ս ՀԱԱ, ֆ. 113, ց. 39, գ. 160, ք. 36-ի շրջերես:

<sup>568</sup> Տե՛ս նույն տեղում, ֆ. 1, ց. 2, գ. 22, ք. 111:

որում մասնավորապես նշեց. «Ձեզ՝ իբրև ամերիկյան ժողովրդի ներկայացուցչի, ես հայտնում եմ շնորհակալություն ինչպես իմ, այնպես էլ իմ ժողովրդի անունից բոլոր այն գոհողությունների համար, որ կատարեց Ամերիկյան Հայաստանի համար: Տասնյակ հազարավոր հայեր այսօր իրենց կյանքով պարտական են վերջին մի քանի տարիներին Ամերիկայից ստացված օգնությանը: Այս բանը մենք երբեք չենք մոռանա:

Երեսուն հազար հայ որբուկներ Մերձավոր Արևելքի նպաստամատույց կոմիտեի ջանքերով դարձան ամերիկացիների սաներ: Այդ երեսուն հազար որբերը այժմ էլ ապրում և դաստիարակվում են այն միջոցներով, որոնք մշտապես տրամադրում են ամերիկացիները»:

Նամակում այնուհետև հուշելով, որ դարձյալ խնդիրներ են ծագել հայ որբերին սննդով ապահովելու համար, իսկ հանրապետության վիճակը դեռևս շարունակում է անմխիթար մնալ, ՀՄԽՀ կառավարության նախագահը հայցում է ամերիկյան ժողովրդի օգնության շարունակումը:

Նամակը ավարտվում է Մյասնիկյանի հետևյալ խոսքերով. «Ես գիտեմ, սրբ, որ Դուք մեզ հետ եք հոգով և սրտով: Ես գիտեմ, որ Ձեր ժողովուրդը մեզ բարիք է կամենում: Մենք կաշխատենք արժանի լինել Ձեր օգնությանն ու լավ վերաբերմունքին՝ անելով հնարավոր ամեն ինչ: Երեսուն հազար որբերը, որոնց ամերիկացիները ապաստան տվին, մեր երկու երկրների միջև բարեկամական ամուր կապերի մշտական զրավականը կլինեն»:<sup>569</sup>

Խորհրդային Հայաստանում գործող օտարերկրյա նպաստամատույց կոմիտեների կողմից քնակչությանը տրամադրվող օգնությունն, իհարկե, որոշ չափով մեղմում էր բնակչության սոցիալական ծանր դրությունը, սակայն այն չէր կարող համեմատվել Ռուսաստանից ստացվող օգնության ծավալների հետ:

\* \* \*

1922 թ. Խորհրդային Ռուսաստանի իշխանությունները մեծ ուշադրություն են հատկացնում Հայաստանում բանրակագործությունը վերականգնելու և զարգացնելու գործին: Դրանում հավասարապես շահագրգռված էին ինչպես Ռուսաստանը, այնպես էլ Հայաստանը: Ռուսաստանն էժան բանրակի մեծ կարիք ուներ, իսկ Հայաստանում

<sup>569</sup> ՀԱԱ, ֆ. 113, ց. 38, գ. 7, քք. 26-27:

կատեղծվեին նոր աշխատատեղեր, կրարելավվեց ռոռզման համակարգը, կրնդարձակվեին ցանքատարածությունները:

Ռուսաստանի Բամբակագործության գլխավոր կոմիտեի և Հայաստանի իշխանությունների ներկայացուցիչների մասնակցությամբ 1922 թ. ապրիլի 10-ին Մոսկվայում հրավիրված խորհրդակցությանը որոշվեց Հայաստանում բամբակագործությունը վերականգնելու համար 1922 թ. ընթացքում վերջինիս հատկացնել 25 միլիարդ ռուբլի:<sup>570</sup> Հարցը քննարկման առարկա է դառնում նաև ՌՍՖՍՀ ֆինժոդկոմատի բյուջետային կոմիտեի 1922 թ. հոկտեմբերի 21-ի նիստում: Նիստին հրավիրված Հայաստանի լիազոր ներկայացուցիչ Ս. Տեր-Գաբրիելյանը միջնորդում է Հայաստանին 800 հազար ռուբլի (ոսկով) վարկ բաց քողնելու մասին, այն նախատեսվում է օգտագործել Արագոսյանի տարածքում բամբակագործությունը կազմակերպելու համար ձեռնարկվող նախնական մեխորատիվ-շինարարական աշխատանքները սկսելու համար:

Հայաստանի ներկայացուցչի միջնորդությունը քննարկելուց հետո, նկատի ունենալով, որ Ռուսաստանը բամբակի մեծ կարիք ունի, և, որն առավել հրատապ է, «Արարատյան դաշտավայրում կուտակված արևմտահայ բազմաթիվ զաղբականները փող վաստակելու հնարավորություն կստանան», կոմիտեն որոշում է բավարարել միջնորդությունը, և Հայաստանին տրամադրել 620 հազար ռուբլի (ոսկով) վարկ: Այն պետք է օգտագործվեց Հայաստանում մեխորատիվ-շինարարական աշխատանքները սկսելու, արտասահմանից տրակտորներ, գյուղգործիքներ, լծկան անասուններ և սերմացու գնելու համար: Նշենք, որ վարկի դիմաց Հայաստանը սլարտավորվում էր Ռուսաստան արտահանել մեծ քանակությամբ բամբակ, և վարկն ամբողջությամբ մարել 1924 թ. հունվարի 1-ից ոչ ուշ:<sup>571</sup>

Կոմիտեի որոշումը 1922 թ. հոկտեմբերի 24-ին հաստատում է ՌՍՖՍՀ ֆինժոդկոմի բյուջետային կոմիտեի նախագահությունը,<sup>572</sup> իսկ հոկտեմբերի 27-ին՝ ՌՍՖՍՀ Աշխատանքի և Պաշտպանության խորհուրդը: Վերջինս խոստանում է նաև բազմակողմանի աջակցություն:<sup>573</sup>

<sup>570</sup> ՀԱԱ, ֆ. 115, ց. 1, գ. 68, ք. 205:

<sup>571</sup> Տե՛ս նույն տեղում, ֆ. 113, ց. 39, գ. 260, քք. 3-4:

<sup>572</sup> Տե՛ս նույն տեղում, ք. 5:

<sup>573</sup> ՀԱԱ, ֆ. 1022, ց. 5, գ. 361, ք. 70: Տե՛ս նաև Խոբեքոյանի Հայաստան, Երևան, հոկտեմբերի 31, 1922:

Խորհրդային Հայաստանի մատակարարման խնդրով մշտապես հետաքրքրվով Վ. Լենինը 1922 թ. հոկտեմբերի 28-ին Վ. Մոլոտովին հղած երկտողում նշում է. «Գրեք, ուղարկված է արդյո՞ք Հայաստան ոսկի (կարծեմ, որոշված է 1.5 միլիոն ռուբլի): Իսկ հայերին օգնելու մյուս միջոցառումնե՞րը: Հարկավոր է արագացնել և ստուգել»:<sup>574</sup>

Հայաստանում քամբակագործությունը խթանելու և զարգացնելու գործում արմատական քեկում սկսվեց 1923 թվականից: ՌՍՖՍՀ Բամբակագործության գլխավոր կոմիտեի և ՀՍԽՀ Ժողկոմխորհի (ի դեմ՝ Ս. Տեր-Գաբրիելյանի) միջև հունվարի 18-ին Մոսկվայում ստորագրված պայմանագրով հիմնադրվում է «Ռուս-հայկական պետական քամբակագործական ընկերությունը» (ГРAXT): Վերջինիս սյուսհետային կապիտալ է սահմանվում 500 հազար ռուբլի (ոսկով):<sup>575</sup>

Ընկերությունը մեծ աշխատանք է իրականացնում, նրա ջանքերով Թուրքեստանից Հայաստան ներմուծվեց մոտ 17 հազար փութ քամբակի ընտիր սերմացու, գումարներ տրամադրվեցին Հայաստանում քամբակագործությունը զարգացնելու համար: Ռուսաստանի տրամադրած խոշոր վարկերի շնորհիվ հնարավոր դարձավ կարճ ժամանակում վերականգնել Արագոսյանի ջրանցքները, կառուցել նորերը, նախկինում ճահեի վերածված Արագոսյանի հողերը դարձնել բարեբեր:

Ռոզգաման ցանցի վերականգնումը վճռական նշանակություն ունեցավ ինչպես քամբակագործությունը, այնպես էլ Հայաստանի գյուղատնտեսությունը զարգացնելու համար: Ավելացան ցանքատարածությունները՝ 1919 թ. 82.7 հազարի փոխարեն՝ 1922 թ. վերջին նրանք ընդգրկեցին ավելի քան 97 հազար հեկտար տարածություն:<sup>576</sup>

1922 թ. ՌՍՖՍՀ կառավարությունը Հայաստանին ֆինանսական վարկեր տրամադրեց երկրի տնտեսության նաև մյուս ճյուղերը, ծխախոտագործությունը, կաշվի արդյունաբերությունը, պոլիգրաֆ արդյունաբերությունը վերականգնելու և զարգացնելու համար: Տրամադրված վարկերի, տարբեր սարքավորումների, այլ նյութերի շնորհիվ Հայաստանում վերանորոգվեցին հին գործարանները, հիմնադրվեցին նոր արտադրամասեր, երկիրը աստիճանաբար դուրս էր գալիս սոցիալ-տնտեսական խորը ճգնաժամից:

<sup>574</sup> Տե՛ս Հայաստանը... փաստաթղթերում, էջ 528:

<sup>575</sup> Տե՛ս ՀԱԱ, ֆ. 123, ց. 1, գ. 83, թ. 32:

<sup>576</sup> Տե՛ս ՀՄԽՀ կառավարության հաշվետվության նյութեր, Նր., 1923, էջ 24:

1921-1922 թթ. ՌՍՖՍՀ-ից ստացած ֆինանսական վարկերի, հացահատիկի, սերմացուի, վառելանյութի, շինանյութի, կտորեղենի, պարենային և արդյունաբերական այլ ապրանքների դիմաց, Հայաստանից Ռուսաստան արտահանվում էր պղինձ, հանքաքար, ծծմբաքար, բամբակ, կաշի, մորթի, դոշաք, չորացրած մրգեր, գինի, կոնյակ և այլն: 1922 թ. Մոսկվայում բացվեց «Արարատ» գինու-կոնյակի կոմբինատի բաժանմունքը:

Հայաստանի միջոցով տեղի էր ունենում նաև ասրանքաշրջանառություն Ռուսաստանի և Իրանի միջև: Ընդհանուր առմամբ՝ Խորհրդային Ռուսաստանի և Հայաստանի, ինչպես նաև Հայաստանի միջոցով Ռուսաստանի և Իրանի միջև կատարվող ապրանքաշրջանառությունը 1921-1922 թթ. կազմում էր 35-ից 40 միլիոն ռուբլի (ոսկով):<sup>577</sup>

1921-1922 թթ. Խորհրդային Ռուսաստանը Հայաստանին օգնություն ցույց տվեց նաև մշակույթի, լուսավորության, գիտության, բժշկության և այլ բնագավառներում՝ փորձառու մասնագետներ, մեծ քանակությամբ օժանդակ գրականություն, բժշկական սարքավորումներ, դեղորայք և այլ նյութեր ուղարկելով Հայաստան: Համառոտապես նշանակալից էր Կենտրոնական Կապիտալիզացիայի 1921 թ. սեպտեմբերի 29-ի որոշումով՝ Լազարյան ճեմարանը վերանվանվում է «Խորհրդային Հայաստանի Մշակույթի տան», և «Իր ամբողջ նյութական ու մշակութային արժեքներով», փոխանցվում Խորհրդային Հայաստանի կառավարության տնօրինությանը:<sup>578</sup> 1922 թ. մայիսին Հայաստան է վերադարձվում Առաջին համաշխարհային պատերազմի տարիներին Մոսկվա փոխադրված Էջմիածնի գրադարանի գույքը՝ 140 արկղով, թանգարանային թանկարժեք իրեր:<sup>579</sup>

Պետք է նշել, որ Հայաստանի խորհրդայնացումից հետո մեծ քափ առավ Խորհրդային Ռուսաստանի տարբեր շրջաններում, հիմնականում Հյուսիսային Կովկասի և մերձսևծովյան տարածաշրջանի հայահոծ երկրամասերում և քաղաքներում (Կրասնոդար, Ստավրոպոլ, Վլադիկովկաս, Ռոստով, Մոչլի, Միմֆերոպոլ, Սևաստոպոլ, Կերչ և այլն), հայկական կրթամշակութային օջախների հիմնումը: Միայն Կրասնոդարի երկրամասում միչև 1921 թ. զարուհը բացվեցին հինգ տասնյակից ավելի հայկական դպրոցներ, իսկ մարտի 13-ին հանդիսավոր պայմաններում բացվում է Ստեփան Շահումյանի անվան հայ-

<sup>577</sup> Բեկզաղյան Ալ., Նամակներ, հոդվածներ, փաստաթղթեր, էջ 49-50:

<sup>578</sup> ՀԱԱ, ֆ. 114, ց. 1, գ. 68, ք. 103:

<sup>579</sup> Խորհրդային Հայաստան, Երևան, մայիսի 13, 1922:

կական ժողովրդական համալսարանը:<sup>580</sup> Սրանից մի քանի օր անց, մարտի 20-ին, Ռոստով-Նախիջևանում իր դռներն է բացում Մարտիրոս Սարյանի նախաձեռնությամբ ստեղծված հայկական քանգարանը, բացման պատիվը տրվում է հայ մեծանուն նկարչին:<sup>581</sup>

1921-1922 թթ. ընթացքում Ռուսաստանում բացվեցին կամ վերանորոգվեցին մի քանի տասնյակ հայկական նախակրթարաններ և դպրոցներ, քանգարաններ, մշակույթի այլ օջախներ: Իսկ նույն ժամանակահատվածում Խորհրդային Հայաստանում «դպրոցների և աշակերտների թիվը ավելացավ երկու անգամ: Արդեն 1922 թ. վերջին հանրապետությունում գործում էր 500 դպրոց, համալսարան, 5 տեխնիկում, կարծատև դասընթացներում պատրաստվեցին 520 ուսուցիչ»:<sup>582</sup>

«Խորհրդային Հայաստանի առաջին երկու տարիները մի կտոր հացի համար մղվող պայքարի տարիներ էին»,<sup>583</sup> - իրավացիորեն նշում է ՀՄԽՀ Ժողկոմխորհի նախագահ Ս. Լուկաշինը: Մեր կողմից ավելացնենք, որ այդ «պայքարում» մեծ և անզնահատելի էր Ռուսաստանի և ռուս ժողովրդի եղբայրական օգնության դերը: 1922 թ. դեկտեմբերի 11-ին Բաքվում կայացած անդրկովկասյան խորհուրդների առաջին համագումարին Գ. Օրջոնիկիձեն հայտարարեց. Անդրկովկասի հանրապետությունները «Ռուսաստանից՝ այս ընդհանուր շտեմարանից, ստանում են այն ամենն, ինչ հնարավոր է»:<sup>584</sup> Եվ դա, բնավ, այդպես էր:

ՀՄԽՀ Խորհուրդների երկրորդ համագումարին 1922 թ. նոյեմբերի 30-ին Հայաստանի կառավարության հաշվետվությունը ներկայացնելիս Ս. Լուկաշինը հայտարարեց. «Խորհրդային Ռուսաստանից օր օրի վրա բավականաչափ օգնություն և հասնում Հայաստան, և մեր պաշարները հետզհետե ավելանում են, բայց և այնպես, դրանք շատ հեռու են Հայաստանին ամբողջությամբ բավարարելու համար»:<sup>585</sup>

Նախապատերազմյան 1913 թ. մակարդակի համեմատությամբ՝ 1922 թ. վերջին Հայաստանի ժողովրդական տնտեսության մակարդակը թեև մոտենում էր միայն 50 %-ոց արդյունքի, այնուամենայնիվ՝ 1921-1922 թթ. Ռուսաստանի կողմից տրամադրված բազմակող-

<sup>580</sup> Տե՛ս Մարգարյան Ա. Հ., Սովետական Ռուսաստանի հայ մանուրը (1918-1921թթ.), Եր., 1968, էջ 159, 163-164:

<sup>581</sup> Տե՛ս նույն տեղում, էջ 176-177:

<sup>582</sup> Жизнь национальностей, Москва, 1923, книга I, с. 167.

<sup>583</sup> Լուկաշին (Սրապիոնյան) Ա., Հոդվածներ, գեկուցումներ, ճառեր, էջ 77:

<sup>584</sup> Օրջոնիկիձեն Գ. Կ., Ընտիր հոդվածներ և ճառեր, էջ 111:

<sup>585</sup> Լուկաշին (Սրապիոնյան) Ա., Հոդվածներ, գեկուցումներ, ճառեր, էջ 139:

մանի օգնության շնորհիվ 1922 թ. վերջերին Հայաստանում հաղթահարվեց շուրջ 250 հազար բնակչություն ընդգրկող սովը, անցյալում էին մնում համաճարակային հիվանդությունները, աշխուժանում էր երկրի արդյունաբերությունն ու գյուղատնտեսությունը, աստիճանաբար բարձրանում էր ժողովրդի կենսամակարդակը: Նշված ժամանակահատվածում փաստորեն դրվեցին այն հիմքերը, որի վրա զարգացավ և աննախադեպ հաջողությունների հասավ Հայաստանի ժողովրդական տնտեսությունը, գիտությունն ու մշակույթը խորհրդային ամբողջ ժամանակաշրջանում:

### *3. Հայ ժողովրդի օգնությունը Ռուսաստանի մերժվողյան շրջանների սովյալներից*

1921 թ. գարնան-ամռանը Ռուսաստանի հացահատիկային կուլտուրաներով առավել հարուստ մի շարք շրջաններում երաշտի, ինչպես նաև բոլշևիկների վարած կոթմանարար տնտեսական քաղաքականության (հացի պաշարների կենտրոնացում, բազմաթիվ օլտուացիական տնտեսությունների ավերում, հակակուլակային արշավ և այլն) հետևանքով Ռուսաստանի բնակչության մի զգալի մասը հայտնվել էր սովի ճիրաններում: Այն առավել մեծ չափերի հասավ Ռուսաստանի հատկապես մերժվողյան շրջաններում, և 1921-1922 թթ. ընդգրկեց մոտ 15 միլիոն մարդ:

Սովյալներին օգնելու գործի կազմակերպումը դարձավ Խորհրդային Ռուսաստանի իշխանությունների առաջնահերթ խնդիրներից մեկը: 1921 թ. հուլիսի 18-ին Համառուսաստանյան Կենտգործկոմի կից ստեղծվում է սովյալներին օգնելու հանձնաժողով՝ Կենտգործկոմի նախագահ Մ. Կալինինի նախագահությամբ: Ռուսաստանի ամբողջ տարածքում հիմնվում են տեղական հանձնաժողովներ:

Ինչպես աշխարհի մի շարք պետությունները, այնպես էլ Ռուսաստանին դաշնակից խորհրդային հանրապետությունները շտապեցին օգնության ձեռք մեկնել Ռուսաստանի սովյալներին: Շնորհակալ այդ գործին անմասն չմնաց նաև հայ ժողովուրդը, որը քաջ գիտեր, թե ինչ է սովը, և չէր ուրանում ռուս ժողովրդի եղբայրական օգնությունը: Հայաստանի բնակչության անխտիր բոլոր խավերը շտապեցին իրենց սուղ միջոցներից բաժին հատկացնել Ռուսաստանի սովյալներին՝

նրանց օգտին փոխանցելով աշխատավարձի, մքերային օրապահիկների մի մասը, գյուղմթերքներ, կանխիկ դրամ և այլն:

Հայաստանի տարբեր շրջաններում կազմակերպվում են շաբաօրյակներ, բարեգործական հանդիսություններ, ներկայացումներ, որոնցից ստացված ամբողջ հասույթը նույնպես ուղարկվում է սովյալներին: Այսպես՝ 1921 թ. օգոստոսի 9-ին մախաձեռնող խմբի կողմից Ալեքսանդրապոլում հրավիրվում է պետական մի շարք հիմնարկությունների պետծառայողների ընդհանուր ժողով, որտեղ որոշվում է մերձվոլգյան սովյալների օգտին փոխանցել մեկ ամսվա աշխատավարձը և 18 օրվա մքերային օրապահիկը, կազմակերպել բարեգործական երեկոյթներ և ամբողջ հասույթը փոխանցել սովյալներին:<sup>586</sup>

Օգնության գործը Հայաստանում պետական մակարդակով կազմակերպելու և անցկացնելու նպատակով, ՀԿ(բ)Կ Կենտկոմի 1921 թ. օգոստոսի 22-ի նիստի որոշմամբ, ՀՍԽՀ պարենժողկոմ Իվանյանի նախագահությամբ ստեղծվում է սովյալներին օգնելու հանձնաժողով:<sup>587</sup> ՀՍԽՀ Ժողկոմխորհի համապատասխան դեկրետը հրապարակվում է սեպտեմբերի 1-ին: Ինչպես ճիշտ արձանագրում է «Խորհրդային Հայաստան» օրաթերթը՝ «Դեկրետը գալիս է միայն կազմակերպչական հունի մեջ դնելու հայ ժողովրդի սկսած մեծ գործը»:<sup>588</sup>

Երևանի կուսկազմակերպության 1921 թ. սեպտեմբերի 1-ի ժողովում հայ կոմունիստները միաձայն որոշում են սեպտեմբերի 1-ից սկսած 4 ամսվա ընթացքում սովյալների օգտին փոխանցել աշխատավարձի և մեկ ամսվա հացի օրապահիկի 25 %-ը, 1 ամսվա ալյուրը և 3 ամսվա հարվածային օրապահիկի բոլոր մթերքները: Մայրաքաղաքում կազմակերպվում են բարեգործական ներկայացումներ, տարբեր միջոցառումներ, որոնց ընթացքում հանգանակված գումարները փոխանցվում են սովյալների օգտին:

Օգնության գործին անմասն չէին նաև Հայաստանի շրջանները: Սեպտեմբերի 7-ին Դիլիջանում հրավիրված պետծառայողների և բանվորների ընդհանուր ժողովում որոշվում է սովյալների օգտին փոխանցել հացի օրապահիկի մի մասը և մեկ ամսվա աշխատավարձը: Շրջանի քաղաքներում և գյուղերում ստեղծվում են սովյալներին օգնելու հանձնաժողովներ:<sup>589</sup> Ղարաբաղի խառնուրդ (Վանաձոր) սեպտեմբերի

<sup>586</sup> Տե՛ս ՀԱԱ, ֆ. 114, ց. 2, գ. 94, քք. 34-35:

<sup>587</sup> Տե՛ս նույն տեղում. ֆ. 1, գ. 1, գ. 39, ք. 30:

<sup>588</sup> Խորհրդային Հայաստան, Երևան, սեպտեմբերի 1, 1921, քիվ 163:

<sup>589</sup> Տե՛ս ՀԱԱ, ֆ. 114, ց. 2, գ. 94, քք. 73, 89, 102:

14-ին կազմակերպված երեկոյթում հանգանակվում է 2 մլն. հայկական խորհրդային ռուբլի, իսկ սեպտեմբերի 29-ին՝ 5 մլն.: Ալեքսանդրապոլում (Գյումրի) կայացած կուսակցական խորհրդակցությանը որոշվում է սովյալների օգտին փոխանցել սեպտեմբեր ամսվա աշխատավարձի՝ 50, հետագա 5 ամիսների՝ 25 %-ը:<sup>590</sup>

Ռուսաստանի սովյալներին օգնելու գործին անմասն չէր մնում նաև ՀՄԽՀ Կարմիր բանակը: Հայկական 2-րդ հրաձգային զույգը սեպտեմբերի 28-ին Համամյու գյուղում կազմակերպում է ներկայացում, որից ստացած ամբողջ հասույթը՝ 1 մլն. 20 հազար հայկական խորհրդային ռուբլի, փոխանցվում է սովյալների օգտին, փոխանցվում է նաև ամբողջ գնդի օգոստոս-սեպտեմբեր ամիսների աշխատավարձը:<sup>591</sup> Նման տեղեկությունների շարքը կարելի է շարունակել, սակայն նշվածն էլ բավական է, որպեսզի պարզ դառնա, թե որքան սրտացավ էր վերաբերվում Ռուսաստանի սովյալներին օգնելու գործին հայ ժողովուրդը:

Սակայն, ինչպես երևում է ՌԿ(Բ)Կ Կենտկոմի Կովկասյան բյուրոյի 1921 թ. սեպտեմբեր ամսվա շրջաբերականից, կենտրոնական իշխանություններն այդքան էլ զոհ չէին կովկասյան հանրապետություններում սովյալներին օգնելու գործի կազմակերպումից և հանգանակած օգնության չափերից: Շրջաբերականում նշվում է, որ հանրապետությունների կոմկուսի Կենտկոմների կողմից ներկայացված արձանագրություններից երևում է, որ «դեկավար կուսկազմակերպությունները շատ քիչ ուշադրություն են հատկացնում այդ կարևոր և անհետաձգելի գործին»: Կովկասյան բյուրոն առաջարկում է առավել մեծ ուշադրություն հատկացնել սովյալներին օգնելու գործին և մեկ շաբաթվա ընթացքում մի շարք տեղեկություններ ներկայացնել իրեն: Մասնավորապես. ե՞րբ են կազմակերպվել սովյալներին օգնելու հանձնաժողովները, որքա՞ն օգնություն է արդեն իսկ հավաքվել և ուղարկվել սովյալներին, ինչպե՞ս են վերաբերվում այդ կարևոր գործին բնակչության տարբեր խավերը և Կարմիր բանակի զորամասերը: Շրջաբերականի վերջում Կովկասյան բյուրոն հույս է հայտնում, որ հանրապետությունների Կենտկոմներն ամենայն լրջությամբ կվերաբերվեն բարձրացրած հարցերին:<sup>592</sup>

<sup>590</sup> ՀԱԱ, ֆ. 162, ց. 1, գ. 2, ք. 23, 192, 195:

<sup>591</sup> Կարմիր Շիրակ, Ալեքսանդրապոլ, հոկտեմբերի 6, 1921, քիվ 21:

<sup>592</sup> ՀԱԱ, ֆ. 1, ց. 1, գ. 126, ք. 4:

Ի պատասխան նշված «մեղադրանքների», Ռուսաստանի սովյակներին օգնելու ՀՄԽՀ Կենտրոնական հանձնաժողովը 1921 թ. սեպտեմբերի 24-ին շտապում է հեռագրել Մոսկվա՝ Ռուսաստանի Կենտրոնական հանձնաժողովին: Ձեկուցագրում նշվում է, որ հանձնաժողովը հիմնվել է ՀՄԽՀ Ժողովմայրիի սեպտեմբերի 1-ի դեկրետով և ամփոփապես անցել աշխատանքի, տեղեկացվում է, որ սովյակներին օգնելու գործին մասնակցում է ամբողջ հայ ժողովուրդը, որը փորձում է հնարավորինս շատ օգնություն հավաքել և ուղարկել եղբայրական ռուս ժողովրդին:<sup>593</sup>

1921 թ. սեպտեմբերի վերջին ՀՄԽՀ Կենտրոնական հանձնաժողովը զեկուցագիր է ներկայացնում մահ Հ(Կ)Կ Կենտկոմ, ուր տեղեկություններ է հայտնում Հայաստանի տարբեր շրջաններում, Երևանի, Էջմիածնի, Նոր-Բայազետի, Լոռու, Դիլիջանի նահանգներում հանգանակած բնաձերբային և դրամական օգնության մասին: Նշելով, որ կապի անբավարարության պատճառով դժվար է ներկայացնել առավել ամբողջական և ամփոփ տվյալներ, հանձնաժողովը հուշում է, որ օգնության գործին թեև լծվել են ինչպես տեղական կուսակցական, արքեմիութենական մարմինները, այնպես էլ անկուսակցականները և բանակային գորամասերը, սակայն դեռ լուրջ աշխատանք է հարկավոր կատարել, որպեսզի խորությամբ ընկալվի օգնության գործի կարևորությունը և դրան ընդգրկվեն անխտիր բոլորը: Հանձնաժողովը նշում է, որ մեծ հույսեր է կապում նախատեսվող «Օգնության շարաքի» անցկացման հետ, և պարտավորվում է այսուհետ պարբերաբար ամբողջական տեղեկություններ ներկայացնել Հ(Կ)Կ Կենտկոմին:<sup>594</sup>

Հետևելով Ռուսաստանի օրինակին, ուր 1921 թ. սեպտեմբերի 26-ից - հոկտեմբերի 2-ը հայտարարվել էր Համառուսաստանյան օգնության շարաք, Հ(Կ)Կ Կենտկոմը հոկտեմբերի 3-ին որոշում է «Օգնության շարաքը» անցկացնել մահ Հայաստանում, և լայն քարոզարշավ հայտարարել մամուլում:<sup>595</sup>

1921 թ. աշնան-ձմռանը Խորհրդային Հայաստանի կենտրոնական և տեղական մամուլում բազմաթիվ կոչեր, հոդվածներ, տեղեկություններ և հաղորդագրություններ են տպագրվում: «Օգնեցեք Ռուսաստանի սովյակներին» առաջնորդող հոդվածում «Կարմիր Լոռի» թերթը գրում է. «Լոռու գյուղացիությունն իր օգնությամբ եղբայրական

<sup>593</sup> Советское содружество народов, с. 239-240.

<sup>594</sup> ՀԱԱ, ֆ. 1, ց. 1, գ. 126, ք. 7: Տե՛ս մահ ԲՀԱ, Երևան, 1972, քիվ 2, էջ 47-48:

<sup>595</sup> ՀԱԱ, ֆ. 1, ց. 1, գ. 39, ք. 40:

վերաբերմունք պետք է արտահայտի դեպի Խորհրդային Ռուսաստանը», «Անտարբերությունը՝ հանցանք է»: Նմանատիպ կոչեր տպագրվեցին քերթի մի շարք համարներում, քերթը պարբերաբար հաղորդումներ է գետեղում նաև Լառու տարբեր բնակավայրերում հանգանակած օգնության մասին:<sup>596</sup>

Լայն քարոզարշավ ծավալեցին նաև «Խորհրդային Հայաստան», «Կարմիր Շիրակ», «Կարմիր Զինվոր» և այլ քերթերը:

ՀՍԽՀ Ժողկոմխորհի նախագահությունը 1921 թ. հոկտեմբերի 13-ին որոշում է հակտեմբերի 23-ից նոյեմբերի 1-ը հայտարարել «Մերծվողայի սովյալներին օգնելու շաբաթ», կազմակերպման և անցկացման դեկավարությունը դրվում է Կենտրոնական Եռյակի վրա, վերջինիս աշխատանքը հայտարարվում է հարվածային: ՀՍԽՀ բոլոր հիմնարկություններին և կազմակերպություններին առաջարկվում է ամեն տեսակի օժանդակություն ցույց տալ Կենտրոնական Եռյակին:<sup>597</sup> Վերջինս անմիջապես գործի է անցնում, նրա նախագահ Ալ. Իսահակյանի ստորագրությամբ շրջաբերականում նշվում է. որ հայտարարված «Օգնության շաբաթը» հետապնդում է մեկ գլխավոր նպատակ՝ հնարավորինս շատ փող, կենսամթերք և այլ ապրանքներ հանգանակել ու փոխանցել Մերծվողայի սովյալների օգտին: Կենտրոնական Եռյակի նախագահը կոչ է անում ամենուրեք հիմնել տեղական եռյակներ և բարձր մակարդակով անցկացնել «Օգնության շաբաթը»:<sup>598</sup>

Մերծվողայի սովյալներին օգնելու գործը Հայաստանում շարունակվեց նաև 1921-1922 թթ. ծմռանը: Շնորհակալ այդ գործին միացան նաև սրևմտահայ զանգվածները, այսպես՝ Վրաստանում ՀՍԽՀ Արևմտահայ բյուրոյի նախագահը 1922 թ. հունվարի 12-ին Ալ. Մյասնիկյանին տեղեկացնում է, որ հունվարի 15-ին Կոնստանդնուպոլիսի դահլիճում կազմակերպվելու է բարեգործական համերգ, որից ստացած հասույթի 10 %-ը գումարվելու է արևմտահայերի կողմից հանգանակված այլ միջոցներին, և փոխանցվելու է Մերծվողայի սովյալներին: Բյուրոյի նախագահը խնդրում է Մյասնիկյանին ներկա գտնվել բարեգործական համերգին:<sup>599</sup>

<sup>596</sup> Կարմիր Լառի, Ջալալօղլի, սեպտեմբերի 22, 29, հոկտեմբերի 2, 16, 30, նոյեմբերի 13, 1921, թիվ 15, 17, 18, 22, 25, 27:

<sup>597</sup> Տե՛ս ՀԱԱ, ֆ. 114, ց. 1, գ. 97, ք. 44:

<sup>598</sup> Տե՛ս ՀԱԱ, ֆ. 1, ց. 1, գ. 126, ք. 9: Տե՛ս նաև ԲՀԱ, Երևան, 1972, թիվ 2, էջ 46-47:

<sup>599</sup> ՀԱԱ, ֆ. 114, ց. 1, գ. 136, ք. 142:

Այսպիսով, գտնվելով սոցիալական ծանր կացության մեջ, հայ ժողովուրդը, այնուհանդերձ, իր սրտացավ վերաբերմունքը ցուցաբերեց Ռուսաստանի սովյալներին, և իր օգնության լուսան ներդրեց եղբայրակից ռուս ժողովրդին օգնելու համընդհանուր գործում: «Ծիշտ է, այդ օգնությունը մեծ չէր, բայց այն կարևոր և ուսանելի ևր խորհրդային ժողովուրդների բարեկամության, նրանց ևրբայրական սամոր կապերի առումով»:<sup>600</sup>

---

<sup>600</sup> Հայ ժողովրդի պատմություն, հ. 7, Լջ 192-193:

## Ա Մ Փ Ո Փ ՈՒ Մ

Հայաստանի և Ռուսաստանի 1920-1922 թթ. հարաբերությունների պատմության հանգամանալից ուսումնասիրման արդյունքում կարելի է հանգել հետևյալ եզրահանգումների.

• Հայաստանը խորհրդայնացնելու խնդիրը Խորհրդային Ռուսաստանի իշխանություններն առաջին հերթին կարևորում էին տարածաշրջանային շահերի տեսանկյունից, Անդրկովկասյան ամբողջ տարածաշրջանը խորհրդայնացնելու և խորհրդային ազդեցության ոլորտում պահելու, քեմալական Թուրքիայի հետ անմիջական հաղորդակցության ցամաքային կապ հաստատելու անհրաժեշտությամբ:

Քեմալաբուլճիկյան ռազմաքաղաքական ուժգին ճնշումների տակ 1920 թ. վերջին դադարեց գոյություն ունենալ Հայաստանի Առաջին Հանրապետությունը, նրան փոխարինեց Հայաստանի Երկրորդ՝ Սոցիալիստական Խորհրդային Հանրապետությունը: Ժամանակի միջազգային հարաբերություններում և տարածաշրջանում ստեղծված քաղաքական բարդ իրավիճակում՝ Հայաստանի արևմտյան դաշնակիցների դատապարտելի անգործության, Խորհրդային Ռուսաստանի որդեգրած արևելյան քաղաքականության, որը հիմնված էր քեմալական Թուրքիայի հետ սերտ համագործակցության վրա, Խորհրդային Ադրբեջանի՝ թշնամական, Վրաստանի հանրապետության՝ ոչ բարեկամական տրամադրվածության պայմաններում, Հայաստանի խորհրդայնացումն անխուսափելի էր:

• Խորհրդային Հայաստանում իշխանության առաջին ամիսներին հայ բուլճիկները մեխանիկորեն կրկնեցին Խորհրդային Ռուսաստանում 1918-1920 թթ. բուլճիկների կիրառած կառավարման ձևերը, և փորձում էին իրականացնել նույն քաղաքականությունը: Ինչպես խորհրդային մյուս հանրապետություններում, Հայաստանում նույնպես հաստատվեց կոմունիստական (բուլճիկյան) կուսակցության մենիշխանությունը:

Բուլճիկներին կողմից Հայաստանում գործադրված բռնությունների քաղաքականությունը հանգեցրեց ներքաղաքական իրադրության կտրուկ սրմանը: Հայաստանի խորհրդայնացումից ընդամենը երկուս ու կես ամիս անց, 1921 թ. փետրվարի կեսերին երկրում սպառնալիցություն բռնկվեց, որի արդյունքում խորհրդային իշխանությունը Հայաստանի մի մասում տապալվեց:

Փետրվարյան ապստամբության պարտությունը և խորհրդային իշխանության վերահաստատումը Հայաստանում անխուսափելի էր, քանի որ խորհրդային իշխանության քիկունքին կանգնած էր Խորհրդային Ռուսաստանը և Կարմիր բանակը:

Փետրվարյան ապստամբությունը սքափեցնող ներգործություն ունեցավ խորհրդային իշխանությունների վրա, ստիպեց առավել զգուշորեն իրականացնել խորհրդային իշխանությունը Հայաստանում:

- Ռուսաստանի և Հայաստանի խորհրդային իշխանությունների նկատմամբ հայ ժողովրդի վերաբերմունքը և վստահության հարցը կապված էր ՀՍԽՎ սահմանների հարցի արդարացի լուծման հետ:

Հայաստանի խորհրդայնացումով ռազմաքաղաքական նպաստավոր իրավիճակ ստեղծվեց հայ-վրացական տարածքային վիճելի խնդիրներից մեկը՝ Լոռու չեզոք գոտու խնդիրը, Հայաստանի օգտին լուծելու համար: Եթե Խորհրդային Ռուսաստանի համար Լոռու չեզոք գոտում վրացական զինագրավման դեմ բարձրացրած ապստամբությունը նախևառաջ կարևորվում էր Վրաստանի խորհրդայնացման հեռանկարներով, ապա վրացական զինագրավումից Լոռին ազատագրելը և Խորհրդային Հայաստանին միացնելը նրա բնակչության միահամուռ ցանկությունն էր:

Լոռու ազատագրումը վրացական զինագրավումից և Հայաստանին միացնելը հանդիսացավ խորհրդային երկու հանրապետությունների՝ Ռուսաստանի և Հայաստանի ռազմաքաղաքական համագործակցության առաջին արդյունքը:

- Հայաստանի խորհրդայնացումը նոր հունի մեջ դրեց նաև Չանգեզուրի և Լեռնային Ղարաբաղի հայրը: Եթե հայ ժողովրդի մեծ զավակ Գարեգին Նժդեհի գլխավորած հերոսական պայքարի շնորհիվ Չանգեզուրը կազմեց Խորհրդային Հայաստանի անբաժան մասը, ապա Լեռնային Ղարաբաղը ՌԿ(Բ)Կ Կովկասյան բյուրոյի 1921 թ. հուլիսի 5-ի պլենումի ոչ օրինական որոշումով միացվեց Խորհրդային Սովետների: Դրանով իսկ կոպտորեն խախտվեց միջազգային իրավունքի հիմնարար՝ ազգերի ինքնորոշման իրավունքի սկզբունքը, ոտնահարվեցին Ղարաբաղի հայ բնակչության իրավունքները, անտեսվեցին Խորհրդային Հայաստանի շահերը:

- Հայաստանի խորհրդայնացումով դարձյալ առաջին պլան մղվեց խորհրդաքուրքական նոր կոնֆերանս իրավիքելու հարցը: Հայքուրքական սահմանի որոշման հարցը Ռուսաստանի իշխանությունները շարունակում էին կապել խորհրդաքեմալական հակաիմպերիա-

լիստական դաշինք ստեղծելու խնդրի հետ, այն կազմում էր բուլշևիկներին արևելյան քաղաքականության առանցքը: Թուրքիան և «ամբողջ Արևելքը» խորհրդայնացնելու բուլշևիկյան ծրագրերը դեռևս շարունակում էին օրակարգում մնալ, քեև դրանց մասին չէր բարձրաձայնվում:

1921 թ. մարտի 16-ի Մոսկվայի «Ռուս-թուրքական բարեկամության և եղբայրության» պայմանագրով Խորհրդային Ռուսաստանը ճանաչեց թուրքական «Ազգային ուխտը», Թուրքիային զիջեց Կարսի մարզը, Սուրմալուի գավառը (հայոց խորհրդանիշ Արարատ լեռով), որը երբեք նրա կազմում չէր եղել, Նախիջևանի երկրամասը (Շարուր-Դարալագյազի շրջանի հարքավայրային մասով), ինքնավար տարածքի կարգավիճակով փոխանցվեց Խորհրդային Ադրբեջանի խնամակալությանը:

Ռուս-թուրքական «դավադիր գործարքով» Հայաստանից խլվեցին և Թուրքիային ու Խորհրդային Ադրբեջանին նվիրարկվեցին նրա սլատմական տարածքների մեծ մասը: Ոչ Խորհրդային Ռուսաստանը, և ոչ էլ քեմալական Թուրքիան որևէ իրավասություն չունեին տնօրինելու հայ ժողովրդի ճակատագիրը, ուստի տարածքային սահմանազատման հարցերում Մոսկվայի, ինչպես նաև նրանից անմիջականորեն բխող Կարսի պայմանագրերի նկատմամբ Հայաստանն իրավական պարտավորություն կրել չի կարող:

Մոսկվայի և Կարսի ոչ օրինական պայմանագրերով Խորհրդային Հայաստանը դարձավ խորհրդային արևելյան քաղաքականության «փրկագինը», շղթայվեց «համաշխարհային հեղափոխության» սնանկ գաղափարախոսության շղթաներով:

Մյուս կողմից՝ Ալեքսանդրապոլի բուրք-հայկական պայմանագրի առկայությունը, հայկական տարածքների՝ քեմալական գործերի զինագրավման տակ գտնվելու փաստը, Խորհրդային Ռուսաստանի քեմալական Թուրքիայի համար բարենպաստ միջազգային իրադրությունը, հնարավորություն չտվեցին խորհրդային դիվանագիտությանը Մոսկվայի և Կարսի կոնֆերանսներում իր կամքը քելադրել Թուրքիային, և փոփոխություններ կատարել Ալեքսանդրապոլի պայմանագրով գծված բուրք-հայկական սահմանում: Հայաստանի համար միակ որականք քերևս կարելի է համարել այն, որ Մոսկվայի և Կարսի պայմանագրերով Թուրքիան ճանաչեց Հայաստանի ինքնիշխանությունը, զրկվեց նրա ներքին գործերին միջամտելու հնարավորությունից:

Հայաստանի սահմանների որոշման հարցում Խորհրդային Ռուսաստանը չպաշտպանեց հայ ժողովրդի շահերը, դրանք զոհարե-

րեց քեմալական Թուրքիայի հետ համագործակցության վրա հիմնված իր արևելյան քաղաքականության հեռանկարներին: Ոչ միայն Արևմտյան, այլև Արևելյան Հայաստանի պատմական տարածքների զգալի մասը մնաց Թուրքիայի, Ադրբեջանի և Վրաստանի կազմում, դրանով իսկ տարածաշրջանում ուժեղացավ թուրք-ադրբեջանա-վրացական գործոնը, թուլացավ՝ հայկականը:

- Խորհրդային հանրապետությունների պաշտպանության, տնտեսության վերականգնման, փոխօգնության, ռազմաքաղաքական սերտ հարաբերություններ հաստատելու ընդհանուր շահերը «Հրամայաբար թելադրում էին առանձին խորհրդային հանրապետությունների պետական միավորումը»:

Խորհրդային Հայաստանի և Ռուսաստանի միջպետական հարաբերությունների ձևավորման գործընթացը սերտորեն շաղկապված էր անդրկովկասյան հանրապետությունների և Ռուսաստանի միջև ձևավորվող հարաբերությունների հետ, և ընթանում էր զուգահեռ:

Ի տարբերություն Վրաստանի և Ադրբեջանի, Անդրֆեդերացիայի շտապ կազմավորման հարցում Հայաստանի ղեկավարությունն անվերապահորեն պաշտպանում էր Կովկասյան բյուրոյի քաղաքականությունը, քանզի համոզված էր, որ ֆեդերացիայի գաղափարը բխում է Հայաստանի և հայ ժողովրդի շահերից: Հայաստանի իշխանությունները դրանում էին տեսնում երկիրը և ժողովրդին սոցիալ-տնտեսական ծանր վիճակից դուրս հանելու միակ ճանապարհը:

- 1921 թ. ամբողջ ընթացքում Խորհրդային Ռուսաստանի իշխանություններն աստիճանաբար ուժեղացնում էին իրենց քաղաքական ազդեցությունը խորհրդային հանրապետությունների, այդ թվում և Հայաստանի, թե ներքին, և թե արտաքին քաղաքականության մեջ: Եթե ներքին քաղաքականությանն առնչվող հարցերում ազգային հանրապետությունները, այնուամենայնիվ, զգալի ինքնուրույնություն ունեին, ապա արտաքին քաղաքականության հարցերում՝ այն հետևողականորեն աստիճանաբար իսպառ վերացվեց:

Սակայն գրկելով խորհրդային հանրապետություններին, այդ թվում և Հայաստանին, ինքնուրույն արտաքին քաղաքականություն վարելու իրավունքից, Խորհրդային Ռուսաստանը միաժամանակ ստանձնել էր միջազգային ասպարեղում նրանց շահերը ներկայացնելու և պաշտպանելու պարտավորությունը:

• Խորհրդային Ռուսաստանի կուսակցական և պետական իշխանությունները 1921-1922 թթ. աստիճանաբար կյանքի էին կոչում ՌԿ(բ)Կ 10-րդ համագումարում որդեգրած՝ «խորհրդային հանրապետությունների պետական միավորմանը» տանող քաղաքականությունը: Սակայն, խնդիրը դնելով հիմնականում ճիշտ, բոլշևիկյան կուսակցությունը իրականում որդեգրեց ազգերի ծուլման, խորհրդային ազգային հանրապետությունների ներքին և արտաքին ինքնուրույնության իրավազրկման, դուսակարգային և կուսակցական շահերը ազգային շահերից վեր դասելու քաղաքականություն, ինչը շղարշվում էր համաշխարհային սոցիալիստական հեղափոխության շահերով:

1922 թ. երկրորդ կեսից Ռուսաստանի բոլշևիկյան կուսակցությունը, հատկապես նրա կենտրոնամետ թևը, Ստալինի գլխավորությամբ, որոշեց վերջ տալ խորհրդային որոշ հանրապետություններում նկատվող անջատողական տրամադրություններին, և այն խառնաշփոթ իրավիճակին, որ ստեղծվել էր այդ հանրապետությունների և Ռուսաստանի փոխհարաբերություններում:

Կոմունիստական կուսակցությունը օգոստոսից գործնական քայլերի դիմեց Ռուսական նախկին կայսրության տարածքի վրա առաջացած խորհրդային հանրապետությունների հետ ՌՍՖՍՀ-ի միջպետական փոխհարաբերությունները վերջնականապես կարգավորելու ուղղությամբ:

Հայաստանի ղեկավարությունը պաշտպանում էր ՌՍՖՍՀ-ի հետ պետական միավորման գաղափարը և ինչպես Անդրֆեդերացիայի կազմավորման, այնպես էլ Ռուսաստանի հետ միավորման հարցում առաջին պլան էր դնում տնտեսական շահերը, պատրաստ էր հանուն դրանց գնալ Հայաստանի ինքնիշխանության զգալի սահմանափակումների:

ԽՍՀՄ կազմավորման գործընթացը պաշտոնապես ավարտվեց 1922 թ. դեկտեմբերի վերջին: Խորհրդային չորս հանրապետությունների կողմից լիազորված պատվիրակությունների կոնֆերանսը դեկտեմբերի 29-ին հաստատեց ԽՍՀՄ կազմավորման մասին Հռչակագրի և Միությանական պայմանագրի նախագծերը: Հռչակագրում արձանագրվեց, որ ԽՍՀՄ-ը բաց է խորհրդային բոլոր հանրապետությունների համար, և նրա կազմավորումը վճռական քայլ է՝ մոտ ապագայում «Համաշխարհային Սոցիալիստական Խորհրդային Հանրապետություն ստեղծելու ճանապարհին»:

Թեև, ի տարբերություն ստալինյան «ավտոնոմիզացիայի ծրագրի» ԽՍՀՄ-ի կազմավորումը որակապես առաջընթաց քայլ էր, այնուհանդերձ՝ նրա ստեղծումը, կարծում ենք, հասունացած չէր:

Չամտեսելով խորհրդային հասարակարգում գոյություն ունեցող բացասական երևույթները, կոմունիստական կուսակցության ամենատիրությունը, նրա կողմից կազմակերպված բռնությունները, այլախոհության հետապնդումը և այլն, ԽՍՀՄ կազմում խորհրդային հանրապետությունները, այդ թվում՝ Հայաստանը, պահպանելով ազգային պետականությունը, ունեին տարածքային ինքնավարության իրական կարգավիճակ, պաշտպանված էին արտաքին սպառնալիքներից, ստացան տնտեսական զարգացման լայն հնարավորություններ:

- Ստանձնելով իշխանությունը Հայաստանում հայ կոմունիստները զիտակցում էին, որ երկրում խորհրդային կարգեր հաստատելու գործընթացի հաջողությունն ամբողջությամբ կախված է լինելու Խորհրդային Ռուսաստանի կողմից տրամադրվելիք սոցիալ-տնտեսական օգնության չափերից, դա էին դիտում Հայաստանի խորհրդային հանրապետության կայացման և գոյության միակ երաշխիքը:

Սակայն, 1920 թ. վերջին Ռուսաստանը հայտնվել էր սոցիալ-տնտեսական խորր ճգնաժամում: Համաշխարհային և քաղաքացիական պատերազմների հետևանքով երկիրը կորցրել էր ազգային հարստության ավելի քան քառորդ մասը: Այս ամենը նվազեցնում էր Ռուսաստանի առանց այն էլ սակավ հնարավորությունները խորհրդային հանրապետություններին, այդ թվում՝ Հայաստանին բավարար չափով օգնություն տրամադրելու խնդրում:

Այն չնչին օգնությունը, որ խորհրդային իշխանության առաջին ամիսներին (մինչև փետրվարյան ապստամբությունը) մեծ դժվարություններով հասնում էր Հայաստան, հիմնականում տրամադրվում էր Կարմիր բանակի զորամասերին: Սակայն պետք է նշել, որ խորհրդային իշխանությունները մտահոգ էին նաև Հայաստանի բնակչության համար օգնություն հասցնելու խնդրով, այլ հարց է, թե որքանով էր դա նրանց հաջողվում: Եթե Հայաստանի խորհրդայնացումով հայ ժողովրդի մի հատվածը փրկվեց ֆիզիկական բնագոյնի քուրքական սպառնալիքից, ապա խորհրդային իշխանության առաջին ամիսներին նրա սոցիալ-տնտեսական դրությունն էլ ավելի վատթարացավ:

- 1921 թ. գարնանից Ռուսաստանի կառավարությունը գործունե միջոցներ ձեռնարկեց Հայաստանին մեծածավալ օգնություն հասկացնելու ուղղությամբ: Խորհրդային Հայաստանի ավերված տնտես-

սուքյան վերելքն ապահովելու գործում նշանակալի դեր էր խաղալու նոր տնտեսական քաղաքականությունը, որը մշակվել էր Ռուսաստանում և կիրառվեց նաև Հայաստանում՝ հարմարեցված Հայաստանի առանձնահատկություններին:

1921 թ. երկրորդ կեսից Խորհրդային Ռուսաստանի օգնության ծավալներն ընդլայնվեցին: Խորհրդային Ռուսաստանի կառավարության տրամադրած փոխերով Հայաստանի համար անհրաժեշտ պարենամթերք, տնտեսական և արդյունաբերական տարբեր ապրանքներ ձեռք բերելու գործում մեծ աշխատանք էր կատարում ՌՍՖՍՀ կառավարությանը կից ՀՍԽՀ լիազոր ներկայացուցչությունը՝ Ս. Տեր-Գաբրիելյանի ղեկավարությամբ:

Ռուսաստանի կենտրոնական մարմինները աջակցում էին ՀՍԽՀ իշխանություններին նրանց կողմից բարձրացված սոցիալ-տնտեսական բնագավառի գրեթե բոլոր հարցերում, և հնարավորինս օգնություն տրամադրում Հայաստանի բնակչությանը: Եվ եթե 1921 թվականին Խորհրդային Ռուսաստանի կողմից Հայաստանին տրամադրված օգնությունը գրեթե ամբողջությամբ հատկացվում էր երկրի սպառողական պահանջները բավարարելու, ժողովրդին կերակրելու համար, ապա՝ հատկապես 1922 թ. աշնանից, երբ որոշ չափով վերակենդանացավ և ոտքի էր կանգնում գյուղատնտեսությունը, հաղթահարվում էր սովը, Ռուսաստանի օգնությունն ուղղվեց Հայաստանի արդյունաբերական համալիրի վերականգնմանը, նոր արտադրամասերի կառուցմանը, հետևաբար՝ աշխատատեղերի ստեղծմանը, ինչը մեծ նշանակություն ուներ երկրի առաջընթացն ապահովելու համար:

1921-1922 թթ. Խորհրդային Ռուսաստանը Հայաստանին օգնություն ցույց տվեց նաև մշակույթի, լուսավորության, գիտության, բժշկության և այլ բնագավառներում՝ փորձառու մասնագետներ, մեծ քանակությամբ օժանդակ գրականություն, բժշկական սարքավորումներ, դեղորայք և այլ նյութեր ուղարկելով Հայաստան: Ռուսաստանի կողմից տրամադրված բազմակողմանի օգնության շնորհիվ 1922 թ. վերջերին Հայաստանում հաղթահարվեց շուրջ 250 հազար բնակչություն ընդգրկող սովը, անցյալում էին մնում համաճարակային հիվանդությունները, աշխուժանում էր երկրի արդյունաբերությունն ու գյուղատնտեսությունը, աստիճանաբար բարձրանում էր ժողովրդի կենսամակարդակը: Նշված ժամանակահատվածում փաստորեն դրվեց այն հիմքը, որի վրա զարգացավ և աննախադեպ հաջողությունների հասավ Հայաստանի ժողովրդական տնտեսությունը, գիտությունն ու մշակույթը խորհրդային ամբողջ ժամանակաշրջանում:

- 1921-1922 թթ. Խորհրդային Ռուսաստանի բնակչության մի զգալի մասը հայտնվել էր սովի ճիրաններում: Այն առավել մեծ չափերի հասավ Ռուսաստանի հատկապես մերձվոլգյան շրջաններում և ընդգրկեց մոտ 15 միլիոն մարդ:

Սովյալներին օգնելու գործի կազմակերպումը դարձավ Խորհրդային Ռուսաստանի իշխանությունների առաջնահերթ խնդիրներից մեկը: Ինչպես աշխարհի մի շարք պետությունները, այնպես էլ Ռուսաստանին դաշնակից Խորհրդային հանրապետությունները շտապեցին օգնության ձեռք մեկնել Ռուսաստանի մերձվոլգյան շրջանների սովյալներին: Շնորհակալ այդ գործին անմասն չմնաց նաև հայ ժողովուրդը, որը քաջ գիտեր թե ինչ է սովը, և չէր ուրանում ռուս ժողովրդի եղբայրական օգնությունը: Հայաստանի բնակչության անխտիր բոլոր խավերը շտապեցին իրենց սուղ միջոցներից բաժին հատկացնել Ռուսաստանի սովյալներին՝ նրանց օգտին փոխանցելով աշխատավարձի, մթերային օրապահիկների մի մասը, գյուղմթերքներ, կանխիկ դրամ և այլն: Գտնվելով սոցիալական ծանր կացության մեջ, հայ ժողովուրդը, այնուհանդերձ, իր սրտացավ վերաբերմունքը ցուցաբերեց Ռուսաստանի սովյալներին, և իր օգնության լուծանքները եղբայրակից ռուս ժողովրդին օգնելու համընդհանուր գործին:

- Հայաստանի և Ռուսաստանի 1920-1922 թթ. փոխհարաբերությունների պատմության հանգամանալից ուսումնասիրման արդիականությունը պայմանավորված է նաև նրանով, որ ԽՍՀՄ փլուզումից հետո Հայաստանի Հանրապետությունը և Ռուսաստանի Դաշնությունը որպես անկախ ու ինքնիշխան պետություններ, միջազգային հանրության լիիրավ անդամներ, շարունակում են զարգացնել երկու երկրների և ժողովուրդների միջև պատմականորեն ձևավորված բարեկամական սերտ հարաբերությունները: Դրանք, ի տարբերություն 1920-1922 թթ. հարաբերությունների, կաշկանդված չեն կոմունիստական կուսակցության գաղափարական կապանքներով, հիմնվում են իրավահավասարության սկզբունքի վրա:

Երկու պետությունների միջպետական փոխհարաբերությունները կառուցվում են թե երկկողմանի, և թե բազմակողմանի պայմանագրերի և համաձայնագրերի հիման վրա: Նախկին ԽՍՀՄ հանրապետությունների մեծ մասի հետ միասին Ռուսաստանը և Հայաստանը հանդիսանում են Խորհրդային Միության փլուզումից հետո 1991 թ. դեկտեմբերին կազմավորված Անկախ Պետությունների Համագործակցության (ԱՊՀ) հիմնադիր անդամներ և ակտիվորեն մասնակցում

են ԱՊՀ շրջանակներում տեղի ունեցող ռազմաքաղաքական և տնտեսական ինտեգրման գործընթացներին: Հայաստանի Հանրապետության և Ռուսաստանի Դաշնության միջև երկկողմանի առաջին պայմանագիրը՝ «Բարեկամության, համագործակցության և փոխադարձ անվտանգության» մասին, ստորագրվեց 1991 թ. դեկտեմբերի 29-ին Մոսկվայում: Հետագա տարիներին Հայաստանի և Ռուսաստանի միջև ստորագրվեցին տարբեր բնագավառներում համագործակցելու մասին տասնյակ համաձայնագրեր և պայմանագրեր: Ռուսաստանի ակտիվ և վճռական միջնորդության շնորհիվ ԼՂՀ - Ադրբեջան հակամարտության գոտում 1994 թ. գարնանը հաստատված հրադադարից հետո հայ-ռուսական ռազմաքաղաքական հարաբերություններում արմատական բեկում կատարվեց. անշեղորեն զարգանալով, դրանք վերածեցին ռազմաքաղաքական սերտ դաշինքի: 1995 թ. մարտի 16-ին Մոսկվայում ստորագրվեց Հայաստանի տարածքում ռուսական ռազմակայան հիմնելու մասին հայ-ռուսական համաձայնագիր, որը ԱՊՀ երկրների միջպետական հարաբերությունների մեջ աննախադեպ փաստաբույր է: Համաձայնագիրը, որ ուղղված չէ որևէ երրորդ պետության դեմ, և կոչված է նպաստելու ԱՊՀ արտաքին սահմանների անվտանգության ապահովման գործին, ամրապնդեց ռուսական գորակազմի Հայաստանում գտնվելու իրավական կարգավիճակը, կարգավորեց հայ-քուրքական և հայ-իրանական սահմանները համատեղ պաշտպանելու խնդիրը: Մարտի 16-ի հայ-ռուսական համաձայնագիրը, որի ստորագրման օրն իսկ խորհուրդ է պարունակում (հիշենք 1921 թ. մարտի 16-ի ռուս-քուրքական պայմանագիրը), վկայեց ռազմական ոլորտում երկու երկրների միջև փոխվստահության և սերտ համագործակցության մասին: Հայ-ռուսական ռազմական համաձայնագրին հաջորդեց երկու ժողովուրդների համար քաղաքական և բարոյական բացառիկ մեծ նշանակություն ունեցող և մեկ պատմական իրադարձություն՝ Հայոց ցեղասպանության 80-ամյակի նախօրեին (1995 թ. ապրիլի 14-ին) Ռուսաստանի Դաշնության Պետական Դոման հատուկ որոշումով դատապարտեց 1915-1922 թթ. Օսմանյան Թուրքիայում հայերի բնաջնջման կազմակերպիչներին և, արտահայտելով իր խոր կարեկցանքը հայ ժողովրդին, ապրիլի 24-ը ճանաչեց Հայոց ցեղասպանության զոհերի հիշատակի օր: Պետդոմայի հայտարարության մեջ (որն ընդունվեց միաձայն) իրատեսորեն արձանագրվեց. «Իր սլատմական հայրենիքում եղբայրական հայ ժողովրդի ֆիզիկական բնաջնջումը կատարվել է Ռուսաստանի քայքայման համար պայմաններ ստեղծելու նպատակով»:

Հայաստանի Հանրապետության և Ռուսաստանի Դաշնության միջպետական փոխհարաբերությունները հիմնվում են 1997 թ. օգոստոսի 29-ին Մոսկվայում երկու հանրապետությունների նախագահների կողմից ստորագրված «Ռուսաստանի Դաշնության և Հայաստանի Հանրապետության միջև բարեկամության, համագործակցության և փոխադարձ օգնության մասին» հիքսավի պատմական պայմանագրի վրա: Հայ-ռուսական «Մեծ պայմանագիրը» որոշում է երկու պետությունների և քաղաքական, և տնտեսական, և մարդասիրական, և ռազմատեխնիկական համագործակցությունը: Նրանում սմբագրված է, որ Ռուսաստանը և Հայաստանը պարտավորվում են, կողմերից մեկին սպառնացող վտանգի դեպքում՝ փոխօգնության մասին: Հայ-ռուսական պայմանագրի, ինչպես նաև «Ռուս-հայկական համատեղ Հռչակագրի» ստորագրման կապակցությամբ ՌԴ նախագահ Բորիս Ելցինը հայտարարեց. պայմանագիրը ստորագրվել է «ռուս և հայ ժողովուրդների կամքով» և «համապատասխանում է երկու պետությունների կենսական և երկարաժամկետ շահերին, դա երկկողմանի հարաբերությունների որակապես նոր փուլ է, հարաբերությունների, որոնք հասել են ռազմավարական գործակցության մակարդակի»: 1997 թ. օգոստոսի 29-ին և 30-ին Մոսկվայում ստորագրված հայ-ռուսական պայմանագրերը հուժկու ազդակ հաղորդեցին Հայաստանի և Ռուսաստանի քաղաքական և տնտեսական հարաբերությունների զարգացմանը:

Նոր հազարամյակի սկզբին Հայաստանը և Ռուսաստանը շարունակում են սերտ համագործակցել քաղաքական և ռազմական, սոցիալ-տնտեսական և գիտամշակութային ոլորտներում, ռազմավարական շահերից բխող միևնույն մոտեցումներն ու դիրքորոշումներն ունեն միջազգային հարաբերությունների, տաղածաշրջանային բազմաբնույթ եիմնախնդիրների նկատմամբ, համդիսանում են ռազմավարական դաշնակիցներ:

## Р Е З Ю М Е

В монографии на общем историческом фоне исследуемого периода рассматриваются проблемы взаимоотношений Советской России и Армении. Показывается, что защищая свои геополитические интересы большевистская Россия уже весной 1920 года предприняла военно-политические действия для советизации Закавказья и возвращения региона в сферу своего геополитического влияния.

Осенью 1920 г. потерпев тяжелое поражение в развязанной кемалистами, при поддержке большевиков, турецко-армянской войне, и попав под военно-политическое давление кемалистской Турции и Советской России, Армения была советизирована, провозглашена независимой советской республикой.

После советизации Армении до образования Закавказской федерации и СССР в конце декабря 1922 г., Советская Армения по сути являлась самостоятельной республикой, между ней и Советской Россией установились межгосударственные, военно-политические, социально-экономические и культурные тесные отношения. В этом союзе большевики видели спасение Армении от турецкой опасности и тяжелого экономического кризиса.

В работе освещены следующие основополагающие вопросы армяно-российских отношений.

Армения и процесс ее советизации в контексте восточной политики Советской России и большевистско-кемалистских отношений весной-осенью 1920 г.; армяно-российское соглашение от 2-го декабря 1920 г. о советизации Армении, и ее внутреннее и внешнее военно-политическое значение.

Политика военного коммунизма в Советской Армении и ее тяжелые социально-политические последствия; февральское вооруженное восстание 1921 г. в Армении, ее подавление силами Красной Армии и восстановление советской власти.

Вопрос армянских территорий и армяно-турецкой границы в сфере восточной политики Советской России в 1921 г. (Московская и Карсская советско-турецкие конференции); армяно-российское военно-политическое сотрудничество в деле освобождения Лорийской нейтральной зоны от грузинской оккупации; советизация Грузии; советизация Закавказья; отторжение большевиками Нагорного Карабаха от Армении на основе незаконного решения Кавбюро от 5-го июля 1921 г..

Установление и развитие межгосударственных отношений Советской Армении и России; армяно-российское сотрудничество в процессе государственно-правового объединения советских республик Закавказья, и последующего образования СССР.

Социально-экономическое положение Армении в первые месяцы советской власти и вопрос помощи Советской России; армяно-российские экономические связи и многосторонняя помощь Советской России в 1921-1922 гг.; помощь армянского народа голодающим Поволжья России во второй половине 1921 - начале 1922 гг.

Выводы и обобщения, исторический опыт армяно-российских отношений полезны для понятия сути современных отношений Армении и России, которые после распада СССР продолжают неуклонно развиваться.

29-го декабря 1991 г., сразу после образования СНГ, в Москве между Российской Федерацией и Республикой Армения был подписан первый двусторонний договор "О дружбе, сотрудничестве и взаимной безопасности".

В последующие 1992-1994 гг. были подписаны десятки взаимовыгодных соглашений о сотрудничестве в различных отраслях деятельности, торгово-экономический большой договор.

Благодаря активному и решительному посредничеству России в зоне Карабахско-азербайджанского конфликта весной 1994 г. было достигнуто долгожданное перемирие.

16-го марта 1995 г. в Москве было подписано российско-армянское военно-политическое соглашение о дислокации вооруженных сил Российской Федерации на территории Армении. Соглашением, которое не направлено против какой-либо третьей стороны, был решен также важнейший вопрос совместной охраны армяно-турецкой и армяно-иранской границ. Военно-политическому соглашению, день подписания которого таил в себе некоторый смысл (вспомним большевистско-кемалистский захватнический договор 16-ого марта 1921 года), последовало не менее важное историческое событие, имевшее для наших народов исключительное значение.

Накануне 80-летия чудовищного геноцида армянского народа в Османской Турции, 14-го апреля 1995 г. Государственная Дума Российской Федерации от имени русского народа осудила организаторов истребления армян в 1915-1922 гг., выразила свое глубокое сожаление всему армянскому народу, и признала "24-ое апреля" Днем памяти жертв геноцида. В заявлении Госдумы, которое было принято единогласно, справедливо и прозорливо отмечено, "что физическое уничтожение братского армянского народа на его исторической родине было совершено с целью создания благоприятных условий для разрушения России".

Параллельно с успешным военно-политическим сотрудничеством из года в год расширяются и укрепляются торгово-экономические, научные и культурные отношения Армении и России.

Исторически сложившиеся дружественные союзнические отношения наших республик и народов, подписанием армяно-российского Большого договора от 29-го августа 1997 г. "О дружбе, сотрудничестве и взаимопомощи" поднялись на уровень стратегического партнерства. При подписании договора президент России Борис Ельцин заявил, что договор подписан по воле армянского и российского народов, соответствует жизненным и долгосрочным интересам обоих государств.

Мощный военно-политический, экономический союз Армении и России, основанный на общности их интересов, может и должен обеспечить надежную гарантию региональной стабильности, обуздать Турцию и идеологов пантюркизма. Союз двух государств может открыть новые перспективы для исправления вопиющих ошибок, допущенных большевиками в решении Армянского вопроса, и обеспечить мир и коллективную безопасность в регионе.

*1. Սկզբնաղբյուրներ*

**I. Հայաստանի Ազգային արխիվ (ՀԱԱ)**

- 1.1. Ֆ. 1, ց. 1, զգ. 5, 39, 45-47, 58, 85, 86, 105, 125, 126, ց. 2, զգ. 2-5, 10, 22, 48, 49, 115, 177:
- 1.2. Ֆ. 37, ց. 1, զգ. 3, 5, 9, 10, 28:
- 1.3. Ֆ. 38, ց. 1, զ. 5:
- 1.4. Ֆ. 102, ց. 1. զգ. 100, 114, 134:
- 1.5. Ֆ. 112, ց. 1, զ. 10:
- 1.6. Ֆ. 113, ց. 1, զգ. 9, 96<sup>3</sup>, ց. 2, զ. 96<sup>3</sup>, ց. 3, զգ. 7, 11, 14, 21, 23, 46, 61, 94, ց. 5, զ. 5, ց. 38, զ. 21, ց. 39, զ. 124, 160, 260, ց. 43, զ. 30, ց. 44, զ. 6:
- 1.7. Ֆ. 114, ց. 1, զգ. 4, 8, 9, 16, 42, 65, 68, 85, 97, 98, 126, 136, 158, 204, 221, 268, ց. 2, զգ. 3, 12, 15, 17, 18, 20, 31, 33, 35, 50, 57, 59, 63, 68, 70, 73, 74, 79, 94, 95, 96<sup>3</sup>. 132, 138, 166:
- 1.8. Ֆ. 115, ց. 1, զգ. 1, 167, 168:
- 1.9. Ֆ. 122, ց. 1, զգ. 55, 60:
- 1.10. Ֆ. 123, ց. 1, զգ. 40, 83, 290:
- 1.11. Ֆ. 128, ց. 1, զ. 1420:
- 1.12. Ֆ. 162, ց. 1, զ. 2, ց. 2, զ. 162:
- 1.13. Ֆ. 178, ց. 1, զ. 24:
- 1.14. Ֆ. 200, ց. 1, զգ. 42, 290, 427, 529, 581, 597, 602, ց. 2, զգ. 90, 94:
- 1.15. Ֆ. 298, ց. 1, զ. 38:
- 1.16. Ֆ. 1022, ց. 2, զ. 202, ց.3. զգ. 197, 270, 272, 275, 276, 290, 320, 325, 330, 335, 339, ց. 4, զգ. 71, 82, 368, ց. 5, զգ. 361, 367, 368, 373, 375, 382, 432, ց. 8, զգ. 117, 164, 197, 201, 218, 239, 251, 268, 273, 302, 304, 330:
- 1.17. Ֆ. 4001, ց. 1, զգ. 34, 35:
- 1.18. Ֆ. 4004, ց. 1, զգ. 42, 67:
- 1.19. Ֆ. 4033, ց. 2, զգ. 1154, 1158, 1185, 1187, 1194, 1309, 1330:
- 1.20. Ֆ. 4045, ց. 1, զգ. 241, 245:
- 1.21. Ֆ. 4047, ց. 1, զգ. 188, 190-192, 194:
- 1.22. Ֆ. 4049, ց. 1, զգ. 4, 6, 7, 35:
- 1.23. Ֆ. 4050, ց. 1, զգ. 6, 8:
- 1.24. Ֆ. Հավաքածու (միկրոժապավենների) 1, զ. 2, 3, 7:

## 2. Տպագիր սկզբնաղբյուրներ և փաստաթղթերի ժողովածուներ

### ա) Հայերեն

- 2.1. Խորհրդային Հայաստան: Հինգ տարի (1920-1925), Երևան, 1926:
- 2.2. Հայաստանը միջազգային դիվանագիտության և սովետական արտաքին քաղաքականության փաստաթղթերում (1828-1923), կազմողներ՝ Ջ.Ս. Կիրակոսյան, Ռ.Գ. Մահակյան, Եր., 1972:
- 2.3. Հայաստանի Հանրապետությունը 1918-1920 թթ.: Քաղաքական պատմություն (Փաստաթղթերի ժողովածու), կազմողներ՝ Գ. Գալոյան, Վ.Ղազախեցյան, Վ.Մելիքյան, Ս.Միրզոյան, Ա.Վիրաբյան, Եր., 2000:
- 2.4. Հեղափոխական կոմիտեները Հայաստանում (1920 թ. նոյեմբեր - 1922 թ. հունվար), (Փաստաթղթերի և նյութերի ժողովածու), Եր., 1974:
- 2.5. Հոկտեմբերյան սոցիալիստական մեծ ռոյություն և սովետական իշխանության հաղթանակը Հայաստանում (Փաստաթղթերի ժողովածու), խմբ. Ա. Մնացականյան, Եր., 1960:
- 2.6. Հ.Յ. Դաշնակցությունը և խորհրդային իշխանությունը (Փաստաթղթերի և նյութերի ժողովածու), Պատասխանատու խմբագիր և կազմող Վ.Ն. Ղազախեցյան, Եր., 1999:
- 2.7. ՀՄԽՀ արտգործժողովմատ, բյուլետեն Ա, Եր., 1921-1922:
- 2.8. ՀՄԽՀ բանվորների, գյուղացիների և կարմիր բանակայինների խորհուրդների Ա համագումարը, Եր., 1922:
- 2.9. ՀՄԽՀ դեկրետների և հրամանների ժողովածու, սլոակ 1-ին և 2-րդ, Էջմիածին, 1921:
- 2.10. ՀՄԽՀ կառավարության հաշվետվության նյութեր (1920-1922), Եր., 1923:
- 2.11. Սարգսյան Ե., Արեղյան Խ., Սարգսյան Ա., Բ. Լևորանի միսիան, (Փաստաթղթեր և նյութեր), «ԲՀԱ», Եր., 1967, թիվ 3:
- 2.12. Փաստաթղթեր և նյութեր ԽՍՀՄ կազմավորման մասին, «ԲՀԱ», Եր., 1972, թիվ 2:

### բ) Ռուսերեն

- 2.13. Борьба за победу Советской власти в Грузии (1917-1921), Тбилиси, 1958.
- 2.14. Восстановление народного хозяйства Арм. ССР (1921-1929), Ереван, 1958.

- 2.15. Восьмой Всероссийский съезд Советов... Стенографический отчёт, Москва, 1921.
- 2.16. Всемирный экономический, финансовый и политический сборник, Москва, 1923.
- 2.17. Геноцид армян: ответственность Турции и обязательства мирового сообщества (Документы и комментарий), отв. ред. Ю.Г. Барсегов, т. 1, Москва, 2002, т. 2, Москва, 2005.
- 2.18. Девятый Всероссийский съезд Советов... Стенографический отчёт, Москва, 1922.
- 2.19. Девятый съезд РКП(б). Стенографический отчёт, Москва, 1963.
- 2.20. Документы внешней политики СССР, тт. II-VI, Москва, 1958-1962.
- 2.21. Из истории образования СССР. "Известия ЦК КПСС", Москва, 1989, № 9.
- 2.22. Из новых документов 1922 г. по истории образования СССР. Отечественная история, Москва, 1992, № 4.
- 2.23. Ключников Ю., Сабанин А., Международная политика новейшего времени в договорах, ногах и декларациях, часть III, Москва, 1929.
- 2.24. Ленин В.И., Неизвестные документы. 1891-1922 гг., Москва, 1999.
- 2.25. Нагорный Карабах в 1918-1923 гг., Сборник документов и материалов, отв. ред. В.А. Микаелян, Ереван, 1992.
- 2.26. Образование СССР, Москва, 1972.
- 2.27. Освободительная миссия 11-ой Красной Армии, "Вестник архивов Армении", Ереван, 1980, № 2.
- 2.28. Первый съезд народов Востока. Стенографический отчёт, Баку, 1920.
- 2.29. Под знаменем Ленинской дружбы народов, "Вестник архивов Армении", Ереван, 1965, № 3.
- 2.30. РСФСР и ГДР (Грузинская Демократическая Республика), их взаимоотношения, Москва, 1922.
- 2.31. Сборник действующих договоров, Москва, 1922, № 79.
- 2.32. Севр и Лозанна, Севрский мирный договор и акты, подписанные в Лозанне, Москва, 1927.

- 2.33. Советское содружество народов, объединительное движение и образование СССР. (Сборник документов, 1917-1922 гг.), Москва, 1977.
- 2.34. Совместная борьба братских республик с разрухой и голодом в 1921-1922 гг., "Вестник архивов Армении", Ер., № 2.
- 2.35. Социалистическое строительство Арм. ССР (1920-1940), Ереван, 1940.
- 2.36. Шесть лет национальной политики Советской власти и Наркомнац. 1917-1923 гг., Москва, 1923.

### *3. Մեծագործություններ և աշխատություններ*

#### *ա) Հայերեն*

- 3.1. Ալիխանյան Ս.Տ., Սովետական Ռուսաստանի դերը հայ ժողովրդի ազատագրման գործում (1917-1921 թթ.), Եր., 1958:
- 3.2. Ալիխանյան Ս.Տ., Գ.Կ. Օրջոնիկիձեևն և խորհրդային կարգերի հաստատումը Հայաստանում, Եր., 1974:
- 3.3. Ահարոնյան Ա., Սարդարապատից մինչև Սևր և Լոզան, Բոստոն, 1943:
- 3.4. Աղայան Ծ.Պ., Հոկտեմբերը և հայ ժողովրդի ազատագրական պայքարը, Եր., 1982:
- 3.5. Ավետիսյան Հ.Ա., Հայկական հարցը 1918 թվականին, Եր., 1997:
- 3.6. Արզումանյան Մ.Վ., Արհավիրքից վերածնունդ, Եր., 1973:
- 3.7. Բեկզադյան Ալ., Նամակներ, հոդվածներ, փաստաթղթեր, Եր., 1981:
- 3.8. Գալոյան Գ.Ա., Անդրկովկասում սոցիալիստական ռևոլյուցիայի և կոմունիստական շինարարության կեղծարարության դեմ, Եր., 1961:
- 3.9. Գալոյան Գ.Ա., Հերոսական մայիսից - հաղթական նոյեմբեր, Եր., 1980:
- 3.10. Գալոյան Գ.Ա., Պատմության քառուղիներում, Եր., 1982:
- 3.11. Գալոյան Գ.Ա., Հայաստանը և մեծ տերությունները 1917-1923 թթ., Եր., 1999:
- 3.12. Գալոյան Գ.Ա., Հայաստանը մեծ տերությունների աշխարհակալական առճակատումներում (16-րդ դարից մինչև 1917թ.), Եր., 2004:
- 3.13. Գեղամյան Գ.Մ., Սոցիալ-տնտեսական փոփոխությունները Հայաստանում ՆԷՊ-ի տարիներին (1921-1936), Եր., 1978:

- 3.14. Գրիգորյան Ջ.Տ., Հայ և ռուս ժողովուրդների բարեկամությունը (հետհոկտեմբերյան շրջան), Եր., 1967:
- 3.15. Գևորգյան Վ., Լենինահայաստանի հերոսամարտը (1919-1921), Եր., 1991:
- 3.16. Դավթարյան Կ.Լ., Ակնարկներ սփյուռքահայ հասարակական մտքի պատմության, (1920-ական թթ.), Եր., 1994:
- 3.17. Դարբինեան Ա., Հայ ազատագրական շարժման օրերէն (Յուշեր 1890-ն 1940), Եր., 2003:
- 3.18. Եսայան Ա.Ա., «Հայկական հարցը» և միջազգային դիվանագիտությունը, Եր., 1965:
- 3.19. Եսայան Ա.Ա., Հայաստանի միջազգային-իրավական դրությունը (1920-1922 թթ.), Եր., 1979:
- 3.20. Չոհրաբյան Է.Ա., Սովետական Ռուսաստանը և հայ-քուրքական հարաբերությունները (1920-1922 թթ.), Եր., 1979:
- 3.21. Չոհրաբյան Է.Ա., Սովետական Ռուսաստանը և հայ-իրանական հարաբերությունները (1920-1922 թթ.), Եր., 1985:
- 3.22. Չոհրաբյան Է.Ա., 1920 թվականի քուրք-հայկական պատերազմը և տերությունները, Եր., 1997:
- 3.23. Թորիկյան Շ., Հայկական հարցը և միջազգային իրավունքը, Բեյրութ, 1976:
- 3.24. Իրազկե Հ., Մոտիկ անցյալից. պատմական դեպքեր և ապրումներ. 1917-1922, Պեյրութ, 1956:
- 3.25. Լազեան Գ., Հայաստան և Հայ դատը. հայ և ռուս հարաբերություններու լույսին տակ, Եր., 1991:
- 3.26. Լենին Վ.Ի., ԵԼԺ, հհ. 41-45, 51, 52:
- 3.27. Լեո, Անցյալից (Հուշեր, քղեր, դատումներ), Թիֆլիս, 1925:
- 3.28. Լուկաշին (Մրապիտոնյան) Ս., Հողվածներ, զեկուցումներ, ճառեր, Եր., 1986:
- 3.29. Խատիսյան Ալ., Հայաստանի Հանրապետության ծագումն ու զարգացումը, Բեյրութ, 1968:
- 3.30. Խուրշուդյան Լ.Ա., Սովետական Ռուսաստանը և Հայկական հարցը, Եր., 1977:
- 3.31. Խուրշուդյան Լ.Ա., Հայկական հարցը, Եր., 1995:
- 3.32. Խուրշուդյան Լ.Ա., Հայաստանի բաժանումը 1920 թվականին, Եր., 2002:
- 3.33. Կասյան Ս., Ընտիր երկեր, Եր., 1974:
- 3.34. Կարապետյան Հ.Մ., Մեծ պայքարի մարդիկ, գիրք 1-2, Եր., 1962, 1967:

- 3.35. Կարապետյան Հ.Մ., Սևրի պայմանագիրը Հայոց ճակատագրում, Եր., 2004:
- 3.36. Կարինյան Ա., Երկերի ժողովածու, հ. 1, Եր., 1934:
- 3.37. Հակոբյան Ա.Մ., Քաղաքացիական կռիվները Հայաստանում 1921 թվականին, Եր., 1948:
- 3.38. Հակոբյան Ա.Մ., Սովետական Հայաստանը ժողովրդական տնտեսության վերականգնման ժամանակաշրջանում (1921-1925 թթ.), Եր., 1955:
- 3.39. Հակոբյան Հ.Վ., Տարագիր հայության Հայրենիք վերադառնալու պահանջի պատմական ու իրավական հիմքերը, Եր., 2002:
- 3.40. Հայ ժողովրդի պատմություն, հ. 7, ՀՀ ԳԱԱ, Եր., 1967:
- 3.41. Հայկական հարցը: Հանրագիտարան (Խմբ. Կ.Ս. Խուդավերդյան), Եր., 1996:
- 3.42. Հարությունյան Հ.Մ., Լեոնային Ղարաբաղը 1918-1921 թթ., Եր., 1996:
- 3.43. Հարությունյան Կ.Ա., Հայկական ազգային գործադատությունները 1918-1945 թթ., Եր., 2002:
- 3.44. Հարությունյան Ա.Բ., Արևելյի ժողովուրդների առաջին համազույմարը, Եր., 1960:
- 3.45. Հովհաննիսյան Ա.Գ., Համազգային կրիզիսը, Եր., 1926:
- 3.46. Հովհաննիսյան Ա.Գ., Հուշեր և բնութագրումներ, Եր., 1969:
- 3.47. Ղազախեցյան Վ.Ն., Նժդեհը Չանգեզուրում, Եր., 2001:
- 3.48. Ղազախեցյան Վ.Ն., Սովետական Հայաստանի գյուղացիության պատմությունը (1920-1929), Եր., 1975:
- 3.49. Ղազախեցյան Վ.Ն., Հայաստանը 1920-1940 թթ., Եր., 2006:
- 3.50. Ղարիբջանյան Գ.Բ., Լենինը և Անդրկովկասը, գիրք Ա (1917-1924), Եր., 1975:
- 3.51. Մանուկյան Ա., Քաղաքական կյանքը Հայաստանում 1920-1940 թթ., Եր., 2002:
- 3.52. Մելիքսեթյան Հ., Հայրենիք-սփյուռք առնչությունները և հայրենադարձությունը, Եր., 1985:
- 3.53. Մելքոնյան Ա., Ջավախքը 19-րդ դարում և 20-րդ դարի առաջին քառորդին, Եր., 2003:
- 3.54. Մյասնիկյան Ալ., Ընտիր երկեր, Եր., 1957:
- 3.55. Մռավյան Ա., Հողվածներ և ճառեր, Եր., 1961:
- 3.56. Մարդյան Ջ., Երեք դաշնագրեր (Ալեքսանդրապոլի, Մոսկվայի և Կարսի դաշնագրերը, 1920-1921 թթ.), Բեյրութ, 1979:

- 3.57. Ներկարարյան Վ.Ն., Հայաստանի կոմպարտիան ժողովրդական տնտեսության վերականգնման ժամանակաշրջանում, Եր., 1956:
- 3.58. Ներսիսյան Մ.Գ., Նոյնմերթյան հեղափոխությունը Հայաստանում, Եր., 1935:
- 3.59. Շահան Նաթալի, Երևանի համաձայնագիրը, Բոստոն, 1941:
- 3.60. Շիրինյան Լ.Ղ., Շիրինյան Տ.Լ., Դանապարհ դեպի Թուրան (Պատմաիրավական և ռազմագիտական տեսանկյուններ), Եր., 2004:
- 3.61. Ջադևրյան Գ.Ա., Մոտիկ անցյալից, Եր., 1967:
- 3.62. Սահակյան Ռ., Խորհրդարոքրական հարաբերությունների պատմության հակագիտական լուսաբանումը ժամանակակից թուրք պատմագրության մեջ, Եր., 1964:
- 3.63. Սահրադյան Ա.Մ., Ռազմառևոյուցիոն կոմիտեները Հայաստանում (1917-1922), Եր., 1961:
- 3.64. Սասունի Կ., Փետրոսարեան ապստամբութիւնը (1921 թ.), Պլյոթ, 1970:
- 3.65. Սարգսյան Ե.Ղ., Դավադիր գործարք. Հայաստան-Ռուսաստան-Թուրքիա, Եր., 1994:
- 3.66. Սարգսյան Ա.Հ., Սովետական Ռուսաստանի հայ մամուլը (1918-1921), Եր., 1968:
- 3.67. Սարգսյան Կ., Պատմություն և իրականություն, Եր., 1991:
- 3.68. Սիմոնյան Ա.Հ., Ջանգեղորի գոյամարտը 1920-1921 թթ., Եր., 2000:
- 3.69. Սիմոնյան Հ.Ռ., Թուրք-հայկական հարաբերությունների պատմությունից, Եր., 1991:
- 3.70. Ստալին Ի.Վ., Երկեր, հի. 4-6, Եր., 1948-1949:
- 3.71. Վարդապետյան Ա.Վ., Հայաստանի օգնության կոմիտե (1921-1937), Եր., 1960:
- 3.72. Վարդապետյան Ա.Վ., Սովետական Ռուսաստանի օգնությունը Հայաստանին (1920-1925), Եր., 1959:
- 3.73. Վրացյան Ս., Հայաստանի Հանրապետություն, Եր., 1994:
- 3.74. Տեր-Գաբրիելյան Ս., Հողվածներ, ճառեր, փաստաթղթեր, Եր., 1979:
- 3.75. Փիրումյան Ռ., Հայաստանը Հ.Յ.Դ. - բոլշևիկ հարաբերությունների ոլորտում (1917-1921), Եր., 1997:
- 3.76. Քաջագունի Հ., Հ.Յ. Դաշնակցությունը անելիք չունի այլևս, Եր., 1994:

- 3.77. Օհանջանյան Բ., Խորհրդային Հայաստանը ժողովրդական տնտեսության վերականգնման ժամանակաշրջանում (1921-1925), Եր., 1982:
- 3.78. Օրջոնիկիձե Գ.Կ., Ընտիր հոդվածներ և ճառեր, Եր., 1950:

**բ) Առօրեին**

- 3.79. Аветисян Г.А., Комсомол Закавказья в борьбе за победу и упрочение советской власти (1917-1921), Ереван, 1964.
- 3.80. Аветисян Г.А., Под знаменем пролетарского интернационализма, Ереван, 1982.
- 3.81. Агаян Ц.П., Победа советской власти и возрождение армянского народа, Москва, 1981.
- 3.82. Аралов С.И., Воспоминания советского дипломата, Москва, 1960.
- 3.83. Армянский вопрос. Энциклопедия, под ред. К.С. Худавердяна, Ереван, 1991.
- 3.84. Багиров Ю.А., Из истории советско-турецких отношений в 1920-1922 гг. (по материалам Азерб. ССР), Баку, 1965.
- 3.85. Борьян Б., Армения, международная дипломатия и СССР, часть II, Москва-Ленинград, 1929.
- 3.86. Галоян Г.А., Рабочее движение и национальный вопрос в Закавказье (1917-1922), Ереван, 1969.
- 3.87. Зограбян Э.А., РСФСР и становление международных отношений Советской Армении (1920-1922 гг.). Автореферат докторской диссертации, Ереван, 1987.
- 3.88. История внешней политики СССР, т. I, Москва, 1986.
- 3.89. История России. 20-ый век, Москва, 1996.
- 3.90. Казанджян Р., К предыстории самоопределения Нагорного Карабаха (с приложением новых документов), М., 1997.
- 3.91. Карр Э., Русская революция от Ленина до Сталина: 1917-1929, Москва, 1990.
- 3.92. Кемаль М., Путь новой Турции, т. III, Москва, 1932.
- 3.93. Киров С.М., Статьи, речи, документы, Москва, 1936.
- 3.94. Кузнецова С.И., Установление советско-турецких отношений, Москва, 1961.
- 3.95. Махмурян Г.Г., Политика Великобритании в Армении и Закавказье в 1918-1920 гг., (Время белого человека), Ер., 2002.

- 3.96. Милюков П.Н., Россия на переломе, т. 1, Париж, 1927.
- 3.97. Мнацаканян А.Н., Посланцы Советской России в Армении, Ереван, 1959.
- 3.98. Мясников (Мясникян) А.Ф., Избранные произведения, Ереван, 1965.
- 3.99. О'Коннор Т.Э., Г.В. Чичерин и советская внешняя политика (1918-1930 гг.), пер. с англ., Москва, 1991.
- 3.100. Орджоникидзе Г.К., Статьи и речи, т. I (1910-1926), Москва, 1956.
- 3.101. Орджоникидзе Г.К., Избранные статьи, Москва, 1957.
- 3.102. Орджоникидзе Г.К., Избранные произведения, Ереван, 1986.
- 3.103. Рубинштейн Н.Л., Внешняя политика Советского государства в 1921-1925 гг., Москва, 1953.
- 3.104. Таирян И.А., 11-ая Красная Армия в борьбе за установление и упрочение Советской власти в Армении, Ереван, 1971.
- 3.105. Ушаков А., Феномен Ататюрка. Турецкий правитель, творец и диктатор, Москва, 2002.
- 3.106. Хармандарян С.В., Армянская ССР в I-ый год НЭП-а (1921-1922), Ереван, 1955.
- 3.107. Хармандарян С.В., Ленин и становление Закавказской федерации (1921-1923), Ереван, 1969.
- 3.108. Хейфец А.Н., Советская Россия и сопредельные страны Востока в годы гражданской войны (1918-1920), Москва, 1964.
- 3.109. Хейфец А.Н., Советская дипломатия и народы Востока (1921-1927), Москва, 1968.
- 3.110. Худавердян К.С., Культурная революция в Советской Армении (1920-1940), Ереван, 1966.
- 3.111. Хуршудян Л.А., Истина единственный критерий исторической науки, Ереван, 1989.
- 3.112. Чичерин Г.В., Статьи и речи по вопросам международной политики, Москва, 1961.

#### 4. Հողվածներ և հողվածների ժողովածուներ

##### ա) Հայերեն

- 4.1. Ավետիսյան Հ.Ա., Ազգային պետական շինարարության լենինյան քաղաքականությունը: ԽՍՀՄ կազմավորումը, «Միասնական ընտանիքում (Հողվածների ժողովածու)», Եր., 1982:
- 4.2. Բաղդայան Ա., Լեոնահայաստանի հերոսամարտը, «Դրօշակ», 1998, թիվ 5:
- 4.3. Հայաստանում սովետական իշխանության ամրապնդման պատմության մի քանի հարցեր (1920-1922 թթ.), (Հողվածների ժողովածու), խմբ. Լ.Ա. Խորշուդյան, Ս.Ս. Ամիրյան, ԵՊՀ, Եր., 1987:
- 4.4. Հայոց պատմություն (Նյութերի ժողովածու, 1900-1939), Ավետիսյան Հ., Ղազախեցյան Վ., Գասպարյան Ռ., Սահակյան Ռ., Եր., 1994:
- 4.5. Հայոց պատմության հարցեր (Հողվածների ժողովածու), խմբ. Վ.Ն. Ղազախեցյան, ՀՀ ԳԱԱ Պատմության ինստիտուտ, Եր., 1997:
- 4.6. «Հայ-ռուսական և հայ-արաբական հարաբերությունները (Գիտական նստաշրջանի նյութեր)», ՀՀ ԳԱԱ - Հայք, Եր., 1992:
- 4.7. Հակոբյան Ա.Ս., Ալեքսանդրապոլի, Մոսկվայի և Կարսի պայմանագրերի լուսարանումը հայ պատմագրության մեջ, «Պատմաբանասիրական հանդես», Եր., 2006, թիվ 3, էջ 36-56:
- 4.8. Հակոբյան Ա., Ռուս մեծ ժողովրդի մշտական օգնությունը Սովետական Հայաստանին սոցիալիստական շինարարության տարիներին, «Տեղեկագիր», Եր., 1953, թիվ 3:
- 4.9. Հարությունյան Շ.Ռ., Սովետական Ռուսաստանի օգնությունը հայ ժողովրդին 1917-1922 թթ., «Մեծ հոկտեմբերի դրոշի ներքո (Հողվածների ժողովածու)», Եր., 1957:
- 4.10. Մեծ հոկտեմբերի դրոշի ներքո (Հողվածների ժողովածու), Եր., 1957:
- 4.11. Միասնական ընտանիքում (Հողվածների ժողովածու), խմբ. Ղազախեցյան Վ., Խորշուդյան Լ., ՀՀ ԳԱԱ Պատմության ինստիտուտ, Եր., 1982:
- 4.12. Խաչատրյան Կ.Հ., Հայաստանը խորհրդաքննական հարաբերությունների ոլորտում 1920 թ., «Լրաբեր հասարակական գիտությունների», Եր., 1997, թիվ 3, էջ 45-56:
- 4.13. Խաչատրյան Կ.Հ., ՌՍՖՍՀ և ՀՍԽՀ ռազմաքաղաքական համագործակցությունը 1921 թ. փետրվարին Լոռու չեզոք գոտին ազա-

տագրելու գործում, «Հայոց պատմության հարցեր (Հողվածների ժողովածու)», Եր., 1997, պրակ 1, էջ 88-105:

4.14. Խաչատրյան Կ.Հ., ՌՍՖՍՀ օգնությունը Խորհրդային Հայաստանին 1921-1922 թթ., «Հայ-ռուսական հարաբերությունների պատմության հարցեր (Նյութերի ժողովածու)», Եր., ՀՀ ԳԱԱ պատմության ինստիտուտ, 1998, էջ 139-150:

4.15. Խաչատրյան Կ.Հ., Էջեր հայ սպաների արքորի պատմությունից (1920 թ. դեկտեմբեր – 1921 թ. փետրվար), «Գիտական աշխատությունների ժողովածու», Եր., 2000, էջ 72-77:

4.16. Խաչատրյան Կ.Հ., Քննարկականների հայաջինջ քաղաքականությունը 1920-1923 թթ., «Հայոց ցեղասպանության պատմության և պատմագրության հարցեր (Գիտական աշխատություններ)», Եր., 2001, թիվ 4, էջ 13-20:

4.17. Խաչատրյան Կ.Հ., 1921 թ. փետրվարյան սպատամբությունը Հայաստանում և Խորհրդային Ռուսաստանը, «Պատմագիտական հետազոտություններ (Գիտական հողվածների ժողովածու)», Վանաձոր, 2001, էջ 147-163:

4.18. Խաչատրյան Կ.Հ., Հայաստանը Անդրֆեդերացիայի և ԽՍՀՄ կազմավորման գործընթացում 1921-1922 թթ., «Հայոց պատմության հարցեր (Գիտական հողվածների ժողովածու)», Եր., 2006, հ. 7, էջ 179-198:

4.19. Խաչատրյան Կ.Հ., Հայոց ցեղասպանության իրականացման քուրքական քաղաքականության շարունակականությունը 1919-1922 թթ., «Մեծ Եղեռն – 90 (Հանրապետական գիտական նստաշրջանի նյութեր)», Գյումրի, 2005, էջ 29-33:

4.20. Խորշոտյան Լ.Ա., Հայոց ցեղասպանության պատճառները և պատմական դասերը, «Հայոց ցեղասպանությունը (Ուսումնասիրություններ)», Եր., 2001, էջ 11-34:

4.21. Ղազախեցյան Վ.Ն., Հայ-ռուսական հարաբերությունները Մոսկվայի և Կարսի կոնֆերանսների ժամանակաշրջանում (1920 թ. դեկտեմբեր - 1921 թ. հոկտեմբեր), «Հայ-ռուսական հարաբերությունների պատմության հարցեր (Նյութերի ժողովածու)», Եր., ՀՀ ԳԱԱ պատմության ինստիտուտ, 1998:

4.22. Նախիջևանի հիմնահարցը Մոսկվայի 1921 թ. մարտի 16-ի ռուս-քուրքական պայմանագրում (Գիտաժողովի նյութեր), Եր., 2001:

4.23. Նժդեհ Գ., Հայ-բոլշևիկյան կռիվները, «Հայրենիք», 1923, թիվ 1,12:

- 4.24. Սարգսյան Ե., Զեմալականների 1920-1921 թթ. արշավանքը Անդրկովկաս և 1921 թ. մարտի 16-ի մոսկովյան պայմանագիրը, «Լրաբեր հասարակական գիտությունների», Եր., 1992, թիվ 1:
- 4.25. Միմոնյան Հր., Վերջին փորձը. Դաշնակ-բոլշևիկյան բանակցությունները Ռեդայում 1921 թ., «Armenian Review», 1991, հատոր 44, թիվ 2/174:
- 4.26. Տերտերյան Հ., Հայաստանի Հանրապետության և Խորհրդային Ռուսաստանի բանակցությունները - Լևոն Շանթի պատվիրակությունը, «Հայրենիք», 1954, թիվ 1-5:

### *բ) Ռուսերեն*

- 4.27. Гарибджанян Г., Саркисян Е., К вопросу о характере национально-освободительной войны в Турции в 1919-1922 гг., "Вестник архивов Армении", Ереван, 1982, № 3.
- 4.28. Зограбян Э., Территориально-разграничительные вопросы на Второй московской русско-турецкой конференции (февраль-март 1921 г.), "Вестник общественных наук", Ереван, 1989, № 2.
- 4.29. Казанджян Р., К вопросу о датировке московского советско-турецкого договора 1921 г., "Вестник общественных наук", Ереван, 1999, № 1.
- 4.30. Казанджян Р., К вопросу об оценке московского русско-турецкого договора 1921 г., "Страны и народы Ближнего и Среднего Востока", Ереван, 2001, Вып. 20.
- 4.31. Казанджян Р., Советско-кемалистские отношения в 1920 г. и вопрос Армении в свете секретных документов московских архивов, "Страны и народы Ближнего и Среднего Востока", Ереван, 2002, Вып. 21.
- 4.32. Нежинский Л.Н., У истоков большевистско-унитарной внешней политики (1921-1923). "Отечественная история", Москва, 1994, № 1.
- 4.33. Саркисян Е., Из истории советско-армянских дипломатических отношений, "Вестник общественных наук", Ереван, 1993, № 3.
- 4.34. Свобода В., Союз добровольный республик свободных ? (Из истории создания СССР). "Этнографическое обозрение", Москва, 1992, № 4.

- 4.35. Скачко А., Армения и Турция на предстоящей конференции, "Жизнь национальностей", Москва, 4 марта, 1921 г.
- 4.36. Хармандарян С.В., Карсская конференция 1921 года и ее предыстория, "Вестник архивов Армении", Ереван, 1969, № 3.
- 4.37. Хейфец А.Н., Влияние СССР на угнетенные народы Востока. Сборник "Великий октябрь и народы Востока", Москва, 1957.

## *5. Մամուլ*

### *ա) Հայերեն*

- 5.1. Խորհրդային Հայաստան, Երևան, 1921-1922:
- 5.2. Կարմիր գինձոր, Երևան, 1921-1922:
- 5.3. Կարմիր Լոռի, Ջալալօղլի, 1921-1922:
- 5.4. Կարմիր Շիրակ, Ալեքսանդրապոլ, 1921:
- 5.5. Կոմունիստ, Բարու, 1920-1921:
- 5.6. Կոմունիստ, Երևան, 1920-1921:

### *բ) Ռուսերեն*

- 5.7. Бакинский рабочий, Баку, 1920-1921.
- 5.8. Жизнь национальностей, Москва, 1921-1923.
- 5.9. Известия Кавбюро, Тифлис, 1922.

- 5.10. Коммунист, Баку, 1920-1921.
- 5.11. Коммунист, Ереван, 1920-1921.
- 5.12. Красная звезда, Тифлис, 1921.
- 5.13. Наша правда, Ереван, 1921-1922.
- 5.14. Правда, Москва, 1920-1922.
- 5.15. Правда Грузии, Тифлис, 1921-1922.



## ԿԱՐԵՆ ՀԱՍԵՏԻ ԽԱՉԱՏՐՅԱՆ՝

պատմական գիտությունների թեկնածու, դոցենտ: Ծնվել է 1969 թ. մայիսի 25-ին Երևանում: 1986 թ. միջնակարգ դպրոցն ավարտելուց հետո ընդունվել է Բելոռուսական պետական համալսարանի պատմության ֆակուլտետը: 1987-1989 թթ. ծառայել է Խորհրդային բանակում: Չորսըսուկուց հետո 1989 թ. տեղա-

փոխվել է Երևանի պետական համալսարանի պատմության ֆակուլտետը, որն էլ ավարտել է 1993 թ.:

1994 թ. Կ. Խաչատրյանը ձևակերպվել է որպես հայցորդ ՀՀ ԳԱԱ պատմության ինստիտուտում, 1995 թ. փետրվարից աշխատանքի է անցել նույն ինստիտուտում, նախ՝ որպես ավագ լաբորանտ, ապա՝ կրտսեր գիտաշխատող, գիտաշխատող, ավագ գիտաշխատող: 1999 թվականից պատմության ինստիտուտի գիտական քարտուղարն է: 2003-2005 թթ. զբաղեցրել է պատմության ինստիտուտում գործող ՀՀ ԲՈՒՀ-ի «Հայոց պատմության» մասնագիտական խորհրդի գիտական քարտուղարի պաշտոնը:

1998 թ. Կ. Խաչատրյանը պաշտպանել է թեկնածուական ատենախոսություն: Հեղինակ է մոտ երկու տասնյակ գիտական հոդվածների: «Հայ-ռուսական հարաբերությունները 1920-1922 թթ.» մենագրությունը հեղինակի երկրորդ աշխատությունն է, առաջինը՝ "Великий друг армянского народа – Н.И. Рыжков", հրատարակվել է 2004 թ.:

Գիտական գործունեությանը զուգահեռ՝ Կ. Խաչատրյանը զբաղվում է դասախոսական աշխատանքով: Նա Երևանի «Հրաչյա Աճառյան» համալսարանի Միջազգային հարաբերությունների և քաղաքագիտության ամբիոնի դոցենտ է, դասավանդում է «Միջազգային հարաբերությունների և դիվանագիտության պատմություն», «Աշխարհի քաղաքական քարտեզը» մասնագիտական դասընթացները: 2003 թվականից Կ. Խաչատրյանը համալսարանի Միջազգային հարաբերությունների ֆակուլտետի ղեկավարն է:

Ամուսնացած է, ունի մեկ որդի և մեկ դուստր:

**ԱՌԱՋԱԲԱՆ.** ..... 5

**ԳԼՈՒԽ ԱՌԱՋԻՆ.**

*ՀԱՅԱՍՏԱՆԸ ԽՈՐՀՐԴԱՅԻՆ ՌՈՒՄԱՍՏԱՆԻ ԱՐԵՎԵԼՅԱՆ ԶԱՂԱՔԱԿԱՆՈՒԹՅԱՆ ՈԼՈՐՏՈՒՄ 1920 ԹՎԱԿԱՆԻՆ: ՀԱՅԱՍՏԱՆԻ ԽՈՐՀՐԴԱՅՆԱՅՈՒՄԸ... 10*

**ԳԼՈՒԽ ԵՐԿՐՈՐԴ.**

*ԶԱՂԱՔԱԿԱՆ ԻՐԱԴՐՈՒԹՅՈՒՆԸ ՀԱՅԱՍՏԱՆՈՒՄ ԽՈՐՀՐԴԱՅԻՆ ԻՇԽԱՆՈՒԹՅԱՆ ԱՌԱՋԻՆ ԱՄԻՄՆԵՐԻՆ ԵՎ ՌՈՒՄԱՍՏԱՆԸ ..... 48*

1. 1920 թ. դեկտեմբերի 2-ի Երևանի հայ-ռուսական համաձայնագիրը: Համաձայնագրի դրույթների խախտումը նոր իշխանությունների կողմից և բռնությունների ծավալումը ..... 48
2. 1921 թ. փետրվարյան ապստամբությունը Հայաստանում և Խորհրդային Ռուսաստանը ..... 65

**ԳԼՈՒԽ ԵՐՐՈՐԴ.**

*ԽՈՐՀՐԴԱՅԻՆ ՌՈՒՄԱՍՏԱՆԻ ԶԱՂԱՔԱԿԱՆՈՒԹՅՈՒՆԸ ՀՄՆՀ ՍԱՀՄԱՆՆԵՐԻ ԶԵՎԱՎՈՐՄԱՆ ՀԱՐՑՈՒՄ 1921 ԹՎԱԿԱՆԻՆ ..... 79*

1. Հանրապետությունների ռազմաքաղաքական համագործակցությունը Լ.ռ.ռու Չեքոբ գոտին ազատագրելու գործում: Վրաստանի խորհրդայնացումը..79
2. Խորհրդային Ռուսաստանը և Չանգեզուրի խորհրդայնացումը: Լևոնային Ղարաբաղի բռնակցումը Ադրբեջանին ..... 96
3. Հայկական հարցը խորհրդա-թուրքական հարաբերությունների ոլորտում: Մոսկվայի ու Կարսի կոնֆերանսները ..... 111

**ԳԼՈՒԽ ԶՈՐՐՈՐԴ.**

*ՀՄՆՀ ԵՎ ՌԱՖԻՆՀ ՄԻՋՊԵՏՆԿԱՆ ՀԱՐԱԲԵՐՈՒԹՅՈՒՆՆԵՐԸ 1921-1922 ԹԹ.: ՀԱՆՐԱՊԵՏՈՒԹՅՈՒՆՆԵՐԻ ՀԱՄԱԳՈՐԾԱԿՑՈՒԹՅՈՒՆԸ ԱՆԴՐԿՈՎԿԵԱՅԱՆ ԴԱՇԵՆՈՒԹՅԱՆ ԵՎ ԽՍՀՄ ԿԱԶՄԱՎՈՐՄԱՆ ԳՈՐԾՈՒՄ ..... 146*

1. Հայ-ռուսական միջպետական հարաբերությունները խորհրդային հանրապետությունների պետական միավորման գործընթացի համատեքստում: Անդրդաշնության կազմավորումը ..... 146
2. Խորհրդային Ռուսաստանի քաղաքական ազդեցության ուժեղացումը Հայաստանի վրա ..... 164
3. Հանրապետությունների համագործակցությունը ԽՍՀՄ կազմավորման գործում 1922 թվականին ..... 173

**ԳԼՈՒԽ ՀԻՆԳԵՐՈՐԴ.**

**ՀՍԽՀ ԵՎ ՌՍՖՍՀ ՏՆՏԵՍԱԿԱՆ ՀԱՐԱԲԵՐՈՒԹՅՈՒՆՆԵՐԸ 1920-1922 ԹԹ.:**  
**ՌՈՒՄԱՍՏԱՆԻ ՕԳՆՈՒԹՅՈՒՆԸ ՀԱՅԱՍՏԱՆԻՆ** ..... 187

1. Հայաստանի սոցիալ-տնտեսական դրությունը խորհրդային  
իշխանության առաջին ամիսներին և Ռուսաստանի օգնության հարցը ... 187

2. Հայ-ռուսական տնտեսական հարաբերությունները և Խորհրդային  
Ռուսաստանի օգնությունը 1921-1922 թթ. .... 261

3. Հայ ժողովրդի օգնությունը Ռուսաստանի մերձվոլգյան շրջանների,  
սովյալներին ..... 225

**ԱՄՓՈՓՈՒՄ** ..... 231

**ՔԵՅԻՈՄԵ** ..... 241

**ՕԳՏԱԳՈՐԾՎԱԾ ԱՂԲՅՈՒՐՆԵՐԻ ԵՎ ԳՐԱԿԱՆՈՒԹՅԱՆ ՑԱՆԿ** ... 245

**ՀԵՂԻՆԱԿԻ ՄԱՍԻՆ** ..... 259

**ԲՈՎԱՆԴԱԿՈՒԹՅՈՒՆ** ..... 260

*ԿԱՐԵՆ ՀԱՄԼԵՏԻ ԽԱՉԱՏՐՅԱՆ*  
**ՀԱՅ-ՌՈՒՍԱԿԱՆ ՀԱՐԱԲԵՐՈՒԹՅՈՒՆՆԵՐԸ 1920-1922 ԹԹ.**

*КАРЕН ГАМЛЕТОВИЧ ХАЧАТРЯН*  
**АРМЯНО-РОССИЙСКИЕ ОТНОШЕНИЯ В 1920-1922 ГГ.**

Տեխնիկական խմբագիր՝  
Համակարգչային շաբլաժքը՝  
Տպագրիչ՝

ԳԱՅԱՆԵ ԲՈՐՈՒՅԱՆ  
ՀԱՅԿԱՆՈՒՇ ԱՎԱԳՅԱՆԻ  
Լ.ԼՈՐ, ՄՈՒՐԱԴՅԱՆ

Հանձնվել է տպագրության 3.03.2007թ.: 16,25 տպագրական մամուլ:  
Տպարանակը՝ 250 օրինակ:

ՀԱՅԱՍՏԱՆԻ ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴՆՄԱ  
ՊԱՏՄՈՒԹՅԱՆ ԻՆՍՏԻՏՈՒՏ

---

375019, Երևան 19, Մարշալ Բաղրամյան 24<sup>ճ</sup>



ЦЕНА

A 11  
92064